


The ~~new~~ Bible complete
in four vols.; printed in Hong-
Kong at the press of the Lond. Missy.

Vol. 1st, — Genesis — Ruth,
Vol. 2nd, Samuel, — Judges.
Vol. 3rd, Proverbs, — Malachi,
Vol. 4th, N. Testament, complete.



咸豐伍年鐫

萬經全書

香港英華書

香齋英華書

蘭錦全齋

知豐五全齋

舊約全書

創世記

【第一章】太初之時，上帝創造天地。地乃虛曠，淵際晦冥。上帝之神煦育乎水面。上帝曰：「宜有光。」即有光。上帝視光爲善，遂判光暗，謂光爲晝，謂暗爲夜。有夕有朝，是乃首日。○上帝曰：「宜有穹蒼，使上下之水相隔。」遂作穹蒼，而上下之水截然中斷。有如此也。上帝謂穹蒼爲天，有夕有朝，是乃二日。○上帝曰：「天下諸水宜匯一區，使陸地顯露。」有如此也。謂陸地爲壤，謂水匯爲海。上帝視之爲善。上帝曰：「地宜生草，蔬結實，樹生菓，菓懷核，各從其類。」有如此也。地遂生草，蔬結實，樹生菓，菓懷核，各從其類。上帝視之爲善。有夕有朝，是乃三日。○上帝曰：「穹蒼宜輝光衆著，以分晝夜，以定四時，以記年日。」光麗於天，照臨於地。有如此也。上帝造二耿光，大以理晝，小以理夜，亦造星辰，置之穹蒼，照臨於地，以理晝夜，以分明晦。上帝視之爲善。有夕有朝，是乃四日。○上帝曰：「水必滋生生物，鱗蟲畢具，鳥飛於地，戾於穹蒼。」遂造巨魚，暨水中所滋生之物，鱗蟲畢具，羽族各從其類。上帝視之爲善。祝之曰：「生育衆多，充牣於海，禽鳥繁衍於地。」有夕有朝，是乃五日。○上帝曰：「地宜生物，六畜、昆蟲、走獸，各從其類。」有如此也。遂造獸與畜及蟲，各從其類，視之爲善。○上帝曰：「宜造人，其像象我儕，以治海魚、飛鳥、六畜、昆蟲，亦以治里乎地。」遂造人，維肖乎己，象上帝像。造男亦造女。且祝之曰：「生育衆多，昌熾於地，而治地。」○上帝曰：「予汝所食者，地結實之菜蔬，懷核之樹。」○上帝曰：「予汝所食者，地結實之菜蔬，懷核之樹。」

走獸、飛鳥、昆蟲、生物食之。有如此也。上帝視所造者盡善。有夕有朝。是乃六日。

第三十章 天地萬物既成。七日上帝工竣。乃憩息。是日上帝畢其事而安息。故以聖日而錫嘏焉。

耶和華上帝既造天地。其畧如左。始造之日。野不生草。不植蔬。耶和華上帝未降霖雨。其時耕作尙無人也。於是霧由地出。以潤土壤。耶和華上帝搏土爲人。噓氣入鼻。而成血氣之人。有囿於埃田東。乃耶和華上帝所樹者。以所造之人置於其間。耶和華上帝使地生木。食可適口。觀可娛目。當囿之中。有生命之樹。亦有別善惡之樹。埃田有河流入於囿。可資灌溉。中分四支。一曰比遜。環流於哈腓拉。其地產金。其金最精。亦產珍珠、碧玉。二曰其訓。環流於古實。三曰希底結。流於亞述東。四曰百辣。耶和華上帝挈其人。置埃田囿。使之栽植。使之防守。命其子曰。囿之菓實。任意可食。惟別善惡之樹。不可食。食之日必死。○耶和華上帝曰。不可使夫人獨處。必造一相助爲理者。耶和華上帝搏土爲走獸。飛鳥。率之至亞當前。視其稱以何名。以亞當所稱之百物。而其名乃定。亞當於六畜、飛鳥、走獸。各命以名。惟亞當無相助爲理者。耶和華上帝乃令亞當酣睡。取其一脅骨。彌縫其肉。以所取之脅骨成女。率至亞當前。亞當曰。是爲我百骸中之一骨。全體中之一肉。彼由男出。必稱爲女。若是。人可離父母。膠漆其妻。成爲一體。亞當與妻並裸。亦無愧焉。

第三十一章 耶和華上帝所造生物中。莫狡於蛇。蛇謂婦曰。囿有百樹。上帝豈語汝云。勿食

乎。婦曰：「園樹結實，我俱可食，惟園之中，有一樹焉，上帝命毋食，毋捫，恐陷死亡。」蛇曰：「汝未必死，上帝知食之日，爾目必明，能辨善惡，彷彿上帝。」婦視其樹，食可適口，觀可娛目，能益智慧，使人生慕，故取菓食之，亦以奉夫。夫亦食之。二人目明，自知裸體，遂編蕉葉爲裳。日昃涼風至，耶和華上帝遨遊於園，亞當與婦聞其聲，匿身樹間以避之。耶和華上帝召亞當云：「汝何在？」曰：「我聞爾聲於園，以我裸故，畏而自匿。」曰：「孰言爾裸乎？」我命爾勿食之樹菓，爾乃食乎？」亞當曰：「爾以婦賜我，與我爲偶，婦予我菓，而我食之。」耶和華上帝謂婦曰：「爾何爲耶？」婦曰：「蛇誘我食之。」耶和華上帝謂蛇曰：「爾旣爲此，較之六畜百獸，必更見詛，爾必腹行，畢生食塵。」我以生蠶之心，置爾與婦之衷，爰及苗裔，彼將傷爾首，爾將傷其踵。謂婦曰：「我必使爾懷妊劬勞，產育維艱，爾必繫戀於夫，夫爲爾綱。」謂亞當曰：「旣聽婦言，食我所禁之樹，故土緣爾見詛，爾畢生鬱伊，食其所產，土將叢生荆棘，汝所食者，惟田之蔬，必汗流浹面，庶可餬口，逮歸於所出之土，而後已。汝身乃土，死則返其本焉。」亞當名婦曰：「夏娃，以其爲羣生之母也。」耶和華上帝爲亞當及婦作皮衣，衣之。○耶和華上帝曰：「人能別善惡，彷彿我儕，恐其舉手，亦折生命樹，食之而永生，故遣其人出埃及園，以栽植所自出之土，遂逐之出，於埃及園東置噍略咪，與焰劍指揮，莫定，以防範生命樹之途焉。」

第四章

亞當與婦夏娃同室懷妊生子該隱該隱譯即得也云：耶和華佑我，我卽得子。復生次子

亞伯。亞伯牧羊，該隱耕田。他日，該隱攜土所產，以祭耶和華。亞伯奉耶和華以首生之

羊與脂膏。耶和華眷顧亞伯，而歆其祭，不顧該隱。不歆其祭，該隱盛怒變色。耶和華曰：爾怒伊何？變色曷故？苟爾行善，豈不興起乎？苟行不善，孽伏於門，惟彼必繫戀於爾。汝爲之督嗣後，該隱與弟晤談，及至田間，攻而殺之。○耶和華問該隱曰：爾弟何在？曰：不知。我豈防閑弟者乎？曰：爾果何爲？爾弟之血有聲，自地籲我。汝既殺弟，地口遂張，以受其血。故爾見詛，必離斯土。厥後爾雖耕田，地不效力。爾將流離無定。該隱謂耶和華曰：我罹重刑，實所不堪。爾今逐我，必離斯土，不復覲爾面。流離無定，恐遇我者殺我。耶和華曰：凡殺該隱者，使其七倍受罰。於是耶和華加以印誌，免遇之者擊之。○該隱遂離耶和華，往埃及東，挪得地居焉。該隱與妻同室，懷妊生子，命名以諾。又建城垣，卽以子名稱之。以諾生以臘，以臘生米戶雅利，米戶雅利生馬士撒利，馬士撒利生拉麥。拉麥娶妻二，一名亞大，一名洗拉。亞大生雅八，爲居幕牧畜者祖。又生猶八，爲鼓琴品簫者祖。洗拉生土八。該隱爲銅工鐵工之師，生女名拿馬。拉麥謂妻亞大與洗拉曰：拉麥之婦乎，必聞我聲，必聽我言。我殺人而自傷，戮童而自戕，若殺該隱，必七倍受罰，則殺拉麥，其受罰也，非七十有七倍與？○亞當復與妻同室，生子，命名曰設。云：昔該隱殺亞伯，今上帝更賜我子，以代之。設亦生子，名以哪士。蓋人於是時，始籲耶和華名云。蓋人二句或曰蓋人至是始稱爲耶和華之民云

第五章 亞當之裔，其畧如左。上帝造人，象其像，造男亦造女。當造之日，稱之曰人，而錫嘏焉。○亞當百有三十歲生子，克肖乎已，命名曰設。其後歷八百年，猶生子女，享壽九

百三十歲而終。設百有五歲，生以哪士。其後歷八百有七年，猶生子女，享壽九百一十二歲而終。以哪士九十歲，生該南。其後歷八百十五年，猶生子女，享壽九百有五歲而終。該南七十歲，生馬勒列。其後歷八百四十年，猶生子女，享壽九百有十歲而終。馬勒列六十五歲，生雅列。其後歷八百三十年，猶生子女，享壽八百九十五歲而終。雅列百六十二歲，生以諾。其後歷八百年，猶生子女，享壽九百六十二歲而終。以諾六十五歲，生馬士撒拉。其後，所行合乎上帝，歷三百年，猶生子女，享壽三百六十五歲。以諾所行合乎上帝，上帝接之，不居於世。馬士撒拉一百八十七歲，生拉麥。其後歷七百八十二年，猶生子女，享壽九百六十九歲而終。拉麥一百八十二歲，生子，命名挪亞。曰：耶和華詛土，使我操作，備嘗艱苦，是子必慰藉我。厥後，拉麥歷五百九十五年，猶生子女，享壽七百七十七歲而終。挪亞五百歲，生閃、含、雅弗。

第二章 人民繁衍於地，所育女子，其容豔麗，上帝之子見之，遂遴選焉，娶以爲室。耶和華曰：人既縱欲，我神必不恒牖其衷，然尙可延其生命。至於一百二十年，當時有偉丈夫在世，緣上帝子與世人女同室，育此英武，亙古以來，聲名夙著。○耶和華鑒觀世人，作惡貫盈，心所圖維，恒懷惡念。於是耶和華既造世人，旋有悔心，愀然憂之。耶和華曰：將以我所造之人，剪滅於地，以及牲畜、昆蟲、飛鳥，然此雖由我作，我則悔焉。惟挪亞於耶和華前，得沾恩寵。○其畧如左：挪亞於當世爲義德無不備，所行合乎上帝。挪亞生三子：閃、含、雅弗。時人於上帝前，壞其心術，暴虐徧行。上帝乃鑒觀斯世，億兆喪心，行爲

邪僻。^{十三}上帝謂挪亞曰、緣世億兆、暴虐徧行、我必翦滅、使之云亡。^{十四}爾可剝木爲方舟、中爲房、以瀝青塗其內外。其式長三十丈、闊五丈、高三丈、舟必作蓋。^{十五}蓋或作窗其上僅徑一尺、^{十六}古尺布肘爲度傍置一門、必作三層、分上中下焉。我必令洪水氾濫於地、翦滅億兆、天下凡有血氣者、必淪胥以亡。今與爾約、爾可入舟、若妻、若子、若媳、咸挈以登。將諸生物族類、牝牡各一、挈之登舟、以延其命。禽鳥、六畜、昆蟲、皆依其類、每族各以偶至、以延其命。爾必爲已及物、蓄諸食品、以供所需。挪亞遵上帝命而行。

第七章 耶和華謂挪亞曰、我鑒觀斯世、惟汝爲義、爾率眷屬、以登方舟。畜中潔者、取牝牡七、不潔者、取牝牡二。飛鳥亦取雌雄七、以存其種於世。越七日、吾降霖雨、必浹四旬、晝夜不絕。凡所造之生物、盡滅於地。挪亞悉循耶和華命。當洪水淹地時、挪亞適六百歲。卽與妻子及媳、俱登方舟、以避洪水。潔畜與不潔畜、禽鳥以及昆蟲、悉以類至。牝牡各一、隨挪亞而登舟、以遵上帝命。七日後、洪水氾濫於天下。適挪亞六百歲、二月十七日、巨淵出其泉、穹蒼破其隙、霖雨四旬、晝夜不息。當是日、挪亞率妻及子、閃、含、雅弗、與三媳、皆登方舟。百獸、六畜、昆蟲、飛鳥、諸族、凡有血氣者、牝牡各一、遵上帝命、就挪亞登方舟。耶和華遂閉其門。○洪水氾濫及至四旬、水勢洶湧、舟浮於地。水愈橫溢、舟溯洄於水面、橫流益甚。天下高山、爲之湮沒。其勢洋溢、高於諸山、一丈有五。○昆蟲、禽獸、六畜、與人、以及生物動於地者、俱已沉沒。凡在陸地、有鼻可通呼吸者、咸就死亡。在地民族、及各生物、昆蟲、六畜、飛鳥、一切翦滅。獨挪亞與在舟者得存。水溢於地、歷一百五十

日。

第八章

上帝眷念挪亞以及

在舟之百獸六畜令風吹地水勢漸平淵塞其泉天彌其

隙淫雨以止時水漸退漸殺歷百有五十日而始消七月十七日舟止於亞喇臘山水

復漸退逮十月朔山巔始見○越至四旬挪亞啟舟之牖以放鴉出鴉翱翔往來待水

涸焉又放鴿出欲試其水退與否地尚有餘水鴿無能駐足仍返其舟挪亞遂接之使

入待至七日復放鴿出其鴿暮歸口銜橄欖新葉由是挪亞知水退矣更待七日放鴿

鴿不復返○適挪亞六百有一歲正月朔地水盡涸挪亞遂撤舟蓋見土壤已燥二月

二十七日地已燥○上帝命挪亞曰爾與若妻若子若媳宜出方舟禽鳥六畜昆蟲生

物皆可挈之以出使孳生產育繁衍於地挪亞乃與妻子暨媳俱出禽獸昆蟲各隨其

類咸出方舟○挪亞爲耶和華築壇取禽畜之潔者燔而祭於壇馨聞於上耶和華意

謂人雖自孩提其心常懷惡念嗣後我必不緣之詛地復滅生物地存之時稼穡寒暑

冬夏晝夜必不間絕

第九章

上帝錫嘏挪亞及其子曰生育衆多昌熾於地走獸飛鳥昆蟲海魚必歸爾統

轄懾伏於爾我昔以菜蔬飼爾今以生物賜爾皆可爲食肉尚有血卽其生命毋食或

獸傷人或人相殺凡流血殞命殘害兄弟者我必伸其冤余造世人與我維肖故流人

血者人必流其血爾將生育衆多昌熾於地○上帝謂挪亞與其子曰我與爾及爾後

裔約亦與百獸六畜禽鳥生物出自方舟生於陸地者約自今以後不復令洪水滅生

物而湮地。上帝曰：我與爾衆及諸生物，永立其約，必有兆焉。置虹雲中，爲我與億兆立約之徵。厥後，我便雲覆地，雲中虹現於時，我必念我與爾衆及諸生物所立之約。嗣後，必無洪水，翦滅衆生。虹顯雲中，我觀之，則念我與衆生百族所立之永約。上帝謂挪亞曰：我與衆生百族約，以此爲徵。

挪亞三子：閃、含、雅弗，出於方舟。含生迦南。挪亞三子之裔，蔓延遍地。挪亞爲農，植葡萄園，飲酒既醉，於幕中衣服盡解。迦南父含窺父裸體，出告昆弟。閃與雅弗取衣負肩，却行以前，蓋父之體，首不回顧。弗見其裸。挪亞醉醒，方知仲子所爲，曰：迦南可詛，必爲僕役，以事兄弟。又云：可頌美乎耶和華！閃之上帝，惟迦南必爲僕，服役於閃。上帝使雅弗處閃幕，恢廓其居，迦南執其役。○洪水後，挪亞尙歷三百五十年，享壽九百五十歲而終。

挪亞三子：閃、含、雅弗，洪水後生子，其裔如左。雅弗之子：珂滅、馬略、馬太、雅番、土八米設、提臘。珂滅之子：亞實基拿、哩法、陀伽馬。雅番生以利沙，大失，亦爲基底多單二族之祖。此數人散處洲島，以其邦國民族方言爲區別。○含生古實弗、迦南，亦爲麥西一族之祖。古實之子：西巴、哈腓拉、颯大喇馬、颯提迦、喇馬之子：示巴、底但。古實生寧綠、英武蓋世，在耶和華前爲獵夫之雄，故稱獵夫之雄者，曰：猶寧綠。在耶和華前，肇基於巴別，以力亞甲及示拿地之甲尼由示拿亞述出，建尼尼微、哩河伯邑，與加拉、又尼尼微、迦拉間之大邑，名哩鮮麥西一族生路丁、安男、利哈、納土八、魯甲路、鴿托諸族。甲路

生非利士一族。○迦南生冢子西頓，亦爲赫耶布士、亞摩哩、革迦撒、希未、亞基、西尼亞、瓦底洗馬哩、哈抹諸族之祖。由此迦南族姓蔓延。迦南之境，從西頓近其臘，至迦薩，沿及所多馬、蛾摩拉、押馬、西編拉沙。此舍之子孫，各隨其邦國、民族、方言，以爲區別。○雅弗兄閃亦生子，爲希百全族之祖。閃生以攔、亞述、亞法撒。路得亞蘭、亞蘭之子烏士、戶勒其帖馬實亞法撒生撒拉，撒拉生希百。希百生二子：一名法勒，法勒譯即分裂因當時邦國分裂，一名約單。約單生亞摩撻、沙粒、哈薩馬非、耶喇哈多蘭、烏薩特拉、阿八、亞庇馬利示、巴阿妃、哈腓拉。約八皆約單之子。其所居處，自米沙至東山，名洗法，是閃之裔，各隨其邦國、民族、方言。上所載皆挪亞子孫之支派，各隨其世系邦國，以爲區別。洪水後蔓延於地。

第二十三章 昔天下億兆，言語皆同，自東以徙，至於示拿，見有平原居焉。彼此互論曰：「共相陶瓦，^一熱之以火，於是^二有瓦以代石，更有石油以代泥沙。」又曰：「共相建邑，經營層臺，高及霄漢，名藉以揚，庶免四方散處。」耶和華臨格，觀衆所築之邑臺，曰：「民弗異族，言弗殊音，今已有此作爲，其後烏能底止。我儕臨格，淆其言語，使彼此不通，遂散之四方。」於是罷築城之役。緣耶和華淆億兆之言語，散之四方，故名其邑曰巴別。巴別譯即淆亂之義

閃之裔如左：洪水後二年，閃方百歲，生亞法撒。其後歷五百年，復生子女亞法撒三十五歲，生撒拉。其後歷四百有三年，復生子女撒拉三十歲，生希百。其後歷四百有三年，復生子女希百三十四歲，生法勒。其後歷四百三十年，復生子女法勒三十歲，生拉苟。

其後歷二百有九年，復生子女。拉苟三十二歲，生撒鹿。其後歷二百有七年，復生子女。撒鹿三十歲，生拿鶴。其後歷二百年，復生子女。拿鶴二十九歲，生他拉。其後歷一百一十九年，復生子女。他拉七十歲，生亞伯蘭、拿鶴、哈蘭。○他拉之裔如左：他拉生亞伯蘭、拿鶴、哈蘭。哈蘭生羅得，死於故土，卽迦勒底之耳邑。其時，父他拉尚在。亞伯蘭、拿鶴咸娶室。亞伯蘭妻撒勒，拿鶴妻密迦。密迦暨以士迦，俱哈蘭之女。撒勒不妊，故無出。他拉挈其子亞伯蘭及孫羅得，卽哈蘭子，並其媳，卽亞伯蘭妻撒勒，咸出迦勒底之耳邑，欲往迦南。至於哈蘭居焉。他拉享壽二百有五歲，終於哈蘭。

耶和華諭亞伯蘭云：爾可出故土，離戚族，遠父家，往我所示之地。我將使爾後成爲大邦。錫嘏於爾。爾顯名，必蒙綏祉。祝爾者，吾亦祝之。詛爾者，吾亦詛之。天下兆民，將藉爾受福焉。亞伯蘭循耶和華命而往，羅得偕行。其離哈蘭也，年七十有五。挈妻撒勒，與姪羅得，暨在哈蘭所積之貨財，所得之婢僕，咸向迦南而過。征旣至迦南，○路由叙劍，至摩哩之橡樹。當時，迦南族處其地。耶和華顯現與亞伯蘭曰：我將以斯土賜爾苗裔。亞伯蘭乃於顯現之處，築壇以祭。後，遷伯特利東山，以張其幕。西有伯特利，東有孩，在彼築壇，奉事耶和華，而籲其名。後漸南徙。○適歲大饑，故亞伯蘭往旅於埃及。近埃及時，語妻撒勒曰：爾有殊色。埃及人見爾，必云此其妻也，必將殺我而存爾。爾可稱爲我妹，俾我獲安。我命緣爾得保。○亞伯蘭至埃及，埃及人見其婦有殊色。法老國君之號及法老埃及之臣觀之，譽於法老前，遂召之入宮。亞伯蘭爲法老厚待，遂有牛羊、駱駝、牝牡。

之驢以及婢僕。然耶和華降厲災以譴法老及其家室。緣納亞伯蘭妻撒勒故。法老召亞伯蘭曰。曷待我如是。彼乃爾妻。曷不實告。何以妹相稱。幾使我妻之。今可挈之偕行。遂命送亞伯蘭與妻及凡所有而去。

第二十五章 亞伯蘭與妻並羅得及凡所有者出埃及往詣南方。其蓄積富厚有金銀牲畜。自南以行。歷程至伯特利。昔在伯特利孩之間。張幕築壇所。遂於彼籲耶和華名。羅得偕行。亦有牛羊帷幕。二人之業浩繁。壞地褊小。弗得同居。時迦南與比哩洗人雜處於此。亞伯蘭之牧者與羅得之牧者相爭。亞伯蘭謂羅得曰。爾我乃骨肉之親。不可相爭。爾牧我牧。何競之有。地具在爾前。爾我可相區別。爾左我右可也。爾右我左亦可也。其時所多馬蛾摩拉未爲耶和華所滅。自約但平原至於瑣耳土皆潤澤。猶耶和華園。可與埃及相頡頏。羅得瞻望及之。故擇約但平原而東徙。於是二人相別。亞伯蘭居迦南地。羅得寓平原之邑。張幕於所多馬。所多馬人作惡。重獲罪於耶和華。羅得別後。耶和華謂亞伯蘭曰。爾且舉目遙瞻。由此以及四方。所見之地。我必賜爾。爰及苗裔。永世勿替。我必使爾苗裔如塵沙然。若有能核塵沙之數者。則爾苗裔亦可計矣。爾起徧行其地。我必賜爾。亞伯蘭遂遷幕至希伯崙。近慢哩之橡而居。築壇祭耶和華。

第二十六章 示拿王暗喇非以拉撒王亞畧以攔王基大老馬列邦王提達與所多馬王庇喇蛾摩拉王庇沙押馬王示納西編王示米別及庇拉卽瑣耳王戰。所多馬五王咸會於西亭谷。後之鹽海。卽其地也。蓋此五王事基大老馬。歷十有二年。至十三年叛。十

四年，基大老馬與同盟諸王來擊亞提律加寧之哩^七。乏音人哈麥之蘇西人沙微基烈亭之以米人西耳山之何哩人至鄰於曠野之耳巴蘭同盟列王歸至安密八即迦鐵擊亞馬勒地及哈洗遜大馬之亞摩哩人時，所多馬王蛾摩拉王押馬王西編王庇拉即瑣耳王皆出陳於西亭谷戰以攔王基大老馬列邦王提達示拿王暗喇非以拉撒王亞畧四王敵五王西亭谷多石油坑所多馬王蛾摩拉王奔而陷坑其餘遁於山敵奪所多馬蛾摩拉人輜重糗糧而去亞伯蘭姪羅得居所多馬故人與物皆被虜有遁逃者報希百來人亞伯蘭亞伯蘭處近亞摩哩人慢哩之橡慢哩與元弟以實各亞乃俱與亞伯蘭盟約亞伯蘭聞姪被虜遂率習練之僕隸素育於家者三百一十八人追敵至但分其隊伍乘夜攻擊又追至大馬色北之何巴奪回所虜之輜重以及人民婦女與姪羅得暨凡所有○亞伯蘭破基大老馬及同盟諸王歸時所多馬王出至沙微谷即王谷而接之撒冷王麥基洗德爲至高上帝之祭司挈餅與酒而出祝之曰願天地之主至高上帝錫嘏於亞伯蘭至高上帝使爾制敵當頌美之亞伯蘭以所獲者什一奉麥基洗德所多馬王謂亞伯蘭曰以人歸我物任爾取亞伯蘭曰吾指至高上帝天地之主耶和華而誓不取爾一絲縷一履帶恐爾謂以富加諸我惟少者所食及同行之亞乃以實各慢哩所應得者可任意以取

第二十五章 嗣後耶和華異象中諭亞伯蘭曰毋懼我範衛爾大賚爾亞伯蘭曰吾主耶和華將何以賜我蓋我無子惟大馬色人以利亞薩爲我家宰○又曰爾未賜

爲我家宰或將爲我嗣

我子，則素育於我家者，將爲我嗣。耶和華諭之曰：「此非爾嗣，必自爾出者，乃爲爾嗣。」遂攜之門外，曰：「仰觀乎天，衆星可悉數與？」又曰：「汝苗裔必如是。」亞伯蘭信耶和華。耶和華遂稱之爲義。耶和華曰：「我乃耶和華，昔攜爾出迦勒底之耳者，蓋欲以此地賜爾得之。」曰：「吾主耶和華，我得此地，何以知之？」曰：「可取犢及牝山羊牡綿羊，生已三年者，暨鴿鳩，雛鵠，以奉於我。」亞伯蘭取而中剖之，置之兩旁，使各相對，惟鳥不剖。鷲鳥下集，啄其牲。牲，亞伯蘭驅之，日將入。亞伯蘭酣睡，心覺幽暗，則懼。耶和華曰：「爾當知爾苗裔必旅於異邦，服役良苦，歷四百年，越至於後，役爾裔之異邦人，我必譴之，拯爾苗裔，大獲所有以出。爾必享遐齡，安然返本而葬焉。」越至四世，爾之苗裔將歸斯土，蓋亞摩哩人罪未貫盈，日入幽暗，時有烟燄之洪爐，已燃之明燈，由牲牲中而過。當日，耶和華與亞伯蘭約，曰：「我以斯土賜爾苗裔。」自埃及河至百辣大河，卽基尼，基尼洗，甲摩尼，赫比哩洗，哩乏音。亞摩哩，迦南，革迦撒，耶布西，諸族之地。

亞伯蘭妻撒勒不育，有埃及婢名夏甲。撒勒謂亞伯蘭曰：「耶和華不賜我生育，爾且與婢同室，或可因之以得子。」亞伯蘭從其言。其居迦南已歷十載，妻撒勒令納埃及婢夏甲，遂與之同室。夏甲自覺有妊，藐視主母。撒勒謂亞伯蘭曰：「我之受辱，職爾之故，我昔以婢置於爾懷，既懷妊矣，乃藐視我。」爾我聞，願耶和華折中，其是非。亞伯蘭曰：「婢爲爾所治，可任意以待。」於是撒勒以困苦相加，婢乃遁逃。耶和華之使者遇之於野，其地近泉，去書耳之路無幾，曰：「撒勒婢夏甲，適從何來，茲欲何去？」曰：「避主母撒勒。」曰：

可歸主母，仍服其下。又曰：我將增爾苗裔，生齒繁衍，不可勝數。又曰：爾今懷妊，必生男子。因耶和華俯念爾苦，可命名以實馬利。以實馬利譯即上帝眷顧之意彼將爲野人，攻衆而衆亦攻彼。其所居地在同儕之東。夏甲既蒙耶和華所諭，則稱其名曰：爾乃監我之上帝。蓋曰：我非於此，以景仰夫監我者乎。爾乃監我三句或曰顯現之上帝蓋曰上帝與我顯現而我尙存乎緣此，其泉名曰別拉海萊。別拉海萊譯即曰永

我顯現而我尙存者之泉今在迦鐵庇列間有之。○夏甲生子，亞伯蘭命名曰：以實馬利時，

亞伯蘭年已八十有六。

亞伯蘭九十有九歲時，耶和華顯現曰：全能之上帝，我也。爾之所行，當合乎

我，務無失德。我與爾約，賜爾子孫衆多，寢昌寢熾。亞伯蘭遂俯伏焉。上帝又曰：我與爾

約，命爾爲萬民父。今而後，不復名爾爲亞伯蘭，乃以亞伯拉罕。亞伯拉罕譯即萬民之父稱爾。因我命

爾爲萬民父焉。我將繁衍爾子孫，使爾爲羣民之祖。列王由爾而出。我將與爾及爾歷

代苗裔，立我永約，爲爾及爾裔之上帝。爾所旅者，卽迦南一境。我將以之錫爾及爾苗

裔，永爲恆產。我亦爲其上帝。○又曰：爾及後裔，必守我約，歷代勿替。爾中男子，咸宜受

割禮。卽我賜爾及爾後裔所必守之約。故爾陽之皮，必受割，以徵我賜爾之約。爾歷代

男子，或生於爾家，或鬻自異邦，非爾苗裔。既生八日，皆必受割。家所生者，金所鬻者，俱

必受割。如是，我約必加於爾身，以爲永約。但不受割者，則背我約，必絕之於民中。○上

帝又謂亞伯拉罕曰：厥後，爾妻不稱撒勒，乃以撒拉稱之。我將錫嘏，賜之生子，爲羣民

母。列王由之出。亞伯拉罕俯伏竊哂，私自思維，謂我已期頤，撒拉年亦九十，烏能生育。

亞伯拉罕求上帝曰：願以實馬利於爾前，得保其生，幸矣。上帝曰：爾妻撒拉，果必生子，命名以撒。我將與以撒及其後裔立永約。至以實馬利，我應爾求，我將錫嘏其裔，繁衍不可勝數，必出十二牧伯。昌大其國。明年屆此期，撒拉必生子以撒。我將與之立約。言竟，土昇是日，亞伯拉罕遵上帝命，將子以實馬利以及家所生金所鬻之男子，咸行割禮。亞伯拉罕時年九十九，而受割禮。其子以實馬利十有三歲，亦受割禮。父子二人同日受割禮。凡其家人，或生於家，或鬻自異邦者，均受割禮。

第八章 一日時已亭午，亞伯拉罕坐於幕門，其幕在慢哩橡下。耶和華顯現。亞伯拉罕仰見三人遙立，乃自幕門趨迎俯伏曰：若蒙恩於長者前，願勿遽行。憩息樹下，容我取勺水，以濯爾足，取餅少許，補爾心力，而後過征可也。蓋爾既過我，當待爾如是曰：可。亞伯拉罕亟進幕中，語撒拉曰：速備細麵三斗，搏之作餅。又趨至羣畜所，擇犢之肥美者，付僕急烹，遂將酥與乳及所烹犢臚陳於前，自侍樹下，以待其食。三人曰：爾妻撒拉何在？曰：在幕。其中一人曰：明年屆期，我必復至，爾妻撒拉將生子。撒拉在後，於幕門聞此。亞伯拉罕與撒拉俱年邁，撒拉癸水已絕，故竊哂曰：我老矣，我主亦然，豈復有生子之樂乎？耶和華謂亞伯拉罕曰：撒拉曷竊哂歟？何疑年老不生育乎？豈耶和華而有難行之事哉？明年屆期，我必復至，撒拉必生子。撒拉懼而不承曰：我未嘗哂也。曰：爾實哂。○三人乃起，望所多馬以行。亞伯拉罕送之。耶和華曰：今我所爲，豈於亞伯拉罕有所隱乎？彼必昌大其國，天下兆民藉之受福。我知彼必囑其子及眷屬，令守我道，秉公行。

義如是則我所許者可踐其言。耶和華曰：所多馬蛾摩拉罪惡貫盈，聲聞於上。今我臨格監其動作，實如所聞，設有不若是者，我亦能知。二人往所多馬，亞伯拉罕尚立於耶和華前。○卽之曰：爲善爲惡者，豈可槩滅之乎？邑中或有五十義人，則邑之人豈可盡滅，何不緣義人而赦其罪乎？並誅善惡，不可待善惡相等亦不可。鞫天下者，豈不行義乎？耶和華曰：所多馬邑，如有五十義人，我必緣此赦其一方。亞伯拉罕曰：吾雖若纖塵而敢上告，浸假而五十義者缺其五，豈因是滅此一邑乎？曰：如有四十五人，則亦弗滅。曰：四十人，則何如？曰：四十人，吾亦弗行是。曰：主，毋怒，我有一言，若三十人，則何如？曰：三十人，亦弗行是。曰：我敢上告，浸假二十人，則何如？曰：二十人，我亦不滅。曰：主，毋怒，敢復進一辭而後已，或止十人，則何如？曰：十人，吾亦弗滅。耶和華言竟而往。亞伯拉罕乃歸。第^二章^一日暮，二天使至所多馬時，羅得坐於邑門，見之，遂起晉接，俯伏曰：長者歟，請回步履，以臨僕舍，濯足而宿，夙興過征可也。曰：否，我將宿於衢。羅得促之，使者旋踵以入其室，乃炊無酵餅，肆筵使食。○未及寢，所多馬人咸集，自老迄幼，環其屋，呼羅得曰：暮就汝之人何在，可出之，以遂我所欲。羅得出，卽閉其門，曰：兄弟，毋作斯惡，我有二女，尚未適人，容我出之，任爾所爲，特此。人旣造我舍，請毋擾。曰：爾速退，爾旅於此，乃欲爲士師乎？今將害爾，較彼尤甚。且促羅得，勢甚迫切，徑前欲破其門。天使手援羅得入門，卽閉，使衆於門外，自老迄幼，目昧不明，索門不得。○天使謂羅得曰：於此，爾尚有戚族乎？或子，或女，或婿，及邑中所有者，俱攜之出。吾儕將滅是邦，其罪之大，聲聞於耶和華。

故遣我滅之。羅得出告聘二女之壻。曰：「耶和華將滅是邑，爾且出此。」其壻聞之，以爲戲言。○及旦，天使促羅得曰：「起，攜若妻及在此二女，恐與邑共罹災害。」耶和華矜恤羅得，羅得尙遲延。天使執其手，與妻及女，咸引之出，置於邑外。曰：「爾必遁逃，以全生命，毋回顧，毋止於平原，當避於山，否則必亡。」羅得曰：「主不可僕蒙爾恩，施我以莫大之仁慈，全我生命。茲若避於山，恐遭災害，亦終必亡。附近有小邑，易以逃匿，是小邑容我逃匿，以爲因邑甚小，故名瑣耳。」○日出時，羅得入瑣耳。耶和華自天雨火，硫於所多馬蛾摩拉，由是邑垣平壤，民生植物，無不盡滅。羅得妻回顧，變爲鹽柱。亞伯拉罕夙興，至昔覲耶和華之處，望所多馬蛾摩拉，與平原一境，則見烟焰騰土，如出洪爐。

當上帝翦滅平原，傾覆羅得所居之邑時，眷念亞伯拉罕，拯羅得出於災。羅得懼居瑣耳，故偕二女離其邑，處於山，同居巖穴。長女謂季女曰：「吾父已老，斯土又無人，與我爲偶，以循人道，莫若使父飲酒，而與偕寢，以存其後。」是夜，使父飲酒，長女與之寢，女之臥起，父不及知。翌日，長女謂季女曰：「我昨與父偕寢，今夕仍飲以酒，爾可偕寢，以存其後。」是夜，亦使父飲酒，季女偕寢，女之臥起，父亦不知。羅得二女由此懷妊，長女生子，命名摩押，爲摩押族之祖。季女亦生子，命名便亞米，爲亞捫族之祖。

第三章 亞伯拉罕徙於南方，旅於其臘。其地在迦鐵書耳間。亞伯拉罕稱其妻撒拉爲妹，故其臘王亞庇米力召之入宮。一夕，上帝見夢諭亞庇米力曰：「爾取此婦，當死，蓋

人之妻也。亞庇米力未玷婦身，故曰：爲義之民，主豈滅之乎？彼非稱婦爲妹，婦稱夫爲兄乎？我之爲此，心本純良，手無污穢。上帝曰：我知爾爲此，心本純良，故我阻爾，使爾不玷婦身，以干罪戾。今以婦歸其夫，彼乃先知，可代爾祈，全爾生命。不然，爾與眷聚必死。亞庇米力夙興，召僕衆，告以斯事。僕衆聞之，懼甚。亞庇米力呼亞伯拉罕曰：爾果何爲？我曷嘗獲罪爾？爾乃陷我於重罪，爰及人民，爾之相待，甚非所宜。又曰：爾至此，何所見而行？是亞伯拉罕曰：我意此邦不畏上帝，恐爲我妻而殺我。彼誠我妹，同父異母，我娶爲室。昔上帝命我離父家，遨遊於外，我囑婦曰：後所適之邦，必稱我爲兄，是則待我以恩。亞庇米力遂將牛羊僕婢賜之，并歸其妻。亞庇米力曰：吾之土地，具在爾前，任意居之。謂撒拉曰：我以千金賜爾兄，可蔽爾容，勿令衆見。言此，蓋以責之。○亞伯拉罕祈上帝，遂醫亞庇米力，與妻及婢，使之生育。蓋耶和華因撒拉故，曾使亞庇米力之眷聚，不能妊育。

第 二 章

耶和華眷顧撒拉

踐其前言，應其所許。故亞伯拉罕年雖耄耄，而撒拉懷

妊，屆上帝所言之期，誕生男子。亞伯拉罕以撒拉所生子，命名以撒。越八日，遵上帝命，

行割禮。當以撒生時，亞伯拉罕適百歲。○撒拉曰：上帝使我粲然而笑，聞者將與我粲

然而笑。又曰：夫年邁矣，而我從之以誕育。越在疇昔，孰能預告亞伯拉罕曰：撒拉將哺

子乎？子長而斷乳，斷乳之日，亞伯拉罕設盛饌。○埃及婦夏甲從亞伯拉罕所生之子，

頗興譏刺。撒拉見之，語亞伯拉罕曰：出婢及婢之子，婢之子不得與我子以撒嗣業。亞

伯拉罕爲子故，深以爲憂。○上帝曰：勿爲婢及婢之子而憂，可聽撒拉所言，蓋出自以撒者，得謂爾裔。然婢之子，亦屬爾出，我必使其後成爲大國。亞伯拉罕夙興，以革囊盛水，與夏甲負之，更與之餅，使攜子去。婢至別是巴野，遂迷其途。囊水既罄，乃置子於樹蔭，相去一矢。曰：我不忍見子之亡，坐而相對，大聲號泣。上帝聞子聲，其使者自天呼夏甲曰：夏甲何故？爾勿懼，爾子在彼。上帝已聞其聲，爾起扶持之，輔翼之，我將使其後成爲大國。上帝明其目，卽見水泉，遂往，以水充革囊，飲其子。上帝佑其子，長而居野，長於弧矢，旅巴蘭野，母選埃及女，與之爲室。○亞庇米力與厥軍長，非各謂亞伯拉罕曰：汝凡所爲，上帝佑之。今當指上帝以誓，毋欺我及我子孫，以我所厚待爾者，爾亦如是待我，以及爾所旅斯土之民。亞伯拉罕曰：我誓之。有井泉，爲亞庇米力僕所據，亞伯拉罕諫亞庇米力。亞庇米力曰：是誰所作？與吾未嘗知也。爾弗告我，迨於今日，我亦罔聞。亞伯拉罕以牛羊饋亞庇米力，而相結約。更以牝羔七，置於一處。亞庇米力曰：爾置七牝羔一處，曷故？曰：我鑿此井，以七羔饋爾爲憑。以二人相誓於彼，故名其地爲別是巴。是別巴譯卽盟約之泉。既誓於別是巴，亞庇米力與厥軍長，非各啟行，歸非利士地。○亞伯拉罕植林木於別是巴，禱告耶和華，永生之上帝。蓋其旅於非利士地也，非一日云。

第廿二章 厥後，上帝試亞伯拉罕，呼之曰：亞伯拉罕。曰：子在此。曰：爾嫡所出，惟一以撒，爾所鍾愛者，可攜之往摩哩地，在我所示之山，燔之以獻。○亞伯拉罕夙興，備驢，攜二僕及子，以撒，劈柴爲燔，將詣上帝所示之處。越三日，舉目遙瞻其處，亞伯拉罕謂僕

曰。爾與驢姑待於此。我與子往彼崇拜。卽反。遂使子負柴。已則持火與刀。與子偕行。以撒謂父曰。吾父與曰。吾子。吾在此。曰。火與柴。則有之矣。而所燔之羔何在。曰。吾子。上帝將備羔。以爲燔祭。於是偕行。至上帝所示之處。亞伯拉罕築壇。臚列其柴。縛子以撒。置於壇之柴上。舉手執刀。將宰其子。耶和華使者自天呼曰。亞伯拉罕乎。亞伯拉罕乎。曰。我在此。曰。爾子莫肇莫傷。我知爾畏我。蓋爾嫡子。惟此一人。猶且不惜。以獻於我。亞伯拉罕舉目回顧。見有牡綿羊。角繫林叢。遂往執羊。燔而獻之。以代其子。稱其地曰。耶和華必預備。越至於今。人常云。在耶和華山。必預備也。○耶和華之使者。自天復呼亞伯拉罕曰。耶和華指已而誓。曰。因爾行是不惜嫡子一人。我必大賚爾福祉。昌熾爾子孫。如天星之衆多。如海沙之無量。爾子孫將勝諸敵。因爾遵我命。天下兆民。將藉爾裔而受福祉。亞伯拉罕遂返至僕所。與之偕行。至別是巴而居焉。

厥後。人告亞伯拉罕云。密迦從爾兄拿鶴生子。伯曰戶斯。仲曰布斯。季曰基母利。基母利生亞蘭。密迦又生基泄。哈鎖。必達。益臘。彼土利。此八人者。皆密迦從亞伯拉罕兄拿鶴所出。彼土利生女利百加。拿鶴妾名流馬。生子提八。迦舍。大轄。馬迦。

爲撒拉哀哭。○後起離尸。謂赫人曰。我於爾中爲賓旅。請以塚地與我。使死者得葬。○赫人曰。吾主請聽。爾在我中。爲有能之牧伯。在我塚地間。擇其佳者。以葬其尸。我中必無人禁爾。亞伯拉罕鞠躬。言於赫邑之居民曰。若爾許我得葬死者。則請代我求鎖轄。

之子以弗崙在其田之一隅名麥比拉有穴焉請足其金數售之爲我塚地以弗崙赫人也於邑民及入是邑者前對亞伯拉罕曰主與尙其垂聽我以田及田內之穴錫爾汝可葬其死者邑衆爲證亞伯拉罕鞠躬於民前謂以弗崙曰請聽吾言我將以金購田爾可受之使死者得葬民皆聞之○以弗崙曰主歟尙其俯聽價約二百金爾與我豈有所較請葬乎死者亞伯拉罕從其言以商賈素用之金二百如數以與赫人爲證○如是以弗崙田在麥比拉與慢哩相對田之穴暨田中四圍羣樹俱定與亞伯拉罕爲業邑中人與凡入邑者爲證厥後亞伯拉罕葬其妻撒拉在迦南地慢哩相對麥比拉田之穴慢哩卽希伯崙也田及田穴赫人定之與亞伯拉罕爲塚地

第四章

亞伯拉罕壽高年邁耶和華於凡事皆錫嘏焉亞伯拉罕謂治理全業之

老僕曰爾當置手於我髀下指天地之上帝耶和華而誓我居迦南斯土之女勿妻我子必返故土擇戚族中爲我子以撒娶焉僕曰浸假其女不欲來斯則我以爾子仍歸故土可乎亞伯拉罕曰慎勿使我子返於故鄉天上上帝耶和華昔導我遠父家離故土其時已有成言誓以斯土錫我苗裔必遣厥使爲爾先導使爾爲我子娶於故土設女不欲來斯則我使爾誓與爾無與惟不可歸我子於故土僕遂置手於主亞伯拉罕髀下依所言而誓○主之全業統轄於此僕故於主所有之駝中取十而往至米所波大米拿鶴所居之邑日暮衆女羣來汲水僕使駝跪伏於邑外井旁曰求吾主亞伯拉罕之上帝耶和華施恩於我主亞伯拉罕使我今日適逢其會我立井旁邑民之女出

以汲水。倘其中有一女。我告之。授汲器以飲我。彼云。請飲。亦飲爾駝。則其女爲爾所定。與爾僕以撒爲室。由此可知。爾施恩於我主。言未竟。利百加負汲器出。彼乃亞伯拉罕兄拿鶴與妻密迦之子。彼士利所生。其容甚麗。尙爲處女。未曾適人。卽臨井汲水。盈其器而土。僕趨迎之。曰。請以器中之水。飲我一勺。曰。吾主請飲。乃急授器飲之。飲畢。女曰。我更汲水。飲爾駝。使足其量。遂傾汲器於槽。急臨井汲水。以飲羣駝。僕奇之。默然弗語。疑耶和華果賜我坦途與。俟駝飲竟。遂取金鼻環。重二錢有半。金釧二。重五兩。贈之。曰。汝誰氏女。請告我。汝父之家。可有隙地。以旅我乎。曰。吾乃拿鶴與密迦之孫。彼士利之女。又曰。我家芻蕘具足。亦有隙地。可以容宿。僕遂稽首。崇拜耶和華。曰。頌美吾主亞伯拉罕之上帝耶和華。不遺我主。施其仁慈。眞實无妄。我於途中。耶和華導我至吾主戚屬之家。女趨歸告其家人。利百加有兄名拉班。見鼻環與手釧。聞妹利百加述僕所言。則趨外迓僕。時。僕尙立井旁。駝亦在側。語之曰。爾蒙耶和華錫嘏。奚竚於外。請入。我已備室與爾。備廐與駝。○遂引僕入室。釋駝之負。給以芻蕘。將水濯僕。及從者足。肆筵令食。僕曰。我事尙未相告。不敢先食。曰。願聞其詳。○曰。我乃亞伯拉罕僕。耶和華錫純嘏於吾主。使之昌大。金銀僕婢。牛羊駝驢。錫予不匱。主母撒拉。年老生子。主以凡所有者。悉付畀之。主令我誓云。我居迦南。其地之女。勿妻吾子。必詣父家戚族中。爲之娶室。我謂主曰。浸假其女不欲來斯。將若何。主曰。我所事之耶和華。將遣厥使佑爾。賜爾坦途。謂主曰。浸假其女不欲來斯。將若何。主曰。我所事之耶和華。將遣厥使佑爾。賜爾坦途。

今日我至井旁禱曰我主亞伯拉罕之上帝耶和華如果賜我坦途則我今日立於井旁必有女出汲我請以器中勺水飲我若言且飲亦爲駝汲則此女可爲耶和華所定與吾主之子者默祝未竟而利百加出負器臨井以汲我卽求飲女授汲器曰且飲亦可與駝飲我遂飲女亦與駝飲我問曰汝誰氏女曰彼士利女拿鶴與密迦之孫也我遂置環於其鼻着釧於其手稽首崇拜頌美吾主亞伯拉罕之上帝耶和華導我以正途使取主兄之孫爲主子之室今欲待吾主以仁慈真實无妄則告我否亦告我使我知所左右拉班與彼士利曰事由耶和華毋庸辨其是非利百加在此攜之而歸與主之子爲室遵耶和華命亞伯拉罕僕聞言俯伏崇拜耶和華取金銀器皿與衣饋利百加又以寶物饋其兄及其母僕與從者飲食而宿夙興曰願遣我歸利百加兄與其母曰容女少留偕我居處歷至旬日然後啟行曰勿阻我耶和華賜我坦途請遣我歸曰可呼女而問之乃呼利百加曰爾欲與此人偕行乎曰我欲行遂遣利百加與其媼同亞伯拉罕僕既從者而去祝利百加曰爾乃我骨肉願爾爲億兆母汝之苗裔可勝諸敵○利百加與其婢乘駝而行僕迎之以歸時以撒居南適自別拉海萊而至暮出於田默然靜思舉目見駝羣至利百加遙望以撒問僕曰遊於田而來迓者爲誰僕曰是我主也女遂下駝取帕自蒙僕將所爲悉告以撒以撒導利百加入母撒拉之幕娶以爲妻愛之甚篤蓋自母沒後至此始獲慰藉

底但底但生亞書利利都是利烏米米田生以法以弗哈諾亞庇大以勒大咸屬基都喇子孫○亞伯拉罕以凡所有遺於以撒當其存日衆庶子各有所子使往東方以避以撒亞伯拉罕享壽一百七十有五壽高年邁氣絕而終乃返其本其子以撒以實馬利葬之於麥比拉穴與慢哩相對卽赫人鎖轄子以弗崙之田昔亞伯拉罕所購者其妻撒拉亦葬於此○亞伯拉罕旣沒上帝錫嘏其子以撒以撒附別拉海萊而居焉亞伯拉罕納撒拉婢埃及女夏甲生以實馬利其裔循其世系名氏記列於左以實馬利初生尼排約次生基達押別密衫密馬士馬馬撒哈達提馬益督拿非實其底馬此皆以實馬利諸子之名隨其鄉黨十二牧伯各治其族以實馬利享壽一百三十七年氣絕而終遂返其本以實馬利子孫所居在同儕之東隅其地自哈腓拉至書耳人自埃及往亞述者必經其邑○以撒之紀如左亞伯拉罕生以撒以撒四十歲娶巴坦亞蘭地亞蘭人彼士利女拉班妹利百加爲妻以撒之妻不妊故以撒爲之祈耶和華耶和華許之而利百加懷妊胎孕震動若相爭然利百加曰如此將如之何問於耶和華耶和華曰胎所懷者有二民焉其後所出成爲二國此必強於彼長將事其幼○屆期孿生初產者紅遍體生毛如裘命名以掃後出者手執兄踵命名雅各二子生時以撒年已六旬及其長也以掃善獵遨遊於野雅各柔懦居處於幕以撒嗜野味故愛以掃利百加愛雅各○雅各煮羹以掃自野歸憊甚謂雅各曰我憊矣以此紅湯食我自此以掃亦名以東以東譯雅各曰爾今盍以長子業鬻於我以掃曰我且死矣卽爲冢子亦

何益之有雅各曰當與我誓遂誓之於是鬻其長子業於雅各雅各乃以餅及豆羹給以掃以掃飲之食之起而往以掃藐視長子之業如此

第二十六章 亞伯拉罕時歲薦饑以撒時其地又飢故往其臘至非利士人王亞庇米力耶和華顯現謂以撒曰毋往埃及必居我所示之地旅於斯土我將佑爾錫嘏於爾以此列邦賜爾爰及苗裔昔與爾父亞伯拉罕誓我踐其言必繁衍爾苗裔如天星之衆多以此列邦錫之天下兆民將藉爾裔而受福當亞伯拉罕之尙存也遵我言詞供我役事守我禮儀誠命律法故因是而錫嘏○以撒居其臘居民間及其妻則曰我女弟也蓋有殊色故懼以妻稱之恐居民爲利百加故而害及其身居處日久非利士人王亞庇米力自牖窺之適以撒與利百加嬉戲召之曰彼果爾妻何稱爲妹曰竊恐因之見殺亞庇米力曰何爲若此倘有人不知偕爾妻寢則陷我於罪乃諭民曰犯此人與其妻者殺無赦以撒耕稼於彼迨秋而穫百倍耶和華錫嘏之遂以昌大日增月盛竟成巨富牛羊成羣僕從甚衆非利士人妒之當亞伯拉罕時其僕所鑿之井後爲非利士人塞之以土亞庇米力謂以撒曰爾强大過我請離我○遂遷其臘谷張幕而居當亞伯拉罕時所鑿之井沒後非利士人塞之以撒復鑿依父所稱之名名之以撒僕掘井於谷中得活泉其臘牧者與以撒牧者爭曰此屬於我因其相爭故以撒稱其井曰埃色埃色譯二一即相爭又鑿一井仍爭不已故名之曰息拿息拿譯二二即敵離彼復鑿一井乃不相爭故名之哩河伯哩河伯譯即寬云耶和華使我寬舒蕃衍斯土以撒離彼往別是巴是夜耶和華顯現

謂之曰。勿懼。我乃爾父亞伯拉罕之上帝。爲我僕亞伯拉罕故。我必佑爾。錫嘏於爾。蕃衍爾苗裔。以撒築壇於彼。籲耶和華名。遂張幕。僕爲鑿井。○亞庇米力與友亞戶撒暨軍長非各。自其臘來見以撒。以撒曰。昔爾曹憾我遠我。今何來見。曰。我儕知耶和華祐爾。竊思爾我間當立誓。互相結盟。昔我未嘗加害於爾。乃厚待爾。送爾安然以歸。如是。汝亦莫薄待我。蓋耶和華錫嘏於爾故也。以撒遂肆筵以待。式飲式食。夙興相誓。以撒送之。安然而歸。是日。以撒僕以鑿井事來告。曰。我得水矣。遂名之曰是巴。故邑名別是巴。至於今日。○以掃四十歲時。娶赫人別哩之女猶滴。與赫人以倫之女巴實抹爲室。由是以撒與利百加常爲二婦憂心悄悄矣。

第三章 以撒年邁。目昧不明。召長子以掃曰。吾子曰。我在此。曰。我老矣。不知死期將至。爾可執器。維弓與矢。以適於田。爲我獵焉。獲取野獸。以作嘉肴。我所嗜者。進以食我。及我尙存。爲爾祝嘏。以掃適野獵獸。當以撒囑時。利百加聞其言。謂子雅各曰。我聞爾父囑爾兄云。可獲野獸。以作嘉肴。我食之。及我尙存。籲耶和華。爲爾祝嘏。今我子可遵我命。往羊羣。擇肥羔二。我作嘉肴。投父嗜好。以進於父。及其尙存。爲爾祝嘏。雅各謂母曰。我兄遍體有毛。我乃光潔。設父捫我。以我欺父。恐求祝而反見詛。母曰。吾子見詛。我自當之。可從我言。而取其羔。乃往取與母。母作嘉肴。投父嗜好。長子以掃有美服。存於母所。利百加取之。以衣季子。又以羔皮蒙手及頸。掩其光潔。以所作之嘉肴。及餅。畀雅各。○進於父曰。我父也。曰。吾在此。爾誰乎。雅各曰。我乃長子以掃。遵命而行。請起食。

野獸之肉。祝嘏於我。以撒曰。爾獲之何其速與。曰。乃爾上帝耶和華賜我。以撒曰。我子來前。我欲捫爾。果以掃否。雅各徑前。以撒捫之。曰。聲則雅各。手則以掃也。因手有毛。彷彿厥兄。末由別其真偽。遂爲祝嘏。曰。爾誠我子。以掃否。曰。然。曰。以爾所獲者陳於前。待我食之。爲爾祝嘏。乃進前食之。亦飲以酒。以撒曰。爾來。與我接吻。遂前吻父。父聞其衣馨香。祝曰。耶和華錫嘏於田。使之馨香。吾子之馨香亦若是。願上帝賜爾天降甘露。地常肥美。穀與酒既豐且盛。願兆民服役爾側。列國拜跪爾前。兄弟以爾爲主。同母者無不稽首。詛爾者必見詛。祝爾者必見祝。○以撒祝竟。雅各遂出。適其兄以掃田而歸。亦作嘉肴。進於父。曰。請父起。食我所獲野獸之肉。祝嘏於我。以撒問曰。爾爲誰。曰。長子以掃。以撒戰慄不勝。曰。爾未至。誰作嘉肴進我。我已食之。爲彼祝嘏。彼必恆蒙其福。以掃聞言。大聲痛哭。曰。請父亦爲我祝嘏。曰。爾弟來。施其詭謀。奪爾福祉。以掃曰。宜其名雅各。雅各譯各。即欺。彼欺我者再。昔奪我長子業。今又奪我祝嘏耶。又曰。豈更無嘏。可爲我祝乎。以撒曰。我既使雅各爲爾主。兄弟皆爲其役。以穀與酒供之。今將何物施爾乎。以掃曰。父之祝嘏。豈獨一而已也。請更祝我。遂大聲號泣。以撒曰。爾所居之處。可得天降甘露。地常肥美。爾將恃刃以圖生。服役於爾弟。爾若遨遊於外。可脫其軛。弛爾仔肩。○以掃因父爲雅各祝嘏。懷恨雅各。竊言。父喪伊邇。我必殺弟。人以長子言告利百加。故召季子曰。爾兄將殺爾。以雪其恨。今吾子從我言。且奔哈蘭。見舅氏拉班。偕居數日。待爾兄怒息。若其氣已平。忘爾所爲。我則遣人召爾。豈可一日喪二子乎。利百加謂以撒曰。因以

掃娶赫人女。我畢生殷憂。倘雅各亦娶斯土之女。我何以生爲。

第二十八章 以撒召雅各爲之祝嘏。囑曰。毋娶迦南女爲室。乃起往巴坦亞蘭。至爾母

父彼士利家。娶舅氏拉班女爲室。願全能之上帝。錫嘏於爾。使爾繁衍。爲兆民祖。以亞

伯拉罕之嘏。錫爾。爰及苗裔。昔上帝以斯土錫亞伯拉罕。而爾旅之。今願與爾爲業。以

撒遣雅各往巴坦亞蘭。見亞蘭人彼士利子拉班。卽以掃雅各之舅氏。○以掃見以撒

爲雅各祝嘏。遣至巴坦亞蘭。欲在彼娶室。更囑其毋娶迦南女爲室。又見雅各循父母

命。往巴坦亞蘭。於是。以掃知迦南女不悅於父。故適以實馬利家。更娶馬哈喇爲室。馬

哈喇乃亞伯拉罕孫。以實馬利女。尼排約妹。○雅各離別是巴。向哈蘭而行。日入時。至

一方。遂留宿焉。取石爲枕。在彼偃臥。夢有梯。自地參天。上帝之使者。陟降於上。耶和華

據其巔曰。我乃爾祖。亞伯拉罕與以撒之上帝。耶和華。爾所寢之地。悉以賚爾。爰及苗

裔。爾裔繁衍如塵沙。蔓延四方。天下兆民。憑藉爾裔。以徼福祉。我必祐爾。爾所向往。我

必庇護。使歸斯土。不汝遐棄。吾所許者。必踐其言。○雅各醒曰。耶和華果在乎此。而我

不知。乃悚然曰。此非上帝之殿。天之闕乎。敢弗寅畏。雅各夙興。以所枕石立爲柱。沃膏

其上。昔斯邑名路斯。雅各易之曰。伯特利。伯特利譯卽上帝之殿遂許願曰。如上帝眷佑我。庇護我。我

所向往。賜以衣食。安然而歸。則耶和華必爲我之上帝。且我立柱石。將爲上帝殿。上帝

所錫我者。十輸其一。獻於上帝。

第二十九章 雅各啟行。至於東方。見有井於田。大石覆其上。羊羣三。附井而臥。蓋人必

飲羊於此。羣羊既集，則移石啟井，汲與羊飲。飲竟，仍覆以石。雅各曰：「兄弟奚自？」曰：「自哈蘭。」曰：「爾識拿鶴之孫拉班否？」曰：「識之。」曰：「安乎？」曰：「安。今其女拉結偕羊以至。」曰：「日尚高懸，聚羣畜之時，猶未至也。何不飲羊，使復就牧？」曰：「不能，必待羣畜咸聚。」移石啟井，則可飲羊。○言際，拉結偕羊至，蓋父羊爲其所牧。雅各見舅氏拉班女拉結與厥羊，則前移石啟井，飲舅氏之羊。遂與拉結接吻，喜極流涕，告拉結曰：「我乃爾父之甥，利百加子。拉結遂趨告其父。拉班聞甥雅各至，卽趨迎之，抱頸接吻，引之入室。雅各以所遇之事，告拉班。拉班曰：「爾乃骨肉之親也。」雅各偕居，至於一月。○拉班謂之曰：「爾雖我甥，豈可使爾徒勞乎？盍告我，欲得何值？」拉班有二女，長名利亞，季名拉結。利亞目眇昏，而拉結有殊色。雅各愛拉結，曰：「我爲季女拉結，願役事爾七年爲期。」拉班曰：「與其妻他人寧？妻爾，可偕我居。」雅各爲拉結役事七年，因愛之甚，視七年如數日。○屆期，謂拉班曰：「其期已屆，盍妻我，使我成禮。」拉班招集隣里，肆筵設席，旣昏，以長女利亞與雅各成伉儷。以婢悉帕與女利亞，供其役事。夙興，乃知爲利亞，謂拉班曰：「曷待我若是？我非爲拉結，以役事爾乎？何欺我爲？」拉班曰：「未嫁，長而先嫁季，於斯土有所不宜。」當與利亞盈其七日之期，則以拉結與爾。嗣後，爾必役事我，更歷七年。雅各從其言，與利亞盈其七日之期，後拉班亦以拉結妻之，以婢辟拉與女拉結，供其役事。雅各亦與拉結成禮，愛之過於利亞，仍爲拉班役事，更歷七年。○耶和華知利亞不見寵，故賜生育，惟拉結不妊。利亞懷妊生子，命名流便，曰：「耶和華俯念我苦，今而後，夫必愛我。」再妊生子，命名西面，曰：「耶和華

聞我不見寵，復賜我此子。又妊生子，命名利未。曰：「今生三子，夫必膠漆於我。」又妊生子，命名猶大。曰：「我今必頌美耶和華。」嗣後，利亞久不妊。

第二章

拉結見已不育，則妒厥姊。謂雅各曰：「賜我生子，不然，我死矣。」雅各怒曰：「使爾不育者，在上帝，豈在我乎？」曰：「我婢辟拉可與同室，彼生之，我撫之，我因以得子。」遂以婢辟拉子夫同室。

辟拉懷妊生子，拉結命名但。曰：「上帝祐我，聽我祈，賜我一子。」辟拉再妊生子，拉結命名納大利。曰：「我與姊力爭得利。」利亞久不妊，以婢悉帕與夫同室。

悉帕生子，利亞命名伽得。曰：「幸甚。」悉帕再生子，利亞命名亞設。曰：「我蒙福祉，羣女將謂我有福。」

○麥秋至，流便往於田，獲風茄，奉母利亞。拉結謂利亞曰：「請以爾子之風茄與我。」曰：「爾奪我寵，豈微故耶？今欲奪我子之風茄乎？」拉結曰：「爲汝子之風茄，是夜可與夫偕寢。」暮

雅各自田歸。利亞出迓之，曰：「爾與我偕入室，我舍我子之風茄，以得爾。」故是夜與之同室。上帝俯念利亞，賜之懷妊，生五子。利亞命名以薩迦。曰：「昔以婢與夫，今蒙上帝給我

值。」利亞復妊生六子，命名西布倫。曰：「上帝賜我嘉賚，我生六子，夫必偕我。」後生女，命名底拿。○上帝眷念拉結，俯聽其祈，使之誕育懷妊生子。曰：「上帝已洒我耻矣。」乃命名約瑟。曰：「耶和華必復賜子。」

拉結生約瑟後，雅各謂拉班曰：「請遣我歸，返於故土。」我爲妻子役事於爾，乃爾所知，盍以妻子賜我，以遣我歸。拉班曰：「我知耶和華緣爾錫嘏於我，若得蒙爾恩，與我偕居，請言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

言其值，而我給之。」曰：「我爲爾服役，牧汝羣畜，是爾所知，當我之未至也，所有鮮少，迫我

既至耶和華錫嘏於爾，滋育繁多，然我欲成家，將至何時乎？拉班曰：我何以酬爾？曰：爾欲相酬，無需他物，惟有一事，若許則仍爲爾牧。今我將徧閱爾羣畜，凡斑駁成點之山羊及棕色之綿羊，悉驅之出，以爲我值。異日，我值置於汝前，凡山羊非斑駁成點，綿羊非棕色者，卽擬我盜，可也。我之公義，以此可徵。拉班曰：可如爾言。當日，將牡山羊之有圈點者，牝山羊之斑駁成點，兼雜白文者，及綿羊之棕色者，悉付已子，移之遠方，相去三日，惟雅各仍牧拉班之餘羊。○遂將楊柳、杏、楓之枝，擇其嫩者，剝皮成文，使枝之白間露，置枝於溝壑、水槽，羣畜來飲之處，與羣相對，使畜飲時，牝牡相誘，羣畜附枝相誘，遂產斑駁圈點者。雅各將羔羊區別之，以已羣驅在一方，與拉班羣中所有圈與棕色之羊相對，不與拉班羊相雜。遇畜之肥健者相誘，雅各置枝於水道，而當其前，使附枝相誘。若畜之羸弱者，不置之，如是，弱歸拉班，肥歸雅各，且生息繁多，牲畜奴婢駝驢，不可悉數。

第三章 拉班衆子相議曰：我父所有者，而雅各奪之，因致巨富，雅各聞之，亦見拉班待已不如疇昔。耶和華命雅各曰：當歸父家，返故族，我必祐爾。雅各招拉結、利亞至於田，造羣畜所，語之曰：我見爾父待我，不如疇昔，然吾父之上帝祐我，我竭力事爾父，爾所素知。爾父乃欺我，十易我值，頻欲害我，而上帝不容。若云斑點者爲我值，而羣畜咸生斑點，若云斑圈者爲我值，而羣羊皆有斑圈，是耶和華將爾父所畜，悉賜於我。遇牝牡相誘之際，我於夢中，見牝羊乘其牝者，皆圈點斑駁，上帝之使者，見夢呼我曰：雅

各我曰在此曰試觀衆牡羊乘其牝者無非圈點斑駁蓋拉班之待爾我已監之我乃伯特利之上帝昔爾在伯特利以膏沃柱指我以許願今當起離斯土歸故族拉結利亞曰父既鬻我侵食我值以我爲外人我於父家豈尙有嗣業乎我父貨財爲上帝所奪皆屬於我與我子今上帝諭爾者一切遵行

雅各起使妻子乘駝攜所有者與在巴坦亞蘭所獲之牲畜歸於迦南見父以撒拉班往剪羊毛所藏偶像拉結竊焉雅各欺亞蘭人拉班不以其奔告之挈凡所有渡河向基列山而遁越三日人以其事告拉班乃率戚族追之七日至基列山始及焉是夜上帝見夢諭亞蘭人拉班曰爾與雅各勿以惡言相加爾其慎之○雅各張幕於基列山拉班追之既及亦與戚族張幕於是拉班謂雅各曰爾何欺我攜我二女與行劫奪者無異何爲竊遁曷不告我俾我鼓琴播鼗謳歌忻然送汝奚不容我與子女接吻爾之所爲不智孰甚我力能害爾惟前夕爾父之上帝諭我曰慎勿以惡言加於雅各夫爾雖戀慕父家欲歸甚急奚竊我上帝像乎雅各曰我意謂爾必強留爾女故懼耳至於爾上帝像爾見有竊之者可置於死地物有屬爾者爾可自辨爾自取之我儕戚族爲證蓋雅各不知拉結竊偶像焉拉班遂進雅各幕及利亞幕二女婢之幕皆無跡可尋後出利亞幕入拉結幕拉結以偶像置之駝鞍下而坐其上拉班遍索不獲拉結謂父曰天癸適至不得起迎吾主勿怒拉班徧索偶像終不得見○雅各怒斥之曰我何罪愆乃相追太迫今爾徧索吾物屬於爾家者未獲其一獲則置之我儕戚族前俾折中

於爾我間二十年我偕爾處爾綿羊山羊之牝未有殯其胎者爾畜之牡綿羊我不食死於野獸者我不歸爾我補之晝夜所盜爾惟我是問我晝則冒暑夜則受冷寢寐俱廢如此我居爾家歷二十年役事於爾者爲爾二女十四年爲爾牲畜六年爾乃易我值至於十次使吾祖亞伯拉罕之上帝吾父以撒所畏之上帝不祐我汝必棄我絕無所得惟上帝監我操作辛勤故前夕責爾○拉班曰斯女卽我女斯子卽我子斯畜卽我畜凡所見者無非屬於我今與吾女及其所生者將何爲乎莫若爾我結盟爲憑雅各遂取石立柱亦謂戚族曰爾可積石乃羣取石積累爲崗共食於其上拉班名之曰亦甲撒哈士大雅各名之曰迦列拉班曰爾我間以此崗爲憑故亦名曰迦列又名密士巴蓋曰爾我相睽隔時耶和華爲眷佑爾若負吾女別有所娶人雖不知而上帝監之拉班謂雅各曰可觀此崗爾我間所立之柱此崗此柱可爲憑我不越此崗害爾爾亦不越此崗害我願亞伯拉罕之上帝拿鶴之上帝及其祖之上帝折中於爾我間雅各惟指其父以撒所畏之上帝而誓雅各在山獻祭設席招其戚族使共食餅後宿於山拉班夙興接吻子女祝嘏而返

第二十三章

雅各復行上帝之使逢之雅各見之曰此乃上帝之營故名其地曰馬哈念

馬哈念譯二營

遂遣人先往西耳地以東田見兄以掃囑曰可告我主以掃云主之僕雅各

曰我旅於拉班家越至今日有牛羊驢僕婢特遣人告主望沾主恩○其人反告曰吾儕至彼見爾兄以掃將率四百人來迎爾雅各悚懼不勝以從者及牛羊駝分爲二隊

曰若以掃來擊前隊則後隊可逃。○遂禱曰吾祖亞伯拉罕之上帝吾父以撒之上帝耶和華昔命我回故土故族許以恩待爾所施之恩寵眞實无妄我不堪得昔我惟執一杖濟約但河今我羣從已成二隊我畏兄以掃恐其至擊我并擊妻孥故求爾拯我爾曾許以恩加我使我苗裔如海沙不可勝數。○是夜雅各宿於彼簡所有者饋其兄以掃以爲禮。山羊牝二百牡二十綿羊牝二百牡二十牝駝與子三十牝牛四十牡牛十牝驢二十小驢十遂別爲羣付與僕手曰爾往前途使各羣相距皆有隙地。囑其前者曰若我兄以掃遇爾問爾爲誰牧將往何地此畜果誰所有乎則當言此乃禮物爾僕雅各饋吾主以掃者雅各在後將至再遣之僕三遣之僕及凡驅羣畜者囑之云若遇以掃當亦如是以言必曰爾僕雅各在後將至蓋雅各自謂必以前行之禮物使兄復和然後覲面庶幾接我。乃命禮物先行雅各是夜宿於營中夜未央卽起使二妻二婢及十一子濟雅泊渡眷聚既濟凡所有亦濟。○雅各獨留遇一人與之角力迄於黎明相角之時其人自知不勝擊雅各髀傷之曰天將明矣請釋我去雅各曰不爲我祝嘏必不容爾去曰爾何名曰雅各曰今以後不祇名雅各更名以色列蓋爾得志於上帝前與人爭無不勝雅各曰請以爾名告我曰曷問我名遂在彼錫嘏雅各名其地爲便以利曰我與上帝晤對而覲其面我命尙其可保日出時雅各過便以利髀傷其行趨起因其人擊雅各髀傷其巨筋故以色列人凡髀之巨筋至今不食云。

及其子置於前利及利之子在中拉其衣角必在後白其狀至二

婢及其子置於前。利亞及其子在中。拉結與約瑟在後。自前俯伏。至於七次。方與兄相近。以掃趨迎。抱頸接吻。彼此涕泣。以掃見婦與子。問爲誰。曰。蒙上帝恩。賜子與僕。二婢及其子前而拜。利亞及其子亦前而拜。後。拉結與約瑟亦前而拜。以掃曰。適見羣畜。不知何意。曰。望沾恩於主。曰。我所有者足矣。弟所有者存之。曰。勿固却。若沾爾恩。請受其禮。蓋我覲爾面。蒙爾悅我。如覲上帝面然。上帝施恩我。綽有餘裕。請受所奉之禮物。促之然後受。以掃曰。我儕過征。我爲爾先導。曰。主知我之子女猶穉。我之牛羊方字。若疾驅之一日。而羣畜死矣。請主前往。僕率子女牲畜。依其所能。迺還而進。至主所處。西耳地。曰。我留從者數人。與爾偕行。如何。曰。焉用此。惟得沾主恩足矣。○是日。以掃返於西耳。雅各至數割。爲已築室。爲畜作廬。故其地名曰數割。數割譯即廬○雅各從巴坦亞蘭至迦南地。詣示劍邑。安然無恙。邑前張幕。出百金以與示劍之父哈抹子孫。購田一區。以張其幕。在彼築壇。稱其名上帝壇。卽以色列之上帝。

第二十四章

雅各有女底拿。利亞所出。往見隣女。爲彼地牧伯希未人。哈抹子。示劍所

見。誘其偕寢。而玷辱之。中心膠漆。戀愛甚篤。以甘言慰藉。示劍告父曰。願得此女爲室。雅各聞女被辱時。衆子在田牧羣。故緘口無詞。以待子歸。○示劍父哈抹至。與雅各語。雅各衆子自田歸。聞示劍與妹偕寢。干犯以色列族行所不當行。不勝憂忿。哈抹告之曰。我子。示劍之心。眷戀爾女弟。請與之爲室。爾曹與我儕。可相嫁娶。爾女可與我。我女任爾娶。如是。爾我偕居。地具在爾前。居此貿易。享其土宜。示劍告女之父兄曰。望沾爾

恩任爾所求我無不與。爾欲厚其聘豐其禮惟命是從。第以女子我爲室。雅各衆子因妹已被辱詭詞對哈抹示劍曰。此事不可行人未受割禮而我以妹與之自取辱耳。若爾曹效我咸受割禮則可從爾言。如是我儕以女嫁爾亦娶爾女彼此共居同一民族。若不聽我言不受割禮我則攜妹而去。哈抹與其子示劍善其言。示劍爲宗黨所推尊因愛雅各女故從言勿緩。○哈抹與示劍遂至邑門與民相語曰。雅各一家與我甚睦地又廣闊盡容其居此貿易我娶其女我女嫁彼但我衆有丁男必受割禮與彼相同則其人願與我居同一民族。我若許之便與我同居則其牛羊貨財皆歸我矣。凡有男子出自邑門者聽哈抹示劍之言悉受割禮。○越三日痛未痊雅各二子底拿兄西面利未各執刃毅然侵邑殺其丁男以刃戮哈抹及示劍攜底拿出其室而去。雅各衆子因妹受辱剝其衆尸刳其邑物奪其牛羊驢與在邑在田之所有盡攘其貨財俘其妻子遷其器皿雅各謂西面利未曰。爾曹累我令我遺臭於迦南北哩洗地且我寡彼衆必聚而攻我殲吾家室曰其待我妹若妓將若何。

第五章 上帝諭雅各曰。昔爾避兄以掃我於伯特利顯現與爾今起往彼而居築壇祭我雅各命家人與從者云。外人之上帝爾當棄之更衣自潔。昔我遭難上帝眷顧之我行於途上帝庇佑之今當赴伯特利在彼築壇獻祭遂以異邦上帝之像及耳環以予雅各藏之示劍橡下。○迺征前往上帝使四邑之民咸懼故追雅各子者迄無一人。○雅各與從者至迦南路斯是邑亦名伯特利昔雅各避兄以掃上帝顯現故在彼築

壇名其地曰益伯特利。時利百加媼底破喇死，葬於伯特利橡下，名其樹曰亞倫巴哭。亞倫巴哭譯即哭橡○雅各自巴坦亞蘭歸，上帝復顯現，錫嘏曰：爾素名雅各，斯後不第稱此，可更

名以色列。遂稱曰以色列。又曰：我乃全能之上帝，使爾生育衆多，以成羣族。列王皆由爾出。我所賜亞伯拉罕以撒之地，亦將錫爾，延及苗裔。上帝言竟，上升。雅各卽於上帝與言之處，立石爲柱，沃之以膏，奠之以酒。上帝與雅各語，雅各名其地曰伯特利。○由伯特利徙去，以法大無幾，拉結臨產艱危，難產之際，收生者曰：毋懼，爾又將得子。氣將絕時，拉結名其子曰便阿尼而死。父命名便雅憫。拉結死，葬於以法大途側，後名伯利恒，卽其地。雅各立柱於拉結之墓，至今猶存。○以色列徙過以特臺而張幕，以色列居彼，聞流便悉其妾辟拉，雅各有十二子，流便西面利未猶大以薩迦西布倫利亞所出。約瑟便雅憫拉結所出，但納大利拉結婢辟拉所出。伽得亞設利亞婢悉帕所出，是皆雅各於巴坦亞蘭所生。○雅各至慢哩亞巴邑，見父以撒，昔亞巴卽希伯崙，亞伯拉罕與以撒曾旅於此，以撒享壽一百八十歲，壽高年邁，氣絕而終，以返其本。其子以掃雅各葬之。

第二十三章 以掃卽以東，其裔如左，以掃娶迦南二女爲室，其一赫人以倫女亞大，其一希未人祭便孫亞拿女亞何利巴馬。又娶以實馬利女尼排約妹巴實抹爲室。亞大生以利法，巴實抹生流耳。亞何利巴馬生卽是雅蘭，可喇此皆以掃於迦南地所生。以掃率其妻與子女家人羣畜牲牷，及在迦南所獲者，往詣他方，離弟雅各，蓋二人財貨

充盈，牲畜成羣，所旅之地褊小，不能同居。○以掃居西耳山，爲以東族人之祖，其裔如左。以掃衆子之名，備載於後。其妻亞大生以利法，巴實抹生流耳。以利法生提慢、阿抹、西波、迦但、基納。以利法妾亭納生亞馬力。此皆屬以掃妻亞大者。流耳生拿轄、西喇、沙馬、米撒。此皆屬以掃妻巴實抹者。○祭便孫亞拿女亞何利巴馬生耶是、雅蘭、可喇。○以掃衆子中有伯爵者，其畧如左。以掃冢子以利法子孫中有提慢伯、阿抹伯、西波伯、基納伯、可喇伯、迦但伯、亞馬力伯。此皆以利法族在以東地，屬於亞大者。○以掃子流耳子孫中有拿轄伯、西喇伯、沙馬伯、米撒伯。此皆流耳族在以東地，屬於以掃妻巴實抹者。○亞何利巴馬子孫中有耶是伯、雅蘭伯、可喇伯。此皆屬於以掃妻亞拿女亞何利巴馬者。上所記諸伯，皆以掃卽以東子孫有素居是地者。何哩人、西耳子孫，其畧如左。羅單說八祭便、亞拿底順，以察底山。此皆以東地何哩人、西耳子孫，而爲伯者。羅單生何利、希慢。羅單之女弟卽亭納說八生亞勒文、馬拿轄。以八示波、阿南祭便生亞雅、亞拿。當時在野牧父祭便驢，得溫泉者，卽亞拿。亞拿生底順，與女亞何利巴馬底順生欣但。一是班、益蘭、基蘭，以察生辟罕、撒番、撒干。底山生烏士、亞攔。何哩族諸伯，其畧如左。羅單伯說八伯、祭便伯、亞拿伯、底順伯，以察伯、底山伯。此皆何哩族在西耳地者。當以色列族未有王時，惟以東地有王，其名如左。庇耳子庇拉爲王，於以東地都停哈巴。庇拉薨，破斯喇人西喇子約八卽位。約八薨，提慢人戶山卽位。戶山薨，庇撻子哈撻卽位。都亞味得，皆於摩押平原、掌米田族者，卽此王也。哈撻薨，馬士哩迦人三拉卽位。三

拉薨河傍哩。河伯人掃羅卽位。掃羅薨。亞革破子巴勒哈南卽位。巴勒哈南薨。哈達卽位。都於保。其后卽米薩合孫馬特列女米希大別。以掃族衆伯依其世系居處。名氏其略如左。亭拿伯。亞勒瓦伯。耶帖伯。亞何利巴馬伯。以拉伯。比嫩伯。基納伯。提慢伯。密薩伯。麥鐵伯。以蘭伯。以上所載無不依其居處產業而爲以東地之伯。以東族之祖卽以掃是。

第三十三章

雅各居迦南卽父所旅之地。其畧如左。約瑟年十有七。偕兄牧羊。少時與

庶母辟拉悉帕所出者爲侶。以其過告父。以色列之生約瑟也。年已邁矣。故愛之過於諸子。爲製彩衣。諸兄見父愛約瑟過於已。故憾之。不以善言相加。○約瑟有夢述於諸兄。由此諸兄銜憾益深。約瑟曰。我所夢者。請聽之。我儕於田束禾。我所束者起而立。爾所束者環而拜。諸兄曰。爾果將統轄我乎。抑治理我乎。故因其夢與言而益憾。約瑟復夢告諸兄曰。我夢得其二矣。有日月十一星皆拜我。約瑟以此夢告父兄時。父叱之曰。爾所夢者何與。我與汝母汝兄果將俯伏爾前乎。父誌其事。兄嫉約瑟。○諸兄往示劍牧父羣畜。以色列語約瑟曰。來。爾兄牧於示劍。吾將遣爾。曰。我在此。曰。往觀諸兄及牲畜。可皆無恙乎。爾返告我。遂遣之。自希伯崙谷至示劍。○躑躅田間。或遇之。曰。爾何求耶。曰。求我兄。彼牧羊何所。請告我。曰。已去此矣。我聞其言。將往多丹。約瑟追之。果在多丹未至。諸兄遙見。共謀殺之。相語曰。作夢者來矣。莫若殺之。棄於井。流言爲惡獸所食。後觀其夢果驗否。流便聞之。欲救約瑟。曰。莫傷其命。流便欲援之歸父。故曰。勿流其血。

勿害其身。曠野有井，投之於中，可也。○約瑟至，兄褫其彩衣，投諸胷井。遂坐食餅，遙見以實馬利人，成隊以至，驅羣駝，負香料、乳香、沒藥，自基列來，欲往埃及。猶大謂諸兄曰：「殺弟而匿其血，何益之有？此乃我手足之親，毋戕其生。莫若鬻與以實馬利人，兄弟允之。」以實馬利人素居米田，爲賈於外，將經其處，諸兄乃援約瑟出井，鬻之於賈，獲金二十。以實馬利人挈約瑟往埃及。○後流便至井，窺約瑟不在，遂裂已衣，返見諸弟曰：「童子不在，我將何歸？」諸昆弟宰山羊之羔，濡約瑟衣於血，遣人攜衣歸父曰：「我儕得此，試觀果爾子之衣否。」雅各視之曰：「誠吾子之衣也。」是必爲惡獸所食，肢體斷傷無疑矣。雅各遂裂已衣，衣麻慘傷，幾歷歲月。子女羣來相勸，父不受慰，曰：「我必悲哀，至於幽冥。」就子乃已。父之痛子如此。米田賈攜約瑟至埃及，鬻與法老臣侍衛長波提乏。

第二十八章

維時，猶大離諸昆弟，就亞士蘭人希喇，在彼見迦南人書亞女，娶之爲室。

婦妊生子，命名曰：「再妊生子。」命名阿楠。復妊生子，命名示拉。時，猶大居於基悉。猶大爲長子，再娶室，名大馬。再作惡於耶和華前，而耶和華殺之。猶大命阿楠曰：「當與嫂同室，生子以嗣兄。」阿楠知子不歸已，雖與嫂偕寢，不欲生子，爲兄嗣續。以此不悅於耶和華。耶和華亦殺之。猶大恐季子亦死，如二兄然，故謂其媳大馬曰：「盍居父家，守志勿嫁，待吾子示拉長，遂居父家。」○久之，猶大妻書亞女死，猶大納慰，與友亞士蘭人希喇往亭訥，剪羊毛。或告大馬曰：「汝舅往亭訥剪羊毛。」大馬知示拉雖長，而已未得嫁之，故去喪。

曰、與我偕寢、可乎。婦曰、何以贈我。曰、必遺山羊之羔。曰、以何爲質、而待羔至。曰、爾欲何質。曰、爾印及紳與杖。乃畀之、遂薦寢焉。婦卽懷妊、起而去、脫帕、仍衣喪服。猶大托友亞士蘭人遺之羔、欲取其質、而不見婦。問居民曰、途側二泉處、有妓安在。曰、此地無妓。返見猶大曰、求之不得、居民亦言彼地無妓。猶大曰、任婦得質、若遍求之、適足增羞。吾曾遺羔、不得其人矣。○越三月、人告猶大云、爾媳大馬有淫行、今已懷妊。猶大曰、曳出焚之。既出、遣人謂舅曰、投贈之主、使我懷妊、試觀此印、及紳與杖、屬誰。猶大識之曰、不嫁之與示拉、我過矣。婦過較我爲輕。嗣後猶大與之絕。○臨產、知其孿生、產際一子先出其手、收生者、以絳絲繫之、曰、此首出也。手入、他子生矣。收生者曰、爾何坼之、此爾自坼、故命名法勒士。法勒士譯即坼其手繫絳絲者後出、命名撒拉。

第三十九章

以實馬利人、攜約瑟至埃及、鬻於法老臣。

法老埃及國君之號

侍衛長波提乏、約瑟於

埃及家爲僕、耶和華祐之、使之亨通。厥主見耶和華祐之、所爲無不亨通、故加以恩、使常侍左右、統轄全業、悉以所有、歸其掌握。嗣後、耶和華爲約瑟故、錫嘏於其主、凡在室在田、咸蒙其祉。主悉以所有、歸約瑟掌握、於已所食外、不知有長物。約瑟丰采甚都、久之、主母目約瑟曰、與我偕寢。約瑟不從、曰、主已不與家事、以凡所有、歸我掌握。家之中、我爲督、我有作爲、主不禁禦、但汝乃其妻、我不可犯、安可自于惡元、獲罪於上帝。婦日誘之、約瑟不聽、非惟不與同寢、亦不與共在。一日、入室治事、旁無侍從、主母執其衣、曰、與我同寢。約瑟棄衣而遁。主母見其遁、棄衣在手、則呼家人曰、主使希百來人至此、辱

及我儕適入室中欲我薦寢我厲聲號呼彼聽我聲厲甚棄衣而遁婦存其衣以待主歸既至則告曰爾所得之希百來僕入以辱我我厲聲號呼彼方棄衣而奔主聞妻言知僕行是則怒甚執約瑟下囹圄其地爲犯王章者所幽囚之處約瑟既下獄蒙耶和華祐特矜恤之令沾恩於司獄司獄以獄囚悉畀約瑟掌理獄中所爲惟約瑟是問司獄不自理獄事悉歸約瑟蓋耶和華祐約瑟凡其所行無不亨通

第四章 厥後埃及王之酒正膳長犯其主法老怒酒正膳長二臣禁之於獄侍衛長之所卽約瑟幽囚之地侍衛長使約瑟侍其側二人久困於獄酒正膳長於獄中同夜得夢夢各不同不知何兆約瑟朝入見其有憂色問曰今日何以有不豫色然曰我儕得夢無人能占其兆約瑟曰占其兆者由於上帝所示請述其詳酒正以夢告曰夢有葡萄樹於前樹有三枝萌芽舒蕊結實纍然吾執法老爵摘實取汁傾於其中以奉法老約瑟曰三枝者三日也三日間法老將使爾出獄復爾職仍爲酒正奉爵法老此卽其兆也爾若得志請垂念我施恩於我爲我告法老拯我出此我昔被掠出希百來境在此我亦未嘗妄作而人乃幽囚我膳長見兆吉則謂約瑟曰我亦夢有三白筐戴於首上筐盛法老所食之炙饌有鳥啄之約瑟曰三筐者三日也三日間法老將使爾出獄懸爾於木鳥啄汝肉此卽其兆也越三日法老誕賜宴羣臣召酒正膳長使之出獄復酒正職奉爵於前懸膳長於木而約瑟所示之兆悉應然酒正不念約瑟竟忘之矣

第四十一章 越二年法老夢立於河濱見七牛由河出體肥且美齧芻於田又見七牛

由河出，色惡且瘠，與前所見之牛立於河濱。其惡且瘠者，吞其肥而美者。法老乃寤，再寢。復夢見一莖生七穗，既佳且實。又見七穗，細弱特甚，暴於東風。其佳且實者，反爲細弱所吞。法老寤，知爲夢。味爽，中心憂疑，召埃及博士哲人，以夢告之，皆弗識其兆。○酒正告法老曰：「吾憶昔日獲罪，法老怒臣及膳長，同囚於侍衛長之獄。我二人同夜得夢，夢各不同，不知何兆。在獄有希伯來少者，侍衛長之役，我以夢告之，其占我夢，各示以兆。占無不應，臣得復職，膳長懸木。」○法老召約瑟，速之出獄，薙髮易衣，以覲法老。法老謂約瑟曰：「我得一夢，無人識其兆，或告我，言爾聞夢，卽識其兆。」約瑟對曰：「非臣所能知也。願上帝以平康之兆，賜於法老。」法老曰：「我夢立於河濱，見七牛由河出，體肥且美，齧藹於田。又見七牛由河出，色惡羸瘠，其牛之惡，遍埃及未之見也。其惡且瘠者，吞其前所見之肥牛。既吞，依然羸瘠，若未嘗入腹然。於是，我卽寤。復夢見一莖生七穗，佳且實。又見七穗，枯而細，暴於東風。佳者，反爲細者所吞。我以此夢告諸博士，皆弗能占。」約瑟告法老曰：「法老之夢，其兆維一。上帝有所爲，先示於王。七美牛者，七年也。七佳穗者，亦七年也。其兆相同。後七牛，惡且瘠者，七年也。細弱之七穗，暴於東風者，七饑年也。我言上帝欲有所爲，先示於法老者，正如是。遍埃及地，必大有七年。其後，必繼以荒歉七年，使埃及疲敝，不知前此之富歲。蓋後至之凶荒特甚，故前日之豐稔不知也。上帝定此，將速成之。故使法老復夢，可擇智慧之士，治理埃及，亦立羣督於國，使七豐年中，田所出者，五分取一，歛豐年之粟，積之於廩，守之於城，存此粟，爲將來埃及地七凶年之用。」

庶幾其國免於喪敗。法老與羣臣善其言。法老謂臣曰：如此之人，蒙上帝之神賦之，豈易得乎？又謂約瑟曰：上帝既以此示汝，故爾智慧，無人可與比擬。爾可治我家，我民必遵爾命，獨於國君之位，則我爲尊。又曰：我舉爾統轄埃及，遂脫指環，授約瑟手衣，以棉衣，復以金索垂其項，乘以次輅，前驅者呼曰：跪。自是立爲通國之宰。法老謂約瑟曰：我乃法老，遍國中無敢擅作，惟爾命是聽。○法老賜約瑟名曰：撒納巴尼，以安之。祭司波提非拉女，亞西納妻之。約瑟觀埃及王法老時，年已三十，遂遍巡埃及四方。七豐年中，物產豐腴。約瑟歛其國之糧，儲於邑，各邑郊之糧，儲於內邑，遂積粟如海沙之衆，不可量數，多故也。荒年未至，約瑟妻安之祭司波提非拉女，亞西納生二子。長子命名馬拿西，曰：上帝使我，不復念昔於父家受諸艱苦。季子命名以法蓮，曰：我至斯土，已歷困苦。上帝反使我昌熾。

埃及地富饒，已歷七年，而七年之凶荒繼至，應約瑟言。時，列國皆饑，惟埃及地尚有倉儲。埃及民饑，號呼求食於法老。法老曰：往見約瑟，所命必行。通國之凶荒已甚，約瑟遂啟倉箱，糶粟於埃及人。天下旣荒，故列國人至埃及，乞糶於約瑟。

第四章 雅各知埃及有粟，謂衆子曰：爾曹何觀望？乃爾我聞埃及有粟，可往糶之，以延生命，免於死亡。約瑟諸昆十人，遂往埃及糶粟。其弟便雅憫，雅各不遣之偕行，恐罹災害。○迦南地饑甚，人羣至埃及糶粟。以色列衆子亦在其中。約瑟得秉國鈞，糶粟與兆民，諸昆至，俯伏以拜。約瑟見而識之，佯爲不知，叱曰：爾何自？曰：自迦南地來乞糶。

約瑟雖識諸昆，而諸昆不之識。約瑟憶前夢，語諸昆曰：爾曹乃偵者，今來此，特窺吾國之虛實耳。曰：吾主，僕不若此，祇爲乞糴而來。我儕皆同父者，素行篤實，豈偵者哉？曰：不然。爾今來此，蓋窺吾國之虛實耳。曰：僕昆弟十有二人，迦南地一父所生，一弟以亡，季者偕父。約瑟曰：爾誠偵者，我言不虛。吾指法老以誓，未攜季者至，不許爾出此。以徵爾言之真僞，必禁錮爾曹，惟遣一人，攜爾弟至，藉徵爾言之真僞。非然，我指法老以誓，汝果偵者，遂幽於獄。至三日，則語之曰：我畏上帝，特施一策，爾從之則得生。爾果篤實，則禁一人於獄，其餘載粟以歸，救爾家之急。攜季者至，以徵爾言之真僞，庶可免於死亡，乃遵命以行。○相語曰：昔吾儕因弟而獲罪，我見其乞憐，不諒其苦衷，置若罔聞，故遭此難。流便曰：我豈不曰：莫害孺子，惟爾不聽，故流厥血之罪。今歸於我，初約瑟與之言，藉譯以傳語，今十人各言方言，意約瑟不知，而約瑟已知之，退而哭，復出與語，自衆中取西面，繫之於前，命以粟充衆囊，陰反其金，饋之以贖，其待之若此。○九人負粟於驢而去。至憩息所，一人啟囊，以粟飼驢，見金在囊口，告兄弟曰：人反我金，猶在於囊，衆心危懼，相告曰：上帝之待我如此，曷故？○歸迦南地，見父，以其事告之，曰：國宰叱我，以我爲偵者。我曰：我儕素篤實，非偵者。昆弟十有二人，一父所生，一弟已亡，季者偕父於迦南國。宰謂我曰：若爾果篤實，有一策可施，爾兄弟中必留一人於此，其餘載粟，以救爾家之急。後攜季者至，則知爾誠篤實，非偵者也。我乃反爾兄弟，爾可貿易於國，遂傾其囊，各人所緘之金具在，父子見之皆懼。雅各謂衆子曰：爾曹喪我子矣。約瑟已亡，西面

亦亡。今欲取便雅憫，此皆害及我身。流便告父曰：「請付於我，我必反之。」不然，殺我二子以償。曰：「我必不使幼子與爾偕往，其兄已亡，彼即煢然如途間遭害，則我皓然白首，淒涼歸墓，皆爾之過也。」

第四章 境內饑甚。埃及所運之粟已罄。父曰：「復往，少爲乞糴。」猶大曰：「其人實告我曰：如季者不來，不得覲我面。若遣弟偕往，則可乞糴。不然，則不可往。」蓋其子曰：「如季者不來，不得覲我面。」以色列曰：「何以有弟告之，因而害我？」曰：「其人詳詰我戚族云：爾父尚在，猶有弟否？我以實告，豈知其命我攜弟來耶？」猶大謂以色列曰：「遣弟與我偕往，汝我子女均可相保，不至死亡。我保幼弟，其責在我，如不攜歸，置於爾前，我畢生負疚。若無濡滯，已往返者再。」以色列曰：「若然，我有一策，探地佳品，載之於器，爲禮以饋之。乳香、野蜜、少許香料、沒藥、榲子、杏仁、挈金、乞糴，倍其前數，昔得于囊之金悉返之，恐其或有差謬也。更攜幼弟再往見其人，願全能之上帝使爾獲寵於其人前，遣爾兄與便雅憫歸。若我喪子，則亦已矣。」○遂取禮物，挈前金倍其數，偕便雅憫詣埃及，立約瑟前。約瑟見便雅憫偕至，則謂家宰曰：「導此人歸，宰牲設席，是日亭午，我將與之共食。」家宰遵命，導之以歸。十人咸至約瑟家，則懼，相語曰：「緣昔有金於囊，故招我入，欲乘隙猝來執我爲奴，而攘我驢乃於門側。」語其家宰曰：「長者與昔我來此乞糴，歸至憩息所，啟囊見我儕之金猶在，計其數無少缺，今我反之。」此外尚攜金乞糴，藏金於囊，不識誰爲。曰：「毋懼，安。」○咸導

入室俾水濯足且飼其驢。昆弟十一人聞將食於此故備禮物以待約瑟。亭午歸。既至昆弟陳禮物於室俯伏拜之。約瑟問安曰。汝前言父已老不識尚在無恙乎。曰。吾主之僕我父尚在無恙遂稽首俯伏。約瑟見同母弟便雅憫曰。爾前言之季弟卽此人乎。願上帝施恩於孺子。約瑟因弟中心如焚急擇一所潛焉出涕故入室而哭。後饋面出強制其情命肆筵設席。既設約瑟一席十一人一席共食之。埃及人一席緣埃及人與希伯來族同席以爲不屑。約瑟命諸昆弟列坐於前長先幼後彼此駭異。約瑟饋饌與衆昆弟惟便雅憫之饌獨盛且五倍之遂飲同樂。

第四章 約瑟命家宰曰。以粟充其人之囊依其所負仍反其金。以我銀爵與乞糴之金置於季者囊。家宰遵命。黎明人與驢俱遣之去。距邑未遠約瑟謂家宰曰。往追其人及之則曰。曷以惡報善乎。吾主所飲之器用以卜者豈非此耶。爾行是不良孰甚。追既及如言以告。十一人曰。長者何爲出此言也。此事僕斷不爲向者得金於囊我自迦南來卽反於爾則我豈竊銀金於主室乎。可索僕中誰藏此物卽當死。我衆爲爾之奴。曰。如爾言藏此物者當爲我奴餘皆無辜。各人急下囊啟之家宰遍索自長迄幼得爵於便雅憫囊。衆裂衣使驢負載仍返於邑。○猶大與昆弟至約瑟適在室俯伏拜之。約瑟曰。爾所爲者何與人而若我能卜而識之爾豈不逆料乎。猶大曰。我儕告主豈尙有言辭焉能自伸。上帝摘僕之咎遇有爵於其手者與我儕咸爲主之奴。約瑟曰。不可第遇有爵於其手者則爲我奴爾衆安然以歸返見爾父可也。○猶大前謂約瑟曰。主與

法老若同一體。僕有一言告於主前。主毋怒。昔主問僕云。有父與兄弟否。僕告主曰。有父。年老耄耄。生季子。其同母之兄亡矣。其母惟遺此子。父絕愛憐。主命僕攜之至。欲目睹之。僕告主曰。彼與父不能暫離。恐別父。則父死。主命僕曰。若季弟不至。爾曹不復覲我面。僕旋歸。見吾主之僕我父。則以主言告我父曰。復往。少爲乞糴。僕曰。若季弟偕往。則可否。則不可。蓋季弟不同行。則其人之面。我不能覲。吾主之僕我父告我曰。爾知我妻拉結。惟生二子。一出不歸。我曰。必死於獸。至今不得見。一子尚在。今爾欲攜之去。設遭災害。是使我皓然白首。淒涼歸墓。今歸見吾主之僕我父。而季弟不與我偕。將若何。况父惜季弟如命。既見其不同歸。父必死。如是。僕將使吾主之僕我父。皓然白首。淒涼歸墓。蓋僕保此子於父前曰。如不攜之歸。我畢生負疚。今僕願代季弟居此。爲吾主之奴。容季弟偕兄歸。如我歸而季弟不歸。見父遭禍。吾何忍乎。

第四章 **五章** 約瑟情不能制。屏諸侍者。不令一人侍側。然後明告兄弟。使相辨識。即大

聲號泣。埃及人與法老內庭悉聞。約瑟見兄弟曰。我乃約瑟。吾父尚在乎。諸昆弟懼。不能措一詞。約瑟曰。爾來前。則皆前曰。吾乃爾弟約瑟。昔爾鬻於埃及者。勿緣此自憂。自恨。蓋上帝遣我先爾而至。以保爾命。今在境內。已饑二年。更有五載。必無稼穡。上帝遣我先爾而至。存爾後嗣。大援其手。以保爾命。我之至此。非爾所遣。上帝所遣。使我於法老尊同其父。兼司宗室。治理通國。爾可速返。見父告之曰。汝子約瑟言。上帝立我爲埃及宰。青來比。毋暫留。爾及子孫牛羊。與凡所有。居於珂山。與我伊邇。饑饉尚有五年。我

供養爾，庶免眷聚與凡所有者，匱乏。我親與爾言，爾曹與弟便雅憫，皆目覩之。我在埃及所得之顯榮，爾所共見，速返告父，迎之至此。遂抱弟便雅憫頸而哭，便雅憫亦抱其頸而哭。約瑟與諸昆弟接吻而哭，昆弟始與之言。○有聞於法老宮曰：約瑟之兄弟至，法老與其臣皆悅。法老命約瑟曰：可囑兄弟，使畜負物，而往迦南，迎父與眷聚，就我。我必以埃及嘉物賜爾，享地之膏腴，必遵我命，以埃及之車，迎父以至，并載妻孥。遍埃及之嘉物，皆以賜爾，毋惜爾之器皿。以色列諸子，遵言而行。約瑟循法老命，給之以車，饋之以贐。各贈衣一襲，贈便雅憫金三百，衣五襲。其饋父也，牝驢十，負埃及之嘉物，牝驢十，負粟與餼糧，以爲父贐。遣兄弟歸曰：途間，毋相爭競。○遂離埃及，至迦南，見父雅各。告之曰：約瑟尚在，爲埃及通國之宰。雅各不信，不以所言動其心。諸子以約瑟言告父，雅各見約瑟，遣車載已，其神活潑，曰：足矣。我子約瑟尚在，我未死，必往見之。

第三十五章 以色列攜凡所有，往至別是巴，獻祭於父以撒之上帝。至夜，上帝於異象中呼以色列曰：雅各。雅各曰：吾在此。曰：我乃上帝，卽爾父之上帝。爾往埃及，勿懼。我必昌熾爾族，使成大國。我將導爾至埃及，歸爾骨於故土。約瑟將按手於爾，使爾瞑目。雅各離別是巴，衆子以法老所遣之車載其父，爰及妻孥。雅各驅羣畜，攜迦南所有之貨財，及子女與孫戚族，咸至埃及。

以色列衆子，至於埃及者，其畧如左。雅各長子流便，流便生哈諾，哈諾生法路，法路生希斯崙，希斯崙生迦米，迦米生耶母利，耶母利生雅民，雅民生雅斤，雅斤生鎖轄，鎖轄生少羅，少羅生迦南，迦南生利未，利未生革順，革順生哥轄，哥轄生米喇哩。

猶大生^{十一}嗎阿楠示拉法勒士撒拉惟嗎阿楠死於迦南法勒士生希斯崙哈母勒以薩
迦牛陀拉孚亞約百仲崙^九西布倫生西烈以倫雅利此雅各子孫與女底拿生於巴坦
亞蘭屬利亞所出者共三十三人伽得生西非翁哈基書尼以士本以哩亞羅底亞哩
利亞設生音拿以書亞以書以庇哩亞及妹西喇庇哩亞生希百抹結此雅各子孫屬
拉班所賜利亞婢悉帕所出共十六人雅各之妻拉結生約瑟便雅憫約瑟在埃及娶
安之祭司波提非拉女亞西納^{十二}生馬拿西以法蓮便雅憫生庇拉庇結亞實別其喇乃
慢以希羅實母平戶平亞勒此雅各子孫屬拉結所出共十四人但生戶仲納大利生
雅泄姑尼耶色示臉^{十五}此雅各子孫屬拉班所賜拉結婢辟拉所出共七人○屬於雅各
同來埃及者共六十六人所娶之媳不與焉約瑟於埃及所生者二人於是雅各眷聚
至埃及者共七十人

雅各遣猶大前往見約瑟，導至珂山，遂至珂山。約瑟備車往珂山迓父，見之抱頸而哭，不輟。以色列謂約瑟曰：爾其尚存，余猶及見，雖死無憾。約瑟謂父兄曰：我將觀法老告之曰：昔在迦南，我之父兄及眷聚咸至，彼有羣畜以牧爲業，今驅牛羊及凡所有而至。倘法老召爾，問汝何業，爾當告曰：僕與祖宗自幼迄今，牧畜爲業。蓋埃及人視牧者爲不屑，必以珂山爲爾居地。

第四十

約瑟觀法老告曰我之父兄驅牛羊攜所有自迦南至今在珂山約瑟簡

欲旅此求法老許僕居珂山。法老諭約瑟曰：爾之父兄既至埃及之沃土，任爾自擇，可使爾父兄居珂山。諸昆弟中有能力者，使爲我牧畜長。○約瑟導父觀法老，雅各爲法老祝嘏。法老問雅各年幾何矣。雅各曰：余旅世年百有三十，較祖旅世之年少，不能相及，且多歷艱苦。雅各再爲法老祝嘏而退。○約瑟循法老命，以埃及之沃土，蘭塞境，賜父兄爲業。約瑟供養父兄眷聚，視其應需而給之。○饑既甚矣，四方無糧，埃及迦南無不窮乏。埃及與迦南人，以金易粟。約瑟斂二地所有之金，儲於法老之庫。民間金盡，埃及人見約瑟曰：金盡矣，請予我食，否則斃於爾前。將若何。約瑟曰：金既盡，盡以畜易粟。民牽羣畜就約瑟，約瑟以粟易其馬牛羊驢。是年，因易其畜，給之以糧。○歲終，明年又至，曰：我主之前，不敢隱。我金已盡，羣畜悉歸吾主，我無所有，惟身與田。主何忍見我身死而田不治，願以身及田易粟。我與吾田，爲法老所得，第給我以種。田不至於荒蕪，命不至於死亡。饑甚矣，埃及人各鬻其田與法老。約瑟爲法老購之。移埃及四境之民於城邑。惟祭司之田不售，蓋法老頒糧與祭司，祭司食其糈，故不鬻田。約瑟告民曰：今我爲法老購爾及爾田，有種於此，播田可也。穡時，當五輸其一，以納法老。四分歸爾，爲種以播田，亦爲爾及爾眷聚所食。曰：爾援我命，願沾主恩，爲法老僕。約瑟立埃及田賦之法，五輸其一，以納法老，獨祭司之田，不歸法老，至今猶然。

以色列族居埃及之珂山，在彼獲業，生育衆多。雅各居埃及十有七年，享壽一百四十七歲。以色列死期將至，召子約瑟曰：如爲爾所愛，則當置手於吾髀下，必善待我，真實

上帝眷祐於爾，全能之主，錫嘏於爾。天上之繁祉，地下之名泉，產育乳哺之福。二十六爾父之福，恆久不已，勝於亙古山嶽所出之寶物。昔約瑟遠兄弟而去，此福必歸其首，便雅憫如狼，斷傷牲畜，朝吞所獲，夕分所得。二十七○此皆以色列十二支派，其父爲之祝嘏，各依其祚而禱其福。父命之曰：我將返本，當葬我於赫人以弗崙田中之穴，附吾祖父側。昔亞伯拉罕自赫人以弗崙購迦南地，慢哩相對，麥比拉田之穴，以爲塚地，族人於斯土葬。二十八亞伯拉罕及其妻撒拉亦葬以撒及其妻利百加，我亦葬利亞，其田與穴購自赫人雅各命衆子畢，斂足於牀，氣絕返本。二十九

第五章

約瑟俯於父面，涕泣而吻之。一命延於家之醫士，以香料釁父尸，醫士釁之。二

尸四旬既畢，埃及人哭之七旬。三哭期既竟，約瑟告於法老之臣曰：若蒙汝恩，請爾爲我求法老曰：吾父臨沒時，使我發誓，必葬之於迦南地所備之墓，容我往彼葬父而返。法老傳諭謂約瑟曰：爾父既令汝發誓，可往葬之。四○約瑟遂往葬父，法老之臣工侍御，暨埃及長老偕行。約瑟眷聚兄弟族人俱往，獨留孩穉牛羊於珂山，車馬同行，大衆成隊，至約但東亞達禾場，哭之甚哀，惟約瑟爲父悲哀七日。五迦南居民見其在亞達禾場悲哀，則曰：埃及人大哀，故稱約但東之地曰：亞伯麥西。六亞伯麥西譯即埃及人舉哀。雅各衆子循父命而行，歸父骨至迦南，葬於麥比拉田之穴，與慢哩相對。昔亞伯拉罕購自赫人以弗崙之塚地，約瑟葬父既畢，則與昆弟偕送葬者，咸歸埃及，父既沒，約瑟昆弟懼曰：約瑟必憾我，念我舊惡而報，遂遣人見約瑟曰：父未沒時，已命我儕告爾云：昔諸昆仲待汝不善，吾

今令爾宥其過。惟我儕爲汝父上帝之僕。請赦我罪。約瑟聞言而哭。十八兄弟至前。俯伏曰。我儕願爲爾服役。約瑟曰。毋懼。報施在上帝。豈在我乎。報施句或曰我豈代上帝乎爾之待我。雖懷惡念。而上帝反使我有善遇。保兆人之命。至於今日。爾勿懼。我養贍爾。及爾子女。遂以善言慰藉。○約瑟與戚族居埃及。享壽百有十歲。以法蓮之曾孫。與馬拿西之孫。馬吉之子。約瑟猶及見之。顧復於懷。○約瑟謂兄弟曰。我死期將至。上帝必眷顧爾。導爾出斯土。反至所誓賜亞伯拉罕。以撒。雅各之地。約瑟使以色列族發誓云。上帝必眷顧爾。爾當攜我骨出於是邦。約瑟享壽百有十歲。乃終。人斃其尸。蓋棺於埃及。

出埃及記

以色列族與眷聚偕雅各至埃及其名備載如左。流便西面利未猶大以薩迦西布倫便雅憫但納大利伽得亞設與在埃及之約瑟屬于雅各者共七十人。約瑟與衆昆弟及同時之人相繼而逝。以色列族生育繁多昌熾是邦日以強大。

埃及新王卽位不念約瑟告民曰以色列族甚衆其強過我莫若施謀以制之恐其衆多乘敵至合而攻我離我國而去於是法老建比東蘭塞二邑爲府庫役以色列人負戴甚苦立督以治其事屈抑愈甚生育愈繁故埃及人益忌之嚴督其役畀以重任艱苦其身陶瓦搗土力田所服之役無不以嚴○希伯來族有收生者一名十拉一名部亞王命曰爾爲希伯來婦收生見其臨產若生男則殺之女則存焉收生者畏上帝不遵王命竟存男子王召收生者曰爾不從命存男奚爲對曰希伯來婦甚健收生者未至子已產矣與埃及婦異收生者畏上帝上帝施恩克昌厥後以色列族生育衆多日以強大法老命其民曰以色列族生男則溺於河生女可全其命

第二章 有利未族人娶利未族女懷妊生子見子岐嶷匿之三月不可復匿則取萑爲箱以石油瀝青塗之納子其中置於河濱萑間子之姊遙立視其若何○是時法老女臨河而浴其婢遊於河濱王女見萑間有箱遣婢取之啟見有子在焉子哭憐之曰此希伯來人子子之姊謂法老女曰我往招希伯來乳媪以哺此子如何曰可乃往招其母去老女謂之曰爲我哺此子我予汝值婦取子哺之子少長母攜見法老女法老女

以爲己子。命名摩西。蓋曰：我拯之於水。○摩西既壯，至兄弟處，見其負戴，又見埃及人擊其兄弟希伯來人。摩西顧左右無人，則殺埃及人，掩之以沙。明日又出，見希伯來二人鬪，謂不義者曰：何傷爾同儕？曰：孰立汝爲有司刑官，以治我乎？昔殺埃及人，今欲殺我乎？摩西意謂事洩而懼。法老聞之，欲殺摩西。摩西避法老，往米田，坐於井側。○米田祭司有七女，皆來汲水，欲盈其槽，飲父羣羊。衆牧逐之。摩西助女以飲羣羊。諸女返見祖流耳。祖曰：今日爾歸何速？曰：有埃及人拯我，脫於衆牧手，亦爲我汲水飲羣羊。曰：其人安在，因何遺之？請來食餅。流耳欲摩西偕居。摩西悅，流耳以其孫西坡喇妻之。生子命名革順。蓋曰：我爲旅於異地。○歷年既久，埃及王薨，以色列族因服役良苦，太息號呼，聲聞於上帝。上帝聞之，追念素與亞伯拉罕以撒雅各所立之約，故眷顧以色列族，特垂念焉。

第四章 米田祭司葉羅摩西外舅也。摩西爲之牧羊，驅羊至曠野之西，迨上帝之山何烈。耶和華之使，於棘火焰中顯現。摩西見棘焚而不燬，曰：我必回步履，覩此異象，棘焚不燬，曷故？耶和華上帝見摩西回步履，則自棘中呼之曰：摩西。摩西曰：我在此。曰：爾勿前，解爾屨，爾立之所乃聖地。又曰：我乃爾祖之上帝，卽亞伯拉罕之上帝，以撒之上帝，雅各之上帝。摩西蒙其面，不敢覲上帝。耶和華曰：我鑒吾民，受苦於埃及，人督其役，上籲於我，惟我聽聞，知其殷憂。我降臨以拯之，脫於埃及人手，導出其境，以詣至腴至廣之地。其地產乳與蜜。卽迦南人，赫人，亞摩哩人，比哩洗人，希未人，耶布士人所處者。埃及言勺，言言。出埃及記第三章

及人虐遇以色列族。其籲上聞於我。我已鑒之。今將遣爾見法老。導我民以色列族出於埃及。摩西對曰。我何人斯。焉得見法老。導以色列族出埃及乎。曰。我左右爾。爾導民出埃及。必事我於此山。我非無徵以遣爾。摩西曰。我至以色列族。告曰。遣我者。爾祖之上帝也。彼若詰我。上帝何名。將奚以對。上帝曰。我自有而恆有。爾當告以色列族曰。自有者遣我。又曰。必告以色列族。遣爾者。乃其祖之上帝。亞伯拉罕之上帝。以撒之上帝。雅各之上帝。耶和華是。耶和華譯即自有者此我恆久之名。歷世爲誌。爾往屬以色列長老。而告之曰。爾祖之上帝。亞伯拉罕。以撒。雅各之上帝。耶和華。顯現於我。曰。我眷顧爾。爾於埃及所受。我無不鑒之。我將脫爾於苦厄。導爾出埃及。至迦南人。赫人。亞摩哩人。比哩洗人。希未人。耶布士人之地。其地產乳與蜜。以色列長老必聽從爾。爾與之覲埃及王曰。希伯來族之上帝。耶和華。已降臨於我。請許我詣野。歷程三日。以祭我上帝耶和華。然我知不施其大有爲之手。則埃及王必不許汝往。故我將施我大能。行其異蹟。以擊埃及。行且釋爾。我將使我民得沾恩於埃及人。毋使徒手而去。諸婦必向隣女。與旅於其家者。乞金銀服飾。飾其子女。如是。使埃及人之物。歸乎爾已。

第四章 摩西對曰。恐以色列族不信從我。言耶和華不顯現於我。耶和華曰。爾所執者何。杖曰。可擲於地。摩西擲之。遽化爲蛇。摩西避焉。耶和華曰。舉爾手執其尾。摩西舉手執之。仍爲杖。耶和華曰。爾當行是。使以色列族信其祖之上帝。亞伯拉罕之上帝。以撒之上帝。雅各之上帝。耶和華。已顯現於爾。○又曰。置手於懷。摩西置於懷。復出其手。

竟成癩，皓如雪。又曰：再置手於懷。摩西復置而出之，其色與遍體無異。耶和華曰：如以色列族，不緣前之異跡，信從爾，必爲後之異跡，信從爾。設行異跡，而仍弗信從，則以河水傾於陸地，水必變血。摩西籲耶和華曰：我主，自昔迄今，爾命我之時，我無能措辭，拙於口，病於舌。耶和華曰：子人，以口者誰乎？使人或聾或瘡，或明或瞽者誰乎？非我耶和華乎？往哉！我必助爾說辭，示爾以所當言。曰：我主，請遣他人。耶和華不悅，曰：利未族人亞倫爲爾之兄，我知其善說辭。今出迓爾，見爾必喜。汝必告以所當言，我將助汝二人說辭。所必行者，吾以示爾。曹亞倫必爲爾告民，彼之於爾，代播言詞。爾之於彼，代爲上帝。爾當執此杖，以行異蹟。○摩西往見外舅葉羅曰：我昆弟在埃及，未識存否？容我往見之。曰：爾可安然以歸。耶和華在米田，諭摩西曰：欲害爾命者已死，可返埃及。摩西挈妻孥，以驢乘之，執上帝杖以歸。耶和華諭摩西曰：汝歸時，我命爾所行之異跡，爾必行於法老前。法老不釋我民，剛愎厥心，我姑聽之。我姑聽之句或曰：我使之然後做此。爾可告法老曰：耶和華視以色列族，同於豕子。故諭爾云：當釋我子，使爲我服役。不然，必殺爾豕子。○摩西行於途，至憩息所。耶和華欲置之死地。西坡喇取利石，爲子行割禮，所斷之皮，擲於足前。曰：爾爲我夫，何殘忍若此？西坡喇言是，蓋爲行割禮也。旣行是禮，耶和華釋摩西。○耶和華諭亞倫曰：詣野迓摩西，乃往迓之於上帝之山，接吻爲禮。摩西以耶和華遣之，使行異蹟，告於亞倫。

摩西亞倫遂招集以色列長老。亞倫以耶和華命摩西言告長老，行異蹟於民前。民篤信摩西。

信之。既聞耶和華眷顧以色列族，矜其患難，無不稽首崇拜。

第五章 厥後摩西亞倫入告法老曰：以色列之上帝耶和華云：當釋我民往野守節。法老曰：誰爲耶和華，使我惟命是聽，而釋以色列族乎？我不識耶和華。曷肯釋以色列族？曰：希百來族之上帝降臨於我，請許我適野，歷程三日，以祭我上帝耶和華，恐疾疫鋒刃災及我身。王曰：摩西亞倫奚爲阻民操作，爾往仍爲負戴。又曰：此族衆多，爾使之不負戴，曷故？○是時法老諭督役者與族長曰：厥後此族陶瓦，毋仍給芻，使往自斂。所陶之瓦，其數仍如疇昔，毋容少減。彼憚服役，故號呼曰：容我往祭我之上帝，當倍其工，使之操作，無胥動以浮言。督役者與族長出告以色列族曰：法老命不給爾芻，爾往隨在斂之，工毋少減。以色列族散往，遍於埃及，斂草芥以代芻。督役者促之曰：當日竣其工，與昔有芻無異。法老所委之督，撻以色列族長曰：爾所陶瓦，昔有其數，今不能竣，曷故？○以色列族長籲法老曰：曷待僕若是不給僕以芻，而使陶瓦，僕又被撻，咎歸王臣。曰：爾怠矣，爾怠矣，故云容我往祭耶和華，爾往操作，不給爾芻，所陶之瓦，其數當竣。以色列族長聞日所陶瓦數毋容減，則知害及乎已。以色列族長覲法老而出，見摩西亞倫，佇立於途，告之曰：爾使法老及羣臣，無不惡我，授刃殺我，願耶和華鑒察，而伸我冤。○摩西返禱耶和華曰：主歟，何爲遣我，以害此族？我遵爾命，入告法老，及至今日，彼荼毒此族益甚，而爾未嘗拯之。

第六章 耶和華諭摩西曰：我必施大能，使法老釋以色列族，驅之出境，俾爾目擊。○上

帝諭摩西曰、我爲耶和華。昔、我顯現於亞伯拉罕、以撒、雅各、稱吾名爲全能之上帝。未嘗稱吾名爲耶和華。彼旅於迦南、我與之立約、錫斯土以爲業。今埃及人使以色列族服役、而號呼、升聞於我、我念前約。爾告以色列族曰、我乃耶和華、將拯爾於埃及人、釋爾負戴、罷爾役事、降災以譴爾敵、施能以贖爾身。我必以爾爲民、我亦必爲爾之上帝、使爾知我乃爾上帝耶和華、拯爾於埃及、釋爾負戴。我耶和華昔有誓言、錫地與亞伯拉罕、以撒、雅各、今導爾入斯土。予爾爲業。摩西以此言告以色列族、彼因徵役煩苛、志昏氣餒、置若罔聞。耶和華諭摩西曰、往告埃及王法老、必釋以色列族出其境。摩西對曰、我拙於口、以色列族且不聽、何論乎王。耶和華諭摩西亞倫、命埃及王、釋以色列族出於其地。○以色列族最著者、臚列如左。以色列長子流便、生哈諾、法路、希斯崙、迦米流、便子孫。由是蔓延。西面生耶母利、雅民、阿轄、雅斤、鎖轄、少羅、少羅乃迦南女所出。西面子孫、由是蔓延。利未生革順、哥轄、米喇哩。利未享壽一百三十七歲。革順生立尼、示每、依其世系。哥轄生暗蘭、以斯哈、希伯崙、烏泄、哥轄享壽一百三十三歲。米喇哩生抹利母。示此利未子孫、依其世系。暗蘭娶其姑約基別、生亞倫、摩西。暗蘭享壽一百三十七歲。以斯哈生哥喇、尼弗、色哩。烏泄生米沙利。以利撒反、色哩。亞倫娶亞米拿達女、拿順妹、以利沙巴、生拿答、亞庇戶、以利亞撒。以大馬可喇生亞惜、以利迦拿、亞比亞撒。此可喇之子孫。亞倫之子以利亞撒娶部鐵女、生非尼哈。以上所載、皆利未子孫最著者。昔耶和華命摩西亞倫、導以色列族兆民出於埃及、自後告法老、導民出境者、卽其人。

也。○是時耶和華於埃及地諭摩西曰：我乃耶和華，當以我所諭告埃及王摩西曰：我拙於口，法老豈聽哉。

耶和華諭摩西曰：我使爾代爲上帝，以治法老，使亞倫代爾爲先知，以播言詞。我所諭爾者，汝當言之，使亞倫告法老，釋以色列族出其境。法老剛愎厥心，我姑聽之。俟我多施異蹟奇事於埃及地，法老必不聽爾，我則施大能，降災於埃及人，導我兆民以色列族出其境。我行是，使埃及人知我乃耶和華。摩西亞倫遵命以行，告法老時，摩西年八十，亞倫八十有三。○耶和華諭摩西亞倫曰：若法老欲索奇事，可使亞倫執杖，擲之於法老前，必化爲蛇。摩西亞倫觀法老，遵耶和華命以行，亞倫擲杖於法老及羣臣前，遽化爲蛇。法老召哲人巫覡，卽埃及之博士，亦施厥術以行是事，各擲其杖，俱化爲蛇，而其杖爲亞倫杖所吞。法老仍剛愎厥心，不肯聽從，而耶和華之前言應矣。○耶和華謂摩西曰：法老剛愎乃心，不肯釋民。明日，法老詣河，爾往河濱，執化蛇之杖，俟法老至，告之曰：希伯來族之上帝耶和華遣我見爾，使釋其民，往詣曠野，爲其役事。迄今爾未聽從。緣此，耶和華命我，以杖擊河水，立變爲血，使爾知彼乃耶和華。河水將臭，鱗族將亡，俾埃及人厭棄不飲。○耶和華諭摩西曰：當使亞倫展施其杖，擊埃及水，其江河池沼，咸變爲血，於是而徧通國。木石器皿，無不有血。摩西亞倫遵命，於法老及羣臣前，以杖擊河水，咸變爲血。水臭魚斃，通國有血，此河之水，人不能飲。埃及博士亦施厥術以行是事，法老剛愎其心，不肯聽從，耶和華之言應矣。法老反宮，不以爲意。河水不能

飲故埃及人沿河濱掘地得水。○耶和華降災於河歷至七日乃止。

第二十三章 耶和華諭摩西曰當詣法老告之曰耶和華命爾釋其民爲其役事不然必使蛙害境內蛙必滋生於河升於王宮入室土榻亦入臣民家而搏麵炊麵之器莫不遍及蛙必擾爾與爾臣民。○耶和華諭摩西命亞倫於江河池沼間施展其杖使蛙悉出遍於國中亞倫指水使蛙盡出充斥埃及博士亦施厥術使蛙至於埃及。○法老召摩西亞倫曰汝求耶和華爲我與我民驅蛙我則釋爾族容其祭耶和華摩西曰請約何時我必代爾與臣民求驅蛙離王宮民室仍入於河曰定以明日曰可如爾言使知我上帝耶和華無可比擬蛙必離爾宮及臣民惟在於河。○摩西亞倫退耶和華既使蛙害法老摩西籲之以除其害耶和華如摩西言使第宅里巷田畝之蛙盡斃人積之成壘腥臭遍地法老少覺寬舒剛愎厥心仍不聽從而耶和華前言應矣。

耶和華諭摩西命亞倫施展其杖以擊土塵使化爲蚋於是通國之塵爲蚋噉人與畜博士亦施厥術欲生蚋而術不行人畜既被噉博士告法老曰此乃上帝施其有能之手維時法老剛愎厥心仍不聽從而耶和華前言應矣。○耶和華諭摩西曰汝夙興至水濱俟法老至告之曰耶和華云汝當釋我民服役於我倘爾不從我必使羣蠅噉爾與臣民且充斥宮幃第宅田畝我民居於坵山是時我區別之在彼必無羣蠅使爾知我耶和華治理宇內區別我民與爾民明日必行是事耶和華遂使羣蠅充斥法老之宮及民第宅田畝俱罹其災。○法老召

摩西亞倫曰。爾可於斯土祭爾上帝。^{廿六}摩西曰。不能。我所宰牲。祭我之上帝耶和華。埃及人以為不可宰。如我於埃及人前。宰其所不當宰。豈不以石擊我乎。願詣曠野。歷程三日。以祭我之上帝耶和華。遵其所諭。^{廿七}法老曰。我今釋爾。俾爾詣野。祭爾上帝耶和華。第行勿遠。願代我所禱。^{廿八}摩西曰。我退禱於耶和華。明日可驅羣蠅。離法老及臣民。法老毋再欺。不釋我族。俾祭耶和華。^{廿九}摩西退。禱於耶和華。耶和華如摩西言。驅羣蠅離法老與厥臣民。靡有孑遺。是時。法老剛愎厥心。仍弗釋以色列族。

第四章 耶和華諭摩西曰。當觀法老。告曰。希百來族之上帝耶和華。申命汝釋其民。為其役事。如不釋。而仍強拘之。則爾在田之羣畜。耶和華必降以災。使馬驢駝牛羊。遍染疫癘。以色列羣畜。耶和華必區別之。使毫釐無損。耶和華定期曰。明日。我於斯土。必行是事。^一次日。耶和華果行此。埃及人在田之羣畜盡斃。而以色列族之羣畜。不死一牲。法老使人睜以色列族之羣畜。俱無恙。仍剛愎厥心。不釋其族。^二耶和華諭摩西亞倫曰。爾曹當取爐灰盈掬。使摩西向天揚之。於法老前。灰化為塵。遍於埃及。及使通國人畜悉生瘡瘍。二人遂掬爐灰。立法老前。摩西向天揚之。使人畜悉生瘡瘍。博士與埃及人均染此疾。故博士不能立於摩西前。法老剛愎厥心。仍不聽從。耶和華姑聽之。^三姑聽之。或曰。使之然。而所諭摩西之言應矣。^四耶和華諭摩西曰。夙興。立於法老前。告之曰。希百來族之上帝耶和華云。爾當釋我民。役事於我。不然。我必降災於爾。以及臣民。使爾知我於天下。無

崛起以顯我能。我名播揚於天下。爾如剛暴。禁阻我民。明日此時。必大雨雹。自埃及肇基迄今。未有若此之甚。今爾在田之羣畜。當使避匿。雨雹時。凡人與畜。在田不歸者。必死。法老之臣。畏耶和華命者。使僕衆與羣畜。咸趨歸舍。其不以耶和華命爲意者。僕衆與羣畜。仍遺於田。○耶和華諭摩西曰。以手指天。必有雹雨於埃及。及傷人及畜。與通國之田蔬。摩西以杖指天。耶和華使雷震電閃雹降。遍於埃及。其時。電閃雹降。其災甚厲。自埃及肇基以來。未之見也。凡在田之人畜。無不被擊。田蔬悉傷。園木盡折。而以以色列族所居之珂山。雹不之及。○法老召摩西亞倫。謂之曰。我過矣。耶和華無不義。我與斯民反之。雷轟雹降。亦太甚矣。請爾禱於耶和華而止之。我必釋汝。更無扞格。摩西曰。我出邑。將拱手禱耶和華。雷必卽止。雹不復降。使爾知宇內。悉爲耶和華所治。然我知爾與羣臣。尙未寅畏耶和華上帝。當時。薅麥初穗。胡麻始華。故薅麥與胡麻俱壞。小麥與粗麥未長。故不壞。摩西退出邑。拱手禱耶和華。雷雹悉止。雨不淋漓。法老見雷息。雨雹皆止。則與羣臣。仍干罪戾。剛愎厥心。不釋以色列族。而耶和華諭摩西之言。應矣。

耶和華諭摩西曰。爾當觀法老。法老與羣臣。剛愎厥心。我姑聽之。我姑聽之。句或曰我使之然。

以顯我異蹟於其間。俾爾以我所行於埃及之異蹟。告爾子孫。則知我誠耶和華。○摩西亞倫觀法老曰。希伯來族之上帝耶和華。諭云。爾欲待何時。始自卑乎。當釋我民。以役事我。倘不釋我民。明日我使蝗至爾境內。周遍於地。幾無隙土。其未壞於雹者。必爲蝗所食。以及園中植木。無不盡焉。爾之宮幃。臣民之第宅。蝗充斥之。自爾祖爾父至於

今日皆未嘗見也。摩西退。○羣臣奏法老曰：似此累我，伊於何底？宜釋斯族，役事其上。帝耶和華豈不知埃及已將危亡乎？法老乃召摩西亞倫曰：爾往役事爾之上帝耶和華。但欲往者爲誰？摩西曰：自老迄幼，由子及女，爰至牛羊，無不俱往，以守節禮，奉事耶和華。曰：我知爾衷懷不善，如耶和華庇爾則可，但我不釋爾之幼穉同往。我如爾祈，惟長者往，役事耶和華，餘弗與。遂驅二人出。○耶和華諭摩西曰：手指埃及，招蝗遍集，未壞於雹之田蔬，悉爲所食。摩西以杖指埃及，耶和華令風從東來，永朝永夕，明晨蝗隨風至。蝗至埃及，棲於四境，自古迄今，至於後世，殆亦未有若此之甚。蝗遍通國，覆蔽全地，田蔬園木，未壞於雹者，悉爲所食。樹葉田蔬，靡有孑遺。○法老速召摩西亞倫曰：我獲罪於爾之上帝耶和華，亦獲罪於爾。今姑宥我，禱爾上帝耶和華，免此大災。二人退，禱耶和華。耶和華令西風驟起，悉驅其蝗，投之紅海。埃及境內，不遺一蝗。法老剛愎厥心，不釋以色列族。耶和華姑聽之。○耶和華諭摩西曰：以手指天，使埃及晦冥，暗中摸索。摩西指天，遍埃及地，杳冥幽暗，至於三日。三日間，人不得相見，弗能出戶，惟以色列族宅有輝光。○法老召摩西曰：爾可攜子女往，役事耶和華，止留牛羊。摩西曰：必給我犧牲，燔而祭我之上帝耶和華，亦牽羣畜，弗遺一蹄，我必以此役事我之上帝耶和華，未臨其地，所以奉事耶和華者，尙不知以何物。○法老剛愎厥心，不釋以色列族。耶和華姑聽之。法老曰：爾且退，自後毋覲我面。覲面之日，我必置爾於死地。摩西曰：可如爾

第廿二章 耶和華諭摩西曰、我更降災於法老與埃及民、彼然後釋汝、驅爾出境。汝可語以色列族、使諸男女、乞金銀飾物於其隣。耶和華使斯族沾恩於埃及人。時法老之臣民重視摩西。○摩西謂法老曰、耶和華云、我中夜必遍行埃及、自居位之法老、迄旋磨之婢女、凡其長子、及羣畜首生者、悉置於死。號泣之聲、遍聞埃及、自昔迄今。至於後世、殆亦未有若此之甚。而以色列族、由人及畜、無犬敢吠、使爾知埃及人與以色列族、爲耶和華所區別。爾之羣臣必咸集、伏拜我前、求我族衆出爾境。然後我乃出摩西言、竟、怒而退。○耶和華謂摩西曰、法老必不聽從、我將於埃及、廣施異蹟。摩西亞倫雖施諸異蹟於法老前、法老仍剛愎厥心、不釋以色列族。耶和華姑聽之。

第廿三章 耶和華於埃及諭摩西亞倫曰、爾必以是月爲正月、而作歲首。當告以色列衆會曰、是月十日、各家必取一羔。若戶小人寡、一羔不能盡、則與比隣同取、隨其人數、各如其量。取純潔壯羔、生未盈歲者、綿羊山羊俱可。當留至十四日夕、以色列衆會宰是羔、卽於食羔之室、取其血、以釁左右櫬、及門楣。是夕、炙其肉、共無酵餅、苦菜而食。勿生食、勿水烹、必火炙、首足與臟皆宜食。毋留其餘於明日。若留於明日者、以火燬之。當束帶納履、執杖而食、其速如欲遁者。是爲耶和華逾越節之禮。我耶和華是夜、將遍行通國、擊埃及人長子、與畜首生者。凡埃及人之上帝、我必敗之。惟汝室以血爲徵、我見之、將逾越爾室。擊埃及時、災害不及爾身。歷代當誌是日、必守節期、以奉事我耶和華。永著爲例。七日間、當食無酵餅、首日必於爾室除酵、自首日至七日、凡食酵者、必絕之。

於以色列族中^{十六}首日必爲聖會。七日亦必爲聖會。是日勿操作。惟備食則可。是日^{十七}我導爾羣衆以出埃及。故當守無酵節期。歷世勿替。永著爲例。正月十四日夕^{十八}至二十一日夕。宜食無酵餅。七日間勿存酵於爾家。無論宗族賓旅。若食酵餅。必絕於以色列會中。有酵者勿食。惟爾家所食者。必除其酵。○摩西屬以色列長老。告之曰。隨爾家之人數。擇羔而宰。以爲逾越節禮。以孟盛血。束牛膝草。濡血。灑門楣與櫺。是夜至明晨勿出戶。蓋耶和華將遍行通國。擊埃及人。見楣櫺。灑血。必逾越其門。不容殘賊者入。擊爾曹。爾與子孫必守此節。永著爲例。昔耶和華許以地賜爾。既得斯土。宜行此禮。如爾子孫。問曷故行是。當曰。昔耶和華擊埃及人時。逾越我第宅。拯我眷聚。是以守逾越節。奉耶和華。以色列族稽首而拜。遂往遵耶和華所諭。摩西亞倫而行。○中夜耶和華遍行埃及。自居位之法老。至獄中之罪犯。凡其長子及羣畜首生者。無不被擊。是夜比戶皆有死亡。號泣之聲。遍聞埃及。及法老與臣民悉起。召摩西亞倫曰。爾曹與以色列族速離我民。奉事耶和華。如爾所言。亦驅牛羊。如爾所求。更請爲我祝嘏。埃及人促以色列族速出其境。僉曰。我儕將就死亡。以色列族之濕麵未置酵。盛於器中。以衣裹之。肩而行。亦從摩西言。乞金銀服飾於埃及人。耶和華使以色列族沾恩於埃及人。遂得所乞之物。取之而去。

以色列族自蘭塞過征。至數割計其人數。婦穉而外。壯健者約六十萬^{十九}。非同族者。從行

無酵濕麵，炊爲無酵餅。以色列族旅埃及，自祖迄今，歷四百三十年。歷年既竟，至於是日，耶和華之兆民咸出埃及。是夜，耶和華拯以色列族出於埃及，故當守是日，永誌弗忘。至於歷世，奉事耶和華。○耶和華諭摩西亞倫曰：「循逾越節例，外人不可食金所購之僕，既受割禮，則可食。外人旅於爾家，及爲爾傭者，不可食。」^{四十五}食羔必於一室，毋攜肉於外，其骨不折。以色列衆會宜守此禮。有外人旅於爾家，欲奉耶和華，守逾越節，必使其丁男俱受割禮，然後可入會守之，與爾本支無異。未受割者不可食。爾之本支及外人旅於爾家者，皆同此例。以色列族遵耶和華所諭摩西亞倫而行。是日，耶和華導以色列兆民出於埃及。

第四章 耶和華諭摩西曰：「以色列族中，凡初胎男子，首生牡畜，皆屬於我，當稱爲聖物以獻我。」摩西告民曰：「是日，耶和華以大能導爾出此地，脫汝於賤役，當誌弗忘，毋食

酵餅。」爾出時，乃亞罕月。^{亞罕月譯即延麥垂穗之月}昔，耶和華誓以產乳與蜜之地賜爾祖，其地卽迦南

人，赫人，亞摩哩人，希未人，耶布土人所屬者，既導爾入斯土，當於是月守此禮。七日，當

食無酵餅，歷至七日，乃守節禮，奉事耶和華。七日必食無酵餅，酵與酒母，毋得見於爾

境。當告子孫，昔出埃及，耶和華拯我儕，故行此禮。耶和華以大能導爾曹出埃及，故其

法律，必述於爾口，錄於爾手，服於爾額，誌之勿失。每年屆期，必守此禮。昔，耶和華誓爾

祖，以迦南人之地賜爾，既導爾入斯土，則必以初胎男子，首生牡畜，獻於耶和華。首生

之驢，必以羔代，否則折其頸。初胎男子，必以金贖。厥後，若爾子孫詰爾，行此曷故，爾宜

告之。耶和華以大能導我出埃及，脫我於賤役。法老剛愎厥心，不釋我出境。耶和華遍戮埃及人之初胎男子，首生牡畜，故我以首生牡畜獻祭。耶和華其初胎男子，則以金贖。耶和華以大能導我出埃及，故我必錄於手，服於類。法老既釋以色列族出境，上帝不導之。由非利士人之近途，恐民遇戰，或生悔心，旋歸埃及，故由他途導之。沿紅海，適野而行。以色列族整其行伍，出於埃及。昔約瑟言上帝必眷顧以色列族，故使民發誓，攜已骨以歸。摩西乃歸其骨。自數割過征，張幕於以籐近野。耶和華導民，無間日夜，晝則導以雲，夜則燭以火，其狀如柱。於是書有雲，夜有火，弗離於前。

耶和華諭摩西曰：告以色列族，必反比哈希綠境，宜於蜜奪與海接壤之巴力洗分前，瀕海張幕。蓋法老必自謂以色列族迷於野，不得出其藩。法老剛愎厥心，追襲爾後，我姑聽之，迨殲法老，覆其軍，以獲大榮，使埃及人知行是事者，我耶和華也。以色列族遵命而行。○或告埃及王曰：以色列族遁逃於外。法老及羣臣中心悔曰：奚爲釋以色列族，致不役事於我？遂備其車，民盡相從，簡車六百乘，與通國之驍騎軍長，襲其後。法老剛愎厥心，耶和華姑聽之。以色列族毫無畏蒞，而出埃及。張幕於瀕海，比哈希綠境。巴力洗分前，法老率車馬軍旅，追及之。相去伊邇，以色列族見追將及，震驚特甚。呼籲耶和華，亦謂摩西曰：在埃及，豈無塚地，而導我出，使亡於野，曷待我若是我在埃及時，豈不曰：我姑爲彼役事，與其死於曠野，寧爲埃及人服役？摩西曰：毋懼。耶和華

和華謂摩西曰。曷爲籲我。當告以色列族。遄征勿緩。爾舉杖指海。海立中判。令以色列族行於海中。如履陸地。埃及人必剛愎厥心。以襲我姑聽之。我必勝法老。爰及軍旅車馬。以獲大榮。我行是。則埃及人知我乃耶和華。○上帝之使。昔在以色列營前。今遷於後。雲狀如柱。亦離前而立。後。間於二營之中。埃及人觀之如黑雲。以色列族望之如巨光。彼此終夜不相近。摩西指海。耶和華使東風驟起。飄揚永夕。水退海判。其間若陸地。以色列族行於海中。若履陸地。左右水如壁立。埃及人車馬。與法老軍旅襲其後。至海中。昧爽。火雲若柱。耶和華於其中。俯視埃及營。亂其行伍。脫其車輪。使之難行。埃及人曰。耶和華助以色列族而攻我。我其遁。耶和華諭摩西曰。以手指海。使水反淹其軍。以及車馬。摩西指海。黎明。水合如故。埃及人趨而避。耶和華使水阻其前。淹之於海。蓋法老率車馬軍旅。入於海中。襲以色列族後。海水回流。軍俱覆沒。靡有孑遺。惟以色列族行於海中。如履陸地。左右水如壁立。是日。耶和華拯以色列族脫於埃及人手。埃及人之屍浮於海濱。以色列人目擊之。耶和華以大能降罰於埃及人。以色列族見而寅畏。篤信耶和華。亦信其僕摩西。

第二十三章 摩西與以色列族謳歌。頌美耶和華曰。赫兮喧兮。耶和華與。當謳歌之。馬與乘者。俱驅於海。耶和華施能。援手拯我。我爲謳歌。我之上帝。我極其揄揚。我父之上帝。我高其品評。惟耶和華善於戰。惟耶和華著此名。法老軍騎。盡驅於海。特選將軍。亦沒紅海。如石沉淵。波濤覆之。耶和華顯其大能。施力而羣敵喪亡。作威而仇讐覆滅。其怒

如火燬敵若芻。^八其揚烈風使水驟起濤若堆立波凝海中。彼敵有言必追而及分其貨財以快我心。出我鋒刃手殲厥衆。惟爾吹氣海淹其敵如鉛之沉沒於洪水。諸上帝中有能者孰克與耶和華頡頏。至聖至榮可畏可頌獨行異蹟誰堪比擬。爾擊勁敵地爲

^{上帝或言}

^{有能者}

吞之。爾拯兆民恩以導之自施其能引至聖室。異邦族類必聞而畏非利士民必悚然

懼以東諸伯必齎蹙麼擇英豪必戰慄迦南居民必喪膽無不驚駭。爾施厥能敵不敢

動屹然如石待耶和華所得之民經其地。聖山恆業乃耶和華所預備駐蹕之地導民

進之安居其所。耶和華爲主宰至遠靡暨。○法老率車馬軍騎入海耶和華使水回流

淹盡其衆。惟以色列族行於海中如履陸地。先知婦亞倫姊米哩暗手執幾諸女亦執

幾相從舞蹈而出。米哩暗和其歐曰赫兮喧兮耶和華與馬與乘者盡驅於海。

摩西與以色列族離紅海過征至書耳野。歷程三日渺不見水至馬刺。^{馬刺譯}得水殊苦

人弗能飲故稱其名曰馬刺民怨摩西曰我將何飲。摩西籲耶和華耶和華示以木投

諸水中其味卽淡。在彼耶和華設法度以試其民曰爾若從爾上帝耶和華命行其所

悅循其誠命守其禮儀則必醫爾埃及人所患之恙必不加諸爾。遂至以林。彼有水泉

十二棗樹七十近水張幕。

第二十三章 出埃及後二月有半以色列衆會離以林至汎野其地在以林西乃間。怨摩

西亞倫曰昔我在埃及有肉盈鼎有餅果腹。蓋乘此時死於耶和華手奚導我於野使

衆會幾而死乎。耶和華命摩西曰我必自天降餅以瞻女用。吏民出外日斂所需。戕行

戕會幾而死乎。耶和華命摩西曰我必自天降餅以瞻女用。吏民出外日斂所需。戕行

是以試民果遵我例否。至於六日，所斂必倍其數。所收者，民必備之。摩西亞倫告以色列族曰：至夕，爾必知耶和華導爾出埃及。詰朝，爾將覩耶和華之榮光。我何人斯？奚爲怨我？爾怨耶和華，已升聞於上。又曰：耶和華夕頒爾以肉，朝飽爾以餅。爾出怨言，耶和華已聞之矣。我何人斯？爾所怨者，非我也。耶和華也。摩西使亞倫告以色列衆會曰：耶和華聞爾怨言，使爾進於其前。亞倫言時，以色列衆會向野遙瞻。耶和華之榮光，雲中顯著。耶和華諭摩西曰：以色列族怨言，我已聞矣。當告之曰：夕可噉肉，朝可飽餅，使知我乃爾之上帝。耶和華營壘四周，夕有鵝集，旦有露降。零露初晞，細片如霜，充斥於地。以色列族見而弗識，相語曰：此何物與？摩西曰：此耶和華予爾之餅。耶和華諭爾曰：凡在幕者取之，視其人數，隨其所需。人各六升。以色列族遵命以斂。寡者有之，多者亦有之，以升量其所入，多取者無餘，寡取者無乏。其斂之也，隨其所需。摩西告民曰：毋留其餘以待詰朝。有不從摩西言者，留之明日，蟲生臭惡。摩西怒焉。每晨，各隨所需而斂。日暴則消。至六日所斂，則倍其數。人各十二升。衆會長來告摩西。摩西曰：此應耶和華言。翌日安息，乃耶和華之聖日。欲炙者炙，欲煮者煮，食既有餘，藏於明日。乃遵摩西命，留之明日，臭不惡，蟲不生。摩西曰：爾可食此。今日安息，奉事耶和華。雖索於野，必不得。六日間當斂之。惟七日乃安息，不能得也。至七日，有適野以斂者，果無所得。耶和華諭摩西曰：斯民不守我誡命，奉我律例，將伊於何底。我耶和華以安息日賜爾，故於六日，子爾宿春，至安息日，必居其所而不離。蓋七日，民乃安息。以色列族稱所得者曰嗎喲，狀

如荳蔻仁，而色白，味甘如蜜餅。摩西曰：「耶和華命，必以此物充六升，傳於歷代，使知我導汝出埃及，居野時，所餉爾者。」摩西告亞倫曰：「嗎哪六升，藏於器中，置之。耶和華前，歷代存焉。」亞倫遵命，置於法櫃前，以存之。以色列族食嗎哪，歷四十年，迨至迦南境人跡之處，而後已。六升者，六斗十分之一也。

第四章 以色列衆會遵耶和華命，自汎野過征，張幕於哩非停，欲飲無水。民與摩西

爭曰：「盍予我水。」摩西曰：「奚與我爭，奚試耶和華乎？民渴甚，怨摩西曰：『奚導我出埃及，使

我與子及畜，燥渴以死。』摩西籲耶和華曰：『斯民幾欲以石擊我，將若何？』耶和華曰：『爾執

擊河之杖，率以色列長老，爲民先導。我立於何烈磐上，爾至時當擊斯磐，水由之出，使

民得飲。』摩西行是，以色列長老目擊之。以色列人爭摩西，而試耶和華曰：「不識耶和華

果在我中否？」故摩西稱其地曰馬撒。馬撒譯亦曰米利巴。米利巴譯

亞馬力人與以色列族戰於哩非停。摩西告約書亞曰：「爾當選士卒，詰朝與亞馬力人

戰，我執上帝之杖，立於山巔。」約書亞遵命，與亞馬力人戰。摩西亞倫、戶耳登於山巔。摩

西舉手，則以色列族勝，垂手，則亞馬力人勝。摩西手疲，不能舉。亞倫戶耳移石使坐，左

右扶翼，手不搖撼。至於日入，約書亞以刃擊敗亞馬力人。耶和華諭摩西曰：「我將滅亞

馬力族於天下，當載於簡，口誦之，俾約書亞聽聞。」摩西築壇，稱其名耶和華尼西。尼西譯

蓋曰：「因亞馬力手攻耶和華，故與之戰，歷世靡暨。」

田祭司風聞其事。在昔摩西曾遣其妻西坡喇歸於父家。迄今其外舅攜之以至。及其二子。其一摩西命名革順。蓋曰我於異邦爲旅。其一命名以列撒蓋曰我父之上帝扶翼我。拯我脫於法老刃。摩西張幕於野。去上帝之山無幾。其妻孥葉羅攜之至。或告曰爾外舅葉羅挈爾妻孥偕來斯土。摩西出迓之。伏拜接吻。彼此問安入幕。摩西以耶和華緣以色列族故。施行於法老與埃及人。及在途間。歷試多艱。賴耶和華援手。一切事實俱詳告之。葉羅聞耶和華待以色列族特厚。脫之於埃及人手。欣喜不勝。曰耶和華既拯爾。暨爾同族。脫於法老與埃及人手。當頌美焉。夫埃及人妄自誇大。而耶和華超軼其上。我故知耶和華較諸上帝爲尤大。葉羅遂燔牲獻祭。奉事上帝。亞倫及以色列長老咸集。與葉羅食餅於上帝前。○越日摩西坐以鞫民。民立於側。自朝至暮。摩西外舅見其所行。則曰汝如是以泄民曷故。爾坐而民立。自朝迄暮。果何意與。摩西曰民咸就我。諮詢上帝之意耳。人與隣里有訟。則至我前。我折中於其間。以上帝律法禮儀告之。摩西外舅曰爾之作爲非所宜也。事苟繁重。汝弗能獨理。恐與斯民俱就廢弛。我有一策。爾其從我。以希上帝之眷佑。爾在上帝兆民之間。可以其事呈於上帝前。而教以律法禮儀。示以必爲之事。必由之道。爾於民中。簡其具才能。惡苞苴。眞實無妄。寅畏上帝者。立爲千夫長。百夫長。五十夫長。十夫長。使其隨時鞫民。事大則告爾。事小則自鞫。共任此職。則爾事輕易舉。若爾蒙上帝命以行是事。則爾可常存。民亦安歸故土。摩西聆訓。遵外舅之言以行。於以色列族中。簡才能出衆者。立爲民長。卽千夫長。百夫長。五

十夫長。十夫長十六隨時鞫民。事鉅則往告。事細則自鞫。是時葉羅返故土。而摩西送之行。
第九章 以色列族既出埃及。遂由哩非停。三月朔至西乃野。附山張幕。摩西陟山。覲
於上帝。耶和華召之曰。當告雅各家。以色列族云。我所行於埃及及民者。爾亦目擊。譬諸
大鷹負雛於翼。使爾衆歸我宇內。屬我。爾果聽我言。守我約。則於列國中。我必以爾爲
寶。亦爲祭司之國。成聖之民。役事於我。爾以此言告於以色列族。摩西乃往屬民長老。
以耶和華所命告之。衆論僉同。對曰。耶和華所諭。敢弗奉行。摩西乃以民言覆於耶和
華。耶和華曰。我乘密雲。臨格爾上。我與爾言。俾民聽聞。而篤信爾。歷久弗渝。耶和華又
曰。汝見此民。使今日明日。潔已濯衣。三日當備。越三日。我必降臨西乃山。顯於兆民。山
之四周。爾範圍之。告於有衆曰。爾當謹恪。毋陟高崗。毋犯斯境。犯者死無赦。不以手執
必矢石攻擊。無論人畜。命莫能逃。迨角聲清越。始可登山。摩西下至民處。使民潔已濯
衣。謂之曰。三日必備。勿御爾妻。○三日黎明。雷電交作。黑雲蔽山。角鳴甚厲。遍營之民。
無不戰慄。摩西率民出帷幕。佇立山下。以迓上帝。耶和華由火中降臨於西乃山。煙燄
四塞。如自洪爐出。山嶽震動。角鳴愈久。聲愈宏遠。摩西禱告。上帝應之以聲。耶和華既
降臨於西乃山。自山巔召摩西。摩西登焉。耶和華曰。爾下告於有衆。勿踰越以窺我。恐
多殞沒。親我之祭司。亦當自潔。免我震怒。對曰。爾曾諭我。範圍西乃山。以爲聖所。故民
不得土。耶和華諭之曰。爾可下。同亞倫土。祭司庶民勿逾越以土。免我震怒。摩西遂下。
以比語告民。

上帝垂誠曰。我耶和華。爾之上帝。導爾出埃及。脫爾於賤役者。余而外。不可別有上帝。毋雕偶像。天上地下。水中百物。勿作像象之。毋拜跪。無崇奉。以我耶和華。卽爾之上帝。斷不容以他上帝匹我。惡我者禍之。自父及子。至三四世。愛我。守我誠者。福之。至千百世。爾上帝耶和華之名。勿妄稱。妄稱者。罪無赦。當以安息日爲聖日。永誌勿忘。六日間。宜操作。越至七日。則耶和華。爾上帝之安息日也。是日。爾與子女僕婢牲畜。及遠人主於爾家者。皆勿操作。蓋六日間。耶和華造天地海萬物。七日止。故耶和華以安息日爲聖日。而錫嘏焉。敬爾父母。則可於耶和華。爾上帝所賜之地。而享遐齡。毋殺人。毋行淫。毋攘竊。毋妄證。毋貪人宅第。妻室。僕婢。牛驢。與凡屬於人者。○民見雷迅。電閃。角鳴。烟障。則畏避遙立。謂摩西曰。汝與我言。我則聽從。如上帝與我言。我恐死亡。摩西曰。勿懼。蓋上帝降臨。試於爾衆。俾爾敬畏。毋蹈愆尤。於是民遙立。而摩西至上帝所。幽深玄遠之處。○耶和華諭摩西。使宣言以色列族曰。爾觀我由天與爾言。勿以金銀鑄上帝匹我。當以土築壇。獻牛羊爲燔祭。臚陳其上。亦爲酬恩之祭。凡我使人至籲我名之所。我必臨格。而錫嘏焉。如以石築壇。而奉事我。則毋雕鏤。用器造作。卽爲污穢。升壇。毋歷階。恐露爾下體。

民所當守之法。爾宣布於民。如購希伯來僕。可事主六年。七年釋之。不索其贖。若僕之來。孑然一身。其去也亦如是。若與妻偕來。亦必與妻偕去。若主給以妻。生子女。則眷聚屬主。僕孑然而去。僕愛厥主。眷戀妻子。不忍舍去。明以告主。則其主必攜

之至士師、附門或門櫪，以鑽貫耳，俾僕恆事其主。如人鬻女爲婢，則不得釋，不與僕同。如主納之而不見悅，是欺之也，則可容其自贖，不可鬻於他族。如已爲子聘，則視之如女。倘別有所娶，則待此女好合無間，衣食無減，設待之不若是，則容彼自去，毋索其贖。毋傷其財，擊人死者，殺無赦。如殺人非出有意，乃上帝假手於爾，我必示爾以可避之處。如惡謀詭計殺人，雖逋逃於祭壇，亦執以償。擊父母者，殺無赦。詛父母者，殺無赦。攘竊人民，或鬻之，或留之者，殺無赦。彼此相爭，有爲拳石所擊，命弗致傷，委頓床第，後起杖而能行，則擊之者免刑，惟償其失時之值，而醫痊之。如擊僕婢，立斃杖下者，必受刑。倘僕數日不死，則主不受刑，因購以金故也。相鬪誤擊妊婦墮胎，而無他害，則當罰金，依夫所定，折中於士師。如有他害，則當以命償命，目償目，齒償齒，手償手，足償足，熱、癢、償、癢，擊償擊。若擊僕婢而傷其目，必緣其傷而釋之。傷其齒，則必緣其傷而釋之。牛觸男女，致死者，必以石斃牛，不食其肉，無罪牛主。若牛昔嘗觸人，已告牛主，而主不禁，至殺男女，則以石斃牛，牛主償命。若士師令其以金贖刑，則必如數捐之。若觸人子女，亦循此例。若觸僕婢，以金十五給其主，而以石斃牛，或掘阱而不覆其上，或啟井蓋而不掩，致牛驢陷於中，則捐金與主，以償之。已死之畜歸已。若牛觸他人之牛，而致死，則鬻生牛，以分其金，死牛分其肉。若人素知其牛，喜於抵觸，而不之禁，則以生牛償人，死牛歸已。

手弗償其命。旭日已升而被擊死者必償。盜必倍償所竊。如無有以償。鬻之爲奴。如其所竊。或牛羊驢。在盜手向生者。償之維倍。如牧畜於人之田。或葡萄園。則必以已田已園之佳者償之。如火焚棘。延及露積。或禾稼。或田園。則舉火者必償。如以金以器托友守之。爲盜所竊。盜者被獲。償之維倍。如弗能獲。則解受托之人於士師。察其果取人物與否。毋論牛羊驢衣服諸物。已失之後。爲事主認明者。必見士師。兩造具備。聽士師所斷。償之維倍。如以牛羊驢畜托友守之。或死傷。或被攘。別無人見。則受托者必指耶和華發誓。自明其一介不取。而畜主必以爲足。不使其償。如畜被盜。則必償之。如被斷傷。卽以斷傷示之。而不償。如借人畜。或傷或死。畜主不在。則必償。畜主在。則不償。如爲人僱。既受其值。則毋庸償。如誘未聘之女同寢。則必聘以爲室。其父不欲妻之。則償以金。如聘禮之數。巫者罪當死。與獸淫合者。殺無赦。我耶和華而外。祭他上帝者。必翦滅之。毋侮旅人。緣昔爾曹旅於埃及故也。勿欺孤寡。若欺之。則其籲我。我必聽聞。我怒必烈。以刃誅爾。寡爾妻。孤爾子。如我民貧乏。而爾貸以金。毋取利。毋迫索。如取人衣爲質。日入。必反之。彼以衣蔽體。無此。則不能安寢。蓋我以矜憫爲懷。彼若籲我。我必俯聽。勿詛士師。勿詈民長。爾穀既登。爾釀初熟。奉我勿遲。汝初胎之男子。必獻於我。首生之牛羊。七日偕母。越至八日。必獻於我。爾必爲聖民。以奉事我。野獸所斷傷之肉。勿食。投諸犬可也。

正貧者有訟，亦勿徇私。如遇仇之牛驢，迷於歧路，則當牽之返，見憾汝者之驢，負重伏地，則勿遺之，速解其載。貧者有訟，毋反其正。遠諸僞爲，勿殺無辜，毋戮義人，蓋我不釋違義者，毋受賄，蓋賄使明者暗，以直爲曲。毋侮旅人，昔汝爲旅於埃及，故悉旅人之情況。六年間，耕耘田畝，獲其所產，越至七年，以爲閒田，休息不耕，使民之貧者食之，其餘爲野獸食可也。橄欖與葡萄園亦然。六日間宜操作，至七日則安息，使爾牛驢釋其勞苦，僕婢外人，養其精力。我所諭汝者，必守之。他上帝之名，毋播揚，毋口誦。每年守節禮者三，以奉事我。亞筆月，汝出埃及，屆期必守除酵節七日間，而食無酵餅，如我所命。觀我之時，毋徒手而至。爾所植於田者，當初穡時，必守節禮。歲聿云暮，盡收所產，亦必守節禮。爾之丁男，覲於我耶和華前，歲凡三次。祭我之牲，其血勿和酵餅而獻，其脂勿留於明日。凡土所出之初實，必進爾上帝耶和華之宮。烹羔勿用羔母之乳。我遣使於爾前，途間爲爾輔翼，導爾至我所備之處。我使至，卽我至，必不宥爾愆，故當遵其命，毋干厥怒。爾誠聽其言，遵我所諭，則敵爾者我亦敵之。苦爾者我亦苦之。我使必導爾入亞摩哩，赫比哩洗，迦南希未。耶布士諸族之地，翦滅其衆，彼所奉事之上帝，爾勿崇拜。彼所作爲，爾毋則倣，當摧其偶，毀其像。必奉事爾上帝耶和華，則爾之飲食，蒙予錫嘏。疾病以除，必使爾境內無不妊者，無墮胎者，俱享遐齡。爾所至之地，我必使其民悚懼。潰亂特甚，與爾敵者，無不敗北。必使大蜂起於爾前，以驅希未人、迦南人、赫人。一年中，我不逐之盡，免土地荒蕪，野獸孳生。我漸逐之，待爾昌熾，以得斯土。我延哀爾境，自紅海

至非利士人海，自曠野至大河，斯土之民，付於爾手，逐於爾前，毋與其人立約，毋事其上帝，勿容之居斯土，恐誘爾獲罪於我，若奉其上帝，則必陷爾於坎阱。

第四章 耶和華諭摩西曰：爾攜亞倫、拿答、亞庇戶，同以色列長老七十人，登山遙立拜我。惟爾可近我耶和華，其餘及民，皆不可近。摩西以耶和華所諭命令法度，遍告億兆，同聲對曰：耶和華所諭，我必遵行。摩西錄耶和華所命，夙興築壇山下，立十二柱，循以色列族十二支派，遣以色列族少者，獻燔祭，亦獻牛爲酬恩之祭，奉事耶和華。摩西取血半，盛於盂，半灑於壇，以盟約之詞，誦於民聽。僉曰：耶和華所諭，我必遵行。摩西以血灑民曰：此耶和華諭爾之約之血。○摩西、亞倫、拿答、亞庇戶，與以色列長老七十人，咸登山，覲以色列族之上帝，其所立之處，如青玉平鋪，如昊天有耀。以色列族之長者，既覲上帝，式飲式食，災害弗加。耶和華諭摩西曰：爾可陟彼高崗，待我以勒石之誡，命律法錫爾，使爾以此訓民。摩西與從者，約書、亞興，獨登上帝之高崗，未登之先，告諸長老曰：爾曹處此，待我反，爾有亞倫戶耳在，人有訟事，可往諮諏。摩西登崗，有雲蔽之。耶和華之榮光，顯於西乃山，雲蔽其上六日，越至七日，耶和華自雲中召摩西，其榮光狀如火焰，顯於山巔，以色列族無不目擊。摩西登山入雲，凡歷四旬，日夜在焉。

第五章 耶和華諭摩西曰：爾告以色列族，宜獻禮物，凡出於心所願者，爾可受之。所受之禮物，卽金三品，紫赤絳三色之縷，與棉羊毛，牡羊皮之紅者，貂皮，阜荑木，燈油，芬芳之物，可以成膏，可以焚香，璧玉，與飾於公服黼掛之玉，當爲我構聖室，爰處其中。

我所示爾之幕與器必遵式以造。○以阜莢木作匱長二尺有半廣與高俱尺有半匱
 之內外飾以兼金其上四周悉以金緣鑄金環四置於四隅左右各二以阜莢木作杠
 飾以金兩旁之環可貫杠以昇匱杠常貫環而弗離我所告汝之律法宜藏於匱以兼
 金作施恩之所長二尺有半廣一尺有半用圓輪法作二嚙啞啞置施恩之所兩旁每
 旁各一於施恩所之上嚙啞啞高展其翮覆翼相對俯視施恩之所置施恩之所於匱
 上以我所告之律法藏於中我將降臨於嚙啞啞間法匱施恩所之上以諭言示爾使
 告以色列族。○爾用阜莢木作几長二尺廣一尺高尺有半飾以兼金四周悉以金緣
 四周之旁廣約一掌以金緣之作金環四置於四隅足上環附其旁可貫杠以昇几用
 阜莢木作杠以金飾之俾得昇几用兼金作盤鼎盂壺以灌奠几上之餅必恆陳於我
 前。○用圓輪法作燈臺其柱其枝其蓋其節其花悉以兼金燈臺出枝凡六兩旁各三
 枝各有蓋狀似杏仁有節有花六枝俱同柱亦有蓋凡四形似杏仁有節有花所出之
 六枝凡二枝下各有一節其節其枝皆用圓輪法以兼金爲之臺有燈七燃之相向光
 輝發越剪與盤亦以兼金造燈臺與器用兼金千兩爾惟慎余於山巔所示爾之模式
 爾其遵之。

第二十六章

宜用紫赤絳三色之縷與編棉作幕幔十上采織嚙啞啞幔長二丈八尺

廣四尺諸幔長短維一幔相連各五幔之聯絡處用紫縷作紐次幔亦然幔上聯絡之

慢以蓋幕。慢長三丈，廣四尺，諸慢長短維一。五慢相聯，六慢亦相聯，其六慢宜重複於幕前。慢之聯絡處，宜作五十紐。次慢亦然。作銅鈎五十，鈎紐聯爲一幕。餘慢之半，必垂幕後。幕慢之餘，每旁一尺，垂幕兩旁，以蓋之。用牡羊皮之紅者爲幕幃，施貂皮於其上。○以阜莢木作板，立於幕側，各長一丈，廣尺有半。下各二筭相對。幕之衆板，其式相同。幕旁之南，作二十板。下造銀座四十，板下各有二座，適與二筭相對。幕旁之北，二十板。其下銀座四十，板下各有二座。幕旁之西，六板。幕隅有二板。幕隅二板，一環連其上下。厥板凡八，銀座十六，板下各有二座。以阜莢木作榼，兩旁幕板各五榼。西旁幕板五榼，板中橫榼，由此達彼。板飾以金，作環貫榼，亦以金飾。我於山示汝，當建之幕，必遵其式。○用紫赤絳三色之縷，與編棉爲簾，上采織嗟略咏。用阜莢木作柱四，飾以金，簾垂其間。金鈎銀座，旣垂其簾，連法置入簾，隔至聖之室，與聖室相間。施恩之所置，於至聖室。法置上簾外幕北，設几案，幕南置燈臺，遙與相對。用紫赤絳三色之縷，與編棉繡幃爲幕門，用阜莢木作柱五，以金飾之。金鈎銅座，以垂其幃。

第宜用阜莢木作方壇，長廣俱五尺，高三尺，四隅作四角，亦以木爲之，以銅飾。灰盤、盃、孟、鈎、鼎、諸器，悉以銅作。以銅作羅網，網之四隅綴以銅環。壇中四圍作緣置網，用阜莢木作杠，飾以銅。壇兩旁置環貫杠以昇壇，以板作而空其內。山上所示爾者，必遵其式。○幕四周有塲，編棉作帷，以圍之。南旁之帷長十丈，柱二十，銅座二十，鈎與桁悉以銀爲之。北旁之帷長十丈，柱二十，銅座二十，鈎與桁亦以銀爲之。西旁之帷廣五丈，柱

十座十場之東旁，廣五丈，左旁之帷，長丈五，柱三，座三，右旁之帷，長丈五，柱三，座三。用紫赤絳三色之縷，與編棉繡幃爲門，長二丈，柱四座，四圍之柱，鈎桁俱以銀爲座。則銅鑄，編棉作場帷，長十丈，廣五丈，高五尺，其座皆銅。幕釘，場帷之釘，與幕中所用之器，悉以銅製。○宜告以色列族，取橄欖搗油，惟潔是務，使燈常燃。會幕中，法匱前之簾外，亞倫與其子，自夕達旦，必燃明燈於我耶和華前，爲以色列族，歷代之永例。

第二十八章

以色列族中，簡爾兄亞倫，以爲祭司，爰及其子拿答、亞庇戶、以利、亞撒，以大馬奉事於我。宜爲爾兄亞倫製聖衣，以彰華美。我以神感人，使有慧心，爾告彼製聖衣、亞倫服之區別，其爲祭司，而奉事我。取金，與紫赤絳三色之縷，與編棉製聖衣，卽黼

掛公服，長衣采衣冠帶。亞倫與其子服之，以爲祭司，而奉事我。取金，與紫赤絳三色之縷，與編棉繡爲公服，肩之兩旁，前後相連，用金，與紫赤絳三色之縷，與編棉繡公服之紳，將璧玉二，上鑄以色列族名，依其生齒，每玉列名凡六，猶玉工鑄印然，鑄以色列族名於二玉上，鑄金二方，嵌玉其中，置二玉於公服之肩，於是亞倫必負以色列族名於我耶華和前，以爲記錄。鑄金二方，編兼金爲二索，繫於金方。○用金，與紫赤絳三色之縷，與編棉繡黼掛，用以鑑察事理，制同公服。黼掛方而複，長廣之數，布指爲度，置玉其中，凡有四行，瑪瑙、淡黃玉、葱珩爲一行，紅寶石、青玉、金鋼石爲一行，赤玉、白瑪瑙、紫玉爲一行，黃玉、碧玉、璧玉爲一行，鑄金爲方，嵌玉其中，玉上用鑄印法，鑄以色列族十二

凡又作金環一置於公服兩旁之下，在公服

環以索之端置二金方加於公服肩前製二金環置於黼掛兩旁之下在公服前黼掛內又作金環二置於公服兩旁下向前於交接之處相對在公服繡紳之上以紫帶繫黼掛環與公服環相連於紳上使黼掛不離公服黼掛用以監察事理亞倫進聖所觀我時必服於膺前念以色列族名不輟以烏陵土明烏陵土明譯即輝光無玷置於黼掛亞倫觀我耶和華時必服於膺前爲以色列族監察事理於我前恆久不輟○必用紫縷製公服內之長衣當肩之中必留空隙用組織法製領隙之四周如甲衣然使衣不敝衣裾四周之下用紫赤絳三色之縷爲緣狀若石榴間以金鈴衣之四周石榴與金鈴相間亞倫出入聖室奉事我耶和華時必繫此鈴使聲遙聞免於死亡○必鑄兼金爲匾以鐫印法鐫字於上曰爲聖以事耶和華繫以紫帶戴於冠前亞倫必恆戴於額以色列族獻諸聖物恐有罪愆惟亞倫任厥過冀我耶和華悅納三十九織棉縱橫相間製爲衣冠惟紳則以絺繡○爲亞倫子製衣服冠帶以彰華美使亞倫及其子服之沐以膏俾其成聖任爲祭司以奉事我四十二以臬織褲自腰及髀蔽厥下體四十三亞倫與子進會幕近祭壇役事於聖所之時必衣此服免蹈罪愆至於死亡以此永著爲例歷世勿替

第二十九章 如欲使之成聖爲祭司而事我宜取犢一牡綿羊二純潔是務用麥粉製饅與和油之餅抹膏之薄餅俱弗置醇盛之於筐可以提挈犢與二羊亦牽之至攜亞倫及其子至會幕門外以水濯之衣亞倫以衣及公服黼掛與公服下之長衣束以繡紳以冠冠首上加聖冕斟香膏膏其首攜其子來衣以衣束以紳冠以冠使亞倫及子

任祭司職，永著爲例。牽犢至會幕前，使亞倫及子按手其上。當我耶和華前，必宰是犢，於會幕門外，指染其血，灑於壇上之角。餘血傾於壇下，以蓋臟之脂及肝片。左右腎與其膏，燔於壇上。其肉、皮、遺矢、營外，燕之。此贖罪之祭也。牡綿羊一，牽之以至，使亞倫及子按手其上。必宰是羊，灑血於壇四周，剖分其羊，洗臟及足，使已剖者與首，仍合爲一。以羊全體，燕於壇上。蓋爲燔祭，取其馨香，以奉事我耶和華。又牽牡綿羊一，使亞倫與子按手其上。宰羊取血，灑於亞倫及子右耳上，與右手足之巨擘，亦灑血於壇四周。取壇上之血，與所沃之香膏，灑於亞倫及其子之身與衣，使彼身及衣可得成聖。蓋獻是羊，使亞倫任職，故取羊尾之脂，蓋臟之脂、肝片、左右腎，與其膏暨右肩。在我前無酵餅筐中，取圓饅一，和油餅一，薄餅一，均置於亞倫及其子之手，使搖於我耶和華前，以爲奉獻。爾自其手接之，燕之於壇，加於燔祭之上，獻於我前，取其馨香，以奉事我。此爲燔祭。任亞倫爲祭司時，所獻之羊，必取其腔，搖於我前，是腔爾可得之。既任亞倫及其子爲祭司，而獻羊，必以所搖之腔，所舉之肩，爲聖物。厥後，以色列族獻酬恩之祭，既以羊腔、羊肩舉於我前，則必以是歸亞倫及其子，著爲永例。亞倫之聖衣，必遺其子孫，使衣之以受香膏，任爲祭司。凡其子孫，代爲祭司，進會幕役事於聖所，必衣是衣。歷至七日，任亞倫爲祭司時，所獻之羊，必於聖所，水烹其肉。亞倫與子，必於會幕門前，食羊及筐中之餅。爾以是羊爲亞倫及其子贖罪，任之爲祭司，故使彼食之。外人則不可食。蓋聖勿也。以爲與餅，留於明晨，則勿食。必燕以火。蓋聖物也。爾必遵我所諭，以是禮施於

亞倫及其子歷至七日任爲祭司日獻贖一於壇爲贖罪之祭既潔其壇必沃以膏俾得成聖。歷七日必獻贖罪之祭於壇使其成聖於是壇爲至聖惟成聖者可近其側用未盈歲之羔二日陳於壇晨一暮一清晨獻羔宜取粉六升和清油二斤有半酒二斤有半以爲灌奠。既暮獻羔所行之禮所灌之奠一如清晨彼爲燔祭取其馨香以奉事我耶和華。會幕前我必蒞臨與爾晤言故當於此燔祭歷代勿替我必蒞臨與以色列族晤對顯著榮光成聖其地我必使會幕祭壇巋然成聖亞倫及其子亦成聖任爲祭司以奉事我我必處以色列族中爲其上帝使知拯民出埃及居於其中者卽我耶和華爲其上帝。

第二十章 必以阜茨木作壇焚香其上形製維方長廣俱一尺高二尺其角亦以木爲壇上與四旁及角均以兼金飾之四周之緣必以金兩旁緣下必作金環二貫杠以昇壇用阜茨木作杠飾之以金於法匱簾外施恩所前我蒞臨之處必置其壇清晨修燈時亞倫必焚香於其上薄暮燃燈時亦必焚香於其上炷香我耶和華前歷代勿替於此壇上毋燔犧牲毋獻禮物毋行灌奠香不以法製者亦勿焚亞倫必釁血於壇角歲凡一次代民贖罪是爲至聖以奉事我永世勿替。

耶和華諭摩西曰爾核以色列族人數時必使各獻禮物於我以贖已命則核數之時可免災害凡被核者必獻我金二錢有半卽二十五分權衡其金必循聖所之法二十歲以上被核者必奉我金富無所加貧無所減惟金二錢有半奉獻於我以贖其命必

由以色列族取金爲會幕之役事。此金既獻於我，我必眷念以色列族，以贖其命。○耶和華又諭曰：必用銅作盤，與座，以備洗濯，置於會幕祭壇間，盛水其中，使亞倫與子在彼盥手濯足。進會幕，近祭壇，燔犧事我時，必盥手濯足，免於死亡。此爲亞倫及其子之永例，歷世勿替。○又諭曰：必取芬芳之上品，卽清沒藥五百分，香桂二百五十分，香菖蒲二百五十分，肉桂五百分，和以橄欖油十斤，權衡其數，必循聖所之法，以調劑之法，製爲聖膏。必以是膏塗會幕與法匱，几案，燈臺，與其器皿，香壇，祭壇，與其器皿，盤與座，均使之爲至聖，惟成聖者可近其側，以膏膏亞倫及其子，使之成聖，任爲祭司，而奉事我。我當告以色列族曰：此香膏乃聖物，以奉事我，歷世勿替。此膏必以爲聖，惟膏祭司，毋膏他人，毋遵是法，調劑他膏。凡遵是法，調劑他膏，或以之膏他人者，必絕於民中。○耶和華又諭曰：必取芬芳之品，卽吟達，呾，啞，嘍，嚇，呢，吟，和乳香之清者，權之必相等，以調劑之法，加鹽製香，潔清成聖。此香至聖，擣之必細，置於會幕法匱前，在彼我必蒞臨。此香必以爲聖，而奉事我，若更製香，弗得仍循是法。凡循是法而製香，以芳馨悅己者，則必絕之民中。

第三十三章 耶和華諭摩西曰：猶大支派戶耳孫烏利子庇撒列，我特簡之，以我神感之，使有聰明智慧，能知工巧，其所造作，惟尙奇技，製金三品，能鑄玉，以飾服，能雕木，作諸工。但之支派西希撒抹子亞何利巴，我使之相輔，凡有聰明者，我更賜以慧心，俾遵

皿盤與座、覆蓋之布、祭司亞倫之聖衣、及其子之衣、以盡祭司之職、香膏、芬芳之品、以爲聖事、悉遵我命而作。○耶和華諭摩西曰、告以色列族云、必守我安息日、於爾我間、歷世爲徵、則知我乃耶和華、使爾成聖。故當守安息日、以爲聖日、凡瀆之者、殺無赦。操作於是日者、必絕之。民中六日間、宜操作、越至七日、則安息、是爲聖日、以奉事我。凡於安息日操作者、殺無赦。以色列族必守安息日、以自休憩、此乃永約、歷世勿替。於我及以色列族間、永世爲徵、蓋六日間、我耶和華造天地、七日止而憩息焉。上帝於西乃山、旣與摩西言、手書律法於二石碑、以賜之。

民見摩西遲迴於山下、則集亞倫前曰、摩西率我出埃及、今彼不知所往、爾盍鑄上帝像、爲我先導。亞倫曰、爾妻孥垂耳之金環、脫以予我、民卽脫之、以授亞倫。亞倫受之、鎔鑄其金、刀刻爲犢、有稱之者曰、以色列族乎、導爾出埃及之上帝、卽此亞倫見之、築壇其前、示衆曰、詰早節期、奉事耶和華。夙興燔牲獻祭、亦獻酬恩之祭。民坐而飲食、起而舞蹈。○耶和華諭摩西曰、爾必下、爾所導出埃及之民、已喪厥心、我所諭之道、彼違甚速、鑄犢崇拜祭祀、稱之曰、以色列族乎、導爾出埃及之上帝、卽此。又曰、我觀此民、強項不馴、爾勿阻我、我怒甚烈、盡滅斯族、昌熾爾裔、以成大邦。摩西於其上、帝耶和華前、求之曰、昔爾以巨能大力、導斯民出埃及、今何怒之甚烈乎、浸假行是、則埃及人必將曰、耶和華旣導民出、反欲加害、殺之山中、滅之於地、爾其息怒、勿害斯民。求爾憶念爾僕、亞伯拉罕、以撒、以色列、昔爾指已而誓、必熾昌其後、如天星之衆多、錫

以所言之地，俾爲永業。耶和華聞之，悔其前言，不加禍於民。○摩西旋踵下山，攜律法之二碑於手，碑成於上帝，前後各有文字，上帝所書，勒於石。約書亞聽民大呼，謂摩西曰：「營中有鬨聲。」又曰：「我聽其音，非勝非敗，乃謳歌之聲。」摩西近營見鬨，有民舞蹈，怒擲二石碑，折於山下，取攢薪以火，搗爲粉，揚於水，令以色列族飲之。謂亞倫曰：「斯民何負於爾，使陷重罪？」亞倫曰：「我主勿怒，爾知斯民惟惡是作，謂我曰：『摩西導我出埃及，今彼不知所往，爾盍鑄上帝像爲我先導。』我曰：『凡有金者，脫下予我，我投之火，此鬨以成。』摩西見亞倫縱民廢弛軍律，易敗於敵，乃立營門曰：『孰崇耶和華可歸我？利未族歸之。』摩西曰：「以色列之上帝耶和華曰：『衆必繫刀於腰，出入營門，殺其兄弟，友朋隣里。』利未族從其言，是日以色列民死亡者不下三千人。」摩西曰：「今日爾任職奉事耶和華，攻爾子女兄弟。」如是，耶和華錫爾純嘏。○詰旦，摩西告民曰：「汝陷罪綦重，我陟山觀耶和華，庶幾可贖爾罪。」摩西復觀耶和華曰：「斯民以金鑄上帝，陷罪綦重，請爾恕之。不然，則我名錄於爾書者，爾其塗抹。」耶和華曰：「獲罪我者，其名錄於書，我必塗抹。」我使必行於爾前，爾往導民至我所言之處，迨降罰日，我必罰之。緣民使亞倫鑄犢，故耶和華降災於民。

第三章 耶和華謂摩西曰：「昔我與亞伯拉罕以撒雅各立誓，以產乳蜜之地錫其苗裔，爾旣導斯民出埃及，必率之往彼，我將遣使於爾前驅迥南人，亞摩哩人，赫人，比里先人，希未人，耶布土人，爾族強項不馴，我不與之偕往，恐途中爲我翦滅。」又曰：「告以

以色列族聞是言，愀然以憂。在何烈山，去其文飾。○摩西移幕營外，離營少遠，稱曰：會幕凡欲求耶和華者，出營詣會幕。摩西適會幕，民立於已幕門，瞻望摩西。迨及入幕，入時雲狀如柱下，止幕門。耶和華與摩西言，民目擊之，各於幕門俯伏以拜。耶和華與摩西晤對，如人與友相語。摩西歸營，惟嫩之子約書亞爲摩西從者，弗離於幕。摩西籲耶和華曰：爾使我導斯民，將遣誰偕我往？爾未嘗告我，惟爾曾曰：我知爾有素，施爾以恩。誠如是也，請以爾待是民之道示我，則知我沾恩爲不虛。蓋是族乃爾民焉。耶和華曰：我必偕往，俾爾安居其所。摩西曰：若弗偕往，毋導我出此。我與爾民沾恩於何知之，以爾與我儕偕往，使我儕超越於天下兆民，是以知之。耶和華曰：我知爾有素，施恩於爾，故爾所求者，我必爲之。曰：請顯爾榮光，使我目擊。曰：我所矜恤者，矜恤之。我所憐憫者，憐憫之。故必顯著我德，宣播我名，俾爾聞知。惟不許爾觀我面，民而矚我，難保其命。又曰：於此有磐，可駐爾足。磐有穴，我引爾入焉，以手掩之。俟榮光既過，則弗蔽蓋。爾觀我後則可，瞻我前則不可。

第四章 耶和華諭摩西曰：昔爾毀石碑，今又製二碑，我書其上，一如前言。詰旦，爾可陟西乃山，待我於山巔。他人不得偕登山之四周，人民當斂跡，牛羊不齧草。○摩西遵耶和華命，製二碑如前，夙興執之登山。耶和華乘雲降臨，與摩西同在，自稱其名爲耶和華。過摩西前曰：耶和華全能之上帝，仁慈矜憫，恆忍施恩，真實無妄，錫恩於人，至千百世。人蹈罪愆，可蒙赦宥，恆於惡者，不蒙赦宥，禍及其身，自父及子，至三四世。摩西

速稽首伏拜。曰：如沾主恩，請與偕往。斯民雖強項不馴，望赦我儕之罪戾，使我儕恆爲爾民。耶和華曰：吾今立約，將行異蹟於爾民前，自昔以來，天下兆民未之見也。四周之民見我行是，恐懼特甚。今日所諭，爾以守之。我將驅亞摩哩人、迦南人、赫人、比哩洗人、希未人、耶布士人於爾前，爾所往之地，勿與其民立約，恐陷爾於坎阱，必摧其壇，毀其像，斫其偶，斷不容爾以他上帝匹我。此乃我耶和華之名也。故他上帝爾勿崇拜。勿與居民立約，恐彼狗欲從其上帝而獻祭，遂招爾曹共食祭物。恐爾取其女爲媳，其女狗欲從其上帝，以惑爾子，亦狗欲以從。毋鑄上帝像，宜守除酵節。昔亞筆月，爾出埃及，故於是月當食無酵餅。七日遵我所命。凡初胎男子與首生之牛羊，其牡者屬我。驢之首生必以羊代，否則折其頸。初胎男子必以金贖。觀我之時，毋徒手而至六日間，宜操作。至七日則安息。雖時當稼穡，亦必安息。麥秋之初，必守七七日爲節期。歲聿云暮，盡收所產，亦必守節期。爾之丁男，覲於我耶和華，以色列上帝前者，歲凡三次。我必爲爾驅除其民，恢廓爾境。我爲爾之上帝耶和華，爾必覲我。歲凡三次，於此時必無人覬覦爾地。祭我之牲，其血勿和酵餅而獻，逾越羔勿留於明日。凡土所出之初實，必進爾之上帝耶和華之宮。烹羔，毋用羔母之乳。耶和華諭摩西曰：我與爾及以色列族立約，必循斯言。筆之於書。摩西與耶和華居四旬，無論晝夜，不飲不食。耶和華以所約之十誠書於二碑。○摩西與耶和華言時，容光激射，而不自覺。手執法碑二，下西乃山。亞倫及以

耳禾華在山所諭者宣於有衆摩西言竟取帕蒙面入與耶和華言則去其帕出以所
諭普告以色列族以色列族見摩西之容光輝激射摩西復以帕蒙面迨入與耶和華
言而去之。

第五章 摩西集以色列衆會告之曰耶和華諭爾所當行者今詳告爾汝於六日

宜操作越至七日以爲聖日奉事耶和華於焉憩息是日操作者必死爾宅第中是日

毋舉火○又告以色列衆會曰耶和華諭爾云爾曹從心所願以獻禮物於我耶和華

卽金三品紫赤絳三色之縷與棉羊毛牡羊皮之紅者貂皮阜荑木燈油芬芳之物可

以成膏可以焚香璧玉與飾於公服黼掛之玉爾曹有慧心者必至而造作遵我所諭

會幕與蓋鈎板榼柱座匱與杠施恩所及簾几與杠器及陳設之餅常燃之燈臺與蓋

燈油及器悉備香壇及杠塗有膏沐焚有馨香幬爲幕門祭壇銅羅網與杠及器盤與

其座場帷及柱與座幬爲場門幕釘場帷釘及索覆蓋之布適聖所之用祭司亞倫之

聖衣及其子之衣以盡祭司之職○以色列衆會乃退凡男女傾誠樂輸者咸至耶和

華前獻禮物作會幕製聖衣盡役事或攜手釧鼻環指環或攜垂項之珠金鑄器皿悉

以金奉耶和華凡有紫赤絳三色之縷與棉羊毛牡羊皮之紅者貂皮悉攜之至欲以

銀銅獻耶和華者亦攜之至有阜荑木宜於造作者亦攜之至凡婦具慧心組織紫赤

絳三色之縷與棉將所織者以獻凡婦傾誠樂輸者組織羊毛用智慧以成會長攜璧

玉與飾公服黼掛之玉燈油芬芳之物可以成膏可以焚香以色列族諸男女樂輸禮

物獻耶和華於是耶和華諭摩西者無不造作。○摩西告以色列族曰耶和華特簡猶大支派戶耳孫烏利子庇撒列感以上帝之神使有聰明智慧能知工巧其所造作惟尙奇技能製金三品能鑄玉以飾服能雕木能爲奇技亦能誨人耶和華更賜但之支派亞希撒抹子亞何利巴以爲輔助賜慧心於二人使作諸工卽雕木織布以紫赤絳三色之縷與棉采織絺繡凡工之纖巧者皆能製焉。

第三章 耶和華以聰明智慧牖衆人之衷使與庇撒列亞何利巴同爲聖所役事興作諸工循耶和華所命摩西招集庇撒列亞何利巴與耶和華所賦聰明智慧者及凡心願操作者就已興工以色列族獻禮物爲作聖所之材悉以授之民又日獻禮物時構聖所諸智者暫止操作就摩西曰民所獻者與耶和華所命之制度相較綽有餘裕摩西傳命諸營曰男女毋再造作以獻聖所民乃止蓋所有之材以作諸工有贏無絀於是諸智者製會幕用紫赤絳三色之縷與編棉作幕幔十上采織嗒略咏長二丈八廣四尺幔之長短維一幔相連各五幔之聯絡處用紫縷作鈕次幔亦然幔上聯絡之處作五十鈕鈕相銜接次幔亦然又作金鈎五十鈎連諸幔以成一幕以羊毛製十一幔爲幕蓋幔長三丈廣四尺幔之長短維一五幔相聯六幔亦相聯幔之聯絡處作五十鈕次幔亦然作銅鈎五十聯爲一幕用牡羊皮之紅者爲幕幃施貂皮於其上以阜茨木作板立於幕側各長一丈廣尺有半下各有二筍相對幕之衆板其式相同幕旁之南二十板下造銀座四十板筍下各二座幕旁之北二十板其下銀座四十板下

各有二座適與二筍相對幕旁之西六板幕隅有二板幕隅二板一環連其上下厥板凡八銀座十六板下各有二座以阜莢木作榼兩旁幕板各五榼西旁幕板左右五榼板中橫榼由此達彼板飾以金作環貫榼亦以金飾用紫赤絳三色之縷與編棉爲簾上采織噍啞啞用阜莢木作柱四飾以金金鈎銀座用紫赤絳三色之縷與編棉繡幃爲幕門作柱五柱首與橫榼俱飾以金金鈎銅座

第百四章 鹿撒列用阜莢木作匱

長二尺有半廣與高俱尺有半匱之內外飾以兼

金其上下四周悉以金緣鑄金環四置於四隅左右各二以阜莢木作杠飾以金兩旁之環可貫杠以昇匱以兼金作施恩之所長二尺有半廣一尺有半用圓輪法作二噍啞啞置施恩所之兩旁每旁各一於施恩所之上噍啞啞高展其翮覆翼相對府視施恩之所用阜莢木作几長二尺廣一尺高尺有半飾以兼金四周悉以金緣四周之旁廣約一掌以金緣之作金環四置於四隅足上環附其旁貫杠以昇几用阜莢木作杠以金飾之俾得昇几用兼金作盤鼎盂壺以灌奠及几諸器皿用圓輪法作燈臺其柱其枝其蓋其節其花悉以兼金燈臺出枝凡六兩旁各三枝各有蓋形似杏仁有節有花六枝俱同柱亦有蓋凡四形似杏仁有節有花所出之六枝凡二枝下各有一節其節其枝皆用圓輪法以兼金爲之臺有七蓋剪與盤亦以兼金造燈臺與器用兼金千五百兩用阜莢木作香壇其形維方長廣俱一尺高二尺其角亦以木爲壇上與四旁及角均以兼金飾之四周悉緣以金兩旁緣下作金環二貫杠以昇壇用阜莢木作杠飾

以金亦製聖膏與潔香用法和之調劑維宜。

第二十章

用阜

荃木作祭壇形製維方長廣俱五尺高三尺四隅作四角亦以木爲

以銅飾灰盤盂鉤鼎諸器悉以銅作壇中四圍有緣以銅作羅網而置其上鑄四銅

環置於銅羅四隅用以貫杠用阜荃木作杠飾以銅貫杠於壇兩旁之環以昇之壇以

板作而空其內婦女從事於幕門取其銅鏡作盤與座幕四周有場編棉作帷以圍之

南旁長十丈柱二十銅座二十鈎與桁悉以銀爲北旁之帷長十丈柱二十銅座二十

鈎與桁亦以銀爲西旁之帷廣五丈柱十座十鈎與桁亦以銀爲場之東廣五丈門左

之帷長丈五柱三座三門右之帷長丈五柱三座三四周場帷悉編棉爲之柱座皆銅

其鈎與釘悉以銀柱頂以銀飾場帷之桁亦以銀爲用紫赤絳三色之纓與編棉繡幃

爲門長二丈高五尺制同場帷柱四座四其鈎以銀爲柱頂橫桁悉以銀飾幕與場帷

之釘俱以銅製○以上所載悉屬法幕之用乃摩西命祭司亞倫子以大馬偕利未族

人治理猶大支派戶耳孫烏利子庇撒列循耶和華命構造此幕但之支派亞希撒抹

子亞何利巴以相輔佐彼能雕刻用紫赤絳三色之纓與棉爲絺繡所獻之金以作聖

所者循聖所權衡計之得四萬三千八百七十五核算會衆二十歲以上者計六十萬

三千五百五十人各獻銀一毗哩卽二錢有半循聖所權衡計之共十五萬八百八十

七兩半用銀十五萬兩鑄聖所諸板之座與幃柱之座座計一百每座一千五百兩共

月銀十五萬兩日銀八百八十七兩半作柱鈎亦以銀飾柱頂橫桁所獻之銅計十萬六

千二百兩作會幕門柱之座。銅祭壇。銅羅網。及諸器。場四周。及門帷柱之座。幕與場帷。所有之釘。悉以銅製。

第三十九章

用紫赤絳三色之纓。製覆蓋之布。適聖所之用。亦製亞倫聖衣。遵耶和華

所諭摩西之命。用金。與紫赤絳三色之纓。與編棉作公服。其金擣之使薄。細切爲絲。與纓及棉相間。以成采織。肩之兩旁。前後相連。亦用金。與紫赤絳三色之纓。與編棉。繡公服之紳。遵耶和華諭摩西之命。雕璧玉二。鑄金二方。嵌玉其中。用鐫印法。鐫以色列族名於上。置於公服之肩。以爲以色列族記錄。循耶和華所諭摩西之命。用金。與紫赤絳三色之纓。與編棉。采織黼掛。制同公服。黼掛方而複。長廣之數。布指爲度。置玉其中。凡有四行。瑪瑙。淡黃玉。葱珏。爲一行。紅寶石。青玉。金網石。爲一行。赤玉。白瑪瑙。紫玉。爲一行。黃玉。璧玉。碧玉。爲一行。鑄金爲方。嵌玉其中。玉十有二。上用鐫印法。鐫以色列族十二支派之名。編兼金爲索。以綴黼掛。作金方二。金環二。置二環於黼掛兩旁之上。以所編金索之末。繫其環。以索之端。置於二金方。加於公服肩前。更製二金環。置於黼掛兩旁之下。在公服前。黼掛內。又作金環二。置於公服兩旁下。向前。於交接之處相對。在公服繡紳之上。以紫帶繫黼掛環。與公服環相連於紳上。使黼掛不離公服。循耶和華所諭摩西之命。用紫纓。組織公服內之長衣。其中留空隙。四周製領。如甲衣然。使衣不敝。在衣之旁。用紫赤絳三色之纓。與編棉作緣。狀若石榴。鑄兼金爲鈴。綴於衣之四周。使與石榴相間。金鈴與石榴互相間隔。亞倫服此。奉事耶和華。遵其所諭摩西之命。織棉

爲衣。使亞倫與其子服之。以棉作冠。及冠飾。以編棉與臬爲禪。用紫赤絳三色之縷。與編棉繡紳。循耶和華所諭摩西之命。以兼金作聖冠之額。鐫字於上。曰。爲聖。以事耶和華。繫以紫帶。戴於冠前。循耶和華所諭摩西之命。○於是以色列族遵耶和華所諭摩西之命。而成會幕。攜幕及器。鈎板。榱柱。座。至摩西前。牡羊皮之紅者。及貂皮。以爲蓋。幃以爲簾。法匱與其杠。及施恩之所。几與諸器皿。及陳設之餅。兼金之燈臺。與其蓋。器與油悉備。金壇塗有膏沐。焚有馨香。幃爲幕門。銅壇銅羅網。與其杠及器。盤與其座。場帷。及柱與座。幃爲場門。其索其釘。與會幕諸器。覆蓋之布。適聖所之用。祭司亞倫之聖衣。及其子之衣。以盡祭司之職。以色列族循耶和華所諭摩西之命。而作諸工。摩西觀諸工。悉遵耶和華所諭而作。故摩西爲之祝嘏。

第四章

耶和華諭摩西曰。正月朔。宜建會幕。以法匱置其中。垂簾於匱前。昇几入幕。

陳所當陳。昇燈臺入。而燃其燈。以焚香之金壇。置於法匱前。施幃爲幕門。置祭壇於會幕門前。置盤於會幕祭壇間。盛水其中。四周立場帷。施幃於門。以香膏膏幕。及幕內所

有。使諸器爲聖。膏祭壇與諸器。使壇爲至聖。膏盤與其座。使爲聖。攜亞倫及其子。至會幕門前。濯以水。以聖衣衣亞倫。膏之以膏。使其成聖。可爲祭司。以奉事我。又攜其子。以衣衣之。膏之如父。使爲祭司。以奉事我。緣受其膏。亞倫子孫。必永爲祭司。歷世勿替。○

摩西遵耶和華命而行。出埃及二年正月朔。摩西建幕。置座。構板。施榱。立柱。張幕。施幃。

以蔽法匱。循耶和華命幕中簾前北向設几。陳餅於耶和華前。循其所命。南向置燈臺。與几相對。燃燈於耶和華前。遵其所命。置金壇於幕內。簾前焚馨香於上。遵耶和華命。施幃於幕門。置祭壇於會幕門外。可燔牲獻祭。遵耶和華命。置盤於會幕祭壇間。盛水其中。摩西亞倫及其子盥手濯足。入會幕。近祭壇時。洗濯其身。悉遵耶和華所諭。摩西之命。會幕祭壇四周施場帷。垂幃於門。於是摩西竣厥工。○有雲覆會幕。耶和華之榮光盈其室。因雲覆之。耶和華之榮光盈之。故摩西不能進會幕。雲離會幕時。以色列族過征。雲不移。民不行。晝則耶和華之雲籠罩幕上。及夜雲狀若火。以色列族過征時。悉目擊焉。

利未記

第二章 耶和華在會幕召摩西曰、當告以色列族云、爾中有人欲獻牲爲禮、必以牛羊奉我。如欲燔牛、必取牡者、純潔是務。牽至會幕前、奠我悅納。按手其上、則悅納可希。罪愆可贖。當宰牛於我前。亞倫子孫爲祭司、必攜其血、至會幕前、灑於壇四周。剝取其皮、剖分其肉。亞倫子孫必燃火於壇。陳柴其上。所剖者、首及脂。亞倫子孫爲祭司、必置諸壇上。陳於柴、蕪以火。其臟其足、以水洗滌。祭司焚之於壇。是爲燔祭。取其馨香、以奉事我。○如欲燔羊、則綿羊可。山羊亦可。必取牡者、純潔是務。於壇之北、宰羊於我前。亞倫子孫爲祭司、必灑血於壇四周。剖分其羊、首及脂。祭司臚陳壇上。置於柴、蕪以火。其臟其足、以水洗滌。悉焚於壇。是爲燔祭。取其馨香、以奉事我。○如欲燔禽奉我、則鵓鳩可。雛鴿亦可。祭司攜至壇前、折其項、而焚於壇。瀝血壇旁。必去其腿、脫其毛。於壇東向棄灰之處。剖禽之翼、而弗中判。置於壇。陳於柴、蕪以火。是爲燔祭。取其馨香、以奉事我。**第三章** 如欲奉禮物於我耶和華、必獻麵粉、沃膏加香。攜至亞倫子孫、卽祭司前。容其取麵和膏一撮、及所有之香、焚於壇、以爲記錄。是乃燔祭。取其馨香、以奉事我。旣燔一撮、以獻我、則禮物爲至聖。其餘當歸亞倫及子孫。如欲奉禮物、以爐炊製者、必獻和油麵餅、或抹膏薄餅、俱弗置酵。如欲奉禮物、以鼎煎熬者、必獻和油之麵、亦弗置酵。剖之沃膏、是爲禮物。如欲奉禮物、以釜烹煮者、必獻和油之麵、以所備之禮物奉獻於我。容

祭司等三堂司、令禮勿口、祭司公百斤、又、以爲己承、麥之令、三、爲香、又、上、爲示、

奉事我既燔一撮以獻我，則禮物爲至聖，其餘當歸亞倫及子孫。獻我之禮物，皆弗置醇。凡醇與蜜，毋燔以獻。○以初實爲禮物獻我，則可。焚於壇取馨香，則不可。凡禮物必鹽以鹽，我所命之鹽，毋庸少減。故諸禮物必以鹽調和。如欲獻初實於我，以爲禮物，必取已烘之嘉穗，既擣之新穀，沃以膏，加以香，獻爲禮物。祭司取所擣所沃者，及諸香品，焚而獻我，以爲記錄，是爲燔祭，以奉事我。

第三章 如欲獻牛以酬恩，牝牡俱可，純潔是務。奉於我耶和華前，必按手其上，宰於會幕前。亞倫子孫爲祭司，灑血於壇四周。取蓋臟之脂，腹中所有之脂，腰間左右腎與其脂，及肝片，悉燔以獻我，爲酬恩之祭。亞倫子孫必置脂於壇，陳於柴，與日獻祭物同。熱以火，是爲燔祭，取其馨香，以奉事我。○如欲獻羊以酬恩，牝牡俱可，純潔是務，以奉於我。或獻羔羊，必攜至我前，按手其上，宰於會幕前。亞倫子孫灑血於壇四周，割尾去脂，以離其尻，亦取蓋臟之脂，腹中所有之脂，腰間左右腎與其脂，及肝片，燔而獻我，爲酬恩之祭。祭司悉焚於壇，是爲燔祭，用以享我。○如欲獻山羊，以奉於我，必按手其上，宰於會幕前。亞倫子孫灑血於壇四周，以爲燔祭，取蓋臟之脂，腹中所有之脂，腰間左右腎與其脂，及肝片，祭司悉焚於壇，爲燔祭以享，取其馨香，而奉事我。犧牲所有之脂與血，爾勿食之，必獻於我，著爲永例，歷世勿替，隨往勿易。

第四章 耶和華諭摩西曰：宜告以色列族云：如有人誤于我命，爲所不當爲，則必獻祭，以贖其罪。如受膏之祭司，陷罪觸法，貽害於民，必緣其所犯，取純潔之犢，獻於我，以贖

罪，牽犢至會幕門，按手其上，宰於我前，受膏之祭司取血，入會幕，染指其中，灑於聖室之簾，及我前者。凡七，必取血少許，灑於我前。會幕香壇之角，傾餘血於會幕前。祭壇下，取蓋臟之脂，腹中所有之脂，腰間左右腎，與其脂，及肝片，如昔獻牛爲酬恩之祭，而取其脂然。祭司必燔之於壇。犢之皮、肉、首、足、臟腑，及遺矢，與其全體，攜出營外，至潔清之地，棄灰之所，置於柴，^十蕪以火。○如以色列衆會，誤于我命，爲所不當爲，昔不自明，後乃知過，衆會必獻犢，牽至會幕，以贖其罪。會之長老，必於我前，按手其上，而宰之，受膏之祭司，必取血，入會幕，染指其中，灑於聖室之簾，及我前者。凡七，必取血少許，灑於我前。會幕香壇之角，傾餘血於會幕前。祭壇下，取脂，焚於壇，如昔獻犢爲贖罪之祭然。於是，罪愆可贖，得蒙赦宥。攜犢營外，蕪之以火，與他犢無異。此會衆贖罪之祭也。○如有民長，誤于我命，爲所不當爲，以取罪戾，自知有過，必獻山羊之羔，取其牡者，純潔是務，按手其上，宰於我前，卽其常宰犧牲之處。此贖罪之祭也。祭司必指染其血，灑於壇角，傾餘血於祭壇下，焚脂於壇，如昔酬恩之祭然。於是，祭司爲之贖罪，可蒙赦宥。○如有庶民，誤于我命，爲所不當爲，以取罪戾，自知有過，必獻山羊之羔，取其牝者，純潔是務，爲贖罪之祭。按手其上，宰於燔祭之所，祭司必指染其血，灑於壇角，傾餘血於壇下，取其脂，焚之於壇，以爲馨香，而奉事我，如昔酬恩之祭然。於是，祭司爲之贖罪，可蒙赦宥。○如奉綿羊之羔，獻祭以贖罪，必取牝者，純潔是務，按手其上，宰於燔祭之所，祭司必指

祭主，凡獻祭者，必取血，入會幕，染指其中，灑於聖室之簾，及我前者。凡七，必取血少許，灑於我前。會幕香壇之角，傾餘血於會幕前。祭壇下，取蓋臟之脂，腹中所有之脂，腰間左右腎，與其脂，及肝片，如昔獻牛爲酬恩之祭，而取其脂然。祭司必燔之於壇。犢之皮、肉、首、足、臟腑，及遺矢，與其全體，攜出營外，至潔清之地，棄灰之所，置於柴，蕪以火。○如以色列衆會，誤于我命，爲所不當爲，昔不自明，後乃知過，衆會必獻犢，牽至會幕，以贖其罪。會之長老，必於我前，按手其上，而宰之，受膏之祭司，必取血，入會幕，染指其中，灑於聖室之簾，及我前者。凡七，必取血少許，灑於我前。會幕香壇之角，傾餘血於會幕前。祭壇下，取脂，焚於壇，如昔獻犢爲贖罪之祭然。於是，罪愆可贖，得蒙赦宥。攜犢營外，蕪之以火，與他犢無異。此會衆贖罪之祭也。○如有民長，誤于我命，爲所不當爲，以取罪戾，自知有過，必獻山羊之羔，取其牡者，純潔是務，按手其上，宰於我前，卽其常宰犧牲之處。此贖罪之祭也。祭司必指染其血，灑於壇角，傾餘血於祭壇下，焚脂於壇，如昔酬恩之祭然。於是，祭司爲之贖罪，可蒙赦宥。○如有庶民，誤于我命，爲所不當爲，以取罪戾，自知有過，必獻山羊之羔，取其牝者，純潔是務，爲贖罪之祭。按手其上，宰於燔祭之所，祭司必指染其血，灑於壇角，傾餘血於壇下，取其脂，焚之於壇，以爲馨香，而奉事我，如昔酬恩之祭然。於是，祭司爲之贖罪，可蒙赦宥。○如奉綿羊之羔，獻祭以贖罪，必取牝者，純潔是務，按手其上，宰於燔祭之所，祭司必指

然於是祭司代爲贖罪可蒙赦宥。

第五章 如人目擊其情與知其事被召爲證令其發誓而不實告於是取戾如出無意而捫野獸六畜昆蟲不潔之尸自取污穢致獲愆尤如他人蒙不潔而爾捫之由於弗察則無論其所汚何若迨及知之必以爲過如人不知而造次發誓或善或惡則無論其所誓何若迨及知之必以爲過以上苟有過失任之勿辭因此必攜補過之祭獻於我前牝羔綿羊山羊俱可容祭司代爲贖罪如不能備羔則必攜鵓鳩或雛鴿二獻於我前一爲贖罪一爲燔祭攜至祭司前^九先獻贖罪之祭惟折其項剖其體而弗中判灑血壇旁^十瀝餘血於壇下是爲贖罪之祭次獻燔祭循其常例祭司代爲贖罪可蒙赦宥如鳴鳩雛鴿俱無從備則獻麵粉六升以贖其罪勿沃膏勿加香蓋贖罪之祭也攜至祭司容其取麵一撮焚之於壇燔而祭我^{十一}以爲記錄循燔祭之常例此贖罪之祭也此數者中祭司取其一爲人贖罪得蒙赦宥祭物之餘悉歸祭司若禮物然○耶和華諭摩西曰如人當獻我之物偶有差失致獲罪愆則必獻我牝綿羊純潔是務循聖所權衡依爾所估之價以補其過應獻之物必盈其數加五分之一攜至祭司容祭司取羊代爲贖罪得蒙赦宥如人干我命爲所不當爲雖出無意亦有過失自取罪戾緣其無知而有過必攜牝綿羊純潔是務依所估之價與祭司以補其過容祭司代爲贖罪得蒙赦宥人違我法欲補其過所當獻之祭卽此

第六章 耶和華諭摩西曰如人有差失違逆於我受人付托尚存其手而誑言不存或

據人物，虐取人財，拾人所遺，詭云未得，不論所爲，誑言發誓，於是陷罪。既獲愆尤，必以所受托，所強據，所虐取，所拾遺，悉反諸人，所誑言發誓，必於補過之日，以舊物加五分之一，歸於其主。攜牡綿羊，維潔是務。依祭司所估之價，獻之於我，爲補過之祭。祭司於我前，代爲贖罪，而人所犯者，得蒙赦宥。○又曰，以燔祭之例，告亞倫及其子。日獻燔祭，焚之於壇，自夕達旦，火必常燃。祭司衣臬衣，亦服臬褲，蔽厥下體，將燔祭火燼之灰，置於壇側。祭司易衣，服其常服，攜灰出營外，至潔清之地。惟壇火常燃不滅，每日祭司藝柴、臚、陳燔祭，酬恩祭之脂，亦焚其上。火於壇上，常燃不滅。至若獻禮物，亦有常例焉。亞倫子孫，必攜至壇前，獻之於我。自禮物中，取麵和膏一撮，及所有之香，焚之於壇，以爲記錄，取其馨香，以奉事我。禮物之餘，勿以醇相和，在聖地會幕之場。亞倫及其子食之。炊之母和以醇。禮物少許，既燔獻我，其餘乃至聖，爲亞倫子孫所應得，如贖罪補過之祭然。凡獻我之燔祭，惟潔者可得捫，故亞倫子孫諸男丁食之。此乃永例，歷世勿替。○又曰，亞倫及其子孫，受膏之日，必以粉六升，獻於我前，以爲禮物。晨取其半，暮取其半，以鼎煎熬，調和以油。禮物既炊，擘之而獻，取其馨香，以奉事我。亞倫子孫中，有代亞倫受膏爲祭司者，必獻是禮，焚之務盡。斯乃永例，以奉事我。蓋祭司所獻之禮物，必盡焚毋食。○又曰，以贖罪祭之例，告亞倫及其子孫。既在我前而宰燔牲，卽於其處，宰贖罪之祭牲，是乃至聖。聖地會幕之場，祭司宰牲於是，食牲亦於是。惟成聖者，得捫其肉，如

至聖、惟祭司諸丁男可食。凡獻牲以贖罪、攜其血入會幕、以蓋尤愆、其肉不得食、必焚之以火。

第七章 至若補過之祭、亦有常例焉。此祭爲至聖。宰燔牲之所、必宰補過之牲、其血灑

於壇四周、取所有之脂、與尾、及蓋臟之脂、腰間左右腎、與其脂、及肝片、祭司悉焚之於壇、是爲燔祭、以奉事我、俾得補過。此物至聖、惟祭司諸丁男於聖地食之。補過之祭、與贖罪之祭、其例維一、代爲贖罪之祭司、俱必得之。祭司燔牲爲祭、可得其皮。凡禮物、以爐炊製、以鼎煎熬、以釜烹煮者、俱歸祭司、或沃膏與否、必歸亞倫子孫、使其同得。○所獻我酬恩之祭、亦有常例焉。如因頌美而獻、則犧牲以外、必獻和油之饅、抹膏之薄餅、俱弗置醪、麵餅和油煎熬、獻餅酬恩而外、必獻醪餅爲禮物、於其中取一舉而獻我、歸於灑血之祭司。獻牲以酬恩、其肉必當日食之、勿留於明日。如所獻之祭、由心所願、傾誠樂輸、則當日必食之、其餘明日亦可食。祭肉有餘、留至三日、必焚以火。如祭肉留至三日、而人食之、則其祭不見納於我。獻祭者亦弗稱善、祭物必爲可憎、食之者有罪。祭肉爲穢物所玷、則不得食、熱之以火。如未被玷者、惟純潔之人可食。苟蒙不潔於其身、而食歸我之祭肉、必絕之民中。如人捫他人之不潔、或獸汚、或可憎之穢物、爲其所玷、而食歸我之祭肉、必絕之民中。○耶和華諭摩西曰、告以色列族云、或牛、或山羊、或綿羊、其脂毋得食。或自斃、或斷傷之畜、其脂可供他需、惟不得食。獻我之羣畜、有食其脂者、必絕於民中。或禽、或畜之血、爾隨往勿食。凡食血者、必絕之民中。又曰、告以色列族

云。凡獻酬恩之祭。必奉於我手。奉犧牲之脂。燔以爲獻。亦奉其腔。搖於我前。祭司必焚脂於壇。腔則歸亞倫。及其子孫。酬恩祭中。以右肩奉祭司。舉以爲祭。凡亞倫子孫。獻牲血與脂者。必得右肩。以色列族獻牲以酬恩。我取所搖之肩。所舉之腔。錫於祭司亞倫。及其子孫。著爲永例。當亞倫及其子。受膏爲祭司。奉事耶和華時。耶和華命以色列族。於燔祭中。以此賜亞倫。永著爲例。歷世勿替。凡燔祭及禮物。或以贖罪。或以補過。或任人爲祭司。或獻以酬恩。耶和華於西乃山。所諭摩西。告以色列族。在西乃野。奉其禮物。以獻者。其例如此。

第八十四章 耶和華諭摩西曰：汝攜亞倫及其子，與其衣，暨香膏，取犢一，爲贖罪之祭，牡綿
 羊二，無酵餅一筐，集衆會於會幕前。摩西循命，衆會集於會幕前。摩西告之曰：今日所
 行，乃耶和華所諭。遂攜亞倫及其子，以水濯之，以衣。亞倫束以帶，服以長衣，加以公
 服，束以繡紳，亦賜黼掛，置烏陵土明於其中。烏陵土明譯以冠冠之，冠前置金額於額，額卽
 聖冕。循耶和華命，摩西取香膏，釐會幕及內所有，使之成聖，灑壇七次。釐壇與器，盤與
 其座，使之成聖。斟香膏，以膏亞倫首，使之成聖。使亞倫諸子前，衣之以衣，束之以紳，冠
 之以冠。循耶和華命，摩西牽犢，以爲贖罪之祭。亞倫及其子，接手其上，乃宰是犢。摩西
 取血，染指其中，釐於壇上四角，以潔其壇。傾餘血於壇下，使之成聖。可獻贖罪之祭於
 壇。取蓋臟之脂，肝片，左右腎，及其脂，焚之於壇。熱犢營外，與其皮、肉、遺矢，循耶和華諭。

分其羊將已剖者與首及脂三十一。熱之以火洗臟與足三十二。熱羊全體於壇是爲燔祭取其馨香以事耶和華三十三。循其所命三十四。又牽牡綿羊一卽任亞倫爲祭司時所獻者三十五。亞倫與子接手其上三十六。乃宰是羊三十七。摩西取血三十八。灑於亞倫右耳之下垂三十九。與右手足之巨擘四十。亞倫子既前四十一。摩西取血四十二。灑其右耳之下垂四十三。與右手足之巨擘四十四。亦灑血於壇四周四十五。取羊尾之脂四十六。蓋臟之脂四十七。肝片左右腎與其脂四十八。暨右肩四十九。在耶和華前五十。無酵餅筐中五十一。取圓饅一五十二。和油餅一五十三。薄餅一五十四。置於脂及右肩上五十五。均付諸亞倫及其子手五十六。使搖於耶和華前五十七。摩西自其手接之五十八。熱於壇五十九。是任亞倫爲祭司之燔祭六十。取其馨香六十一。奉事耶和華六十二。摩西取羊腔六十三。搖於耶和華前六十四。是腔摩西得之六十五。循耶和華命六十六。摩西取香膏六十七。及壇上之血六十八。灑於亞倫及其子之身六十九。與衣七十。使彼身及衣可得成聖七十一。○摩西告亞倫及其子曰七十二。當烹羊於會幕前七十三。在彼食之七十四。及筐中之餅七十五。遵所諭之命七十六。餘餅與肉七十七。熱之以火七十八。歷七日七十九。必行任汝爲祭司之禮八十。故是時不得出會幕八十一。迨盈七日則八十二。可今日所爲者八十三。耶和華命之爲汝贖罪八十四。故必居會幕門外八十五。晝夜無間八十六。至於七日八十七。守耶和華所命之役事八十八。遵我所告八十九。免爾死亡九十。亞倫及其子九十一。悉循耶和華命九十二。摩西之事而行九十三。

第九章

越八日一。摩西招亞倫及其子二。暨以色列長老三。告亞倫曰四。取犢一五。爲贖罪之祭六。牡

綿羊一七。爲燔祭八。純潔是務九。獻於耶和華十。又曰十一。爾當告以色列族十二。取山羊羊羔一十三。爲贖罪之祭十四。犢一十五。綿羊羔一十六。爲燔祭十七。必取未盈歲者十八。純潔是務十九。亦取犢一二十。牡綿羊一二十一。爲酬恩之祭二十二。獻於耶和華二十三。又取麵和油二十四。以爲禮物二十五。蓋今日耶和華必顯現於爾二十六。乃遵摩西命二十七。攜諸禮物於會幕二十八。衆會咸集二十九。侍於耶和華前三十。摩西曰三十一。耶和華命爾行是三十二。必得其榮光三十三。顯著於爾三十四。

○又告亞倫曰。當近於壇獻贖罪之祭。及燔祭。爲爾及民贖罪。亦獻民之禮物。代民贖罪。遵耶和華命。亞倫至壇。宰犢爲己贖罪。其子取血。亞倫以血染指。灑於壇角。傾餘血於壇下。脂。左右腎。肝片。焚於壇上。循耶和華命。惟肉與皮。焚於營外。亞倫宰牲爲燔祭。其子奉血。灑於壇四周。剖分其牲。以所剖者及首。奉與亞倫。焚之於壇。洗臟及足。與燔祭。共焚於壇。亞倫攜民之禮物至。亦取山羊爲民贖罪。宰之以獻。爲贖罪之祭。如獻犢然。攜牲爲燔祭。循其常例。晨獻燔祭而外。亦攜禮物。取麵一撮。焚之於壇。宰犢與羊。爲民酬恩。亞倫諸子奉血。灑於壇四周。取犢脂。羊尾。蓋臟之脂。左右腎。與肝片。置脂於腔。以脂焚於壇。腔及右肩。亞倫搖於耶和華前。循摩西命。亞倫獻贖罪祭。燔祭。酬恩祭。既畢。舉手祝民而退。摩西亞倫入會幕。出而祝民。耶和華之榮光顯現。爲民目擊。火自耶和華出。焚壇上之燔祭。與脂。民見之。懽呼俯伏。

第二十章 亞倫子拿答。亞庇戶。各取鼎。燃火炷香。以獻耶和華。所燃者不以聖火。弗遵其命。火自耶和華出。燬二人。死於耶和華前。摩西謂亞倫曰。耶和華諭云。近我之祭司。必以我爲聖。使民歸榮於我。亞倫默然。摩西召亞倫叔烏泄子。米沙利。以利撒反。曰。爾來前。負爾戚屬之尸。離聖所。往營外。二人乃前。負尸營外。不解其衣。遵摩西命。摩西諭亞倫及其子。以利亞撒。以大馬曰。爾曹既沐耶和華之香膏。毋露爾首。毋裂爾衣。毋出會幕。恐爾死亡。怒及庶民。惟以色列族。可因耶和華火之所燬。哀哭不勝。亞倫及其子乃

爲永例歷世勿替於是爾得區別聖與不聖潔與不潔以我所諭摩西之命訓迪以色列族○摩西諭亞倫及其子以利亞撒以大馬曰獻耶和華燔祭時有麵爲禮物其餘爲至聖爾食於壇旁毋置酵必於聖地食之蓋獻耶和華燔祭中以是歸爾及爾子孫我所奉之命乃如此以色列族獻酬恩祭其中所搖之腔所舉之肩歸爾及爾子女必於潔地食之人以燔祭及脂獻耶和華時所舉之肩所搖之腔必搖於我前然後歸爾及爾子孫著爲永例循耶和華命○贖罪之山羊摩西索之知已燔矣則怒亞倫二子以利亞撒以大馬曰以牲贖罪爲至聖之物上帝賜之於爾以任民愆代爲贖罪於耶和華前何不於聖地食之何不取血入聖所蓋爾當食牲於聖地遵我所命亞倫曰今日吾子獻贖罪之祭與燔祭於耶和華前適家遭變故如食其牲豈見悅於耶和華乎摩西聞其言而然之

第廿二章 耶和華諭摩西亞倫曰告以色列族云世之牲畜有可食者今詳言之凡畜之分蹄支趾反芻出齧者俱可食第分蹄不可食第反齧不可食駝雖反齧而不分蹄是以不潔啖嚼與兔亦反齧而不分蹄亦不潔豕雖分蹄支趾而不反齧亦不潔其肉勿食其尸勿捫俱爲不潔○水中百族或出於河或出於海凡有翅有鱗俱可食凡在水中生物或出於河或出於海無翅無鱗者爾必視爲可憎毋食其肉必視其尸爲可憎水族無翅無鱗者俱爲可憎○羽族中所可憎而不可食者鷹鵟鷂鷂小鷹與其類鴉與其類雌雄之駝鳥魚鷹雀鷹鷗鷗魚狗鷺鷥鳩鳥鵲鷗爰居白鶴蒼鷺戴鵄蝙蝠

蝠與其類。凡羽族有四足者，俱爲可憎。飛蟲有四足，亦有長足高於背，能躍於地者，食之可也。有若蝗蟲、蜚蟲、蠶蟲、螫蟲，與其族類，是其餘飛物，有四足者，必以爲可憎。凡捫其尸，必蒙不潔。迨夕乃免。負其尸者，亦蒙不潔。當澣其衣。迨夕乃免。六畜分蹄而不支趾，又不反齧者，俱爲不潔。凡捫之者，必蒙其污。迨夕乃免。四足之獸，行地用蹠者，必爲不潔。凡捫其尸，必蒙厥污。迨夕乃免。或負之者，亦必蒙污。當澣其衣。迨夕乃免。○凡物運行於地，而不爲潔者，亦有其數。鼯鼠、鼯鼠、蜚蜴，與其類，蛤蚧、龍子、守宮、蛇醫、蠅、蜚，此物皆能運動，悉爲不潔。凡捫其尸，必蒙厥污。迨夕乃免。凡木器、衣服、皮革、布囊，不論何物，有不潔之蟲死而墮其上者，卽蒙其污。必置於水。迨夕乃潔。凡瓦器，有不潔之蟲墮其中，則所藏之物亦污。其器必毀。器中藏水，食物爲所濡，或其中藏有飲啜之物，俱蒙其污。凡爐竈有不潔之蟲死而墮其上，則蒙厥污。爾必毀之，或泉，或井，或蓄水處，不潔之蟲墮其中，有取之出者，必蒙不潔。其水則潔。如墮於將播之種，則潔。然種濡以水，而汚蟲之尸墮其上，則不潔。如可食之畜自斃，捫之者必蒙厥污。迨夕乃免。或負其尸，或食其肉，俱蒙厥污。當澣其衣。迨夕乃免。凡蟲運行於地者，當以爲可憎。毋食。凡蟲以腹行，或四足，或多足，運動於地者，俱爲可憎。勿食。勿捫運行之物，使已蒙不潔，而爲可憎。蓋我耶和華，爾之上帝，我聖而爾亦當聖。勿捫運行於地之蟲，致已不潔。我素導爾出埃及，爲汝之上帝，我聖矣。汝亦當聖。○凡六畜、禽鳥、水族、昆蟲之運行於地者，以區別

第十三章 耶和華諭摩西曰告以色列族云婦懷妊生男必蒙不潔歷至七日如癸水適至別室居處然八日必爲其子行割禮既產流血必更待三十三日乃潔斯日未盈不可捫聖物不可入聖地生女必二七日蒙不潔如癸水至而別居然既產流血必更待六十六日乃潔無論誕育男女潔日既屆則攜未盈歲之羔爲燔祭及鴿鳩或雛鴿爲贖罪祭至會幕祭司前容祭司獻之於我代爲贖罪婦既流血而蒙不潔必如是始潔婦生男女其例若此如婦不能備羔必攜雙鳩或二雛鴿一爲燔祭一爲贖罪祭容祭司代爲贖罪而婦始得爲潔

第十四章 耶和華諭摩西亞倫曰人若膚有疥或癬或斑斕狀如癩疾則必攜之至祭司亞倫前或其子孫爲祭司前祭司必察其疾如疾處之毫變白深入膚際則屬癩疾祭司既察之必爲不潔如斑斕爲白不深入膚其毫猶未白者祭司必禁錮其人歷至七日屆期察之如其疾止不散於膚則祭司必禁錮其人復至七日屆期必再察之如疾少愈不散於膚則癬而已祭司必視爲潔使澣衣成潔祭司察之以視潔否其後癬多蔓延於膚祭司必再察之若見其癬果蔓延則祭司必視爲不潔蓋癩疾已成○如人有癩疾必攜之至祭司祭司察之知疥色白毫亦變白肉色紅腫乃膚際舊癩所化此誠污穢祭司必視爲不潔毋庸禁錮其人癩之爲疾散布於膚蔓延於體自頂至踵無在不有祭司亦必察焉如白色遍體其人猶可潔雖有疾尙能使潔也如肉紅腫色已外現則蒙不潔祭司視之必以爲汚綠色紅腫癩疾乃成而蒙不潔如紅腫之肉變

白則必至祭司前。祭司察之。知色已變白。必視之爲潔。則無不潔。如人膚際生瘡。而後得醫。瘡處或有白疥。或有斑爛。紅白相間。則必示於祭司。祭司察之。知毫色盡白。深入膚際。則視爲不潔。是屬癩疾。因瘡以生。如祭司察之。知無白毫。不深入膚。疾已少愈。則必禁錮其人。歷至七日。倘蔓延於膚。則屬癩疾。祭司必視爲汚。如斑爛已止。而不蔓延。則爲瘡癤。祭司必視之爲潔。如人之膚爲火所灼。其處忽起斑爛。紅白相間。祭司必察之。斑爛處毫色盡白。深入膚際。則屬癩疾。因灼所致。祭司必視之爲汚。如祭司察之。斑爛處無白毫。不深入膚。疾已少愈。則必禁錮其人。歷至七日。屆期察之。如蔓延於膚。則屬癩疾。祭司必視之爲汚。如斑爛已止。不復蔓延。而疾少愈。此屬疥疾。因灼所致。灼後成癢。祭司必視之爲潔。○如男女在首在鬚有疾。祭司必察之。中有細毫。其色維黃。深入膚際。此屬癩癬。或生於首。或生於鬚。祭司必視之爲汚。如祭司察其癬。不深入膚中。無黑毫。則必禁錮其人。歷至七日。屆期察之。如癬不蔓延。中無黃毫。不深入膚。則雉鬚髮留其癬處。禁錮其人。歷至七日。屆期必察之。癬不蔓延。不深入膚。祭司必視之爲潔。使斲其衣。則無不潔。厥後如癬蔓延於膚。祭司必察之。若果蔓延。則黃毫之有無俱無。庸察。是蒙不潔。如癬已止。中發黑毫。其癬已愈。其人已潔。祭司必視之爲潔。○如男女膚生白斑。祭司必察之。白斑少愈。則屬白癬。發生於膚。其人爲潔。如髮脫落。則爲頭童。其人爲潔。如頂髮凋殘。則爲頂額。其人爲潔。若頭童頂額處發疾。紅白相間。此乃患癩。祭司必察之。口頁直頁頰。其色紅白相間。如膏主顧矣。然其人乃賴而蒙不潔。

祭司必視之爲汚，緣首已生癩也。○凡患癩者，必裂衣，露頂掩口，自呼曰：我汚矣，我汚矣。當其患癩時，誠蒙不潔，必異室獨處，居於營外。○如皮衣、革衣、絨衣、臬衣，無論經緯間，爲癩所染，其所染處，色或青紅，此染於癩，必示祭司。祭司察而藏之，歷至七日，屆期視其所染，蔓延於衣之經緯，或於皮衣革衣，此爲惡癩所染，而蒙不潔，則無論絨衣、臬衣，在經在緯，或皮衣俱熱，以火緣其癩，甚惡也。祭司察之，見衣所染，不復蔓延，於經緯或於其皮，宜使澣濯，而復藏之，歷至七日，澣濯之後，必察之，其所染之疾，色猶未去，雖未蔓延，亦以爲汚，熱之以火，蓋衣之敝處，或於表裏，染癩甚深，既經澣濯，祭司察之，所染少愈，則必裂衣之經緯，或皮去其所染，如癩所染處，仍現於衣之經緯，或於其皮，此染癩已深，必熱以火，如衣或皮，既經澣濯，已去其染，則必再澣，使成爲潔。○以上所載皮衣，或絨衣、臬衣，無論經緯間，視之爲潔，爲汚，其例若此。

第四章 耶和華諭摩西曰：視患癩之人，爲潔，亦有常例，必攜至祭司，祭司詣營外察之，見疾已愈，則命人爲之取生禽二，純潔是務，亦取柏香木、絳縷、牛膝草，以瓦器盛活水，宰一禽於上，取生禽、柏香木、絳縷、牛膝草，濡其中，以灑患癩已潔者，凡七，而視爲潔。後縱生禽於野。欲潔之人，必澣衣、濯髮，以水洗滌，成潔後，始可入營。異室以居，歷至七日，屆期，毫髮鬚眉，燿之務盡，澣衣濯身，而後成潔。越八日，必取牡綿羊之羔二，未盈歲之牝羔一，純潔是務，麥粉一斗八升，調和以油，更加油十三兩，以爲酬恩之祭。使人成潔之祭司，必置人及物於我前，會幕門外，取一牡羔，獻爲補過之祭，又取油十三兩，爲膏勺之膏。利未記第十四章

禮物俱搖於我前。聖地常宰牲，爲贖罪祭，爲燔祭，卽於其處宰是羔，贖罪祭之牲歸祭司，補過祭之牲亦歸祭司，俱爲至聖。祭司必取牲血，灑於成潔者右耳下垂，及右手足之巨擘，又取油少許，斟於左掌，染以右指，灑於我前。凡七，以少許膏於成潔者右耳之下垂，及右手足之巨擘，卽贖牲血之所。掌中餘油，灌於成潔者之首，代爲贖罪於我前。祭司必獻祭，代成潔者贖罪。後宰燔祭之牲，與禮物同獻於壇，代爲贖罪，其人成潔。如其匱乏，不能全備，則必取綿羊羔一，搖之爲補過之祭，代爲贖罪。和油之粉六升，並油十三兩，爲禮物。又取二鵓鳩，或二雛鴿，隨其力之所能，一爲贖罪祭，一爲燔祭。成潔之八日，必攜至祭司，獻於我前。會幕門外，祭司必取羔，爲補過之祭，與油十三兩，搖於我前，以爲禮物。宰羔取血，灑於成潔者右耳之下垂，及右手足之巨擘。斟油少許於左掌，以右指灑於我前。凡七，取油少許，膏於成潔者右耳之下垂，及右手足之巨擘，卽贖牲血之所。掌中餘油，灌於成潔者之首，代爲贖罪於我前。必獻鵓鳩一，或雛鴿一，隨其力之所能，一爲贖罪祭，一爲燔祭。暨禮物，祭司必於我前，代成潔者贖罪。如贖者匱乏，欲獻成潔之禮，備不能全者，其例若此。○耶和華諭摩西亞倫曰：我將以迦南地賜爾爲業。爾入斯土，我使癩汚染於第宅。其宅主必至祭司，告云：我恐第宅有染。祭司未入以察，必使空其宅，免宅中器皿俱蒙不潔。嗣後，祭司入宅以察。察時，見其所染之紋，深入於壁，青紅參錯。祭司必出宅門，局閉七日。屆期察之。若汚蔓延於壁，則命取其石，爲汚

更取石以代取泥以塗如是之後其汚再發於宅祭司必至而察之見汚果蔓延是屬宅中之惡癩誠爲不潔必毀其宅第去其木石泥沙遷於邑外不潔之所局閉之時人入其宅必蒙厥汚迨夕乃免寢食於宅者必澣其衣宅再塗之後祭司入察見汚不蔓延則視爲潔其汚已除欲使第宅成潔必取二禽栢香木絳纓牛膝草以瓦器盛活水平宰一禽於上取栢香木牛膝草絳纓生禽濡其中灑宅凡七以上諸物使宅成潔縱生禽出邑郊如是代爲贖罪可致宅潔○以上所載癩疾癰疥斑斕或衣或宅染其汚以潔與不潔之日示爾者其例若此

第十五章

耶和華諭摩西亞倫曰告以色列族云人患白濁是蒙不潔或常淋或少洩

俱蒙不潔所臥之牀所坐之座悉被其汚凡捫其牀坐其座捫其下體者俱蒙不潔當澣衣濯身迨夕乃免成潔之人被患者唾及其體則蒙不潔當澣衣濯身迨夕乃免患者所乘之鞍必蒙不潔凡其所御之物捫之者必蒙不潔迨夕乃免其負之者亦蒙不潔當澣衣濯身迨夕乃免患者不盥手而捫人其人必蒙不潔當澣衣濯身迨夕乃免捫瓦器必毀捫木器必洗患者成潔必歷七日澣濯其衣以活水洗滌其身而後成潔越至八日必攜二鵓鳩二雛鴿至我前會幕門外奉於祭司祭司獻之一爲贖罪祭一爲燔祭代其贖罪於我前如人夢遺則蒙不潔必濯其身迨夕乃免其汚所玷或衣或皮俱蒙不潔當澣以水迨夕乃免男女媾精俱蒙不潔必濯其身迨夕乃免○婦行癸水必異室以居歷至七日凡捫之者必蒙不潔迨夕乃免別居之時婦所寢之牀所坐

之座，必蒙不潔。凡捫其牀，及其座者，必蒙不潔。當澣衣濯身，迨夕乃免。無論什物，置其牀椅，凡捫之者，必蒙不潔。迨夕乃免。婦行癸水，與之同寢，必蒙不潔。歷至七日，所寢之牀，亦蒙不潔。婦行癸水，延至多日，或前或後，不能如期，則蒙不潔。所寢之牀，所坐之座，必蒙不潔。與別居之時無異。凡捫牀與座者，必蒙不潔。當澣衣濯身，迨夕乃免。癸期既正，必歷七日，然後成潔。越至八日，必攜二鵓鳩，或二雛鴿，至會幕前，以與祭司。祭司獻之一，爲贖罪祭。一爲燔祭。祭司必緣其癸行愆期，致蒙不潔，代爲贖罪於我前。當使以色列族自相區別，去諸污穢，恐玷我幕，陷於死亡。○凡男患白濁，夢遺，女患月癸之疾，或患血淋，或與不潔之婦同寢者，其例若此。

第六章

亞倫二子，造次詣耶和華前而死。厥後，耶和華諭摩西曰：

「恩所前，我必乘雲，顯現於此，可告爾兄亞倫，毋頻入其地，免致死亡。如其欲入，宜牽犢一，爲贖罪祭。牡綿羊一，爲燔祭。衣衣蔽禪，束紳冠冠，悉以臬爲此衣。既聖，當濯其身，而後服之。由以色列衆會，取牡山羊二，爲贖罪祭。牡綿羊一，爲燔祭。亞倫獻犢，爲已及眷聚贖罪。更牽山羊二，至會幕門外，置於我前。當緣二山羊掣籤，一歸於我，一歸亞撒色。亞倫必攜歸我之羊，獻爲贖罪祭。亦攜歸亞撒色之羊，生置我前，代爲贖罪。後釋之於曠野，以歸亞撒色。乃牽犢至，爲已及眷聚贖罪。既宰是犢，必取鼎，盛我壇上熱炭，香屑一掬，攜入簾中，焚香於我前。香篆繚繞，蔽諸法匱上，施恩之所。庶幾亞倫可免死亡，以血染指，灑於施恩所東。又灑其前凡七。厥後，宰山羊，爲民贖罪。舊日人養，聖令也。」

上又灑其前如灑贖血然緣以色列族染汚俗重負罪愆而玷聖所會幕故亞倫代之贖罪既進聖室爲已及眷聚與以色列衆會贖罪其時無有能偕之入者迨事既畢而後可出至我祭壇前代爲贖罪取贖血羊血灑壇四周以指灑壇凡七是壇雖爲以色列族汚俗所玷然加以滌理可使成聖聖所會幕祭壇既潔當牽生羊至亞倫按手其上代以色列族任咎負愆使其罪惡悉置羊首簡人縱羊於曠野羊乃負罪釋之適野至於荒渺之地亞倫入會幕解所服臬衣留之於彼必於聖所洗濯其身衣衣而出爲已及民獻燔祭代爲贖罪焚脂於壇縱羊歸亞撒色者必澣衣濯身而後入營贖與羊之血既攜入聖所以爲贖罪其尸必攜出營外其皮肉遺矢俱焚以火焚之者澣衣濯身然後入營○七月十日無論宗族賓旅當卑以自牧免於操作著爲永例祭司既代爾贖罪使於我前去惡成潔故是日爲安息日當卑以自牧著爲永例受膏之祭司代父任職必衣聖衣以臬爲之獻祭贖罪代爲聖室會幕祭壇祭司衆會贖罪緣以色列族蹈於愆尤代爲贖罪歲凡一次著爲永例摩西遵耶和華所諭而行

第十七章

耶和華諭摩西曰告亞倫及其子與以色列族云耶和華命汝凡爾有衆宰

牛羊與羔無論營內營外不攜至會幕前獻於我者必擬其過如流血之罪絕之民中今以色列族宰犧牲於野嗣後攜至會幕前奉諸祭司以獻於我爲酬恩之祭我壇在會幕前祭司必灑血其上焚脂取其馨香而奉事我勿再狗欲祭諸魑魅著爲永例歷世勿替當申命云凡爾有衆及旅於爾者或獻燔祭或宰犧牲不攜至會幕前奉我必喜

第十八章

耶和華

諭摩西

曰告以

以色列族

族我耶

和華乃

爾之上

帝昔爾

居埃及

其土之

第廿八章 耶和華諭摩西曰告以色列族我耶和華乃爾之上帝昔爾居埃及其土之風俗爾勿從今我導汝至迦南其人之作爲爾勿效亦勿守其禮儀我之法度禮儀爾必順從我耶和華爾之上帝所命若此如遵我法度守我禮儀則可得生爾當行之勿失此我所命爾者也○勿干骨肉之親而行淫亂爲我耶和華所禁勿烝爾母烝之是辱父母父之繼室勿烝之烝之則辱及於父至於姊妹無論同父異母同母異父生於家產於外者勿亂之子之女女之女勿亂之是辱已也同父異母之姊妹勿亂之父之姊妹卽父骨肉之親勿烝之母之姊妹卽母骨肉之親勿烝之爾之婢媼伯叔之妻也勿烝之烝之是辱伯叔子之妻媳也勿亂之兄弟之妻勿亂之辱及兄弟婦有女勿同娶婦之子有女婦之女有女亦勿同娶皆妻戚屬勿亂之斯乃惡俗爾妻尙存勿娶其姊妹恐辱妻而苦其心婦癸至別居時毋行好合以辱其身勿與他人之妻同寢致玷己身勿焚爾子女以享摩洛瀆爾上帝之名爲我耶和華所禁男色可憎爾勿漁獵男刀至冷狀以占身女刀至冷狀以逆生是耶和華所禁我法度禮儀毋蹈此愆昔

已有我治其罪，使地不載。故爾曹不論宗族賓旅，當守我法度禮儀，毋蹈此愆。昔斯土之人，專務行此，使地染污，如爾效之地，必不容爾。與彼相同。凡蹈此愆，絕之民中，爾當守我法度，彼之所行，事多可憎。玷及其身，爾毋則倣我。我耶和華，爾之上帝，所命如此。父母，守我安息日。我耶和華，爾之上帝，所命如此。勿崇偶像，勿鑄上帝。我耶和華，乃爾之上帝。爾欲獻酬恩之祭，冀我悅納。當於是日，食其祭品。或明日亦可。若留至三日，宜爇以火。如三日食之，則爲可憎，不蒙悅納。物既獻我，越三日食之，是生瀆玩，必負罪愆，絕於民中。穫田所產，當留其隅，勿拾所遺。園有葡萄，採勿務盡，勿拾遺菓，當留之於賓旅，與貧乏者。我耶和華，爾之上帝，所命如此。毋竊，毋誑，勿相僞爲，指我而誓勿妄，勿瀆爾上帝之名。我耶和華，所命如此。勿虐取，毋強據，傭人之值，勿留至明晨。勿詛，聾者，勿窒碍於瞽者前，宜畏爾之上帝。我耶和華，所命如此。聽訟之際，勿行非義，無論貧富，勿徇其私。宜秉大公，以爲折中。勿往來於閭里，評人短長，勿爲妄證，置人於死。我耶和華，所命如此。勿憎同儕，責人以善，勿使陷罪。勿報仇，勿蓄怨，愛人如己。爾必守我耶和華所命。牲畜異類，勿使遊牝，百穀之種，播田毋雜。泉與絨，勿間織以成衣。婢受人聘，猶未見贖，不得自由。若與人私，俱加扑責，惟不致死。蓋未能自由也。男必攜牡綿羊一，爲補過之祭，詣會幕門外，奉於我前。祭司獻羊，代爲贖罪，則所犯者，可蒙赦宥。爾至迦南，栽培樹木，可供食品，必以其菓爲不潔。三年毋食，至於四年，必獻之於我，以爲頌美。迨至

五年其菓可食使之結實纍然我耶和華爾之上帝所命如此。毋食血。毋用卜筮術數。首之四周勿薙鬚之四周勿損勿爲死者割肉勿黥爾身爲我耶和華所禁。勿辱爾女使之爲妓恐一族淫亂斯土遍染汚俗宜守我安息日敬我聖室我耶和華所命如此。爲卜神所憑者勿崇巫覡勿問恐有玷於爾爲我耶和華爾之上帝所禁見斑白者當起敬者老畏爾上帝我耶和華所命如此。旅於爾土者勿侮當視若宗族愛之如己緣爾昔旅於埃及故也我耶和華爾之上帝所命如此。聽訟之際勿行非義權量法度悉秉至公我耶和華爾之上帝昔導爾出埃及爾當守我律法禮儀我所命如此。

耶和華諭摩西曰告以色列族凡爾族中爰及賓旅獻子女以享摩洛者殺無赦民以石擊之彼獻子女以享摩洛汗我聖室瀆我聖名我必降罰絕於民中若隣里目擊其事佯爲不見不置之死我必罰之及其眷聚凡縱私欲奉摩洛效彼爲非者絕之民中憑於卜神而爲巫覡有狗欲以從者我必罰之絕於民中我耶和華爾之上帝所命如此爾當成聖當守我律法我耶和華使爾成聖。詛父母者罪歸之殺無赦淫人妻者殺無赦淫夫淫婦必殺。烝父繼室則辱已父罪歸之俱殺無赦如亂其媳則逆人倫其罪歸之俱殺無赦。漁獵男色是屬可憎其罪歸之俱殺無赦如人娶妻而並娶妻之母則爲惡俗三者必烝以火使惡俗去於爾中如人與獸淫合必殺無赦亦必殺獸如女淫於獸其罪歸之俱殺無赦如人娶姊妹無論同父異母異父同母者皆辱姊妹未所爲惡俗烝罪歸之具絕於民中如婦烝至人與司筵婦亦相從則已其姪具絕於

其嗣如娶兄弟之妻則辱兄弟此屬可憎必絕其嗣我法度禮儀爾當恪守則我所導爾入之地可容爾居居斯土者蹈諸愆尤我憎而逐之爾勿則效我耶和華爾之上帝區別爾曹異於凡民許爾得地賜爾產乳與蜜之土故當區別潔與不潔之禽獸凡我所示爲不潔之禽獸運行於地之昆蟲爾勿捫之致爲可憎我耶和華乃聖已區別爾曹異於凡民爾既屬我故當成聖有憑於卜神而爲巫覡者殺無赦其罪歸之當擊以石

第三十章 耶和華諭摩西曰亞倫子孫爲祭司當告之云族中有死亡者祭司勿爲之蒙污若死者爲已戚屬父母兄弟子女則可姊妹未適人者亦可既爲長者則勿從俗爲人蒙污勿髣髴勿薙鬚之四周勿割肉祭司既獻燔祭享厥上帝故當成聖以奉事我毋瀆我名祭司爲聖以奉上帝故娼妓淫奔棄婦勿娶祭司既享上帝必以爲聖蓋我耶和華乃聖使爾成聖如祭司之女行淫自玷辱及於父必熱以火兄弟中有爲祭司長者既沐香膏衣聖衣任是職則勿裂衣露頂勿近尸側即父母之尸亦勿近之而蒙不潔祭司長戴冕受膏奉厥上帝勿離聖地勿瀆上帝之聖所我耶和華所命如此祭司長必娶處女孌婦棄婦娼妓淫奔勿娶惟宗族之處女則可勿使其苗裔玷於族中蓋我耶和華已俾其成聖○又曰告亞倫凡爾歷代子孫體有不備者勿享上帝凡體不備者勿近我前如瞽跛齲四肢不均或手足傷毀或偃僂或侏儒或瞶翳或疥

癰或瘡瘍或損外腎凡祭司亞倫之族體有不備者勿近我前以獻燔祭享厥上帝所奉之禮物以享上帝者無論聖與至聖彼亦得而食之簾中不可入壇前不可近恐玷我聖所蓋我耶和華已使之成聖摩西以此告亞倫及其子並以以色列族

耶和華諭摩西曰告亞倫及其子使知以色列族所獻我之物有時不可捫恐瀆我聖名我耶和華所命如此當告之曰凡爾歷代子孫有蒙不潔而捫以色列族所獻我之物必絕之我前我耶和華所命如此凡亞倫子孫患癩或白濁不可食聖物待潔則可有捫尸夢遺之人爲亞倫子孫所捫者或捫汚穢之蟲或捫不潔之人凡若此者爾如捫之必蒙厥汚當洗濯其身至於薄暮可食聖物迨日入時則潔可食聖物蓋此藉以養生自斃斷傷之畜毋食恐蒙不潔我耶和華所禁故當守我禮儀不爲汚所玷恐負罪而死我耶和華使之成聖外人不得食聖物於祭司之家爲旅爲傭亦不得食聖物惟祭司購以金或生於其家者可得而食如祭司之女嫁與外人不可食聖物如爲嫠或爲夫所棄無子而大歸父家與幼時無異則父所食者亦得同食惟外人不可食如人誤食聖物則必加五分之一償之祭司以色列族奉我之聖物不容與外人共食恐外人食之自取罪戾蓋我耶和華使之成聖又曰告亞倫及其子與以色列族云凡以色列族或族中之賓旅許願樂輸燔禮物以獻冀我悅納者則必取牛綿羊或山羊惟壯是尙純潔是務體有不備者則不可獻不蒙悅納如人許願樂輸償其所許獻牛羊於我爲酬恩之祭必務純潔體無玷缺以冀悅納凡瞽目毀傷損缺痘疹

疥癬瘡瘍俱勿獻於我。勿燔於壇。牛羊四肢不均。形體猥瑣。人樂輸之。則可。惟許願以獻。則不蒙悅納。外腎損傷。或被閹割者。勿獻於我。在爾中勿行是。外人欲以此享爾之上帝。爾勿受以獻。蓋體毀傷。不全備者。不蒙悅納。○又曰。凡犢或綿羊。山羊之羔。既字後。偕母必至七日。越八日。可獻於我。以爲燔祭。而蒙悅納。牝牛。牝羊。勿偕子同日以宰。欲獻酬恩之祭於我。冀我悅納。卽於所獻之日。食之。勿留於明日。我耶和華所禁。當遵我禁令。我耶和華所命如是。我耶和華導爾出埃及。使爾成聖。爲爾上帝。勿瀆我聖名。尊我爲聖。於以色列族中。我耶和華所命如是。

第二十三章 耶和華諭摩西曰。告以色列族。我之節期。是爲聖會。有常例焉。六日間宜操作。越至七日乃安息。必有聖會。悉休其工。無論所往。必守安息。以奉事我。外此亦有節期。以爲聖會。屆期必告於衆。正月十四日薄暮。卽我之逾越節。是月之望。爲無酵節。以奉事我。歷至七日。當食無酵餅。首日有聖會。毋興作。此七日間。日奉燔祭。以獻我。越至七日。亦有聖會。毋興作。○又曰。告以色列族云。爾至我所賜之地。穫田所產。必取初實之穗一束。奉於祭司。安息日明晨。祭司以之搖於我前。冀蒙悅納。搖穗之日。必取未盈歲之牡羔一。純潔是務。燔以獻我。和油之粉一斗二升。爲禮物。燔而獻我。取其馨香。酒二斤有半。以爲灌奠。圓饅烘穀嘉穗。未於其中取而獻我者。毋食。以此著爲永例。歷代勿替。隨往勿易。自安息日之明晨。搖穗之日。必核七七日。而盈其數。越至五旬。獻禮物於我。以薦其新。取粉一斗二升於爾家。和以酵。製成圓饅。以薦初實。搖而獻我。外此

更獻未盈歲之羔七，純潔是務。牡犢一，牡綿羊二，與其禮物，奠之以酒，俱燔以獻。取其馨香，而奉事我。又獻山羊之羔一，爲贖罪祭。未盈歲之綿羊羔二，爲酬恩祭。祭司取此與初實之麥所作圓饅，搖於我前，是物既獻於我，必歸祭司。是日必有聖會，播告於衆，咸止工作，著爲永例。歷代勿替，隨往勿易。穫田所產，當留其隅，毋拾遺穗，惟賓旅與貧乏者可得。我耶和華爾之上帝所命如此。○又曰：告以色列族云，七月之朔，當守安息日，必有聖會，吹角爲記。是日毋興作，惟獻燔祭，而奉事我。○又曰：七月十日，爲贖罪之期，必有聖會，當卑以自牧，獻燔祭於我。是日宜止操作，務贖爾罪。於耶和華爾之上帝前，於是日不卑以自牧，必絕之民中。於是日不止操作，必滅之民中。是日毋興工作，著爲永例。歷世勿替，隨往勿易。是月九日薄暮，至明日薄暮，當守安息日，卑以自牧。○又曰：告以色列族云，七月之望，歷至七日，爲構廬之節期，以奉事我。首日有聖會，毋操作。此七日間，日獻燔祭，以奉事我。越至八日，爲聖會之大日，工作咸止，宜獻燔祭，以奉事我。今所言者，乃我之節期，必守聖會，以獻燔祭，而奉事我。其燔祭、禮物、灌奠之酒，日必獻之，各遵所宜。外此更當守我安息日，亦必償爾所許之願，樂輸禮物，以獻於我。七月之望，田園所產，斂藏既畢，必守節期。歷至七日，以奉事我。首日爲安息，八日亦爲安息。首日爾必取佳木之葉、棗樹之條、喬木之枝、溪旁之柳，欣喜歡忭於我耶和華爾之上帝前。歷至七日。每歲七月間，必守七日爲節期，以奉事我。著爲永例。歷代勿替。凡爾宗

華爾之上帝所命如此摩西以耶和華之節期宣播於衆

第十四章 耶和華諭摩西曰告以色列族云當取橄欖擣油惟潔是務使燈常燃會幕中法匱前簾外亞倫必燃明燈於我前自夕達旦著爲永例歷代勿替必置盞於金燈臺上恒奉事我當取麵粉製餅十二每餅一斗二升列爲二行行各六餅置諸金几以供事我每行餅上必置乳香惟潔是務以爲記錄焚以獻我值安息日自以色列族取餅置於我前守爲恒約祭物燔而獻我於其中有餅爲至聖之物以歸亞倫及其子孫食於聖所著爲永例○以色列族但之支派底伯哩女名示羅密適於埃及人其生之子往來以色列族中與以色列人鬪於營譏刺耶和華名加以咒詛人曳之至摩西禁於獄俟耶和華之旨明告於衆耶和華諭摩西曰彼與咒詛曳出營外使聞之者按手其上衆以石擊之告以色列族云咒詛其上帝者罪歸之譏刺我耶和華名者死無赦衆擊以石無論宗族賓旅譏刺我名者死無赦殺人者死無赦殺人之畜必償以牲償牲殘缺人體者必依其所行而反之傷償傷目償目齒償齒如其使人殘缺必如是反之殺人之畜必償殺人者死無赦無論宗族賓旅俱循一例我耶和華爾之上帝所命如此摩西使以色列族曳咒詛者出營外擊之以石以色列族遵耶和華所諭摩西之命而行

第十五章 耶和華於西乃山諭摩西曰告以色列族云爾旣至我所錫之地當休息土壤敬恪乎我六年間耕耘田畝治理葡萄斂其所產越至七年使土休息敬恪乎我

斯時也，田畝勿耕，葡萄勿治，田畝之不耕而發者，勿穫，葡萄之不治而實者，勿摘，蓋是年其土乃休息。當其時也，土之所產，爲爾及僕婢、傭人、賓旅、六畜、野獸所食。爾宜核數安息之年，凡七七相乘，計四十九年。當年七月十日，爲贖罪之期，遍地吹角爲號，使閱五十年成聖。普告宇內居民，此爲禧年，得以自由，人各歸其業，返其家。每五十年必爲禧年，田勿耕耘，田畝不耕而發者，勿穫，葡萄不治而實者，勿摘。此乃禧年，必以爲聖，田畝之自發者，人俱可食。禧年既屆，各歸其業。如鬻業於人，或購人之業，勿相侮，必計禧年之日月，視其遠近，計田所產，而相鬻購。期遠價昂，期近價減，視結實之多寡，而鬻其業，故勿相侮。乃畏上帝，我耶和華爾之上帝所命如此。宜遵我法度，守我禮儀，安居斯土地之所產，使爾果腹，安然居處。倘爾問云：「既至七年，不稼不穡，將何所食？」我必於六年間，錫嘏於爾，可得三年之蓄。八年耕耘，尚食舊穀，至於九年，新穀乃登。田畝屬我，汝乃賓旅，不得以田畝永鬻於人。爾所有之地，雖鬻可贖。浸假宗族貧乏，鬻其田疇，親戚贖之亦可。如無贖者，而已有餘，足以自贖，則當核其年之多寡，以其所值，償諸於人，得歸其業。如已無所有，不足以償，則見鬻之業，可存於人，待禧年至，地屬於主，人歸其所。如人鬻邑中之宅，則鬻後期年可贖。如年已周，不贖，則邑中之宅，永存於購者。歷世勿替。卽屆禧年，亦不歸主，但宅在鄉里，而無城垣，則視如田畝，可得贖之。禧年歸主，惟利未族之邑，與邑中之宅，利未人隨時可贖。如人購利未族之宅，則宅與邑，屆禧年必

利未族之邑，與邑中之宅，利未人隨時可贖。如人購利未族之宅，則宅與邑，屆禧年必

示籌於人如宗族圖乏家曰益落當居其急便之作居若身這人然宗族作居勿取其利宜畏爾之上帝。貸金與粟毋圖其利。吾耶和華爾之上帝導爾出埃及以迦南賜爾。爾必以我爲上帝。如宗族貧乏自鬻於爾勿視若奴當偕爾居如傭人旅人然供爾役事以待禧年。屆期彼及子女必去爾家仍歸其所復得前人遺業。昔我導以色列族出埃及爲我臣僕故不得鬻爲賤役。勿治以嚴宜畏爾之上帝。異邦之民來自四方者可購爲僕婢。外人旅於爾中生於爾地者可購而得之遺於子孫恒爲爾僕。惟以色列人爲爾宗族勿治以嚴。如爾中旅賓有富厚者爾族窮乏自鬻於彼或其子孫鬻後戚屬亦可代爲贖之。或叔伯或叔伯之子或同族俱可贖之。如已有餘足以自贖自贖亦可。鬻時與禧年相去當互爲核算揆其期之遠近酌傭人之值幾何以償贖價之多寡。年遠償其鬻金宜多年近償其鬻金宜少。歲必偕居待若傭人毋治以嚴。如未得贖屆禧年之期彼及子女去可自由。昔我導以色列族出埃及故以之爲我臣僕我耶和華爲爾之上帝。

第二十三章 勿作偶像勿立偶像勿勒像於石而崇拜之是我耶和華爾之上帝所禁。當守我安息日敬我聖室我耶和華所命如是。倘遵我禮儀守我禁令我必降時雨使地產物樹結果。爾禾方擊之期葡萄可摘矣葡萄摘猶未盡播種又將及矣俾爾果腹安居。我賜境內平康驅逐暴獸毋許興戎爾可安寢無人使爾危懼。爾將追敵以刃殲之爾中之人五可驅百百可驅萬敵必殲於爾刃。我將眷顧爾曹與爾立約使爾繁衍。

昌熾爾食舊穀，新穀既盈，舊穀可移。我將立室於爾中，心不憾爾。周遊爾間，吾爲爾之上帝。爾爲我民。我耶和華爾之上帝，導爾出埃及，脫爾於賤役，毀爾所負之軛，使爾徑行直遂。若不聽從，弗遵此命，蔑我禮儀，侮我法度，于我誠命，違我盟約，我將使爾骸身癆瘡，以致心憂目盲，播種徒勞，爲敵所食。我必拒爾，使死於敵前，憾爾者將虐爾，無人追襲。爾亦遁逃，若仍弗聽從，將治爾罪，重於七倍。爾恃強驕肆，我必毀爾，使爾天地堅若銅鐵。爾徒力作，田無所產，樹不結實。爾尙梗頑，不克從順，則按罪降災，必至七倍。使暴獸入爾境，攘爾子食爾牲，致戶口凋殘，達衢寂寞。爾猶不順受譴責，所行逆我，我必降罰，督責爾罪。至於七倍，爲爾背約，故以鋒刃擊爾，洩我忿怒。爾若集於邑垣，我必使疫癘流行，付爾於敵。既滅爾食，十婦炊餅於一爐，較量其數。爾雖得食，不能果腹。汝猶不聽從我言，所行逆我，我必震怒，降罰於爾，督責爾罪。至於七倍，使爾殘食子女。爾造日象，築崇邱，我必毀之，棄爾尸骸，以及偶像，共相枕藉。我中心憾爾，毀爾邑垣，使聖所寂寞，不享爾馨香。爾國荒涼，如是之甚，使敵居斯土，無不駭異。我必散爾於異邦，襲爾以白刃，荒寂爾居，掃除爾邑。爾既轉徙於敵國，則斯土荒寂，其壤可享安息。汝居斯土，遇安息日期，壤無憩息，故荒寂時，可獲憩息。爾曹猶有子遺，處於敵國，必使爾心畏蒞，風吹葉落，偶聞其聲，則懼而遁，若避鋒刃，卽無追者，亦必隕沒。自相蹂躪，如擊以刃，拒敵無能。爾必危亡於異邦，并吞於敵國。爾曹猶有子遺，處於敵國，爲一己之愆尤，并吞人之罪，足于斯，省亡。其能亡已，及而人之罪，自知其失，斤斤於我，受我遺責。

驅至敵國在彼服罪緣其不潔之心卑以自牧則我必追憶曩時與亞伯拉罕以撒雅各所立之約而俯念斯土以色列民蔑我法度憾我禮儀使其故土遠離田疇荒寂於斯時也土地得享安息待民服罪彼驅於敵國我不屏斥之厭棄之殲滅之不廢我約蓋我耶和華尚爲其上帝昔我耶和華導以色列祖出於埃及爲其上帝越在異邦無不目擊故我必念其盟約以上之禮儀典章律法乃耶和華於西乃山諭摩西使告以色列族遵行者

第二十七章 耶和華諭摩西曰告以色列族云有許願者以人供我役事則必估其價循聖所之權衡自二十歲至六十歲者男二十五兩女十五兩自五歲至二十歲者男十兩女五兩自一月至五歲者男二兩有半女一兩有半自六十歲以上者男七兩有半女五兩倘其人貧乏不能如價則宜見祭司祭司視其力以估其價如人以可享之牲許獻於我則必獻之美惡毋相易如易之則所許所易者俱獻於我如所許者不潔之畜不堪享我則必牽至祭司以估其價或美或惡必遵祭司所估之命如欲贖之宜於所估之價加五分之一如人許宅供我役事祭司必估其價或美或惡遵其所命以爲定例如欲贖之必於所估之價加五分之一宅則歸已如人以所遺之田畝獻我以供役事則視播種之多寡以估其價播大麥六石者價值二十五兩如其獻田適值禧年則爾所估之價必爲定例如其獻田在禧年之後則祭司必權其後至禧年之歲月以減其價如已獻田而欲贖之當於所估之價加五分之一田則歸已如不贖田或祭

司轉鬻於人，則不可復贖。^{三十一}禧年既屆，必以其田，恒供我役，歸於祭司。若獻禮物然。^{三十二}人以田獻我，供我役事，是田乃購於人，非祖父所遺者。^{三十三}則祭司必視禧年之遠近，以估其價，必使即償其金，供我役事。待禧年至，田歸其主。^{三十四}爾所估之價，必循聖所權衡，十錢爲一兩。^{三十五}首生牡畜，無論牛羊，本歸於我，不得再獻，供我役事。^{三十六}不潔之畜，人欲贖之，必遵爾所估之價，加五分之一。^{三十七}苟或不贖，必視所值，鬻之於人。^{三十八}凡獻我之物，無論人畜田畝，俱不得鬻，亦不得贖。^{三十九}所獻禮物，不可復贖，乃必宰之。^{四十}田之所產，樹之所結，什一奉我，俱歸我耶和華。^{四十一}所應輸之什一，人欲贖之，必加五分之一。^{四十二}牛羊爲牧者計其數，必以什一歸我，或美或惡，毋庸察，亦毋庸易，如其易之，則所數與所易者，俱必獻我，不得復贖。^{四十三}上所載之誡命，乃耶和華在西乃山，諭摩西告以色列族者。

民數紀

第二^二章 出埃及後二年二月朔耶和華在西乃野會幕中諭摩西曰以色列衆會循其世系宗族凡諸丁男一一核其數自二十歲以上能臨陳者爾及亞倫當依其數而計之每支派中擇最著者一人以助爾今述其名屬流便支派示丟耳子以利菴屬西面支派蘇哩沙太子示路滅屬猶大支派亞米拿達子拿順屬以薩迦支派蘇押子拿但業屬西布倫支派希倫子以利押約瑟有二子分爲支派二屬以法蓮支派亞米忽子以利沙馬屬馬拿西支派比大菴子迦馬列屬便雅憫支派其田尼子亞庇但屬但支派亞米沙太子亞芴色屬亞設支派惡蘭子帕結屬伽得支派丟耳子以利亞撒屬納大利支派以南子亞希喇今所言諸人爲支派之牧伯以色列族中之千夫長會中素有名望者摩西亞倫召之二月朔集衆會自二十歲以上凡諸丁男一一稱名述其譜系考其宗族摩西在西乃野遵耶和華命核其數以色列長子流便子孫循其世系宗族自二十歲以上凡諸丁男能臨陳者依其名數計四萬六千五百西面子孫循其世系宗族自二十歲以上凡諸丁男能臨陳者依其名數計五萬九千三百伽得子孫循其世系宗族自二十歲以上能臨陳者依其名數計四萬五千六百五十猶大子孫循其世系宗族自二十歲以上能臨陳者依其名數計七萬四千六百以薩迦子孫循其世系宗族自二十歲以上能臨陳者依其名數計五萬四千四百西布倫子孫循其世系宗族自二十歲以上能臨陳者依其名數計五萬七千四百約瑟生二子分爲支派

二、以法蓮子孫，循其世系宗族，依其名數，自二十歲以上，能臨陳者，計四萬有五百。馬拿西子孫，循其世系宗族，依其名數，自二十歲以上，能臨陳者，計三萬二千二百。便雅憫子孫，循其世系宗族，依其名數，自二十歲以上，能臨陳者，計三萬五千四百。但之子孫，循其世系宗族，依其名數，自二十歲以上，能臨陳者，計六萬二千七百。亞設子孫，循其世系宗族，依其名數，自二十歲以上，能臨陳者，計四萬一千五百。納大利子孫，循其世系宗族，依其名數，自二十歲以上，能臨陳者，計五萬三千四百。以色列十二支派之牧伯，輔翼摩西亞倫，核數其名，考其宗族，自二十歲以上，能臨陳者，計六十萬三千五百五十人。利未宗族，不列其數，蓋耶和華曾諭摩西曰：利未支派，勿與以色列族同核，必使之負載法幕及其器皿，供役其中。四列營如徙會幕，利未人移之，如立會幕，利未人建之，外人近其側，必致死亡。以色列衆立營，各歸其所，各循其彙。利未人立營，四周法幕，以爲範衛，免以色列族于我震怒。以色列族遵耶和華所諭摩西之命而行。

第三章 耶和華諭摩西亞倫曰：以色列族必遠會幕之四周，隨其彙，附宗族之旆，各列其營。東方日出之所，凡從猶大之彙者，各列其營。亞米拿達子拿順爲猶大牧伯，能臨陳者，計七萬四千六百。以薩迦支派從其右，蘇押子拿但業爲牧伯，能臨陳者，計五萬四千四百。西布倫支派從其左，希倫子以利押爲牧伯，能臨陳者，計五萬七千四百。凡從猶大營，能臨陳者，計十八萬六千四百，過征前往。○南方有流便之彙，及其軍旅，示

太子示路滅爲牧伯能臨陳者計五萬九千三百伽得支派從其左流耳子以利亞薩爲牧伯能臨陳者計四萬五千六百五十凡從流便營能臨陳者計十五萬一千四百五十○遄征次往○遄征時利未族與會幕居於營之中視列營法以爲遄征各隨其燾○西方有以法蓮之燾及其軍旅亞米忽子以利沙馬爲以法蓮牧伯能臨陳者計四萬有五百馬拿西支派從其右比大磬子迦馬列爲牧伯能臨陳者計三萬二千二百便雅憫支派從其左其田尼子亞庇但爲牧伯能臨陳者計三萬五千四百凡從以法蓮營能臨陳者計十萬八千一百○遄征次往○北方有但之燾及其軍旅亞米沙太子亞勃斯爲但之牧伯能臨陳者計六萬二千七百亞設支派從其右惡蘭子帕結爲牧伯能臨陳者計四萬一千五百納大利支派從其左以南子亞希喇爲牧伯能臨陳者計五萬三千四百凡從但之營能臨陳者計十五萬七千六百○遄征其後○以色列族循其宗族核其營壘軍旅總計六十萬三千五百五十利未族不列其數遵耶和華諭摩西之命以色列族遄征各依其族列營各循其燾遵耶和華諭摩西之命

○昔在西乃山耶和華諭摩西時摩西亞倫之紀畧臚列如左亞倫首生拿答次生亞庇戶以利亞撒以大馬亞倫諸子咸受香膏任爲祭司拿答亞庇戶在西乃野燃不聖之火以獻耶和華故死於其前二人無子以利亞撒以大馬與父亞倫同爲祭司○耶和華諭摩西曰可使利未族近前侍於祭司亞倫側而輔翼之從事於會幕前代亞倫及會衆守所當守守會幕之器代以色列族守所當守從事於此爾在以色列族

中必以利未人。悉^二昇亞倫及其子，使爲助理。惟立亞倫及其子爲祭司，以守其職。外人近聖室，必致死亡。○耶和華諭摩西曰：我耶和華取利未人，代以色列族初胎之男子，故利未人屬我。昔在埃及，我戮其地諸冢子時，取以色列族初胎之男，首生之畜，使獻於我，故凡初胎與首生者，悉歸於我。我耶和華所命如是。○耶和華在西乃野，諭摩西曰：利未諸丁男，循其世系宗族，自一月上者，當核其數。摩西遵耶和華命而行。利未子名臚列如左：革順、哥轄、米喇哩。革順生立尼，示每。哥轄生暗蘭，以斯哈希伯崙、烏泄。米喇哩生抹利、母示。斯利末子孫，依其世系。○屬革順者有立尼、示每二族。其諸丁男，自一月上，計七千五百，皆當於會幕後西向列營。拉利子以利亞薩爲革順族長。革順人所守者，會幕及其蓋、幃，爲幕門、幕帷，及壇四周之場帷。幃爲場門，及所用之索。○屬哥轄者，有暗蘭，以斯哈希伯崙、烏泄四族。其諸丁男，自一月上，計八千六百，使守聖所，皆當於會幕南向列營。烏泄子以利撒反爲哥轄族長。哥轄人所守者，法匱、几案、燈臺、祭壇、香壇，與幃及聖室器皿，用以服事者。祭司亞倫子，以利亞撒爲利未族諸長之冠，統理守聖室之人。○屬米喇哩者，有抹利、母示二族。其諸丁男，自一月上，計六千二百，皆當於會幕北向列營。亞庇孩子蘇列爲米喇哩族長。米喇哩人所守者，會幕之板、樅柱、座，與所用器皿，及場四周之柱、座、釘、索。○惟摩西亞倫及亞倫子，於會幕前，東向列營，代以色列族守其所守，護持聖室。外人近之，必致死亡。摩西亞倫遵耶和華

和華亦取利未人之畜，代以色列族首生之牲，以獻於我。摩西循耶和華命，爲以色列族之丁男冢子，核算其數，依其名籍，自一月以上者，計二萬二千二百七十三。○耶和華諭摩西曰：「取利未人代以色列族初胎之男，亦取利未人之畜，代其首生之牲，使利未人悉歸於我。我耶和華所命如此。」以色列族初胎之男，其數較諸利未人多，二百七十三人，俱當以金贖之。人各取二兩有半，十錢爲一兩，權衡其數，必循聖所之法。當以贖金歸亞倫及其子。以色列族丁男冢子，較利未人爲尤多，所贖之金，摩西取之，計六百八十二兩有半，權衡其金，悉循聖所之法。以奉亞倫及其子，循耶和華所命摩西而行。

第四章 耶和華諭摩西亞倫曰：「利未族中，哥轄子孫，循其世系宗族，自三十歲至五十，能從事於會幕者，宜核其數。其所負者，會幕至聖之什物，巡征之時，亞倫及其子宜近前，除簾以掩法匱，施貂皮其上，覆以紫布，貫杠於旁。几上覆以紫布，盤、鼎、壺、盂，以爲灌奠。我前恒陳之餅，悉置其上，蓋以絳布，覆以貂皮，貫杠於旁。以紫布蓋燈臺，及盞、剪、盤，與所用之油器，覆以貂皮，悉置於板，以紫布蓋金壇，施貂皮其上，貫杠於旁。聖室所用之器皿，以供役事者，蓋以紫布，施貂皮其上，悉置於板。祭壇之灰必棄，覆以赤布，置鼎、鉤、釜、盂，及壇上所用器皿，以供役事者，悉置於壇，施貂皮其上，貫杠於旁。以色列族巡征時，亞倫及其子蓋聖室諸器皿，既畢其事，則哥轄子孫可前以昇，惟不可捫聖物，恐

致死。亡。今所言者，哥轄子孫當負戴會幕之什物。祭司亞倫之子，以利亞撒所守者，乃燈油、芬芳之品、日獻之禮物，以及香膏，與統理會幕聖室中所用之什物。耶和華諭摩西亞倫曰：哥轄人勿造次近聖物，恐致死亡，絕於利未族中。亞倫及其子當先入聖室，衆所役負，各定其例。蓋聖物時，哥轄人亦勿入以觀望，恐致死亡。○耶和華諭摩西曰：革順子孫，循其世系宗族，自三十歲至五十，能從事於會幕者，宜核其數，其所負戴之什物，卽會幕，與其蓋，在上之貂皮、幃，爲幕門、幕帷，及壇四周之場帷、幃，爲場門，索與器皿，以供役事者，悉當負戴。亞倫及其子，當命革順人供役負重，所守所事，悉從爾命。今所言會幕之什物，革順人所當負戴，祭司亞倫子以大馬統理之。○米喇哩子孫，循其世系宗族，自三十歲至五十，能從事於會幕者，宜核其數，其所負戴之什物，卽會幕之板、榱、柱、座、場四周之柱、座、釘、索，與所用器皿，以供役事者，皆按籍以記。今所言會幕之什物，米喇哩子孫所當負戴，祭司亞倫子以大馬統理之。○摩西亞倫及會長，核數哥轄子孫，循其世系宗族，自三十歲至五十，能從事於會幕者，計二千七百五十。摩西亞倫遵耶和華命，核算哥轄人數，使從事於會幕者，卽此。革順子孫，循其世系宗族，自三十歲至五十，能從事於會幕者，計二千六百三十。摩西亞倫遵耶和華命，核算革順人數，使從事於會幕者，卽此。○米喇哩子孫，循其世系宗族，自三十歲至五十，能從事於會幕者，計三千二百。摩西亞倫遵耶和華命，核算米喇哩人數，卽此。摩西亞倫及以色列會長，核數利未族，循其世系宗族，自三十歲至五十，能從事於會幕，供役負重者，共

計八千五百八十各循其役事負戴以被核數遵耶和華諭摩西之命

第五十章 耶和華諭摩西曰告以色列族云凡患癩疾白濁及捫尸蒙汚之人無論男女悉當驅之屏於營外我所處之營勿使有玷以色列族遵耶和華諭摩西之命而行○又曰告以色列族云如男女蹈愆干犯於我自取罪戾當任其過有負於人當償其物加五分之一歸於所負者倘欲償之而無主并無戚屬則必償之於我奉與祭司亦獻牡綿羊爲祭以贖其罪以色列族所舉而獻奉於祭司之禮物必歸祭司凡人所獻之禮物必歸祭司奉於祭司者亦然○耶和華諭摩西曰告以色列族云如人之妻不循婦道獲罪於夫與人有私以玷其身事屬隱微夫不及知無人爲證更無執之者如夫浸生疑意無論婦之有玷與否必攜其妻至祭司以麴麥粉六升奉爲禮物毋斟以油毋加以香蓋爲疑而獻以記罪愆祭司必使婦近立我前以瓦器盛聖水取會幕地塵置於水中祭司既使婦立於我前必露其頂取因疑獻祭以記罪愆之物付於其手祭司執致詛之苦水令婦發誓告之曰如汝克循婦道未與他人有私不玷爾身則致詛之苦水不害及爾如爾不循婦道有私於人以玷爾身則耶和華使爾見詛於民中汝必髀消腹鼓使此致詛之苦水入爾腹中令汝髀消腹鼓婦宜曰固所願也固所願也祭司必書此詛於簡以苦水塗抹其上令婦飲此致詛之水苦入其腹因疑而獻之禮物祭司必取於婦手搖於我前獻於壇上於其中取一掬以爲誌焚之於壇上然後使婦飲水既飲之後如婦已玷其身獲罪於夫則致詛之水苦入其中使其腹鼓髀消見

詛於民中。如婦無所玷而清潔，則害不及身，反可懷妊。今所言者，乃婦不循婦道，玷及其身，致夫懷疑，故立此法。或夫浸生疑意，置婦於我前，祭司遵法而行，其後夫必無愆，婦必負罪。

第六章

耶和華諭摩西曰

告以色列族云

如男女許願，欲離世故，以奉事我，清酒醇醪

勿飲，其釀爲醢亦勿飲，葡萄汁勿飲，葡萄實，或鮮或菹，均勿食。其離世故時，葡萄樹之

所產，自實及皮，均不可食。既發願而離世故，彼必成聖，當留其髮，薙髮之刀勿加於首，

迨奉我之日，既盈，薙之可也。奉我之時，毋近尸側。既留髮以奉我，雖其父母兄弟姊妹

死，毋爲之蒙不潔。離世故時，其必爲聖，以奉事我。倘有人猝死其側，則雖離世故，亦蒙

不潔，必待七日，薙髮而後成潔。越至八日，攜二鴿鳩，或二雛鴿，至會幕前，奉於祭司，祭

司獻之一，爲贖罪祭，一爲燔祭。因其捫尸，代爲贖罪，卽日其首成潔。其離世故時，偶蒙

不潔，必攜未盈歲之羔，爲補過之祭。當復許願，以奉事我。既往之日，毋庸追溯其所許

離世故之日。既盈，則必循法以行。至會幕前，獻禮物於我，未盈歲之牡羔一，爲燔祭。未

盈歲之牝羔一，爲贖罪祭。牡綿羊一，爲酬恩祭。俱潔是務，暨無酵餅一筐，其中有和油

之麵餅，抹膏之薄餅，俱弗置醇，以爲禮物。酒以灌奠。祭司必攜之我前，獻贖罪之祭，及

燔祭。亦獻牡綿羊，爲酬恩之祭。筐盛無酵餅，以爲禮物。酒以灌奠。離世故之人，於會幕

前，必薙厥髮，投髮於火，與酬恩之祭物同焚。祭司乃取水烹之羊肩，又取筐中之餅一

於祭^三。嗣後離世故之人^二。應可飲酒^二。離世故之人^二。許願以禮物奉我^三。其例若此^三。外此如有能力許願^二。必遵所言而行^二。○又曰^二。告亞倫及其子^二。爲以色列族祝嘏^三。必曰^三。願耶和華祝福爾^三。護持爾^三。願耶和華光華普照於爾^三。待爾以慈^三。願耶和華眷顧爾^三。錫爾平康^三。如是以我名加以以色列族^三。我特錫嘏焉^三。

第二十三章 會幕告成^一。摩西以膏釁之^二。亦釁祭壇及諸器皿^三。俱使成聖^三。前所核數以色列之牧伯^三。族長^三。族中最著者^三。羣獻禮物^三。攜至耶和華前^三。以蒙轍之車^三。六牛^三。十有二^三。每二牧伯獻一車^三。每一牧伯獻一牛^三。牽至會幕前^三。耶和華諭摩西曰^三。取車以供會幕之役事^三。其於利未人^三。各視事之重輕^三。以給子^三。摩西以車與牛^三。子利未人^三。兩車四牛^三。子革順子孫^三。循其役事^三。四車八牛^三。子米喇哩子孫^三。循其役事^三。爲祭司亞倫子^三。以大馬治理^三。哥轄子孫^三。於聖室之什物^三。以肩負荷^三。故不給以車^三。祭壇告成^三。以膏釁之^三。斯時也^三。牧伯獻禮物於壇前^三。耶和華諭摩西曰^三。各牧伯宜循其日數^三。獻其禮物^三。以備祭壇告成之禮^三。○首日^三。獻禮物者^三。猶大族長^三。亞米拿達子拿順^三。所獻者^三。銀盤一^三。重六十五兩^三。銀盃一^三。重三十五兩^三。循聖所之權衡^三。俱盈以和油之粉^三。爲禮物^三。金鼎一^三。重五兩^三。盈以香^三。牡犢一^三。牡綿羊一^三。未盈歲之羔一^三。俱爲燔祭^三。山羊之羔一^三。爲贖罪祭^三。牛二^三。牡綿羊五^三。牡山羊五^三。未盈歲之羔五^三。爲酬恩之祭^三。皆拿順所獻^三。○二日^三。以薩迦牧伯^三。蘇押子拿但業^三。獻禮物^三。銀盤一^三。重六十五兩^三。銀盃一^三。重三十五兩^三。循聖所之權衡^三。俱盈以和油之粉^三。爲禮物^三。金鼎一^三。重五兩^三。盈以香^三。牡犢一^三。牡綿羊一^三。未盈歲之羔一^三。俱爲燔祭^三。山羊之羔一^三。爲贖罪祭^三。牛二^三。牡綿羊五^三。牡

山羊五，未盈歲之羔五，爲酬恩祭，皆拿但業所獻。○三日，西布倫牧伯、希倫子以利押獻禮物，銀盤一，重六十五兩，銀盂一，重三十五兩，循聖所權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩祭，皆以利押所獻。○四日，流便牧伯示丟耳子以利蒨獻禮物，銀盤一，重六十五兩，銀盂一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩祭，皆以利蒨所獻。○五日，西面牧伯、蘇哩沙太子示路滅獻禮物，銀盤一，重六十五兩，銀盂一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩祭，皆示路滅所獻。○六日，伽得牧伯、丟耳子以利亞薩獻禮物，銀盤一，重六十五兩，銀盂一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩祭，皆以利亞薩所獻。○七日，以法蓮牧伯、亞米忽子以利沙馬獻禮物，銀盤一，重六十五兩，銀盂一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈

爲酬恩祭皆以利沙馬所獻。○八日馬拿西牧伯比大荷子迦馬列獻禮物銀盤一重六十五兩銀盃一重三十五兩循聖所之權衡俱盈以和油之粉爲禮物金鼎一重五兩盈以香牡犢一牡綿羊一未盈歲之羔一俱爲燔祭。山羊之羔一爲贖罪祭牛二牡綿羊五牡山羊五未盈歲之羔五爲酬恩之祭皆迦馬列所獻。○九日便雅憫牧伯其田尼子亞庇但獻禮物銀盤一重六十五兩銀盃一重三十五兩循聖所之權衡俱盈以和油之粉爲禮物金鼎一重五兩盈以香牡犢一牡綿羊一未盈歲之羔一俱爲燔祭。山羊之羔一爲贖罪祭牛二牡綿羊五牡山羊五未盈歲之羔五爲酬恩之祭皆亞庇但所獻。○十日但之牧伯亞米沙太子亞勃斯獻禮物銀盤一重六十五兩銀盃一重三十五兩循聖所之權衡俱盈以和油之粉爲禮物金鼎一重五兩盈以香牡犢一牡綿羊一未盈歲之羔一俱爲燔祭。山羊之羔一爲贖罪祭牛二牡綿羊五牡山羊五未盈歲之羔五爲酬恩之祭皆亞勃斯所獻。○十一日亞設牧伯惡蘭子帕結獻禮物銀盤一重六十五兩銀盃一重三十五兩循聖所之權衡俱盈以和油之粉爲禮物金鼎一重五兩盈以香牡犢一牡綿羊一未盈歲之羔一俱爲燔祭。山羊之羔一爲贖罪祭牛二牡綿羊五牡山羊五未盈歲之羔五爲酬恩之祭皆帕結所獻。○十二日納大利牧伯以南子亞希喇獻禮物銀盤一重六十五兩銀盃一重三十五兩循聖所之權衡俱盈以和油之粉爲禮物金鼎一重五兩盈以香牡犢一牡綿羊一未盈歲之羔一俱爲燔祭。山羊之羔一爲贖罪祭牛二牡綿羊五牡山羊五未盈歲之羔五爲酬恩之祭皆納大

祭皆亞希喇所獻。○祭壇告成，以膏釁之，是日也。以色列牧伯所獻銀盤十二，銀盃十二，金鼎十二，盤各重六十五兩，盂各重三十五兩，諸銀器共計一千二百兩，循聖所之權衡。金鼎十二，盈以香，鼎各重五兩，共計六十兩，循聖所之權衡。牡犢十，有二，牡綿羊十，有二，未盈歲之羔十，有二，以爲燔祭，與其禮物。山羊之羔十，有二，爲贖罪祭。牛二十四，牡綿羊六十，牡山羊六十，未盈歲之羔六十，爲酬恩之祭，皆祭壇告成，沐膏之日所獻。○摩西入會幕，與耶和華言，則聞嗾略咏間，法匱施恩所之上，聲從此出，而與之言。耶和華之諭摩西常在乎此。

第八章

耶和華諭摩西曰，告亞倫云，燃燈之時，宜使七盞明耀於前。亞倫遵耶和華所

諭摩西之言而行，燃燈，明耀於前。燈臺自柱及花，悉用圓輪法，以金爲之，乃耶和華所示。摩西已遵其式。○又曰，以色列族中，簡利未人，使之成潔，成潔之事，有常例焉。以贖罪之水灑之，使毫髮盡殫，濯衣成潔，取牡犢爲燔祭，和油之麵，爲禮物，又取牡犢一，爲贖罪祭。宜攜利未人至會幕前，集以色列衆會，既攜利未人于我前，必使以色列族按手其上。亞倫奉利未人於我，爲以色列族所獻，供我役事。利未人必按手於犢首，爾必獻犢一，爲燔祭，一爲贖罪祭，奉之於我，以贖其罪。爾必使利未人立於亞倫及其子前，奉之於我，於是爾可區別利未人與以色列族，使之歸我。爾既成潔，利未人奉之於我，則使入會幕，供其役事。蓋我以簡利未人，悉歸於我，代以色列族初胎之男。昔我於埃

其役事代之贖罪。恐以色列族近於聖所而遭災害。摩西亞倫暨以色列族衆會待利未人悉遵耶和華命而行。利未人濯衣成潔。亞倫奉之於耶和華。代爲贖罪。使之成潔。厥後利未人進會幕於亞倫及其子前。以供役事。遵耶和華諭摩西之命而行。○耶和華諭摩西曰。使利未人自二十五歲以上入會幕。以供役事。至於五十乃罷其役。可偕兄弟同守會幕。毋再役事。爾待利未人當若此。

第九章 出埃及二年正月。耶和華於西乃野諭摩西曰。屆期以色列族當守逾越節。月之十四日。薄暮。遵禮儀法度而守節期。摩西告以色列族。使守逾越節。正月十四日。薄暮。以色列族在西乃野守逾越節。遵耶和華諭摩西之命而行。○有人捫尸蒙汚。不得於是日守逾越節。至摩西亞倫前曰。吾儕雖捫尸自玷。屆期奚禁我與以色列族同獻禮物。以事耶和華。摩西曰。姑待此。我將聽耶和華所諭之命。○耶和華諭摩西曰。告以色列族云。凡爾族中。爰及苗裔。雖捫尸自玷。或遠適他邦。亦當守逾越節。以奉事我。二月十四日。薄暮。當食逾越節羔。無酵餅與苦菜。毋留其餘於明日。其骨不折。悉遵例而守節期。如人不蒙汚。不適他方。而弗守逾越節者。罪必歸之。絕於民中。以屆期不獻禮物也。如外人旅於爾中。守逾越節。而奉事我。必遵例以守節期。爾之宗族爰及賓旅。其例相同。

張法幕之日。有雲蔽之。自夕達旦。雲見如火。無日不然。晝有雲蔽。夜望若火。雲離會幕。

以色列族過征雲止之所以色列族張幕以色列族過征張幕俱遵耶和華命視雲之蓋會幕而民處其所如雲蓋會幕歷日既久則以色列族供耶和華役事而不過征如雲蓋會幕爲日無幾以色列族遵耶和華命而張幕亦遵耶和華命而過征自夕達旦雲止及至詰朝雲昇其昇之時無論晝夜過征勿緩雲止於會幕或兩日或一月或一年則以色列族居其所而不動以待雲昇然後過征張幕過征俱遵耶和華命供其役事遵耶和華所諭摩西之命而行

第二十章耶和華諭摩西曰用圓輪法製銀角二以集公會使營過征吹二角時衆會宜集見爾於會幕前吹一角時以色列族牧伯千夫長必集見爾若角聲宏遠一次則東營過征二次則南營過征如聞角聲宏壯過征勿緩欲集公會時可吹其角聲勿宏遠亞倫子孫爲祭司必吹其角著爲永例歷世勿替有敵犯境爾往攻之必吹角甚厲則耶和華爾之上帝垂念爾曹拯爾於敵佳日會期月朔與獻燔祭酬恩祭之時當吹其角我耶和華爾之上帝必垂念爾○二年二月二十日雲離法幕以色列族過征去西乃野雲至於巴蘭野則止其遵耶和華諭摩西之命而過征者實始於此凡從猶大之曠者循其行伍過征爲前軍亞米拿達子拿順統猶大軍蘇押子拿但業統以薩迦軍希倫子以利押統西布倫軍於是徙會幕革順米喇哩子孫負之過征凡從流便曠者循其行伍過征示丟耳子以利薩統流便軍蘇哩沙太子示路滅統西面軍丟耳子以利亞達充加導軍哥轄子系負聖櫃之十勿並正先行之利未人畢置會幕以寺後巨

列統馬拿西軍。其田尼子亞庇但統便雅憫軍。凡從但之靈者。過征爲後軍。亞米沙太子亞勃斯統但之軍。惡蘭子帕結統亞設軍。以南子亞希喇統納大利軍。如是以色列族循其行伍而過征。○摩西謂其戚屬米田人流耳子何巴曰。我儕過征。往耶和華許賜我之地。汝且偕行。我善視爾。蓋耶和華許以色列族。錫以純嘏。曰。我不偕往。將歸故鄉。返我宗族。曰。請勿棄我。我於曠野。建置營壘。將藉爾目力。如與我同行。則凡耶和華錫我之純嘏。我與爾偕於是。離耶和華之山。歷程三日。耶和華之法匱先行。將擇安處之所。民過征時。耶和華之雲晝蔽其上。法匱移時。摩西曰。願耶和華起。使敵散處。使仇遁逃。法匱止時。則曰。願耶和華臨格以色列億兆。

民興怨時。耶和華聞而不悅。勃然震怒。使火燃於民中。營之邊隅被燬。民呼摩西。摩西禱於耶和華。火燄隨熄。稱其地曰。大比刺。以耶和華之火曾燃及之也。雜處流民。貪欲無厭。以色列族泣曰。誰予我肉食。我憶在埃及時。食魚。未嘗傷財。亦食荊瓜。匏瓠。韭菜。葱蒜之本。迄今陳於目前者。嗎喲而已。使我精力衰微。夫嗎喲狀如薏苡。色如珍珠。居民四出。各相歛取。或磨或擣。作餅以烹於鼎。味若和油之餅。既夕。露降於營。嗎喲亦同下。摩西聞羣衆號哭。各立幕門。致耶和華赫然震怒。摩西不悅。告耶和華曰。何苦爾僕。不施恩於我。以斯民任我。我豈生育斯民哉。奚可使我抱提。猶父之懷赤子。攜至爾所許其祖之地乎。斯民哭於我前。求肉以食。我何由得肉。以予之乎。斯民之事。

綦重，我不能獨任。^{十六}如蒙爾恩，與其待我若此，毋寧殺我，免我遭諸困苦。○耶和華諭摩西曰：屬以色列族之耆老，於其中簡七十人，必爾夙知其爲民之長老族長，攜至會幕前，與爾偕立。我將臨格，偕爾晤言，取爾所感之神賦之於彼，使同任民事，免爾獨勞。告民潔已，明日可食肉，蓋我聞爾哭云：昔在埃及，我儕猶不爲苦，今誰子我肉食乎？是故我將賜爾食肉，非止一日、二日、五日、十日、二十日已也，必至一月，使爾漸生厭惡。哇而出之，蓋爾厭棄我，哭於我前曰：我何爲出埃及乎？摩西曰：我民六十萬，爾言子之食肉，至於一月，豈宰牛羊，取鱗族，使之飽飫乎？耶和華曰：我豈力不足耶？今將見我言之應否。○摩西出，以耶和華言告民，集民之老者七十人，立會幕之四周。耶和華乘雲降臨，與摩西言，以感摩西之神賦於長老。神既賦之，則感神而言，厥後不能常若此。所錄者中有二人，一名利達，一名米達，仍居於營，不適會幕。神既賦之，則在營中，感神而言，有童趨告摩西曰：利達米達，在營中，感神而言，嫩之子約書亞尙幼，爲摩西從者，曰：請主禁之。摩西曰：豈緣我故有所嫉乎？願耶和華悉賦億兆以神，使之感神而言。摩西及以色列長老，各歸營壘。○耶和華使風疾起，鵝至自海，散於營四周，相去約一日之程，離地二尺。民獲鵝鶉，永朝永夕。至於明日，獲之少者，尙得十束，布於營四周。鵝肉在口，啖猶未盡。耶和華怒之，降以重災，故稱其地曰：乞律夏大法。^{三十四}因貪慾之人，悉葬於彼。民自乞律夏大法遄征，至哈洗錄居焉。^{三十五}

摩西言曰：耶和華豈有托之於摩西，

我錫非同與乎摩西秉性溫柔勝於天下耶和華聞言遂召摩西亞倫米哩暗曰爾曹宜至會幕三人乃至雲狀如柱耶和華乘之臨於會幕門召亞倫米哩暗曰宜聽我言如爾曹感於神我以異象顯現或夢中默示惟我僕摩西盡忠於我家不示以異象不見於夢寐使覲我面與之晤言明以相告毋庸隱喻爾曹非之曷不懼乎耶和華怒而去雲亦離會幕米哩暗患癩色皎若雪亞倫視之知其患癩乃謂摩西曰我儕愚昧自取其戾請吾主毋以罪歸我毋使米哩暗若未彌厥月胎腐於腹生時已半朽者摩西籲耶和華曰祈上帝醫之耶和華曰若彼父唾於其面使蒙羞惡歷至七日故必禁之營外至於七日然後可入遂禁米哩暗營外至於七日民不遄征待米哩暗復入厥後離哈洗錄在巴蘭野張幕

第廿一章 耶和華諭摩西曰我以迦南錫以色列族可於支派中各擇一長者至其地

以窺察焉摩西遵耶和華命自巴蘭野遣之所遣者悉屬以色列族之最著者其名臚列於左屬流便支派撒刻子沙母亞屬西面支派何利子沙法屬猶大支派耶孚尼子迦勒屬以薩迦支派約瑟子以甲屬以法蓮支派嫩之子阿書亞屬便雅憫支派喇孚子八氏屬西布倫支派銷底子迦鐵屬約瑟子馬拿西支派蘇西子迦底屬但之支派其馬利子亞米利屬亞設支派米加勒子西帖屬納大利支派縛西子拿庇屬伽得支派馬其子求利此數人乃摩西遣之以窺迦南者嫩之子阿書亞摩西易其名爲約書亞摩西遣十二人窺察迦南曰自此而往涉其南境登彼山巖度其土地觀其居民強

弱衆寡。其處之所。或美或惡。其邑或類營幕。或類城垣。其土壤或瘠薄。或膏腴。其林木叢茂否。強固爾志。彼地之菓。可攜而至。夫摩西遣彼時。乃葡萄初稔之際。其人遂往窺地。自汎野至哩合。近哈馬之道。轉而南向。至希伯崙。原其建邑之始。前於埃及人之建銷安七年。在彼見亞納子。亞希慢示。飾達買。遂至以實各谷。在彼斫下葡萄之枝。枝上其實纍然。二人貫之以杖。負之以肩。又取石榴與無花果。因在彼有葡萄菓纍然。以色列族斫之。故稱其地以實各谷。○四十日後。窺地而反。至巴蘭野。隣於迦鐵。見摩西亞倫。及以色列衆會。告以諸事。以土產示衆。曰。爾遣我所往之地。我已至焉。果產乳蜜。此其菓也。雖然。居民强悍。城垣廣大。我見亞納子於彼。亞馬力族居南方。赫人。耶布土人。亞摩哩人。居山。迦南人。瀕海與約但河居焉。民怨於摩西前。迦勒止之曰。我儕能克其地。當往取之。偕行者曰。彼強於我。我不可往。遂讒言於以色列族中曰。我所窺察之地。居民受其害。我所見之人。軀幹雄偉。在彼見偉丈夫。亞納子。我自較之。形猶螫蟲。彼之視我亦若是。

第四章 是夜。衆會大聲號哭。以色列族怨摩西亞倫曰。我儕寧亡於埃及。或殞於曠野爲幸。耶和華何導我至此。使我殲滅於刃。妻孥被擄。莫若仍歸埃及。爲善於是。相議曰。若立牧。以歸埃及。摩西亞倫俯伏於以色列衆會前。○窺察者二人。嫩之子約書亞。耶孚尼子迦勒。自裂其衣。告以色列衆會曰。我過其地而窺察之。其土甚美。產乳與

佐彼無所扞衛，必爲我并吞，故勿危懼。衆會欲擊以石，耶和華之榮光顯於會幕，以色列族無不目擊。○耶和華諭摩西曰：我顯異跡於斯民中，彼不篤信我，且欺侮我。伊於何底？我必降以疾疫，殄絕其族，使爾昌熾，成爲大國，較彼尤衆。摩西告耶和華曰：昔爾施大力，率以色列民出於埃及，斯土之民知爾居處，以色列族爲民目擊，以雲蔽之，晝導以雲，夜燭以火，其狀如柱。今欲盡滅斯衆，與戮匹夫無異，則埃及億兆風聞其事，普告於斯土，斯土之民嘗聞爾名者，必曰：昔耶和華誓以斯土予以色列民，惟不能導之入彼，故滅之於野。茲求我主施厥大力，爾嘗稱己名曰：耶和華恒忍，施恩之上帝。人蹈罪愆，可蒙赦宥，恒於惡者不蒙赦宥，禍及其身。自父及子，至三四世，爾旣廣施仁德，宥民罪愆，自出埃及迄於今日，已非一次，故求爾仍加赦宥。耶和華曰：我從爾言，以赦其罪。雖然，我指己以誓，必使我榮不顯於天下。昔於埃及及至曠野，俱行異跡，顯我榮光，斯人目擊，猶且試我，至於十次，不聽我言。緣其欺我，故我所誓錫厥祖之地，彼不能觀止。惟我僕迦勒不同於衆，恒從乎我，故所往之地，必賜之入，遺於子孫。今亞馬力與迦南人居於斯谷，詰朝爾曹返旆，道由紅海，復往曠野。○耶和華諭摩西亞倫曰：我聞以色列族嘖有怨言，忍此惡類，將至何時？當告之云：我指己而誓，爾之所言，我必行之。爾出言怨我，故所見核者，自二十歲以上，俱暴骨於野。我所許之地，爾不得入，惟耶孚尼子迦勒及嫩之子約書亞可得而入。爾之幼穉，爾言將被擄者，我必導入，得爾所蔑視之土。惟爾曹必暴骨於野，爾之子女，緣爾行惡，必令其盤旋於曠野，歷四十年，待爾尸

骸消滅。^{三九}爾窺察厥地，歷四十日。今罰爾罪，年數等其日數，必至四十載而後已。使知我棄爾焉。^{三十五}蓋此惡類悖逆乎我，我必降罰，使盡亡於曠野。我耶和華嘗言之矣。^六○摩西所遣之人，窺察其地，返有讒言，使衆怨摩西，遇災而死於耶和華前。惟其中二人，嫩之子約書亞、耶孚尼子迦勒，安然無恙。摩西以此告以色列族民，大憂夙興登山，曰：我儕有罪，今欲往耶和華所許之地。摩西曰：奚違耶和華命，爾不得坦途。耶和華不佑爾，故勿往，恐爲敵所害。^四亞馬力迦南人在爾前，爾必殲於其刃。既不從耶和華，耶和華不佑爾。以色列人擅登山巔，惟摩西與耶和華法匱，仍在營壘。^{四十五}居山之亞馬力迦南人，下而擊之，逐至曷馬。

第五章

耶和華諭摩西曰，告以色列族云，爾既至我所賜之地，欲以牛羊爲燔祭，或

許願樂輸，或節期禮物，取其馨香，以獻於我，則必爲所獻各羔，取麵六升，和油二斤，有半，爲禮物。酒二斤，有半，爲灌奠，與燔祭同獻。^六如獻牡綿羊，則必取麵一斗二升，和油三斤四兩，爲禮物。酒三斤四兩，爲灌奠，取其馨香，以獻於我。如以牡犢爲燔祭，或爲許願，或爲酬恩之祭，以獻於我，則必取麵一斗八升，和油五斤，爲禮物。酒五斤，爲灌奠，皆必燔之，取其馨香，以獻於我。爾獻牡犢、牡綿羊、綿羊羔、山羊羔，無論衆寡，爲各牲備其禮物，必如是。爾曹同族，欲以燔祭獻我，取其馨香者，必遵是例。外人之旅於爾中，欲以燔祭獻我者，亦必如是。凡爾有衆及旅於爾中者，例亦相同。歷世勿替，我待爾若是。待賓

其所產必以禮物舉而獻我當取初稔之麥爲屑製成圓饅舉以爲獻與舉禾場之穀無異歷世勿替自昔迄今至於後日我所諭摩西之命爾或悞犯會衆無知而蹈罪則必以牡犢一爲燔祭取其馨香以獻我與其禮物酒以灌奠悉循常例亦奉山羊之羔爲贖罪祭容祭司爲以色列衆會贖罪其所犯者出於無知既獻燔祭及贖罪祭於我則可蒙赦宥以色列衆會及旅於爾中者所犯之罪出於無知俱蒙赦宥如一人誤干我法則必取未盈歲之牝山羊爲贖罪祭祭司代爲贖罪於我前其蹈罪愆由於無知可蒙赦宥凡誤干我法無論宗族賓旅悉同是例若其犯罪毫無畏蒞則欺我孰甚不論宗族賓旅必殄絕於民中既藐視我命于犯我律其罪歸之悉行殲滅○以色列族居野時遇人於安息日採薪遂攜之至摩西亞倫及衆會前若何處置猶未定擬故囚於獄耶和華諭摩西曰其人必殺毋赦衆會必於營外擊之以石遂攜出營外以石擊之遵耶和華諭摩西之命○耶和華諭摩西曰以色列族衣裾之下其絡四垂上緣紫帶歷世勿替爾觀其絡可憶我誠遵循勿失不致迷於心目狗欲如故宜憶我誠可得成聖以奉事我我耶和華爾之上帝導爾出埃及爲汝之上帝

第十六章 利未支派哥轄孫以斯哈子哥喇流便支派以利押二子大單亞庇蘭比勒子安與以色列族會長有名望者二百五十人集攻摩西亞倫曰耶和華衆會人各成聖奚爾自大欲超軼於耶和華之民摩西聽之俯伏於地語哥喇及其黨曰耶和華於詰旦必明示爾曹孰爲其僕孰能成聖可進其前蓋耶和華所簡者當進於前哥喇及

其黨宜執鼎，明晨燃火置香，奉耶和華，而耶和華所簡者，卽以爲聖。汝利未族妄自矜大，又曰：「汝利未族宜聽我言，以色列族之上帝區別爾曹，離以色列族，使進於前服役於耶和華會幕，立衆會前，以爲供役，其事豈微細哉？」耶和華使爾利未族進於其前，爾猶以爲不足，乃更欲爲祭司乎？爲此，爾黨集攻耶和華。亞倫何人斯？爾曹奚爲怨之？摩西召以利押二子，大單、亞庇蘭，對曰：「我不欲至，爾自產乳與蜜之地，導我使出，殺於曠野，其事豈微細哉？尙欲自立爲君，以治我乎？」爾未導我至產乳與蜜之地，未嘗賜我田園，豈欲挾斯衆之目乎？我不欲應爾召。摩西怒甚，籲耶和華曰：「勿眷顧其禮物，我未取其一驢，未害其一人，乃謂哥喇曰：『爾與爾衆至於詰朝，可偕亞倫，至耶和華前。』」二百五十人各執鼎，炷香於中，爾及亞倫亦各執鼎，至耶和華前，遂各執鼎，燃火炷香，與摩西、亞倫立於會幕前。哥喇集衆會而至，欲攻擊之，忽耶和華之榮光顯現，衆會目擊。耶和華諭摩西亞倫曰：「爾當區別，離此會衆，俟我速滅之。」二人乃俯伏曰：「上帝乎，爾以生氣賜於億兆，曷以一人獲罪而怒及衆會？」耶和華諭摩西曰：「爾告衆會，必遠離哥喇大單、亞庇蘭之幕。」摩西往見大單、亞庇蘭，以色列族長老隨其後，謂衆會曰：「離此惡黨之幕，勿捫其物，恐同陷於罪，與之偕亡。」衆離哥喇大單、亞庇蘭之幕，大單、亞庇蘭挈其妻孥，以出，立於幕門。摩西曰：「耶和華遣我行此，我弗擅行，有明徵焉。」倘彼得終天年，與衆無異，則知耶和華未嘗遣我。倘耶和華行事維新，使地口翕張，吞噬其衆，生墮坎阱，則其

我儕亦爲地所吞。耶和華使火出，燬其焚香者，二百五十人。○耶和華諭摩西曰，告祭司亞倫子，以利亞撒云，必取鼎於火中，傾其熱炭，蓋鼎已成聖人。雖犯法，自殞厥命，然其鼎常奉於我，故得成聖，當取其銅，擣之使薄，以飾祭壇，爲以色列族垂戒於後。奉火見燬之人，悉有銅鼎，祭司以利亞撒取焉，擣之使薄，以飾祭壇，爲以色列族記誌。他人非亞倫之子孫，則不得前焚香，以奉耶和華，恐遭厥害。若哥喇及其黨然，遵耶和華所諭摩西之命。○詰旦，以色列衆會怨摩西亞倫曰，耶和華之民，嘗爲爾曹所戮，衆會咸集，攻擊摩西亞倫，瞻望會幕，有雲蓋之。耶和華之榮光顯現。摩西亞倫至會幕前，耶和華諭摩西曰，離此會衆，我將速滅之。二人俯伏。摩西告亞倫曰，耶和華怒甚，其災已降，爾當執鼎，取壇上之火炷香，急至衆會，代爲贖罪。亞倫遵摩西命，取鼎趨至衆會所，見災已降，立於生者死者間，炷香代贖其罪，厥災始弭。昔爲哥喇事殞沒外，降災而死者，計一萬四千七百人。降災既止，亞倫反見摩西於會幕前。

第三章 耶和華諭摩西曰，告以色列族云，爾各支派牧伯，取杖十有二，書名其上，支派各一，惟利未族之杖書亞倫名，立於支派各杖中。當置其杖於會幕法匱前，我蒞臨之所。我所簡者，其杖必萌芽，使以色列族怨爾之言得以止息。摩西以此言普告以色列族支派牧伯，各攜其杖，計十有二。又有亞倫之杖在其中。摩西置諸會幕，耶和華法匱前。詰旦，摩西入焉，見亞倫之杖屬利未族者，芽蘖已萌，花蕊盡發，結爲杏仁。摩西取

杖於耶和華前，授以色列族，使之觀瞻。任人各取其杖。耶和華諭摩西曰：「攜亞倫杖至法匱前，存之爲誌，使此橫逆之輩，無所怨尤，免其殞沒。」摩西遵耶和華命而行。以色列族謂摩西曰：「我儕淪胥以亡，耶和華之會幕，近之必死，豈非淪亡莫救乎？」

第十八章

耶和華諭亞倫曰：「爾及子孫眷屬，如于犯聖室者，必負其罪。爾及子孫爲祭

司而溺職者，亦必負其罪。爾及子孫，在法匱前，會幕中，供其役事，亦可取利。未族諸兄弟，歸之於已，以爲輔翼，助爾守會幕，惟不可近聖室，及祭壇器皿，恐爾與彼俱致死亡。利未人可偕爾守會幕，供諸役事，外人勿近其前。聖室祭壇，爾當恪守，則以色列族，免我震怒。我於以色列族中，取爾兄弟利未人，賜之於汝，以供會幕役事。爾及子孫，宜守祭司之職，壇前簾內，供其役事，蓋我畀爾爲祭司，外人近前，必致死亡。」○耶和華諭亞倫曰：「以色列族，以成聖之禮物，舉而獻我，我賜爾得之。爾既受膏，是物歸爾。爰及子孫，著爲永例。凡奉我之禮物，及贖罪補過之祭，其中不燔以火者，皆爲至聖，必歸於爾。爰及子孫，物既成聖，歸爾，則諸丁男，可食於聖所。以色列族所舉所搖之禮物，我賜於汝。爰及子女，凡室中成潔之人，可得而食，著爲永例。人以新製嘉油，始熟旨酒，初稔之穀，獻我，我以錫爾。獻我初熟之土產，俱歸諸爾。室中成潔之人，可得而食。以色列族所獻我之物，皆必歸爾。凡初胎男子，首生牡畜，奉於我者，皆必歸爾，但初胎之男，必贖。首生不潔之畜，亦必贖。誕已彌月者，可以金贖，其價遵爾所估。二兩有半，權衡其數，必循聖所之法。十錢爲一兩。首生之牛，綿羊，山羊，俱爲成聖之物，可毋庸贖，必釁其血於祭壇。」

焚其膏爲燔祭，取其馨香以奉事我肉，則歸爾與禮物中之右肩、搖腔，無異以色列族以成聖之物。舉而獻我，我錫於爾，及爾子女。至於後世，著爲永例，垂爲不易之約。約本經

言監之約

○又曰：人獻我之禮物，爾可得之，故在以色列中，爾不得土壤，以爲恒業。利未人於會幕中，供其役事，故我於以色列族之土產，什取其一，錫爲恒業。自是以後，以色列族不可近會幕，恐負罪愆，至於死亡。利未人在會幕，供其役事，如有干犯，必負罪愆，惟於以色列中，不得土壤爲業，著爲永例，歷世勿替。以色列人十輸其一，舉而獻我者，我必賜之爲利未人嗣業。外此則無恒業。○耶和華諭摩西曰：告利未人云：我使以色列族，什一輸爾，以爲爾業。爾既受之，必於其中，復取什一，舉而獻我。爾所舉以獻者，自我視之，與禾場之穀、酒酢之汁無異。以色列族所輸爾什一之中，爾當舉而獻我，且以獻我之物，歸祭司亞倫。所得禮物中，必取其嘉者，以爲成聖，舉而獻我。宜申命利未人，既簡其嘉者，舉而獻我，我必視若禾場酒酢之所出。其餘，爾與眷聚，隨在可食，蓋爾供役於會幕，得此爲值。以色列族所獻之聖物，如取其嘉者，舉而獻我，則不生瀆玩，不負罪愆，以致死亡。

第十九章 耶和華諭摩西亞倫曰：我所命之禮儀，有定例焉。使以色列族牽牝犢，其色

維駢，純潔是務。未嘗負軛者，子之祭司，以利亞撒，使牽出營外，宰於其前。祭司以利亞撒，以指染犢血，灑於會幕前。凡七犢及肉皮遺矢，與血，蕪之以火。祭司目擊，取柏香木、牛膝草、絳色棉，投諸火中，與犢同焚。祭司必蒙不潔，當澣衣濯身，迨夕乃免，然後入營。

熱憤者亦蒙不潔。當澣衣濯身。迨夕乃免。蒙潔之人。必取憤灰。置於營外潔地。爲以色列族存之。和灰於水。藉以去污贖罪。取憤灰者亦蒙不潔。宜澣厥衣。迨夕乃免。以色列族與諸賓旅。著爲永例。○凡捫人之尸。必蒙不潔。迨七日乃免。至三日與七日。必以斯水自滌。然後成潔。凡捫尸不自滌理。不以去污之水。灑其身。則仍不潔。玷我會幕。必絕於以色列族中。倘人偶死於幕。有定例焉。凡在幕中。或入此幕者。必蒙不潔。迨七日乃免。凡諸器皿。未覆以蓋者。亦蒙不潔。在野有見殺者。或自斃之尸。或人骨。或荒塚。凡捫之者。必蒙不潔。迨七日乃免。欲使不潔者復潔。必取贖罪之憤灰。置於器皿。加以活水。蒙潔之人。浸牛膝草於中。灑幕與器。及在幕之衆。更及捫見殺者自斃者之尸。捫骨捫塚者。越至三日。及七日。潔者必灑不潔者。歷至七日。使澣衣濯身。迨夕始潔。人蒙不潔。而不以去污之水。灑身自滌。則仍不潔。既玷我聖室。必絕於民中。凡以去污之水灑人。當澣厥衣。凡捫去污之水。必蒙不潔。迨夕乃免。著爲永例。蒙不潔者若捫一物。則其物不潔。捫之者亦蒙不潔。迨夕乃免。

第二十章

正月

以色列衆會至汎曠野。居於迦鐵。其時米哩暗死。卽葬其地。衆會無水。

集攻摩西亞倫與摩西爭曰。昔我兄弟死於耶和華前。我儕願偕亡爲幸。曷導耶和華之民至此曠野。使我與牲畜悉死於此。奚導我出埃及。至此艱苦之鄉。在此無田可耕。不產無花菓。與葡萄石榴。欲飲無水。摩西亞倫離衆會。至會幕前俯伏。耶和華之榮光顯現。○耶和華諭摩西曰。爾執杖。與亞倫集衆會。當其前。命磐出水。蓋爾可使水出於

磐遍飲衆會與諸牲畜。摩西取杖於聖所，遵耶和華命。摩西亞倫集衆會於磐前，曰：爾橫逆之輩，且聽我言。我將取水於磐。將字或作豈能以飲爾衆。摩西舉杖擊磐者二，水卽汨汨其來。衆會羣畜共飲焉。耶和華諭摩西亞倫曰：汝不信我，不尊我於以色列族前，故不得率斯衆入我所賜之地。其時，耶和華明其自尊，而以以色列族與之爭，故稱斯水曰：米利巴。米利巴譯即爭。○摩西自迦鐵遣使至以東王，曰：爾之同族以色列人言，我儕遭遇艱辛，爾知之矣。我祖往埃及，居彼日久，埃及人以患難加於我祖，爰及我儕。我呼籲耶和華，耶和華垂聽，遣使導我出埃及，今在迦鐵，爾國之疆隅也。盍容我過爾地，我不入田園，不飲井水，行由大道，不偏於左，不偏於右，以過爾境。以東人曰：毋過我壤，恐我以刃擊爾。以色列族曰：我行由大道，如我與牲畜飲爾之水，必償以金，惟欲徒行而去。曰：爾毋得過我疆宇。以東王率其全軍，大力以禦之，不許過其地。故以色列族轉向他途。○衆會離迦鐵，至何耳山，山在以東之邊隅。耶和華諭摩西亞倫曰：昔在米利巴，爾曹逆我命，故我賜以色列人之地，亞倫不得入，必終於斯而返其本。當攜亞倫及其子以利亞撒、何耳山、去亞倫之禮衣，以衣其子，待亞倫終於彼而返其本。摩西遵耶和華命而行。三人陟山，衆會目擊。摩西去亞倫之禮衣，以衣其子，亞倫死於山巔。摩西以利亞撒遂下以色列衆會見亞倫死，則爲之守喪三旬。

第二十三章 亞臘王居迦南地之南境，聞以色列族由亞大領道而進，則與之戰。人民少爲所虜。以色列族指耶和華許願曰：若以此民付於我手，我必滅其邑。耶和華應所

求以迦南人付以色列族。盡圯厥邑，滅厥衆，故稱其地曰曷馬。○以色列族離何耳山，沿紅海，繞以東地，程途遙遠，精力困憊。譚上帝及摩西曰：奚導我出埃及，使死於野？在此無餅無水，所食不能果腹，我心厭之。耶和華遣毒蛇傷民，以色列族多死亡者。民就摩西曰：我譚耶和華及爾，故負罪愆，請祈耶和華爲我驅蛇。摩西代爲之祈。耶和華諭摩西曰：爾造毒蛇之象，懸之於竿，被傷者見此得生。摩西造銅蛇，懸之於竿，被蛇所傷者，觀銅蛇而得生。○以色列族過征，張幕於阿泊。自阿泊而東，近摩押郊，在以雅巴林張幕。由彼而往，張幕於撒烈谷。再往，張幕於亞嫩東。亞嫩有溪在野，源出亞摩哩境，在亞摩哩摩押接壤之間。耶和華戰紀曰：在數法之哇協，卽亞嫩溪，諸水匯聚，流至亞耳宅。近摩押界，以色列族離彼，至庇耳，在彼有井。耶和華諭摩西曰：汝集人民，我飲以水。時以色列族謳歌曰：泉之始達，唱子和汝，長者民牧，以杖以圭，掘之鑿之。以色列族離彼野，往馬大拿，離馬大拿往拿哈列，離拿哈列往巴末，離巴末往摩押郊之谷。近比士迦崗，曠野相對之處。○以色列族遣使至亞摩哩王西宏曰：容我假途於爾地，我不入田園，不飲井水，必由大道而行，以出爾境。西宏不許，乃集厥民，往於曠野，至雅哈斯，與以色列族戰。以色列族擊之，據有其地。自亞嫩至雅泊溪，卽亞捫族之地，蓋亞捫族地甚爲險固。亞摩哩人之邑希實本及其四周之鄉里，以色列族悉取之，居處其中。昔亞摩哩王西宏與摩押先王戰，徧取斯地，至亞嫩溪。希實本乃其都也。詩人詠之曰：希實本，可云也可重，所感在壽，皆火自希實本，焰至西宏邑。摩押之亞耳，因之悉燬。

亞嫩之崇邱藉以復得摩押有禍乎基抹有危哉厥子遁逃厥女見攘俱亞摩哩王西宏所爲也我已射之希實本危亡爰及底本我已滅之至於挪法近米底巴○於是以色列族居亞摩哩人之地摩西遣人偵伺雅設遂破其鄉亞摩哩人悉被驅逐以色列族反旆往巴山道巴山王噩率衆至以得來與之戰耶和華諭摩西曰毋畏我將是王以及土地人民咸畀於爾汝可滅之如都希實本之亞摩哩王西宏然於是擊王戮其子攻其民靡有孑遺盡得其地

以色列族過征張幕於摩押平原約但東耶利哥相對之所摩押人與西撥子巴勒見以色列族戮亞摩哩人知其族衆多則懼中心不樂告米田長老曰此族衆多并吞四方如牛嚙草摩押王西撥子巴勒遣使至比奪於亞捫河濱見庇耳子巴蘭召之曰有民自埃及至此周遍於地與我比隣土壤相接此民强悍我非其敵汝來詛之使我得攻擊而獲勝驅之出境蓋我素知爾祝人則人受福詛人則人被禍摩押米田長老攜卜筮之值往見巴蘭以巴勒之言告之巴蘭曰今日宿此待聆耶和華之諭以復於爾摩押使臣與巴蘭同處上帝臨格問巴蘭曰誰與爾偕對曰摩押王西撥子巴勒遣人就我曰有民至自埃及周遍於地願爾式臨詛其有衆庶幾戰可勝而人可驅矣上帝曰爾毋與之偕往爾毋爲之詛民蓋斯民嘗受福矣巴蘭夙興告巴勒使臣曰汝可返故國耶和華有言毋許我偕往其臣乃歸告巴勒曰巴蘭不欲與我同至巴勒更遣使臣較之於前位尊而人衆既至謂巴蘭曰西撥子巴勒有言爾盍蒞臨何

所扞格。我將使爾尊顯。凡爾所言。我必依行。請爾至國。以詛斯民焉。巴蘭告其臣曰。即使巴勒。以盈室之金銀饋我。亦不可踰越我上帝耶和華之命。或大或小。悉宜遵循。今日爾姑宿此。以俟耶和華更有所諭。是夜。上帝臨格。諭巴蘭曰。如其人來招。汝姑偕往。然我所諭。汝必遵循。巴蘭夙興備驢。偕摩押使臣往。於是乘驢二役偕行。緣其貪利而往。上帝震怒。耶和華之使者立於途。以禦之。拔刃途側。驢見之。故不由其道。避諸田間。巴蘭策驢。使歸於道。徑由二葡萄園間。左右有垣。耶和華使者立於彼。驢見之。局促垣側。擠巴蘭之足於垣。故又策之。耶和華之使者前往。立於途之隘處。左右無隙。不能轉移。驢見之。伏地。巴蘭怒。以杖策之。耶和華使驢作人言。謂巴蘭曰。我無所獲罪於爾。爾乃策我者。三。巴蘭曰。汝戲我。願有刃於我手。我必殺汝。驢曰。我非爾常乘之驢與。自昔及今。我嘗有是行否。曰。否。耶和華明巴蘭目。乃見使者拔刃立於道。故稽首俯伏。使者曰。三策爾驢何也。爾所行者。違逆於我。故我出以禦爾。驢見我而避者。三。不然。我已殺爾。使驢得生。巴蘭曰。我知過矣。不識爾立於途中。以禦我。爾若不悅我往。我將返。曰。姑與偕往。惟我所諭。爾必言之。於是巴蘭偕巴勒使臣往。巴勒聞其將至。則往亞嫩溪。摩押邊邑。晉接。巴勒謂巴蘭曰。我遣使召爾。爾曷不至。我豈不能以尊顯加爾。巴蘭曰。我今已至。我豈能自擅而言。上帝使我言。我必言之。巴蘭與巴勒偕行。至基列湖朔。巴勒宰牛羊。饋於巴蘭。并賜使臣。

詰旦。巴勒引巴蘭至巴力崇邱。使觀以色列族營之四隅。

第二十三章 巴蘭謂巴勒曰。當於此築壇七。備牛七。羊七。巴勒遵言而行。二人在各壇獻祭。牛一。羊一。巴蘭謂巴勒曰。汝燔祭品。當侍於側。我將往前。如耶和華遇我。其所諭言。我必告爾。遂陟童山。上帝遇巴蘭。巴蘭曰。我備七壇。各獻牛羊。耶和華以言示巴蘭。曰。返見巴勒。以此言告之。巴蘭返。見巴勒。與摩押使臣。立於燔祭側。乃作歌曰。摩押王。厥名巴勒。招我於亞蘭。導我於東岳。使詛雅各。詈以色列。上帝未詛。我何以詛。耶和華未詈。我何以詈。陟山之巖。我爲顧視。高崗之巔。我爲瞻望。斯族獨居。不雜於衆。雅各之裔如沙。孰能悉其數。以色列之衆。誰克稽其半。善者逝世。我願如之。彼得考終。吾竊效焉。巴勒謂巴蘭曰。惡是何言。與我召爾。詛敵。爾反祝之。對曰。耶和華以言示我。我必以告巴勒。曰。請偕我至他所。勿觀其全營。乃窺其一隅。庶爾可加詛焉。乃導至銷腓野。比土迦山巔。爰築壇七。各獻牛羊。謂巴勒曰。爾燔祭物。而侍其側。我往於彼。以觀耶和華。耶和華臨格。以言示巴蘭。曰。返見巴勒。以此言告之。至。則見巴勒。與摩押使臣。立於燔祭側。巴勒問曰。耶和華示爾何詞。巴蘭作歌曰。巴勒可興起而聞言。西撥子可傾耳以恭聽。上帝與人異。不失其信。不回其志。詎有言出而不行。既許而不應。我受命以祝嘏。上帝祝之。我難反之。在雅各家無咎。在以色列無戾。上帝耶和華其王也。民得其祐。歡聲而呼。上帝導民出埃及。其行之捷。可擬於兕。欲攻各雅家。卜之不利。欲擊以色列。占之不祥。於斯時也。人有言矣。上帝之待雅各。以色列何其奇與。斯民之興也。如牡獅。其動也。如牡獅。不食斷傷之肉。不飲被殺之血。則不偃臥。○巴勒謂巴蘭曰。爾毋加以詛。

語亦毋進以祝詞。巴蘭對曰：我豈不曰耶和華所諭，我必遵循。

巴勒曰：爾來，我引爾至他所，庶幾上帝使爾於彼咒詛其族，遂引巴蘭至比耳山巔，與野相望。巴蘭曰：於此築壇七，備牛七羊七。巴勒從其言，壇上各獻牛羊一。

第二十四章 巴蘭見耶和華欲錫嘏於以色列，故不復用卜，如昔所爲，乃舉其目，顧瞻於野，觀以色列族循其支派而建營壘，感於上帝之神，作歌曰：庇耳子巴蘭既明其目，備聞上帝之言詞，得觀至能之異象，身雖假寐，目則常啟，故振振有辭曰：美哉雅各之幕，以色列之室，與如陵谷之開廣，如園囿之臨河，如耶和華之植奇南香，如溪旁之有柏香木，其裔熾昌，如泉滂沛，其王高於亞甲，其國可得振興。昔上帝導之出埃及，其行之捷，可擬於兇，必并吞敵國，刺之以矢，嚙傷其骨，其民如牡獅，伏視耽耽，亦猶牝獅，孰敢撓之。祝爾者必見祝，詛爾者必見詛。○巴勒甚怒，鼓掌而言曰：我召爾詛敵，乃爾祝之者。爾盍速返故國，我意使爾得大榮，而耶和華不許。巴蘭謂巴勒曰：我豈不告爾使臣，卽以盈室之金銀饋我，亦不可踰越耶和華之命，我弗擅行，或善或惡，惟耶和華所諭，我代言之。今我將歸，爾盍來前，此民至於季世，所以待爾民者，先以告汝。乃作歌曰：庇耳子巴蘭既明其目，備聞上帝之言詞，能知至上之妙理，得觀全能之異象，身雖假寐，目則常啟，故振振有辭曰：我將見之，不在今日，我將觀之，不於目前。自雅各家將出明星，自以色列將秉大權，摩押之隅，悉爲攻擊，示特之人，俱必喪亡，以色列族將施能，力，多，其，收，入，導，以，東，西，手，之，也，秉，其，大，權，斯，邑，之，遺，民，復，行，殲，滅，巴，蘭，瞻，望，亞，馬，力。

作歌曰亞馬力爲列國之初興終亦必亡又望基尼族作歌曰爾居鞏固爾巢巖穴雖然基尼人終歸殲滅遷徙於亞述載歌曰噫嘻乎上帝行是孰能得生人將駕舟自基底至使亞述希百備歷困苦基底終亦必亡巴蘭乃返故土巴勒亦歸其所

第五章以色列族居失亭淫於摩押女摩押女祭其上帝請以色列族至遂食祭品共相崇拜以色列族奉事巴力比耳耶和華怒甚諭摩西曰爾取民之首惡懸於我前至日入時則我怒可解摩西告以色列刑官曰凡屬爾統轄之人有事巴力比耳者悉當誅戮○摩西與以色列衆會號哭於會幕前斯時也有以色列人攜米田女適其同儕所亞倫孫以利亞撒子非尼哈見之遂離衆會取戟於手襲以色列人之後至其寢室以戟刺其人并女之腹爲以色列族除其災時遇災而死者計二萬四千人耶和華諭摩西曰我斷不容以他上帝匹我以色列族犯此故我震怒祭司亞倫孫以利亞撒子非尼哈施其熱中以奉事我使我不滅其衆故爾當告之我將與彼立平康之約使其子孫恒爲祭司蓋其熱中以奉事我爲以色列民贖罪與米田女同戮之以色列人屬西面族中最著者撒路子心哩被誅之女屬米田族中最著者牧伯蘇耳之女哥斯庇○耶和華諭摩西曰自今而後必攻擊米田人俾嘗艱苦蓋米田人使其同儕牧伯之女哥斯庇誘爾崇事比耳我降災害困苦於爾是女亦見殺焉

第六章降災既畢耶和華諭摩西及祭司亞倫子以利亞撒曰以色列衆會循其世系自二十歲以上能臨陳者當核其數摩押平原約但河濱耶利哥相對之所摩西

及祭司以利亞撒總核民數，自二十歲以上者，遵耶和華諭摩西之命，出自埃及之以色列族，其數臚列如左。○以色列長子流便生哈諾與其眷聚，巴路與其眷聚，希斯崙與其眷聚，迦米與其眷聚，此流便之子孫，計四萬三千七百三十。巴路生以利押，以利押生尼母利及大單亞庇蘭，此二人在會中，素著名望，與可喇結黨，攻摩西亞倫，以逆耶和華，地口孔張，吞噬其衆。當時可喇與二百五十人，爲火所燬，垂戒於後世。可喇子孫未亡於災。○西面生尼母利與其眷聚，雅民與其眷聚，雅斤與其眷聚，西喇與其眷聚，沙羅與其眷聚，此西面之子孫，計二萬二千二百。○伽得生西分，與其眷聚，哈基與其眷聚，書尼與其眷聚，阿士尼與其眷聚，以哩與其眷聚，亞律與其眷聚，亞哩利與其眷聚，此伽得之子孫，計四萬有五百。○猶大生明阿楠二人，俱死於迦南。又生示拉與其眷聚，法勒士與其眷聚，西喇與其眷聚，法勒士生希斯崙與其眷聚，哈母勒與其眷聚，此猶大之子孫，計七萬六千五百。○以薩迦生陀拉與其眷聚，孚亞與其眷聚，雅述與其眷聚，仲崙與其眷聚，此以薩迦之子孫，計六萬四千三百。○西布倫生西烈與其眷聚，以倫與其眷聚，雅列與其眷聚，此西布倫之子孫，計六萬有五百。○約瑟生馬拿西以法蓮，馬拿西生馬吉與其眷聚，馬吉生基列與其眷聚，基列生耶斯與其眷聚，希勒與其眷聚，亞士烈與其眷聚，示劍與其眷聚，示米大與其眷聚，希弗與其眷聚，希弗子西羅非哈無子，有女，名馬拉，挪亞，曷拉，密迦，得撒。此馬拿西之子孫，計五萬二千七百。○以法蓮生書提拉與其眷聚，庇結與其眷聚，大漢與其眷聚，書提拉生以蘭與其眷聚。

眷聚。以法蓮之子孫計三萬二千五百。以上所載馬拿西以法蓮二人之子孫俱出自約瑟。○便雅憫生庇拉與其眷聚。亞實別與其眷聚。亞希蘭與其眷聚。書反與其眷聚。戶反與其眷聚。庇拉生亞勒與其眷聚。乃幔與其眷聚。此便雅憫之子孫計四萬五千六百。○但生書舍與其眷聚。此但之子孫計六萬四千四百。○亞設生音拿與其眷聚。耶遂與其眷聚。庇哩亞與其眷聚。庇哩亞生希百與其眷聚。抹結與其眷聚。亞設之女名撒拉。此亞設之子孫計五萬三千四百。○納大利生雅泄與其眷聚。姑尼與其眷聚。耶色與其眷聚。示臉與其眷聚。此納大利之子孫計四萬五千四百。以色列族總計六十萬一千七百三十。○耶和華諭摩西曰。當以斯土給於此衆。循其名數。人衆則給地亦多。人寡則給地亦減。依其所核之數。各給以地。必掣籤而分之。按其譜系。使得恒業。衆寡之間。所當分者。掣籤而定。○利未族循其世系。被核數者。臚列如左。利未生革順與其眷聚。哥轄與其眷聚。米喇哩與其眷聚。利未族中有立尼之家。希伯崙之家。馬利之家。母示之家。可喇之家。哥轄生暗蘭。利未之女生於埃及。名約基別。適暗蘭。生亞倫。摩西與女米哩暗。亞倫生拿答。亞庇戶。以利亞撒。以大馬拿答。亞庇戶。燃不聖之火。奉事耶和華而死。利未族自一月以上者。計二萬有三千。不得與以色列族同核其數。亦不得與以色列族共分其業。摩押平原。約但河濱。耶利哥相對之所。摩西與祭司以利。亞撒核數以色列衆。昔在西乃野。摩西與祭司亞倫曾核其數。迄今被數之時。無一人在者。蓋耶和華曾有言曰。其人必死於曠野。故靡有子遺。所尙全者。惟耶孚尼子迦勒。

嫩之子約書亞而已。

第三章

約瑟子馬拿西支派馬吉曾孫基列孫希弗子西羅非哈育五女名馬拉

挪亞曷拉密迦得撒俱至會幕立於摩西祭司以利亞撒會長及會衆之前曰我父死

於曠野不與可喇黨同違逆耶和華第爲己罪而死死而無子既無後嗣何刪其名絕

於譜系在叔伯之中請以遺產賜我摩西以其事呈於耶和華耶和華諭摩西曰西羅

非哈之女所言是也必以其父之遺產傳之俾在叔伯中有其恒業爾告以色列族云

如人死而無子必歸其業於女無女則歸諸兄弟無兄弟則歸諸叔伯無叔伯則歸諸

戚屬使以色列族永著爲例循我所諭之命○耶和華諭摩西曰爾陟亞巴林山觀我

所賜以色列族之地既觀之後爾必返本如爾兄亞倫然昔在汎野迦鐵境米利巴水

濱衆會紛爭爾於斯時悖逆我命不於民前尊我摩西籲耶和華曰耶和華上帝乎爾

以生氣賜於億兆請立一人統轄衆會出入於民前爲民先導免致耶和華衆會猶羊

之無牧耶和華諭摩西曰嫩之子約書亞其人感於神汝可簡取按手其上置於祭司

以利亞撒及衆會前付托以命以汝尊榮加諸其身使以色列會衆無不遵循彼必立

於祭司以利亞撒前以利亞撒用烏陵諮諏我意烏陵譯即擲光見出埃及記二十八章三十節彼及以色列衆會必

聽斯命而出入摩西簡約書亞立於祭司以利亞撒及衆會前按手其上以命托之遵

耶和華命焉

所獻我之燔獻。卽未盈歲之羔二。純潔是務。日爲燔獻。朝一暮一。又獻麵六升。和清油二斤。有半。爲禮物。我昔在西乃山。曾命恒獻燔祭。取其馨香。以奉於我者。卽此。爲所獻之羔。必取醇醪二斤。有半。灌奠於聖所。以奉事我。薄暮獻羔。其所奉禮物。酒以灌奠。循其清晨之例。熱之以火。取其馨香。以奉事我。值安息日。必獻未盈歲之羔二。純潔是務。和油之麵一斗二升。爲禮物。酒以灌奠。日所獻祭。灌酒而外。必於安息日獻燔祭。○月朔。必以燔祭獻我。牡犢二。牡綿羊一。未盈歲之羔七。純潔是務。爲牡犢獻和油之麵一斗八升。爲牡綿羊獻一斗二升。爲各羔獻六升。以爲禮物。熱之以火。取其馨香。而奉事我。爲牡犢獻酒五斤。爲牡綿羊獻三斤四兩。爲各羔獻二斤有半。以爲灌奠。每歲月朔。所當獻者。卽此。日所獻祭。灌酒而外。亦以山羊羔一。獻之於我。爲贖罪祭。正月十四日。爲踰越節期。以奉事我。是月之望。必守此禮。歷至七日。當食無酵餅。節之首日。必有聖會。咸止工作。取牡犢二。牡綿羊一。未盈歲之羔七。純潔是務。俱獻於我。以爲燔祭。爲牡犢獻和油之麵一斗八升。爲牡綿羊獻一斗二升。爲各羔獻六升。以爲禮物。更獻山羊一。爲贖罪祭。上所獻者。乃在日獻燔祭之外。日所獻祭。灌酒而外。七日中每日當獻燔祭。取其馨香。以享我。越至七日。必有聖會。咸止工作。○七七日後。獻我以初實。亦奉禮物以薦新。其時必有聖會。咸止工作。必以牡犢二。牡綿羊一。未盈歲之羔七。獻爲燔祭。取其馨香。以奉事我。爲牡犢獻和油之麵一斗八升。爲牡綿羊獻一斗二升。爲各羔獻六升。以爲禮物。更獻山羊之羔。以贖爾罪。俱潔是務。及灌奠之酒。上所獻者。卽在日所

恒獻燔祭禮物之外。

第二十九章

七月朔，乃吹角之期，必有聖會，咸止工作，必以牡犢一、牡綿羊一、未盈歲

之羔七，純潔是務，獻爲燔祭，取其馨香，以奉事我，必爲牡犢獻和油之麵一斗八升，爲

牡綿羊獻一斗二升，爲各羔獻六升，以爲禮物，更獻山羊之羔一，爲贖罪祭，上所獻者，

卽在月朔，及每日所獻燔祭禮物灌酒之外，俱循常例，依其核數，取其馨香，以奉事我。

○七月十日，必有聖會，咸止工作，卑以自牧，必以牡犢一、牡綿羊一、未盈歲之羔七，純

潔是務，獻爲燔祭，取其馨香，以奉事我，爲牡犢獻和油之麵一斗八升，爲牡綿羊獻一

斗二升，爲各羔獻六升，以爲禮物，更獻山羊之羔一，爲贖罪祭，上所獻者卽在贖罪之

祭，每日獻祭，奉禮灌酒之外。○七月十五日，必有聖會，咸止工作，七日守節，以奉事我，

必以牡犢十三、牡綿羊二、未盈歲之羔十四，純潔是務，獻爲燔祭，取其馨香，以奉事我，

爲各牡犢獻和油之麵一斗八升，爲各牡綿羊獻一斗二升，爲各羔獻六升，以爲禮物，

更獻山羊之羔一，爲贖罪祭，上所獻者，卽在恒獻燔祭禮物灌酒之外。二日，必獻牡犢

十二、牡綿羊二、未盈歲之羔十四，純潔是務，爲各牡犢牡綿羊及羔，各獻禮物，酒以灌

奠，依其核數，俱循常例，更獻山羊之羔一，爲贖罪祭，上所獻者，卽在恒獻燔祭禮物灌

酒之外。三日，必獻牡犢十一、牡綿羊二、未盈歲之羔十四，純潔是務，爲牡犢牡綿羊及

羔，各獻禮物，酒以灌奠，依其核數，俱循常例，更獻山羊一，爲贖罪祭，上所獻者，卽在恒

獻燔祭禮物灌酒之外。四日，必獻牡犢十、牡綿羊二、未盈歲之羔十四，純潔是務，爲牡

犢牡綿羊及羔各獻禮物酒以灌奠依其核數俱循常例。更獻山羊之羔一爲贖罪祭。上所獻者即在恆獻燔祭禮物灌酒之外。五日必獻牡犢九牡綿羊二未盈歲之羔十四純潔是務爲牡犢牡綿羊及羔各獻禮物酒以灌奠依其核數俱循常例。更獻山羊一爲贖罪祭。上所獻者即在恆獻燔祭禮物灌酒之外。六日必獻牡犢八牡綿羊二未盈歲之羔十四純潔是務爲牡犢牡綿羊及羔各獻禮物酒以灌奠依其核數俱循常例。更獻山羊一爲贖罪祭。上所獻者即在恆獻燔祭禮物灌酒之外。七日必獻牡犢七牡綿羊二未盈歲之羔十四純潔是務爲牡犢牡綿羊及羔各獻禮物酒以灌奠依其核數俱循常例。更獻山羊一爲贖罪祭。上所獻者即在恆獻燔祭禮物灌酒之外。八日必有會是日爲大咸止工作必以牡犢一牡綿羊一未盈歲之羔七純潔是務獻爲燔祭取其馨香以奉事我爲牡犢牡綿羊及羔各獻禮物酒以灌奠依其核數俱循常例。更獻山羊一爲贖罪祭。上所獻者即在恆獻燔祭禮物灌酒之外。值節期時必以今所言之燔祭禮物灌奠之酒酬恩之祭獻我即在許願樂輸之外。摩西告以色列族俱循耶和華命。

第三十章

摩西

摩西告以色列族長曰耶和華命如人指耶和華而許願或發誓以自戒則

言出惟行信不可失若女年幼尙在父家指耶和華而許願以自戒其父聞言默然無語則所許願自戒之言必行如父不允則所許之願所言之戒俱不可行父既不允耶和華將釋之如已適人而造次許願以自戒夫聞默然則所言必行如夫不允則所許

之願自戒之言俱廢。耶和華將釋之。如嫠婦棄婦。許願自戒。則必行之。如婦在夫家。許願發誓。以自戒。夫聞默然。不之禁禦。則所言必行。如夫聞而廢之。則所許之願。自戒之言。不必行。夫既不允。耶和華將釋之。婦許願發誓。卑以自牧。夫可使之立。亦可使之廢。如夫日無所語。則婦許願以自戒。必行。倘聞而默然。是使之立也。如夫聞言而廢之。必負其罪。以上所載。乃耶和華命摩西者。言女幼時。未于歸。爲父所治。既適人。爲夫所治。其例若此。

第三十三章 耶和華諭摩西曰。汝爲以色列族報仇。罰米田人。而後返本。摩西告民曰。汝必備戰。攻擊米田人。使耶和華怨米田人之憤可洩。於以色列族中。各簡一千人備戰。於是以色列族中臨陳者。各支派一千人。總計一萬二千。預備以戰。摩西遣之。又遣祭司以利亞撒子非尼哈。執聖器吹號角。與米田人戰。遵耶和華諭摩西之命。殺其丁男。更殺米田五王。以未哩金。蘇耳戶耳。哩巴。及庇耳子巴蘭。均殲以刃。以色列人奪其妻孥。攘其牛羊。掠其貨財。城垣閭里。燬之以火。貨財什物。劫之以歸。以所得之人與物。攜之至摩押平原。約但河濱。耶利哥相嚮。建營之所。見摩西及祭司以利亞撒。與以色列衆會。摩西及祭司以利亞撒。暨諸會長。出營以迎。千夫長。百夫長。及全軍之統轄。既戰而歸。摩西見之。怒甚。曰。奚拯衆婦。存其生乎。彼從巴蘭之言。誘以色列族。逆耶和華服役於比耳。故耶和華降災於會衆。今所得之幼穉中。諸男當殺。與人同寢之婦。亦當殺。未與人同寢之女。俾全其生。爾曹居於營外七日。凡殺人捫尸者。及所獲之人。俱蒙

不潔，必待三日七日，自滌乃潔。衣、皮、毛、布、器件，亦當使潔。○軍士既戰而歸，以利亞撒告之曰：「耶和華所諭摩西者，有定例焉。金、銀、銅、鐵、錫、鉛，能不敝於火，當使經火，然後成潔。亦當滌以去汚之水。如物易敝於火者，必滌以水。當自澣衣，迨至七日，然後爲潔。」可入於營。○耶和華諭摩西曰：「汝與祭司以利亞撒暨會長，必核數所得之物，或人或畜，各分爲二：一歸臨陳之戰卒，一歸衆會。臨陳戰卒所得之物，必由其中以徵其貢。無論人、驢、牛、羊，五百輸一，奉於祭司以利亞撒，舉而獻我。以色列族所得之物，無論人、驢、牛、羊，與各牲畜，必由其中五十輸一，歸守我會幕之利未人。摩西及祭司以利亞撒，遵耶和華命而行。臨陳而歸所奪之物，計羊六十七萬五千，牛七萬二千，驢六萬一千，未與人同寢之女三萬二千，其半歸臨陳之卒，計羊三十三萬七千五百，徵貢歸耶和華者六百七十五，牛三萬六千，徵貢歸耶和華者七十二，驢三萬有五百，徵貢歸耶和華者六十一人，一萬六千，徵貢歸耶和華者三十二，所歸耶和華者，必舉而獻之。摩西給祭司以利亞撒，遵耶和華所諭之命。所虜之物，摩西取其半，歸以色列衆會，計羊三十三萬七千五百，牛三萬六千，驢三萬有五百，人一萬六千，無論人、畜。摩西由其中五十輸一，以給守耶和華會幕之利未人，遵耶和華命。○千夫長、百夫長及全軍之統轄者，咸就摩西曰：「僕等核數所統之戰士，不損一人，故攜禮物歸於耶和華，隨其所有，手釧、指環、耳環、垂項之珠，可爲已命贖罪，於耶和華前。」摩西與祭司以利亞撒收其金飾。千夫長、百夫長，以戰時所得者爲禮物，舉而獻於耶和華。其金計八千三百七十五兩，士卒

所得者未獻。摩西與祭司以利亞撒取千夫長百夫長所獻之金，攜入會幕，置耶和華前，爲以色列族之記錄。

第三十章

流便支派、伽得支派、牲畜成羣，見牙設基列二地，堪爲遊牧之所，乃就摩

西及祭司以利亞撒暨諸會長前，曰：「亞大錄底本、牙設、寧喇、希實本，以利亞利、示班尼破底穩斯地也，卽耶和華助以色列族所取者，堪爲遊牧之所。僕等有羣畜，倘得沾恩，請以斯地錫我爲業，毋庸我渡約但。」摩西曰：「汝同儕往戰，汝俱安坐於此乎？奚使以色列族喪膽，致耶和華所錫之地不能得濟？昔在迦鐵巴尼亞，我遣爾祖窺察斯土，至以實各谷，既見其地，則使以色列族喪膽，皆不欲往，詣耶和華所賜之地。今爾所行亦若是。當斯時也，耶和華甚怒，矢之曰：『出埃及之有衆，自二十歲以上者，既不竭忠從我，故所誓亞伯拉罕、以撒、雅各之地，必不能得。』惟基尼洗人耶孚尼子迦勒、嫩之子約書亞、竭忠從我，則可得焉。耶和華甚怒，使以色列族遊於曠野，歷四十年，迨及斯代之民，違逆耶和華者，尸骸消滅。今爾繼祖，恆爲犯罪之人，使耶和華怒以色列族愈甚。如爾仍不信從，則耶和華必遺以色列族於野，亡斯有衆。」對曰：「我必爲羣畜作羊牢，爲幼穉建邑垣，使幼穉居於邑垣，免爲斯土之民所害。我必預備以戰，不居以色列族後，導入其所。我不欲歸，迨以色列族各得其業。」我在約但，既能取其東隅，不欲得其西境。摩西曰：「如爾濟約但河，預備以戰，遵耶和華命，迨驅其敵，取其地，然後旋歸，仍於此得業，則在耶和華及以色列族前，爾可無辜。不然，則干犯耶和華，罪必有歸，爾當知之。」爾所言必

行爲羣畜作羊牢爲幼穉建城垣可也。伽得支派流便支派對摩西曰：僕等將遵主命，妻孥牛羊必留於基列邑中。僕等濟河預備以戰，遵耶和華命，從我主所言。摩西告祭司以利亞撒、嫩之子約書亞及以色列支派最著者曰：如伽得支派流便支派與爾有衆濟約但河，預備以戰，據有其地，遵耶和華命，則必以基列賜之爲業。不然，僅得業於迦南而已。伽得流便二支派對曰：耶和華所命，僕將遵行。我必濟河至迦南地，遵耶和華命預備以戰，惟欲得業於約但東。摩西以亞摩哩王西宏巴山王疆之地及境內之邑垣鄉里俱給伽得支派流便支派約瑟子馬拿西支派之半。○伽得人建置邑垣，卽底本、亞大錄、亞羅耳、押律、說反、雅設、約庇哈、伯寧喇、伯哈蘭，亦作羊牢。流便人建希實本、以利亞利、基烈亭、尼破巴力免、悉馬、有易其名者、有仍其舊者。馬拿西子馬吉之後裔往基列驅逐亞摩哩人，而據其地。摩西卽以其地錫之，使處其中。馬拿西子睚耳取諸鄉里，稱之爲哈物睚耳。挪巴取基納與其鄉里，稱之爲挪巴。

摩西亞倫導以色列族出自埃及，循其行伍。摩西遵耶和華命，書過征之程，臚列於左。正月之望，踰越節之明晨，以色列族離蘭塞，雖爲埃及人所目擊，毫無畏憚。以耶和華曾於埃及敗其上帝，戮其長子，而埃及人治其葬事故也。以色列族自蘭塞過征，張幕於數割，自數割過征，張幕於以籐近野。自以籐過征，而返其旆於比哈希綠，巴力洗分相對之所。蜜奪前張幕，自比哈希綠過征，經海而行，歷程三日，至以籐之野，張幕於馬刺。自馬刺至以林，遂張幕焉。在彼有水泉十二，棗樹七十，自以林而往，附

紅海張幕。離紅海張幕於汎野。自汎野過征。張幕於脫迦。自脫迦張幕於亞綠。自亞綠張幕於哩非停。在彼無水可飲。乃離之。他往於西。乃野張幕。自西乃野過征。張幕於乞律夏大法。自彼至哈西錄。遂張幕焉。自哈西錄過征。張幕於勒馬。離勒馬過征。張幕於臨門帕烈。自此而往。張幕於立拿。自立拿過征。張幕於勒撒。既離勒撒。張幕於基希拉。大離之。過征。張幕於沙百山。離山而行。張幕於哈喇大。自哈喇大過征。張幕於馬希錄。自馬希錄張幕於大哈。自大哈過征。張幕於大喇。自大喇過征。張幕於蜜迦。自蜜迦過征。張幕於哈摩拿。自此而行。張幕於摩西錄。自摩西錄過征。張幕於庇尼雅干。自此而行。張幕於曷哈及甲。自此過征。張幕於約巴大。自約巴大過征。張幕於以破拿。自以破拿過征。張幕於以旬迦別。自此而往。張幕於汎野。卽迦鐵。離迦鐵。張幕於何耳山。近以東界。以色列族出自埃及。歷四十年。五月朔。祭司亞倫遵耶和華命。陟何耳山而死。壽一百二十三歲。當時亞臘王居於迦南之南境。聞以色列族至其國。以色列族離何耳山。張幕於薩拿摩。自薩拿摩張幕於部嫩。自部嫩張幕於阿泊。自阿泊張幕於以雅亞巴林。近摩押界。自此而往。張幕於底本。伽得自底本伽得張幕於亞門特拉太音。自此而往。張幕於尼破前。亞巴林山。離亞巴林山。張幕於摩押平原。約但河旁。耶利哥相對之所。沿河建營。自伯耶西末起。至摩押平原。亞伯示亭止。○在彼耶和華諭摩西曰。告以色列族云。汝渡此河。入於迦南。必驅居民。凡勒像於碑。及鎔鑄之偶像。汝必壞之。毀燬崇邱。必取其地而居之。蓋我以斯土賜汝爲業。汝必掣籤分地。按爾戶口。人衆則給

地亦多人寡則給地亦減各隨所掣之籤循其世系得此恆業斯土之衆爾不驅逐則其遺民必爲爾目中之刺肘下之棘困苦爾於此我素欲降罰於彼今之待爾亦將如是。

第十四章

耶和華諭摩西曰

告以色列族云汝今將入迦南得其四境爲業爾之邊

隅南至汎野近於以東自此而東沿及鹽海造其極處爾之南境環繞亞克拉濱山延

至於汎自此而南至迦鐵巴尼亞哈薩亞達及押門自押門沿至埃及河出於大海爲

爾南境爾境之西卽以大海爲限自大海而往至何耳山又至哈末延及西撻至於錫

分哈薩以難爲爾北境自哈薩以難而往至於示番延至立拉及河源之東至基尼烈

海東濱沿約但河至於鹽海爲爾東境爾之四境卽此摩西告以色列族曰耶和華以

斯土錫於九支派及支派之半掣籤而得之惟流便得二支派及馬拿西支派之半

循其世系已得其業在約但東耶利哥相對之處耶和華諭摩西曰爲爾分業者祭司

以利亞撒嫩之子約書亞及各支派之牧伯猶大支派耶孚尼子迦勒西面支派亞米

忽子示母利便雅憫支派其斯倫子以利撻但支派之牧伯約利子布基約瑟子馬拿

西支派之牧伯以佛子漢業以法蓮支派之牧伯拾但子基母利西布倫支派之牧伯

帕納子以利撒番以薩迦支派之牧伯押散子巴鐵亞設支派之牧伯示羅米子亞希

忽納大利支派之牧伯亞米忽子比大黑以上所載卽耶和華命以迦南地分以色列

族爲業者

第十五章 在摩押平原。約但河濱。耶利哥相對之處。耶和華諭摩西曰。告以色列族。於其所得之地。以邑郊賜於利未人。其人民則處於邑中。其牛羊六畜。與凡所有。則歸於郊。所賜於利未人者。邑垣而外。四周一百丈爲郊。郊外之地。東西南北。各二百丈。邑在其中。此卽邑郊之丈數也。利未人所得之邑郊。其中必有六邑。爲逋逃之藪。使誤殺人者可遁於彼。外此更得邑四十有二。蓋利未人所得之邑郊。共四十有八。以色列族所得之地。必於其中。賜邑於利未人。視得地之大小。爲賜邑之多寡。各循所得之業而給焉。○耶和華諭摩西曰。汝告以色列族云。汝度約但河。入迦南地。時必簡邑。爲逋逃之藪。使誤殺人者。可遁於彼。殺人者。未見鞫於衆會。而被殺之戚屬。欲報其仇。則可遁於斯邑。不致死亡。利未人邑中。必有六邑。爲逋逃之藪。約但東三邑。迦南地三邑。凡以色列族。與賓旅誤殺人者。可遁於斯。若以鐵器擊人至死。是誠殺人者。必死毋赦。若擲石擊人至死。是誠殺人者。必死毋赦。若以木器擊人至死。是誠殺人者。必死毋赦。被殺之戚屬。可報其仇。遇卽殺之。若蓄怨而刺人。或伏要而射人。或生釁而手擊人。置人於死地。是誠殺人者。必死毋赦。被殺之戚屬。遇卽殺之。如毫無釁隙。而猝然刺及。或非伏要。而以物相射。或不見而擲石。致人於死。本非結讐。不欲害人。則衆會必於殺人報仇者之間。循例而剖析。救殺人者。脫於報仇者手。旣遁於逋逃之藪。必使居彼。以待受聖膏之祭司長終。則無故焉。如殺人者。出逋逃之邑郊。報仇者。在外遇而殺之。則罪不之及。蓋殺人者。當居逋逃之藪。待祭司長死。後返其故土。可也。以此著爲定例。歷代勿替。

隨往勿易。凡殺人者，有人爲證，必死無赦。證人惟一則不可殺人者，不得以金贖，必死毋赦。祭司長未死，而殺人，是欲以金贖離逋逃之數，歸其故土，亦不可。如殺人命，則汚穢斯土，殺人者未償命，則汚仍不去。我耶和華居以色列族中，故不可加以汚穢。

第三十三章 約瑟曾孫馬拿西孫馬吉子基列後裔之最著者就摩西及以色列族長之最著者，告之曰：耶和華諭我主，用掣籤之法，以斯土賜以色列族爲業，亦命我主，以我戚屬西羅非哈之業，予其女，如適以色列他支派之人，則其業爲他支派所得。而我祖之遺業歸於他人，值以色列族禧年，則女之業必歸於所適支派，而我祖之業必將少減。摩西遵耶和華命，告以色列族曰：約瑟支派之人所言甚善。耶和華命曰：西羅非哈女任其適人，惟擇同祖支派之人則可。如是，以色列族之業，不得由此移彼，各支派之人守祖遺業。凡女有業，必適於同族之人，使以色列族各守厥祖之遺業。業不得由此移彼，以色列族各支派必守其業。西羅非哈女馬拉得撒、曷拉、密迦、挪亞，遵耶和華所諭摩西之命，適叔伯之子約瑟子馬拿西世系，如是其業爲本族所守。以上所載，則於摩押平原，約但河濱，耶利哥相對之所，耶和華所命摩西，告以色列族之律例也。

申命記

第卅章 約但東濱之野，紅海直出之谷，卽巴蘭陀佛拉班哈洗錄底撒哈間，摩西傳命於以色列族，來自何烈道，由西耳至迦鐵巴尼亞，歷程十有一日，出埃及後四十年十一月朔，摩西循耶和華命，諭以色列族，先是摩西殺亞摩哩王西宏，居于希實本者，亦殺巴山王噩，居於以得來及亞大綠者，今在摩押地，約但東，摩西以耶和華命示以色列族，曰：昔在何烈山，我之上帝耶和華諭我云：爾久居此山，可返旆過征，至亞摩哩山及其鄰近之平原陵谷，亦往南行，至於海濱，入於迦南，延及利巴嫩，抵百辣河，昔我誓以斯土與爾祖亞伯拉罕，以撒，雅各，爰及苗裔，今地具在爾前，可入而得之。○當時我嘗有言：爾之上帝耶和華，既使爾昌熾，如天星之衆多，我無所能獨當斯任，願爾祖之上帝耶和華，踐其前言，錫嘏於爾，增益民數，較之於今，更多千倍。然民多爭競，其責甚重，我難獨任，可於支派中，簡爾所識，智慧獨具者，我立之爲長，治理爾曹。爾曹乃對曰：斯言甚善，我遂於支派諸長中，簡智慧之人，衆所識者，立爲牧伯。千夫長，百夫長，五十夫長，十夫長，治理爾曹。我命士師云：聽訟於宗族賓旅間，以正理爲折中，鞫事屬上帝。汝鞫人時，毋行偏視，無論尊卑，必聽其訟，不可畏人，如事關重大，則告於我，我爲剖析於斯時也。我以爾所當行者，明告於爾。○厥後，我儕遵我上帝耶和華命，自何烈過征，經歷曠野，其境甚廣，其形可畏，道由亞摩哩山，至迦鐵巴尼亞。當時，我告爾曰：我上帝耶和華以亞摩哩山賜我，今至其境，我祖之上帝耶和華，踐其前言，錫土於爾，當前往

得之。毋驚毋畏。爾曹來前。告我曰。我將遣使往探其地。返可復我。當由何道。當至何邑。
我善其言。簡於各支派中。共十有二人。彼卽旋踵登山。至以實各谷。窺察其地。取其土
產。以復於我。曰。我上帝耶和華所賜者。膏腴之壤也。乃爾曹違逆上帝耶和華命。不欲
前往。爾在幕中者。嘖有怨言。曰。耶和華憾我。故導我出埃及。付於亞摩哩人。以殲滅我。
我同儕使我喪膽。言斯土之民較我。軀幹雄偉。城垣廣大。高可參天。在彼有亞納子。我
何能往。我特諭爾曰。毋戰慄。毋畏。爾之上帝耶和華。爲爾先導。助爾爭戰。昔在埃及。
輔翼爾衆。爾所目擊。今亦必如是。又在曠野。由爾所經之道。至於斯土。爾上帝耶和華
提抱爾。如人之懷赤子。爲爾所見。汝之上帝耶和華。先爾遄征。以擇建營之所。爾所當
歷之程。蒙其指示。晝則導以雲。夜則導以火。豈不當信乎。耶和華聞爾言。震怒特甚。矢
之曰。昔我以腴壤。誓與其祖宗。斯代之民。素惡。必弗能得。惟耶孚尼子迦勒。竭忠從我。
則可得見其所履之地。我將錫之。爰及子孫。當時。耶和華緣爾故。怒我曰。爾不可入斯
土。惟侍爾側者。嫩之子約書亞。可入。當強厥志。使輔翼以色列族。以得斯業。當時。耶和
華亦諭爾曰。爾之子女幼穉。不能別善惡。爾曾言。必爲敵所擄。我則錫以斯土。使彼入
而得之。惟爾曹當返旆。道由紅海。詣曠野。以遄征。時。爾曹對曰。我曾違逆我上帝耶和
華。今遵其命。前往以戰。維時。各執器械。備以登山。耶和華命我。普告於衆曰。耶和華不
佑爾。勿往以戰。恐敗於敵。我以告爾。爾不聽從。違逆耶和華。擅自登山。居山之亞摩哩
人出。驅逐爾曹。勢若蜂擁。遂致敗績。自西耳山。至於曷馬爾。乃返旆。哭於耶和華前。不

蒙垂聽四十六當時居於迦鐵非止一日。

第二十三章 我儕反旆過征道由紅海適於曠野環繞西耳山歷日已久遵耶和華命耶和華諭我曰爾環行此山久矣必旋踵北行當告民曰汝之同族以掃子孫居於西耳爾經斯土彼必畏懼惟汝謹慎勿與戰爭五即其尺土我不汝給乃以西耳山賜以掃爲業汝所食之糧所飲之水必以金市蓋爾所爲者蒙爾上帝耶和華錫嘏爾行曠野歷四十年爾之上帝耶和華導爾祐爾使無缺乏於是六我儕離我同族即以掃子孫居於西耳者道由平原自以辣及以旬迦別旋踵前往經摩押野耶和華諭我曰勿擾摩押人與之戰爭其地非爾所得蓋我以亞耳賜羅得後裔爲業七昔以米人居彼斯民衆多軀幹雄偉如亞納人然或稱之爲哩乏音惟摩押人稱之爲以米在昔何林人亦居西耳爲以掃子孫所滅據有其地以色列族之地蒙耶和華所錫者事亦相同耶和華亦諭我曰爾起渡西勒溪我遵命而行八昔自離迦鐵巴尼亞時至渡西勒溪時三十有八年於斯時也斯代之軍士尸骸消滅應耶和華所矢之言蓋耶和華攻之使之喪亡尸骸消滅武士殞沒絕於民中之後耶和華諭我曰九今爾當經摩押邊隅之邑亞耳行近亞捫族勿擾之勿與戰爭其地非汝所得蓋我以之錫羅得後裔爲業昔在斯土爲哩乏音所居亞捫人稱之爲三送冥其軀幹雄偉如亞納人然惟耶和華滅之亞捫人據有其地如以掃子孫居於西耳者昔蒙耶和華輔翼翦滅何林人據有其地事亦相同又有一族稱亞英者所居之地自哈洗林至亞薩甲托民滅之據有其地耶和華亦諭我

曰爾起過征渡亞嫩河我以亞摩哩王西宏付於爾手其都在希實本汝可與戰而得其地天下邦國既聞爾名我必使之畏爾戰慄悚惶○時在基底莫野我遣人至希實本以善言告其王西宏曰爾盡容我經爾地我必由大道不偏於左不偏於右我所食之糧所飲之水市之以金第容我徒行以過爾境渡約但河至我上帝耶和華賜我之地昔以掃後裔居於西耳摩押人民居於亞耳所行俱亦如是時我上帝耶和華或作聽字使希實本王西宏剛懷厥心不容我過其地爲我所敗以今日之事爲證蓋耶和華曾諭我曰我以西宏及其地畀於爾手汝可得之據有其地西宏率衆而出至雅哈斯與我戰我之上帝耶和華以西宏王及王子臣民悉付於我爲我所敗取其城邑男女長幼俱行殲滅靡有孑遺邑中之貨財以及牲畜爲我所得亞嫩河濱之亞羅耳及洲中之邑迄於基列無邑不服乃我上帝耶和華盡付於我惟亞捫族之地雅汨河濱山中之邑爲我上帝耶和華所禁者我不侵奪

第二十三章 我儕旋踵道由巴山巴山王疆率衆而出至以得來與我戰耶和華告我曰毋畏我必以王及其民人土地付於汝手昔在希實本滅亞摩哩王西宏今之待疆亦必若是於是我之上帝耶和華以巴山王疆及其人民付於我手爲我翦滅靡有孑遺亞略境爲巴山王疆所統邑共六十悉爲所取無不服從以上諸邑俱有高垣及門與鍵外此更有閭里其數衆多我翦滅之及其男女長幼如昔滅希實本王西宏然邑中之貨財以及牲畜爲我所得在約但之東自亞嫩河及黑門山亞摩哩二王之地爲我所

取平原諸邑與基列巴山四境至巴山王疆所統之邑撒迦以得來我亦取之黑門之
山西頓人稱之爲西達亞摩哩人稱之爲示滿哩之音族所存者惟巴山王疆其床以
鐵爲之長九尺廣四尺布肘爲度今在亞捫人之喇巴有之亞嫩河濱亞羅耳土曩基
列山之半及其所有之邑我儕得之以與流便伽得二支派基列山之餘地及巴山王
疆所統之亞略境與巴山國人稱爲哩之音地者我以此給馬拿西支派之半亞略之
地卽其述馬迦接壤之區爲馬拿西子睚耳所取依其名稱之爲巴山哈勿睚耳迄今
其名尙存我以基列地之半賜馬吉其半自亞嫩河至亞捫界之雅泊河其間有平原
沿至約但河濱自基尼烈至鹽海之谷近比士迦山麓之東我悉與流便伽得二支派
○當時我諭之曰爾之上帝耶和華雖以斯土錫爾然爾之軍旅必備以戰先爾同儕
以色列族而過征我知爾牲畜既多爾之妻孥牲畜可留於我所錫之邑待爾同儕於
約但西得爾上帝耶和華所錫之地而享安樂與爾無異後則歸我所錫爾之地○我
諭約書亞曰爾上帝耶和華敗斯二王其事爲爾目擊今爾所往諸國耶和華必敗之
與昔相同毋畏爾上帝耶和華必助爾戰我曾時求曰主耶和華與爾以大力顯其有
爲示於爾僕在天地間豈再有上帝能顯如此之大有爲耶爾容我濟約但河觀茲
腴壤及其名山與利巴嫩耶和華緣爾曹怒我不允我所乃告我曰如是足矣勿以此
事再告於我爾當陟比士迦嶺向南北東西而瞻望目擊斯土則可惟約但之河不得
而濟必命約書亞強固厥志導民濟河得爾所見之土於是我們濟居於此谷在伯比耳

相對之所

第四章 摩西申命曰、以色列族乎、我今所示爾之法度、禮儀、宜聽從之、如是得生、而汝祖之上帝耶和華所賜汝之地、可入而得焉。我之諭言、乃爾上帝耶和華所命者、爾當遵從、不可增、亦不可減。凡從巴力比耳者、俱爲爾之上帝耶和華所絕、乃爾目擊、惟恒從爾上帝耶和華者、及今尙存。我以法度、禮儀教爾、使爾行之、在爾所得之地、遵我上帝耶和華命、爾守此法、則可爲智。四方之民、聞此禮儀、必曰、斯民昌大、智慧俱備。豈有他民、若是昌大、得上帝左右之、猶我上帝耶和華之左右我、而允我所祈乎。豈有他民、獲法度禮儀、如是之善、如我今日所示爾者乎。惟當謹恪、畢生兢兢、自守其心、不致遺忘。爾所見者、示於子孫、昔在何烈山、立於爾上帝耶和華前時、耶和華諭我曰、當集斯民、使聽我言、必寅畏我、至於沒齒、教其子孫、其時、爾衆來前、立於山下、其山之象幽深玄遠、厥火炎炎、至凌霄漢。耶和華由火中諭爾、惟聞其聲、不覩其像、告爾以約、書十誡於二碑、俾爾恪守。○耶和華命我教爾法度禮儀、使爾於所得之地、遵行不失。昔在何烈山、耶和華由火中諭汝、未覩其像、故當謹恪、恐壞爾心術、雕刻偶像、或似男女作像、像之、或似走獸飛鳥、或似地上昆蟲、水中鱗介、爾仰觀天象、有日月星辰焉、恐爾迷眩、奉事崇拜之、天下億兆、旣行此、爾之上帝耶和華亦故聽之。耶和華導爾出埃及、如脫冶爐、以爾爲所得之民、卽以今日之事爲證。耶和華緣爾曹故、怒及於我、特發誓言、不許我渡約、但入爾上帝所錫之腴壤。我必終於此、弗克濟河、惟爾其渡、據有斯地、慎勿

忘爾上帝耶和華所立之約。勿雕偶像。干犯厥命。蓋爾上帝耶和華如火之燎。斷不容以他上帝匹之。厥後爾久居斯土。生子傳孫。自壞心術。雕刻偶像。作惡於汝上帝耶和華前。以干厥怒。我今日指天地以作證。爾於所得約。但之西境。不能延命。乃必滅甚速。至於盡亡。耶和華必散爾於四方。所遺於列國者。亦已無幾。在彼人以木石作上帝像。不見不聞。臭味不知。惟汝事之。然在遠方。爾如一心一意。求爾上帝耶和華。亦可得之。至於季世。爾遇艱辛。我所言之災。加乎爾身。斯時也。爾若歸爾上帝耶和華。而聽其命。則爾之上帝耶和華。甚爲仁慈。必不棄爾。翦滅爾。與爾祖所立之盟約。亦不忘之。粵稽往古。自上帝造人。迄於今日。由天涯至地極。除爾之外。曾亦聞上帝之言。由火中出。人聽其聲。尙能生存者乎。曠觀斯世。果有若此之大事乎。昔爾之上帝耶和華。救爾於埃及。爾所目擊焉。豈有施大能巨力。異蹟奇事。爭戰災害。事事可畏。以救他民。出於敵手乎。此事既顯示於爾。俾爾知耶和華獨一上帝。其外無他。在天有聲。使爾聞之。以指示爾。在地出大火。使爾見之。爾由火中聽其言詞。上帝眷愛爾祖。故簡其後裔。導爾出埃及。施厥大能。斯土之民。較爾強大。爲爾上帝驅逐。導爾入境。賜汝有業。以今日之事爲證。爾當深思。以明其理。天上地下。獨耶和華爲上帝。其外無他。我今所傳者。耶和華之法度禮儀。爾當恪守。則爾納福。爰及子孫。在爾上帝耶和華所錫之地。永享遐齡。○摩西在約但東。區別三邑。使無讐怨而誤殺人者。可遁於彼。保其餘生。一爲野間之庇。悉屬流便平原。一爲基列之喇末。屬伽得族。一爲巴山之珂蘭。屬馬拿西族。○以上所載

者摩西示以色列族之律例出埃及後摩西以法度禮儀傳以色列族既出埃及至約但東伯比耳相對之谷摩西與以色列族敗都希實本之亞摩哩王西宏據有其地亦據巴山王疆之地如是約但東二亞摩哩王之地俱爲所得自濱亞嫩溪之亞羅耳至西雲山卽黑門至近比士迦山麓之海約但東平原俱爲所得

第五章 摩西召以色列族告之曰我今所傳之法度禮儀爾其聽之當學習當恪守昔在何烈我上帝耶和華與我立約非與我祖立約乃與我儕今日尙存者立約山上火中耶和華與爾晤對而言當時爾懼火不敢陟山我在耶和華爾曹間以耶和華言告爾曰我耶和華爾之上帝導爾出埃及脫汝於賤役余而外不可別有上帝毋雕偶像天上地下水中百物勿作像像之毋拜跪毋崇奉以我耶和華卽爾之上帝斷不容以他上帝匹我惡我者禍之自父及子至三四世愛我守我誠者福之至千百世爾上帝耶和華之名勿妄稱妄稱者罪無赦恪守安息日以爲聖日遵耶和華爾上帝之命六日間宜操作越至七日則耶和華爾上帝之安息日也是日爾與子女僕婢牛驢牲畜及遠人主於爾家者皆勿操作使爾僕婢安息與爾無異當憶疇昔爾在埃及爲人服役爾之上帝耶和華以大能巨力救爾出彼諭爾恪守安息日焉敬爾父母遵爾上帝耶和華命則納福享壽於爾上帝耶和華所錫之地毋殺人毋行淫毋攘竊毋妄證毋貪人妻室宅第田畝僕婢牛驢與凡屬於人者○以上諸言耶和華山上火中幽深玄遠之處以大聲諭衆無所增益勒於二碑賜之於我爾見遍山晦冥厥火炎炎聲由中

出爾既聞之與族長長老至我前曰我之上帝耶和華顯厥大榮俾我目覩我聞其聲由火中出今日始知上帝與人言人尙保其生命如我仍聽我上帝耶和華之言則此大火必燬我身我將死亡爾曷爲使我死亡乎蓋天下億兆未有聽永生上帝之聲由火中出如我所聞而尙保其生者爾盍近前聞我上帝耶和華所言傳之於我我必遵行當日爾所言耶和華聽之諭我曰斯民所言我聞之矣其言甚善願其常存此心畏我恒守我誡命永能受福爰及子孫爾且命民歸慕爾必侍立我側我示爾以誡法度禮儀爾普告於民使於我所錫之地遵行不失故爾上帝耶和華所命爾當遵行無所偏倚則可保生納福於爾所得之地而享遐齡

第二十三章 爾上帝耶和華諭我以誡法度禮儀示爾爾宜恪守於爾所往據有之地爾與子孫當畢生畏爾上帝耶和華守我所傳之法度禮儀則可享遐齡以色列族乎宜聽我言而守此命則於產乳與蜜之地爾可納福昌熾循爾祖之上帝耶和華所許爾者以色列族聽之哉爾之上帝耶和華惟一而已爾當盡心盡意盡力愛爾上帝耶和華我今日所命爾者當存於心勉誨子處於室行於途或寢或興恒以此爲訓以其箴言繫於手服於頸銘於幘書於門以爲記錄昔爾上帝耶和華誓爾祖亞伯拉罕以撒雅各賜爾以地在彼有邑美而且廣爾所未建者宅第中充以嘉物爾所未充者有井爾所未鑿者有葡萄園橄欖樹爾所未植者既導爾入以此與爾食之果腹當斯時也爾宜謹恪勿忘耶和華導爾出埃及脫爾於賤役當畏爾上帝耶和華而奉事之指

其名而發誓^{十四}。四方民之上帝，爾勿從之^{十五}。恐爾上帝耶和華震怒，滅爾於地。蓋爾上帝耶和華斷不容以他上帝匹之。勿試耶和華爾之上帝。如昔在馬撒然^{十六}，爾上帝耶和華所垂之誠命、法度、禮儀，爾當恪守^{十七}。耶和華所視爲善，爾當行之。則耶和華所誓爾祖，欲與爾之腴壤，爾可入之，以納福。耶和華亦必驅逐爾敵，踐其前言^{十八}。越至後日，倘爾子詰爾曰：「我上帝耶和華所諭之誠命、法度、禮儀，其意何居？」爾必曰：「我昔在埃及爲法老服役，耶和華施其大能，導我出彼行，其異跡奇事，降罰於埃及，及與法老及其宗室，我所目擊，既拯我出，導我至此，以所誓我祖之地錫我，於是命我，畏我上帝耶和華，守其禮儀，則必賜福，保我生命，以今日之事爲證。」如我謹恪遵此誠命，則可稱爲義於我上帝耶和華前。

第七章 厥後，爾之上帝耶和華，導爾入所得之土，驅逐赫人、革迦西人、亞摩哩人、迦南

人、比哩洗人、希未人、耶布士人。此七族較爾強大，爾之上帝耶和華，既以之付爾，則爾勿姑縱，必攻擊之，殲滅之，勿與立約。爾與彼勿相嫁娶，爾女不得適其子，爾子不得娶其女。其女必使爾子不從我，反從他上帝。如是，耶和華震怒，絕爾甚速^五。必摧其壇，毀其像，斫其偶，所雕刻之形，燬之以火。爾之待彼必如是。爾上帝耶和華，於天下億兆中，特遴選爾，以爾爲寶，成聖之民，役事上帝。爾較凡民，其數維寡。耶和華愛爾，擇爾，非爲爾曹衆多也。乃爲疇昔發誓，許爾祖宗，亦爲悅爾故，施其大能，導爾出埃及，拯爾於法老，脫爾於賤役，以踐其前言。汝必知爾之上帝耶和華，誠爲上帝，眞實無妄，愛上帝守其

誠者必循前約。加以仁慈。垂至千百世。惡上帝者。彰其果報。速行殲滅。故我今日所傳之誠命。法度禮儀。汝當遵行。如爾聽從。守此法度。則爾之上帝耶和華與爾祖所發之誓。欲矜恤爾者。必踐其言。於所誓爾祖。欲錫爾之地。將眷愛爾曹。錫爾純嘏。俾爾昌熾。使爾誕育牛羊蕃息。物產豐亨。酒穀與油。不可勝數。爾蒙錫嘏。較四方之民尤多。男女牲畜。無不生育。耶和華於爾中除諸疾疫。埃及人所患之厲病。爾所識者。必不加爾。乃加爾敵。爾之上帝耶和華。以他民付爾。爾勿姑縱。乃必殲滅。勿事其上帝。恐陷爾於坎阱。勿意謂斯民較我衆多。曷能驅逐。爾毋畏。當憶疇昔。爾上帝耶和華降罰於法老。與埃及施大能巨力。行異蹟奇事。降災於敵。拯爾出彼。爲爾目擊。爾今所畏之民。必爲爾上帝耶和華所罰。無異於昔。如有自匿。脫於爾手。爾之上帝耶和華必使大蜂驅逐。致之滅亡。爾毋懼敵。蓋爾上帝耶和華大而可畏。以左右爾。將漸以逐斯民。惟不欲速。免致野獸孳生。爾之上帝耶和華既屢敗爾敵。大滅其能。將王及民付於爾手。則爾當滅其名於天下。無人能禦爾。待爾殲之。雕刻之像。像上帝者。乃爾上帝耶和華所惡。必燬以火。如其上飾以金銀。爾毋貪。毋取。恐陷爾於罪。毋攜可惡之物入室。必憾之絕之。不然。爾必見絕。有類於彼。

第四章 我今所垂之誠。爾必遵行。則可入耶和華所誓爾祖之地。據而有之。以延生命。克昌厥後。爾當憶爾上帝耶和華。導爾於野。歷四十年。使爾自卑。以試爾心。使知果守其誠與否。當斯時也。使爾饑餒。以嗎喏飼爾。斯嗎喏爾祖與爾未識。使爾知人得生。不

惟餅。惟耶和華所命。歷四十年。爾衣不敝。爾足不胝。爾當心知。爾上帝耶和華督責爾。如人督責其子。故爾寅畏爾上帝耶和華。守其命。從其道。爾之上帝耶和華導爾入腓。地。水泉溪河深淵皆出自陵谷。其土產小麥。薺麥。葡萄。無花果。菓。石榴。橄欖。油與蜜。在其地可食餅。無艱苦。無匱乏。取其石卽鐵。鑿其山卽銅。爾食果腹。必以所賜之腓。壤。頌爾之上帝耶和華。慎勿忘之。今日所垂之誡命。法度。禮儀。不可違逆。旣建美室以居。食而果腹。牛羊蕃息。金銀無數。所有之物。旣豐且盛。恐爾驕奢。忘爾之上帝耶和華。昔導爾出埃及。脫爾於賤役。經歷曠野。其境甚廣。其形可畏。在彼有毒蛇。蠍蟲。旣至無水之地。則由堅磐出水。以飲爾曹。居於曠野。以爾祖未識之嗎。喲。飼爾。使爾自卑。以試爾心。終有裨益。恐爾意謂由己力已能。獲此貨財。當憶爾上帝耶和華。以能賜爾。俾爾致富。以踐所許爾祖之盟約。卽以今日所有者爲證。如爾忘爾上帝耶和華。從他上帝。以奉拜之。我今日告爾。爾必死亡。旣違爾上帝耶和華命。則必見滅。如四方之民爲耶和華所滅然。

第四章 以色列族尙其聽之。今日爾渡約但。有較爾强大之民。其城垣廣大。高可參天。爾將得之。彼爲亞納後裔。軀幹雄偉。爾不聞諺云。孰能敵亞納人乎。爾今當知。爾之上帝耶和華如火之燎。爲爾先導。覆滅爾敵。使爾驅逐之。敗亡之。其事甚速。應其前言。旣驅之後。爾勿意謂。我儕有義。故耶和華使得斯土。實因斯民行惡。故耶和華驅於爾前。爾之得土。非爲爾正心行義。乃爲斯民行惡。爾之上帝耶和華驅之於爾前。以踐其所

誓爾祖亞伯拉罕以撒雅各之言。然爾實強項不馴。爾當知爾上帝耶和華。非爲爾義。錫爾腴壤。使爾據之。爾之前事。當憶弗忘。爾在曠野。上帝耶和華震怒。自出埃及之日。越至於此。違逆耶和華。在何烈山。爾于厥怒。耶和華欲殲滅爾。當時我陟山。受其石碑。卽耶和華與爾所立之約。居山凡歷四旬晝夜。不食餅。不飲水。耶和華以手書二碑。賜之於我。昔民大會之日。耶和華在山。火焰中所垂之誠。書於石上。四旬後。耶和華以盟約之二碑。賜我。諭曰。爾當速下。爾所導出埃及之民。已喪厥心。我示之道。違之甚速。鑄作偶像。又曰。我鑒此民。強項不馴。爾勿禱我。我盡滅之。塗抹其名於天下。我將使爾裔較彼昌大衆多。我旋踵下山。厥火炎炎。手攜法律之二碑。我見爾於爾上帝耶和華所示之道。違之甚速。鑄像如犢。我擲二碑。毀於爾前。爾旣犯罪。行惡於耶和華前。以干厥怒。耶和華欲殲滅爾。我甚畏懼。仍伏其前。四旬晝夜。不食餅。不飲水。耶和華允我所祈。維時。耶和華震怒亞倫特甚。欲行翦滅。我代之祈。爾素犯罪。以鑄像如犢。我熱之以火。擣之爲粉。揚於山溪。昔於大比刺馬撒。乞律夏大法。爾于耶和華震怒。亦在迦鐵巴尼亞。耶和華遣爾前往。以得所錫之地時。爾違逆爾之上帝耶和華。不信其言。不從其命。自我識爾之日。爾橫逆耶和華。我聞耶和華欲殲滅爾衆。仍伏其前。歷四旬晝夜。禱耶和華曰。我主耶和華。施其巨能。以贖斯民。導出埃及。請勿殲滅。求爾憶念爾僕。亞伯拉罕。以撒。雅各。毋念斯民之剛愎。乖戾。罪愆。爾昔導民出於彼境。其人必將曰。因耶和華不能導斯民入所許之地。又因憾斯民。故導之出。滅之於野。然斯民也。誠爲爾所

得之民。爾以巨能大力，導出埃及。

第十章 當時，耶和華諭我曰：「仍製二碑，必遵前式，亦作木匱，陟山觀我。昔在石上，勒以箴言，爲爾所毀。我今復書，當藏於匱。」於是，我以阜茨木作匱，製二石碑，與前無異，執以登山。民會之日，耶和華在山，由火中，以十誡諭爾，循其前言，書於碑上，錫之於我。我旋踵下山，以二碑藏所作之匱，遵耶和華命，至今猶存。以色列族巡征，離庇尼雅十泉，至摩西拉亞，倫死於彼，葬於彼。其子以利亞撒繼爲祭司，自此而行，至谷坳大，自谷坳大至約巴，在彼有溪河。當時，耶和華區別利未支派，使昇耶和華約匱，立於其前，以奉事之。籲其名而頌禱，卽以今日之事爲證。故利未人在同儕中，俱無恒業，惟人獻於耶和華者，皆必歸之。循爾上帝耶和華所許，我居於山，四旬晝夜，與昔無異。耶和華復允我祈，不加殲滅於爾，命我啟行，爲民先導，得主所誓爾祖之地。○以色列族乎，爾上帝耶和華，使爾所爲何事，第畏爾上帝，行由其道，一心一意，愛之事之，恪守我今日所傳耶和華之禮儀禁令，以納福祉。天與天上之明宮，地與地上之萬有，咸屬於爾上帝耶和華。惟耶和華眷愛爾祖，特於天下億兆中，遴選其裔，以爲己民。卽以今日之事爲證。故當潔爾心，毋強爾項，蓋爾之上帝耶和華，乃諸上帝之上帝，諸王之主，巨能可畏之上帝，不偏視人，不取賄賂，爲孤寡伸冤，矜恤旅人，賜之衣食。爾亦當矜恤旅人，緣昔爾曹旅於埃及，爾當寅畏爾上帝耶和華，而奉事之，恒從其道，惟指其名而發誓。爾之上帝，特爲爾曹行斯大事，深爲可畏，爾所目擊，故當頌之。昔爾列祖往埃及時，惟七十人，今

爾上帝耶和華使爾昌熾如天星之衆多焉。

第三章 爾當愛爾之上帝耶和華供其役事行其禮儀守其法度遵其禁令歷久不輟爾之上帝耶和華所督責爾之事爾之子女未嘗目擊故我不與之言惟爾知厥大能巨力昔在埃及行其異蹟以大作為罰埃及王法老及民埃及軍旅車馬追襲爾後耶和華使紅海覆沒之殲滅之爾遊曠野至於斯土上帝所爲爾素知也其罰流便人以利押子大單亞庇蘭使地口孔張吞噬其衆與其眷聚帷幕暨凡所有絕於以色列族中耶和華所爲之大事爾皆目擊故今所諭之誡命爾必恪守自強厥志以得所往之土昔耶和華誓以產乳與蜜之地錫爾列祖爰及後裔爾旣入彼據有斯土可享遐齡昔在埃及爾所自出之地旣播其種必以桔槔灌之如灌蔬圃惟爾所往之地不然乃有陵谷爲天雨所沃亦爾之上帝耶和華垂顧斯土自年始及年終鑒觀不輟我今日所諭之命爾其聽之一心一意愛爾上帝耶和華而奉事之則秋霖春雨必降於爾土使爾獲穀及酒與油以果爾腹田有草萊牲畜得芻爾當謹恪勿聽誘惑違逆耶和華奉事崇拜他上帝恐耶和華震怒使天地閉塞霖雨不降物產不生雖在耶和華所賜之腴壤而爾滅亡甚速必以我言藏於爾心誌於爾衷繫於手服於頰以爲記錄誨爾子女或處室或在途或寢或興以此爲訓銘於櫪書於門昔耶和華誓以斯土錫於爾祖爾與爾子居之得享遐齡如天地之恒久爾守我命愛爾上帝耶和華行由其道恒守弗失則較爾强大衆多之民耶和華必軀之使爾得其土爾足所履之地必爲爾

得自曠野至利巴嫩。自百辣河至西海。爾之上帝耶和華必應前言。使爾所至之地。其民驚懼。不能捍禦。○今日我以純嘏咒詛。置於爾前。爾上帝耶和華之命。我傳於爾。爾如恪守。則可蒙純嘏。使不違其命。違我所諭之道。從他上帝。汝素未識者。則必遭咒詛。嗣後。爾上帝耶和華導爾入所得之地。必以純嘏宣播於其哩心山。以咒詛彰明於以八山。此二山在約但西。日入之所。迦南人地。吉甲相對之平原。近摩哩之橡樹。爾今渡約但河。得爾上帝耶和華所錫之地。據而有之。我所命之禮儀法度。爾當恪守焉。

第十三章 爾祖之上帝耶和華錫爾得土。畢生居彼。所當守之禮儀法度。今詳言之。爾所驅之民。服事其上帝。無論高山之巔。茂林之下。爾必廢其處。摧其壇。毀其像。熱其偶。斫其所雕刻之形。滅其名於斯土。惟爾不可如是以事爾上帝耶和華。爾之上帝耶和華於爾支派中。特簡一室。爲爾族籲名之所。爾必詣斯室以禱告。爾之燔祭。祀品。所應輸之什一。所奉獻許願樂輸之禮物。及牛羊首生之牡者。俱必攜之至彼。於爾上帝耶和華前食之。所爲之事。旣蒙錫嘏。故爾及眷聚。必欣喜歡忭。今日於此。人各行所欲行。惟至爾上帝耶和華所錫爾逸豫之業。則不可如是。汝旣渡約但河。至爾上帝耶和華所賜之業。得脫於諸敵。安居斯土。則所命之燔祭。禮物。所應輸之什一。所奉獻。所許願。以供耶和華者。俱必攜之。至爾上帝耶和華所簡之室。籲名之所。爾與子女僕婢。必欣喜在爾上帝耶和華前。利未人主於爾家者。旣無恆業。亦必使同樂。慎勿隨在獻其燔祭。惟於爾支派中。耶和華所簡之處。在彼獻祭。循我所命。旣蒙爾上帝耶和華錫嘏。可

隨在遂其所欲。宰牲食肉。無論潔與不潔之人。俱可食之。如爾食麀鹿然。勿食血。必流於地。如水之流。穀與油及酒。所應輸之什一。或牛羊之首生。所許願樂輸。舉而獻之。禮物俱不可食於爾家。惟於爾上帝耶和華所簡之處。爾與子女僕婢。及主爾家之利未人。咸必食之。無論所爲之事。爾必欣喜。忭於爾上帝耶和華前。爾居斯土。至於畢生。必當謹恪。勿遺利未人。爾之上帝耶和華。既恢廓爾境。踐其前言。爾欲食肉。亦無不可。惟心所願。如爾上帝耶和華特簡之室。爲人籲名之所。離爾甚遠。則爾可於家中。以耶和華所錫之牛羊。宰而食之。隨心所欲。惟循我命。潔與不潔之人。俱得以食。與食麀鹿無異。但當自守。不可食血。蓋血乃生物之命。故肉尚有血氣者。毋食。必流血於地。如水之流。毋得食之。如是。爾行善於耶和華前。可享福祉。爰及子孫。爾所許願。所奉獻之物。必攜至耶和華所簡之室。爾燔祭之肉與血。當獻於爾上帝耶和華之壇。他犧之肉。爾可食。惟其血。必流於壇前。我今日所命。爾當恪守。行善於爾上帝耶和華前。則可享永福。爰及子孫。爾將前往。驅逐斯民。爾之上帝耶和華。既絕之。使爾得土。則當謹恪。勿陷於坎阱。勿求其上帝。意謂斯民服事其上帝。我亦必如是以行。蓋彼蕪子。女。以事其上帝。凡耶和華所惡之事。無不作爲。爾之事。爾上帝耶和華。勿是則是效。我所諭者。爾必遵行。毋增毋減。

第十三章 如爾中有先知。有作夢者。預言異蹟奇事。所言有應。卽教人曰。別有上帝。宜從而事之。然此上帝。爾所未識。故勿聽其言。蓋爾上帝。試爾。欲知爾一心一意。愛爾上

帝耶和華否。惟爾當遵從敬畏爾上帝耶和華。守其誠。聽其命。恆久事之。昔爾上帝耶和華導爾出埃及。脫爾於賤役。惟彼先知與作夢者。欲使爾違爾上帝耶和華。離其生命之道。則必見殺。爲爾中絕其惡。如爾同母之兄弟。或爾子女。或眷愛之妻。或契合之友。私誘爾曰。宜服事他上帝。然此上帝爾與爾祖所未識者。或四周遠近諸民之上帝。自地極至天涯。爾毋允從。毋聽順。毋姑縱。毋矜恤。毋藏匿。爾先擊之。後民擊之。必殺毋赦。彼欲惑爾。俾爾違逆。故當以石擊之。致之於死。蓋導爾出埃及。脫爾於賤役者。爾上帝耶和華是也。以色列族衆。既聞是言。震驚特甚。不復行此惡於爾中。爾上帝耶和華錫爾衆邑。俾爾居處。浸假一邑之中。有匪類誘其居民。事素所未識之上帝。爾聞之。則必諮諏詳察。如得其情。果行此惡於爾中。則必以刃擊斯邑民。滅其牲畜。與凡所有。靡有孑遺。聚其貨財於衢中。與邑同焚。奉爾上帝耶和華。使其邑永爲瓦礫。毋得再建。可有惡之物。毋存於爾手。宜聽爾上帝耶和華之命。守我今日所傳之誠。行善於爾上帝耶和華前。則耶和華息其烈怒。矜恤於爾。使爾昌熾。踐所誓爾祖之言。

第十四章

爾皆係爾上帝耶和華之子。毋爲死者薙髮割肉。蓋爾上帝耶和華特於天

下億兆間。遴選爾曹。以爾爲寶。成聖之民。毋食可惡之物。凡茲畜牲所可食者。卽牛。綿羊。山羊。鹿。麂。赤鹿。麝。羊。麀。麋。凡畜分蹄支趾。反芻出齧者。俱可食。第分蹄不可食。第反齧不可食。駝。兔。吵。蟠。雖反齧而不分蹄。是以不潔。豕雖分蹄。而不反齧。亦不潔。其肉勿食。其尸毋捫。水中百族。凡有翅有鱗者。俱可食。無翅無鱗者。必視爲不潔。俱不可食。

當釋之期伊邇，遂睚眦皆同儕之貧乏者，無有所予。其呼籲耶和華，罪歸於爾。爾當予之，賜給之時，心無不悅。蓋爲此故，爾之上帝耶和華，必於凡所爲錫嘏於爾。於爾四境，不無貧者，故我命汝，大啟爾手，賜濟同儕。如爾同儕，希百來人，或男或女，自鬻於爾。六年服役，越至七年，必釋之。既釋之，毋使徒手而去，必由羊羣穀場酒醪，以爲給子。惟取豐腴，循爾上帝耶和華錫嘏於爾。爾當憶念，昔在埃及，爾爲人役，乃爾上帝耶和華贖爾。故我以此諭爾。如僕自言，曾爲主厚待，故愛厥主，與主眷聚，不忍舍去，則必取鑽貫耳於門旁，俾僕恆事其主。爾之待婢，亦必如是。僕既事爾六年，則值倍於傭人，故釋之時，毋以爲難。如是，爾上帝耶和華，於凡所爲，必錫嘏於爾。○牛羊首生之牡，俱必獻於爾上帝耶和華。首生之牛，毋使耕耘；首生之羊，毋翦其毛。爾與眷聚，必於爾上帝耶和華特簡之室，每歲食之。其體有不備，或跛，或瞽，或有惡疾，則不可祭。爾上帝耶和華，可於爾家食之，潔與不潔之人，俱可食，如食麀鹿然，但不食其血，必流於地，如水之流。

【申命記第十六章】

昔於亞筆月，暮夜之時，爾之上帝耶和華，導爾出埃及，故必於是月，守逾越

節，奉事爾上帝耶和華。當於其特簡之室，爲人籲名之所，獻逾越祭羔，以及牛羊。奉爾上帝耶和華，居此節期，毋食酵。歷七日，必食無酵餅，以識艱苦。昔爾出埃及，惟恐不速，故當憶是事，畢生勿忘。七日間，爾之四境，毋存其酵。節之首日，薄暮，爾之胙肉，毋留於明晨。爾上帝耶和華所賜之邑，毋得隨在獻其踰越節羔，惟其特簡之室，爲人籲名之所。爾於薄暮，必獻其羔，爾出埃及，於日入之後，故獻斯羔，必於斯時烹而食之，在爾上

帝耶和華特簡之室。明晨可歸已舍。六日間必食無酵餅。七日必有會。是日爲大。以奉爾上帝耶和華。咸止工作。○始用鎌刈穀之時。必核七七日。七七日既過。必守節以奉爾上帝耶和華。既蒙其錫嘏。惟心所願。獻禮物以供役事。爾上帝耶和華特簡之室。爲人籲名之所。爾與子女僕婢。及主爾家之利未人。暨賓旅孤寡。俱必欣喜懼。於爾上帝耶和華前。昔在埃及。爾爲人役。當憶勿忘。宜守此法度。○穀場酒醪之所產。既已歛藏。歷至七日。當守構廬節。爾與子女僕婢。及主爾家之利未人。賓旅孤寡。俱必欣喜懼。歷至七日。必守節。奉爾上帝耶和華。於其特簡之室。爾之物產。爾之造作。既蒙爾上帝耶和華錫嘏。則必欣喜懼。爾之丁男。必至上帝耶和華特簡之室。歲凡三次。卽無酵節。七七日節。構廬節。觀耶和華時。毋徒手而至。既蒙爾上帝耶和華錫嘏。各隨其力。而供給焉。○於爾上帝耶和華所賜爾諸邑。各支派中。當立刑官族長。使其秉公鞠民。毋反其正。毋偏視人。毋受賄賂。蓋賂使明者暗。以直爲曲。當循其大公。則可得生。獲爾上帝耶和華所錫之地。爾築壇奉爾上帝耶和華。毋樹木偶於側。毋立像。俱爲爾上帝耶和華所惡。

第二十章 牛羊體有不備。或有惡疾。爲爾上帝耶和華所惡。故不可以獻祭。爾上帝耶

和華所錫之邑中。如有男女作惡。違爾上帝耶和華之約。服事崇拜他上帝。或日月。或天象。爲我所禁者。既已風聞。則必諮諏詳察。如得其情。果行此惡於以色列中。則必攜行惡之男女。至於邑門。石擊致死。當殺之人。有二三人爲證。必殺毋赦。證人惟一。則不

可證人必先擊之衆民後擊之致之於死如是絕惡於爾中○如爾邑中有訟事爲流血爲爭競爲加害爾所難鞫者則必詣爾上帝耶和華特簡之室見祭司利未人或位之刑官請其諮詢爲爾聽訟彼在耶和華特簡之室指示其故爾必遵言以行彼以法度典章明告於爾爾必遵循勿偏於左勿偏於右祭司侍於爾上帝耶和華前以供役事有人擅行而不聽從并不服於刑官則必死毋赦如是絕惡於以色列族中民間此必畏不敢擅行○爾既至爾上帝耶和華所錫之地據而居之意謂必立王如列邦之民然則必以爾上帝耶和華所簡者立之爲王必爾同儕不取外族王之馬駒毋得增益毋使民歸埃及以購羣馬蓋耶和華曾諭爾曰不得復往此途王之嬪妃不可加多恐心昏迷亦不得廣積金銀既登國位必從祭司利未人所存之律法錄成卷冊存之於側畢生誦之則知畏其上帝耶和華遵其律法行其禮儀心勿驕奢藐視同儕勿違誠命勿偏於左勿偏於右則可享遐齡爰及子孫於以色列族中

第二十八章 有獻燔祭奉事耶和華祭司及利未支派之人可得而食彼在同儕以色列族中俱無恆業惟耶和華所享之禮物爲其所得以遵厥命祭司於民間所得者有定例焉凡獻牛羊爲祭必以肩頰及脾子祭司又必以穀及酒與油之初成者羊毛之首翦者供之祭司蓋爾上帝耶和華於諸支派中遴選祭司爰及子孫使永立於前憑藉其名以供役事如有利未人曾旅於以色列族衆邑之中厥後離彼一心欲詣耶和華特簡之室則必與他利未人共立於上帝耶和華前憑藉其名以供役事此利未人雖

鬻祖業得金，亦必與他利未人共食。○爾曹至爾上帝耶和華所錫之地，彼民所爲可惡之事，爾勿則效。凡焚獻子女及卜筮術數，占師巫覡，或左道，或崇憑於卜神者，或爲巫覡，或用術而招魂者，俱勿留於四境之內。蓋此事爲耶和華所惡，凡行之者，爲爾上帝驅逐於爾前。爾所據之地，其民曾從卜筮術數，惟爾上帝耶和華不容爾行是。爾當德備於其前。○厥後，爾上帝耶和華將於爾同儕中，挺生先知如我，爾其聽從。昔於何烈民會之日，爾求爾上帝耶和華曰：「我上帝耶和華之聲，毋庸再聞，厥火炎炎，毋容復見，恐我死亡。」當時，耶和華諭我曰：「民言甚善，我必於其同儕中，挺生先知若爾，我將以我言授於其口，使以我命告衆。彼傳我命，有不聽從者，我必討其罪。但先知擅藉我名，言我所未嘗諭者，或藉他上帝之名而言，則必死亡。」如爾意謂，耶和華所未嘗諭者，曷能知之？夫彼先知，藉耶和華之名而言，事有不應，則弗由耶和華而出，乃自擅而言，爾毋畏之。

第九章 爾之上帝耶和華，旣絕斯民，以地錫爾，使爾安居其邑，則於疆圉之中，區別三邑。所得之境，必分爲三，亦修其途，使殺人者，可遁於彼；殺人者，遁於彼，全其餘生，亦有定例。凡無讐怨，誤傷人命，如人與同儕，入林樵採，舉斧斫木時，鐵偶離柯，致擊同儕，以至於死，則其人必遁於斯邑，存其餘生，恐被殺之戚屬，中心如焚，追襲其後，以途延長，及而殺之。然彼殺人者，本無讐怨，罪不至死，故我諭汝區別三邑。如爾遵從我所諭之命，愛爾上帝耶和華，恆行其道，蒙爾上帝耶和華循其所誓爾祖之言，恢廓爾境，以

所許之地錫爾，則必於三邑之外，別設三邑，免無辜之血流於耶和華所錫之地。爾可不陷於此罪。如人讐怨同儕，伏而擊之，以致於死，後遁於斯邑，則彼邑之長老必遣人執之，付於被殺者之戚屬，以償其命。爾勿姑縱。如是，可絕殺人之罪於以色列族中，而爾納福。○爾上帝耶和華所賜之地，爾據而有之，則隣里之界址，前人所定者，毋得遷徙。人犯罪愆，必有二三證人，則可定擬。證人惟一，則不可。如有妄證以罪歸人，兩造具備，立於耶和華前，及在位之祭司、刑官前，刑官諮諏之。如果妄證，欲害同儕，則必加刑於妄證者，以其所欲害人之罪歸之。如是，絕惡於爾中，使他人聞而懼，勿復行是惡。爾勿姑縱，乃必以命償命，目償目，齒償齒，手償手，足償足。

第二十章 爾與敵戰，見車馬人民較已尤衆，則毋畏懼。蓋爾上帝耶和華昔導爾出埃及，必輔翼爾。臨陳之時，祭司必至民前，告之曰：以色列族，尙聽之哉。爾今日攻敵臨戰，毋怯心，毋畏蕙，毋恐懼，毋震驚。蓋爾上帝耶和華佑爾，爲爾攻敵，以拯爾曹。諸族長必告民曰：有人建室，猶未告成，則必旋歸，恐沒於戰，而他人告成。有人植葡萄園，猶未食之，則必旋歸，恐沒於戰，而他人食之。有人聘妻，猶未娶之，則必旋歸，恐沒於戰，而他人娶之。族長亦必告民曰：有人畏蕙怯心，則必旋歸，恐其同儕喪膽，與彼無異。族長告民既竟，可立數督，以率衆旅。○爾臨城攻之，先告以和。如以和相應，自啟邑門，則彼邑民必入貢而服事爾。如不欲和，乃必欲戰，則爾可迫而攻之。迨爾上帝耶和華付於爾手，以刃擊諸丁男，奪其妻孥牲畜，與邑中所有之貨財，爾上帝耶和華以敵所有錫爾，爾

可得之。凡邑離爾甚遠，不屬於斯土者，爾必待之如是。惟赫人、亞摩哩人、迦南人、比哩洗人、希未人、耶布士人，爾之上帝耶和華以其邑付爾得之，爾必盡滅其衆，凡有血氣者，不全其生。遵爾之上帝耶和華命，彼奉其上帝，行諸可惡之事，爾若則效之，卽于犯爾之上帝耶和華，爾環城而攻，爲日已久，欲取其地，勿以斧砍樹，夫樹結果，足以養人，毋得砍伐，以製攻城之器。惟爾所知無果之樹，則可砍伐，積之成壘，迨於城破之日，然後已。

於爾之上帝耶和華所錫之地，田畝間，遇見殺者之尸，不知誰殺，則爾之長老刑官，必於四周之邑，度其遠近，如有一邑甚近，邑之長老必取牝犢，未負軛工作者，攜犢至活水之谿，其地未嘗耕耘播種，則於谿中斫犢之頸，祭司利未人必適其所，蓋利未人爲爾之上帝耶和華和所簡，以供服役，籲其名而祝告，凡諸爭競加害之事，爲利未人定擬。甚近之邑，其長老，必於宰犢谿中盥濯其手，稱曰：此人非我所殺，其死非我所見。耶和華歟，爾贖以色列民，願赦其罪，勿以殺人之罪，歸之無辜。於是，斯罪可赦。爾既行善於耶和華前，則殺人之罪，不歸於爾。○爾與敵戰，蒙爾之上帝耶和華付於爾手，爾擄其衆，其間見有殊色者，欲娶爲妻，則必攜歸，使薙髮修爪，擄時所衣者去之，居於爾家，爲父母哀哭，歷至一月，厥後，可與同寢，成爲夫婦。如不見悅於爾，則容之去，以隨其意。爾既有玷於彼，則勿鬻於人，勿視若賤役。人有二妻，一見愛，一被惡，各育後嗣，而被惡者之子爲冢子，則遺業時，不可以見愛者之子爲冢子，乃必以被惡者之子爲冢子。

爾力方剛，得此冢子，長子之業，誠屬於彼。彼雖被惡者所出，亦當倍其業以與之。人有悖逆之子，父母督責，不聽其言，則必執之，攜至邑門。長老前告曰：「此子悖逆，不聽我言，沉洄蕩檢，則邑衆必石擊致死。如是除惡於爾間，使以色列族聞而懼焉。」人犯罪，被懸於木，必是日葬之，勿使尸懸竟夜，恐爾上帝耶和華所錫之地，致蒙不潔。蓋懸於木者，服咒詛也。

爾見同儕之牛羊，迷於歧路，勿掩目弗視，必返之於同儕。如同儕離爾甚遠，或素不相識，則取牛羊以歸，留於爾家，迨同儕求之，然後反之。其驢其衣，凡同儕所失之物，而爾得之，俱必如是。勿掩目弗視，乃必反之。爾見同儕之牛驢，途間伏地，勿掩目弗視，乃必助同儕扶而起之。女母衣男衣，男母衣女衣，凡行此者，爾上帝耶和華所惡。如途間見鳥巢在樹，或在隙地，無論有雛有卵，或有雌鳥伏卵伏雛，則不可兼取。必縱雌鳥去，惟取其雛。如是，爾納福祉，而享遐齡。若爾建室，四周之上，必緣以垣，恐人傾跌，罪歸於爾。勿以各種雜播於園。若然，則其所產，與園中之果，俱必獻於上帝。毋得牛驢並耕。泉與絨間織之衣，勿衣。爾衣之四裾，作絡於其上。有人娶妻，既同寢而見憎，委之以惡名曰：「我娶此婦，與之同寢，則知其非處女也。」女之父母，必攜處女之據，至於邑門，以謁長老，曰：「我以女適此人，而爲其所惡，委以惡名，謂非處女。然彼誠處女，確有據焉，當展其布於長老前。長老必責其人，使攜女以歸，畢生不休，罰金五十，以予女之父。」因委惡名於以色列族之處女故也。然所告者，果屬非虛，而處女無據，既行不端於

以色列族中在父家爲妓則必攜女至父門外使邑衆以石擊之致死如是絕惡於爾中^{二二}有與他人之妻同寢爲人所見則淫夫淫婦俱必被殺如是絕惡於以色列族中有處女受聘於人而他人遇於邑中與之苟合^{二四}女在邑中爲男所辱而不號呼二者必攜至邑門石擊至死如是絕惡於爾中人遇受聘之女於田強之行淫則其人必死^{二六}女既在田號呼無救故女無罪不當致死其事與人攻同儕而殺之者相同^{二八}人遇未聘之女強之苟合其事既露則必以金二十五^{二九}子女之父既辱是女必娶以歸畢生不休父之繼室勿烝之烝之則辱及於父

第五章 傷外腎或被閹割者不得入耶和華會^一茲生之子至於十世不得入耶和華會^二亞捫人摩押人雖歷十世至於永遠亦不得入耶和華會^三因昔爾出埃及彼不以餅以水迎饋其師亦因以金賂庇耳子巴蘭俾自米所波大米之比^四奪至以咒詛爾故也惟爾上帝耶和華愛爾故不聽巴蘭乃變詛爲祝福^五緣此亞捫人摩押人爾曹勿與之和好勿助其獲利雖至終身不變^六以東人係爾同族毋得銜憾爾素旅於埃及亦毋得銜憾^八至其三世之孫則可入耶和華會與敵戰時慎勿行惡如夜夢遺致蒙不潔則當出營必濯己身^十迨夕乃入營外必有一所以便洩溺^{十一}器中有鏹在外遺矢必先掘地既遺則反身掩之^{十二}蓋爾上帝耶和華遨遊於營中以拯爾曹敗亡諸敵故營必爲潔恐見汚物與爾相離^{十三}僕離主投爾毋返厥主必容同居無論何室隨其所欲爾勿相迫^{十五}以色列族中女勿爲娼妓男勿爲變童^{十六}僱娼之值市犬之金俱爲爾上帝耶和華所惡故勿

許願攜入其室以金及糧與器貸與外人可索其利貸爾同儕則勿若是凡所作爲可望爾上帝耶和華錫嘏於爾所得之地爾發願於爾上帝耶和華前彼必取償於爾不償有罪故償之勿遲不發願則無罪言出於口許願樂輸於爾上帝耶和華前必償毋緩二四入人葡萄園食菓果腹可也盛之於筐則不可入人禾稼可摘其穗無用鎌以刈二五而後適如其後夫亦不見悅作離書付於其手而出之或其後夫死亡則其前夫既已棄之爲人所玷不可再娶此耶和華所惡也爾上帝耶和華錫爾以地不可污穢人新娶不可往戰亦不可任以事必歷一年處於家中以悅其妻毋取上下磨爲質蓋人藉此以得生如以色列人掠同族鬻之於人視若賤役必死毋赦如是除惡於爾中人患癩疾當謹遵祭司利未人之例循我所命昔出埃及時爾上帝耶和華於途間罰米哩暗事爾當憶念如貨物於同儕毋入其家以取其質必立於外待其攜質而出如其匱乏則勿取質留之信宿日入時必反之使衣衣而寢後祝福於爾則爾上帝耶和華必以爲義傭人貧乏無論同族及旅於爾家者爾毋虐取屆期必給以值日未沒時給之蓋其貧乏希望惟此若其不得恐呼籲耶和華以罪歸爾不可因子殺父因父殺子各任其罪以就戮賓旅與孤毋反其正勿以罄衣爲質爾之前事當憶勿忘爾在埃及嘗爲人奴爾上帝耶和華救爾於彼故我諭爾行此爾獲田所產有遺一束毋反以取必留於賓旅孤寡則爾所爲爾上帝耶和華必錫純嘏既撲橄欖樹毋庸復撲摘葡萄菓

毋得再摘所遺者必留於賓旅孤寡爾之前事當憶勿忘爾在埃及嘗爲人奴故我諭爾行此

第五章 人有訟事必就刑官刑官聽訟以義人爲義以惡人爲惡惡人宜受扑責刑官俯伏於前依罪受罰扑惟四十毋踰其數恐受扑過多則爾藐視同儕碾穀之牛勿籠其口如兄弟同居其一無子而死則其妻不可他適其弟可娶之與嫂同室首生之子必爲兄嗣使不絕其名於以色列族中如弟不欲則嫂必赴邑門見長老曰我夫之弟不欲其兄得嗣於以色列族中故不與我同室長老必召而問之如仍不欲則嫂必於長老前解夫弟之履唾於厥面曰不欲代兄生子爲嗣者必如是待之後在以色列族中必以解履名其人有二人相鬪其一之妻前欲援其夫脫於擊者之手而執其下體則必斷其手爾勿姑縱囊內勿有異衡法一大一小家中勿有異量法一大一小衡量法度惟一執其公平則可享遐齡於爾上帝耶和華所錫之地凡行非義如此則爲爾上帝耶和華所惡○昔出埃及亞馬力人所行汝必記念爾途間困憊亞馬力人不畏上帝擊爾後隊之荏弱者爾上帝耶和華脫爾於衆敵俾爾綏安在其所錫之地爾曹必滅亞馬力族於天下當追憶勿忘

第六章 爾既至爾上帝耶和華所錫之地據而居之則必以斯土所出之初實盛之於筐詣爾上帝耶和華特簡之室爲人籲名之所見在位之祭司曰我於今日明告我上帝耶和華前所誓列祖欲錫我之地我已至之祭司取筐於爾手置爾上帝耶和

華壇側。爾在上帝耶和華前必告曰。吾祖亞蘭人。遊牧無定。攜人無多。以往埃及。於彼昌大。繁衍其族。埃及人薄待我儕。困苦相加。徵役煩苛。我呼籲我祖之上帝耶和華。蒙其垂聽。鑒我困苦。備歷艱難。受人暴虐。所以施其大力巨能。行其奇事異蹟。事事可畏。拯我出埃及。導我至此。錫我產乳與蜜之地。今耶和華所賜土之初生。我攜之至。禱告既畢。當置土產於爾上帝耶和華前。俯伏崇拜。緣爾上帝耶和華以福嘏錫爾。爰及眷聚。當欣喜懽懽。亦使利未人及主爾家之賓旅。無不偕樂。每三年。以土所產十輸其一。給於利未人。及賓旅孤寡。使食於爾家。以果其腹。既畢其事。則於爾上帝耶和華前告曰。所當獻之物。已出之我家。給於利未人。及賓旅孤寡。循爾所命。無所干犯。並弗遺忘。所當獻之物。遇有喪之時。我未食之。爲不潔之事。我未取之。爲祀亡之用。我未予之。循我上帝耶和華命。遵其所諭而行。自天上聖室。俯鑒爾民以色列族。並所誓我祖給我產乳與蜜之地。俱蒙錫嘏。○摩西又曰。爾上帝耶和華以禮儀法度諭爾。故當一心一意。遵行弗失。今日汝以耶和華爲爾上帝。言必由其道。守其禮儀。禁令。法度。耶和華今日以爾爲民。視之如寶。踐其前言。如爾恆守其誠。則必舉爾於高。勝於所造四方之億兆。肇錫嘉名。加以尊榮。可爲聖民。以事爾上帝耶和華。循其所許。

第二十七章 摩西與以色列族長老。諭民曰。我今日所諭爾者。爾當恪守。爾祖之上帝耶和華。誓以產乳與蜜之地。錫於爾曹。爾濟約。但。以入斯土。必立大石。堊以泥沙。書律法諸言於上。既濟約。但。必立我今日所諭之石。於以八山。堊以泥沙。必以石築祭壇。奉

爾上帝耶和華，毋用鐵器造作，毋雕鏤石，以築斯壇，必獻燔祭於其上，奉事爾上帝耶和華，亦獻酬恩之祭，在彼式食，欣喜懽忭，於爾上帝耶和華前，當以律例諸言，明勒於石。摩西與祭司利未人，告以色列族曰：爾其靜謐，謹聽斯言。爾今日爲上帝耶和華之民，故必順從其命，遵我今日所諭之禁令禮儀。○當日，摩西諭民曰：汝既濟約但，使西面利未猶大，以薩迦，約瑟，便雅憫，立於其哩心山，爲民祝嘏，使流便，迦得，亞設，西布倫，但，納大利，立於以八山，言所當服之咒詛。利未人必厲聲告以色列族曰：雕刻鎔鑄之像，人工所作，耶和華所惡，有製而立於私地者，當服咒詛。民必羣應曰：固心所願。又曰：藐視父母者，當服咒詛。民必羣應曰：固心所願。又曰：遷徙隣里之界址者，當服咒詛。民必羣應曰：固心所願。又曰：使瞽誤途者，當服咒詛。民必羣應曰：固心所願。又曰：竄訟時而反其正者，當服咒詛。民必羣應曰：固心所願。又曰：烝父繼室，辱及於父者，當服咒詛。民必羣應曰：固心所願。又曰：淫於獸者，當服咒詛。民必羣應曰：固心所願。又曰：亂同父異母，異父同母之姊妹者，當服咒詛。民必羣應曰：固心所願。又曰：烝外母者，當服咒詛。民必羣應曰：固心所願。又曰：陰擊同儕者，當服咒詛。民必羣應曰：固心所願。又曰：受賄以害無辜者，當服咒詛。民必羣應曰：固心所願。又曰：不恆遵律法所載而行之者，當服咒詛。民必羣應曰：固心所願。

第三十八章 如謹聽爾上帝耶和華命，遵行我今日所諭者，則爾上帝耶和華必舉爾升高，勝於天下億兆，使福降臨於爾。今詳言之，在邑獲福，在田獲福，身之所生，土之所

產畜之所出。無論牛羊俱蒙錫嘏。爾筐與搏麵之器俱蒙錫嘏。汝出入之時亦蒙錫嘏。敵攻爾時。耶和華必敗之。其始攻爾也。必合一處而來。及其敗也。必分七途而遁。爾之倉廩。耶和華必降福祉。爾所作爲。於上帝耶和華所賜之地。必蒙錫嘏。如爾守上帝耶和華命。行從其道。則耶和華必以爾爲成聖之民。俾爾服役。踐其所誓之言。天下億兆將知爾得稱爲耶和華民。則畏懼爾。耶和華將使爾嘉物綽然有餘。身之所生。土之所產。畜之所出。於耶和華所誓爾祖欲錫爾之地。耶和華必啟其嘉寶。使天降時雨於爾土。凡所作爲必蒙錫嘏。列邦必稱貸於爾。而爾無庸貸。耶和華必以爾爲端。不以爾爲末。使爾獨在於上。不在於下。我今日所傳上帝耶和華之命。爾當聽從。遵行勿失。不違我諭。不偏於左。不偏於右。不從他上帝而崇奉焉。○如爾不聽從爾上帝耶和華之命。不守我今日所傳之禁令禮儀。則必服咒詛。禍及其身。今詳言之。在邑獲禍。在田獲禍。爾筐與搏麵之器。必加咒詛。身之所生。土之所產。牛羊所出。俱服咒詛。汝出入時。必服咒詛。緣爾行惡。違耶和華命。故爾所作爲。必降咒詛。譴責殲滅。俾爾速亡。耶和華必使爾遭疫癘。迫翦滅爾去。爾所得之土。耶和華必使爾身癆。體瘡。氣熱。膚紅。亦使爾亡於刃。風暴五穀細弱特甚。襲爾以災。迫爾翦滅。爾所覆之天。所載之地。必堅若銅鐵。耶和華使天不降雨澤。惟降塵沙。迫爾殲滅。耶和華必使爾爲敵所敗。爾合一處而去。必分七途而遁。播棄於天下億兆之中。飛禽走獸必食爾尸。無人驅逐。耶和華必以埃及人所患之瘡。癰。疥。癬。醫所不能治者。加乎爾身。耶和華必使爾心狂。目瞽。中懷駭異。

雖至日中，如處幽暗，遍捫不見，與瞽無異。爾凡所爲，不獲亨通，恆被人虐取強據，不蒙拯救。爾將聘妻，而他人與寢，爾將建宅，而不遑居處，栽植園圃，不摘其菓。人宰爾牛於爾前，爾不能食。人據爾驢於爾前，而不返爾。爾羊擄於敵，無人爲援。爾子女擄於異邦，使爾終日瞻望，至於目盲，欲拯無力。爾之土產，爾之操作，將爲爾素所未識之民并吞殆盡。爾將爲人虐取，爲人挾制，歷久如是。爾旣見此，必致心狂。耶和華必加爾以瘡痍，爾膝與股，自頂至踵，無不遍染，醫不能治。耶和華將遷爾，及爾所立之王，至爾與爾祖所未識之國。在彼爾奉事他上帝，木石所作者。耶和華旣散爾於四方，爾將爲人所駭異，作歌譏刺爾之種田，必播之多，而穫之少，被噬於蝗。爾將植葡萄園而治之，爲蟲所食，不得收其菓，而飲其酒。爾之四境，雖有橄欖樹，不能以油沐身，因果自隕故也。爾生子，女，不享其福，必爲人所虜。爾囿之樹，爾田所產，滅於螫螽。爾中之賓旅，必舉於至高，爾降於至卑。爾必稱貸於彼，而彼無庸貸，彼必爲端，而爾爲末。緣爾不聽爾上帝耶和華命，不守其所諭禮儀禁令，故此災禍，襲於爾後。恆臨爾上，至於滅亡。禍及爾身，至於子孫。人必視爲駭異，垂爲儆戒，歷世勿替。爾當全盛之時，不中心欣喜，奉事爾之上帝耶和華。故耶和華必遣敵攻爾，使爾饑渴，裸體匱乏，服役於敵。彼以鐵軛置於爾頸，迫爾滅亡。耶和華必使遠民，如鷹之飛，來自地極，攻擊爾曹。其方言爾不之識。其容強悍，不眷顧耆老，不矜恤幼穉。爾畜之所生，爾土之所產，俱必并吞。爾穀與酒及油，暨牛羊之所息，取之殆盡。迨爾危亡，於爾上帝耶和華所錫之地，四境之內，城垣鞏固，高聳特

甚爾恃之以無恐必見圍於敵攻而下之爾敵環而攻爾勢甚危迫便爾食已所生之子女卽爾上帝耶和華所賜者如此在爾中最猗儻荏弱之人必睚眦兄弟及眷愛之妻室留遺之子女不以所食之嬰孩分給之蓋敵攻邑門見圍甚迫物無從得故也爾中猗儻纖弱之女因其嬌嬈以足踐地猶且不屑迨敵圍爾邑迫切之甚婦至缺乏俱無所得則私藏所出之胞衣所生之嬰孩以供所食卽其所愛之夫所生之子女亦被睚眦毫不分給如爾不守此書所錄律法諸言爾上帝耶和華尊榮可畏之名爾如不畏則耶和華必降災於爾爰及子孫實屬非常之事卽至久至重之殃纏綿艱苦之病埃及人所患之疾爾所畏者耶和華必使爾患之恆久不離更以諸災諸疾不載於律法之書者耶和華使爾患之迨爾盡亡昔爾人數如天星之衆多以不從爾上帝耶和華命故致大滅昔耶和華善待爾曹使爾衆多是其所喜厥後殲滅爾曹使爾盡亡絕於所據之地亦其所喜耶和華將使爾散處於億兆中自地極至天涯在彼必事他上帝木石所作卽爾祖及爾素未識者在異邦中爾不獲寧宇亦無駐足之所耶和華在彼使爾心慄目盲衷懷不懌爾生命不能安保爲之懸慮晝夜驚懼因此災害爲爾心所懼目所見故朝必曰願得及夕暮必曰願得及旦我曾語爾之途必不復見耶和華使爾駕舟至於埃及被鬻爲僕婢無人市爾

第二十九章 昔在何烈耶和華與以色列族既立盟約今在摩押更諭摩西重申其約摩西招以色列衆曰昔在埃及耶和華以災害異蹟奇事罰法老及臣與其四境爾所

目擊越至於今。爾心不能思。目不能見。耳不能聞。緣耶和華未嘗以是才能賜之於爾也。歷四十年。我導爾於野。爾衣不毀。爾履不敝。爾餅不食。清酒醇醪不飲。使爾知耶和華乃爾之上帝。至於斯土。希實本王西宏。巴山王噩。出與我戰。而我擊之。據有其地。以給流便。伽得二支派。及馬拿西支派之半。使爲恆業。故當守此約之言。遵行弗失。則凡所爲。可納福祉。今日爾與族中最著者。長老族長。暨以色列衆。爰及妻孥。營中之賓旅。自探樵者及汲水者。俱立於爾上帝耶和華前。今日。爾上帝耶和華發誓。爾可同盟。與之立約。彼今日以爾爲己民。以己爲爾上帝。踐其前言。昔與爾祖亞伯拉罕。以撒。雅各發誓。今亦踐之。我立此盟約。不第與爾曹。凡今日於上帝耶和華前。與我同在。及不同在者。立約。我昔居埃及。及經歷諸邦。乃爾所知。其中所有木石金銀偶像。可惡之物。爾亦見之。爾中之男女。宗族支派。其心毋違我上帝耶和華。而奉事他邦之上帝。爾中之人。其毒無太苦。如茵陳之根。旣聞此詛言。猶心內自慰曰。我渴已止。我飲愈多。從心所欲。亦可獲安。若此者。耶和華必不赦宥。其怒甚烈。以致中心如焚。氣如煙燄。必攻此人。以書所載之詛。加乎其身。塗抹其名於天下。在以色列諸支派中。耶和華必區別之。加以譴責。循此書所載之詛言。後世子孫。遠方賓旅。列邦衆庶。見此地之禍。暨耶和華所降之災。硫磺及鹽。焚燬徧地。不得耕耘。無物產。無草萊。如所多馬。蛾摩拉。押馬。西編。爲耶和華所怒。而使之傾覆者。俱必問曰。耶和華降罰於斯土。何爲至於如此。其烈怒之甚。又曷故乎。人必曰。昔導斯民出於埃及。其祖之上帝耶和華與之立約。斯民違其言。從

他上帝而崇奉之。然他上帝彼所未識。耶和華亦未嘗姑聽其服事。故震怒斯民。以書所載之咒詛。加乎其身。耶和華怒甚烈。氣甚憤。拔其根株。驅逐於異邦。卽以今日之事爲證。^{二十九}隱微之事。屬我上帝耶和華。所啟示者。屬於我儕。爰及子孫。俾我守此律法之言。歷世勿替。

第三十章 我所言之純嘏咒詛。旣降臨於爾。爾之上帝耶和華驅逐爾衆。散於四方。而爾追憶是事。與子孫一心一意。歸爾上帝耶和華。遵從其言。則爾上帝耶和華將矜憫爾曹。使被虜者得返故土。昔散爾於列邦。今必使爾復集。如爾曹被逐至於天涯。爾之上帝耶和華必使由彼而歸。爾祖所得之土。爾之上帝耶和華必使爾恢復。仍據其地。降福於爾。使爾昌熾。較祖尤衆。爾之上帝耶和華將潔爾心。爰及苗裔。使一心一意。愛爾上帝耶和華。可以得生。爾之上帝耶和華必以是詛降於爾敵。及銜憾爾。追襲爾者。爾將旋歸。服事耶和華。遵我今日所傳之命。如爾聽從爾上帝耶和華命。守此律法所載之禁令禮儀。一心一意。歸爾上帝耶和華。則爾所作爲。及身之所生。畜之所產。土之所出。爾上帝耶和華必使豐裕。昔嘗悅爾祖。今必悅爾曹。以降福祉。我今日所諭。爾之命。非行之甚難。非離爾甚遠。不在天上。勿意謂孰能升天。攜之以至。俾我聽從。不在海外。勿意謂誰能濟海。攜之以至。俾我聽從。蓋道在邇。在爾口。在爾心。爾其遵行。我於今日。或以生命純嘏。或以死亡災害。置於爾前。如我今所諭。爾誠聽從。愛爾上帝耶和華。遵從其道。守其禁令禮儀法度。則爾可得生。寢昌寢熾。爾之上帝耶和華必於爾所往。

據有之地，降以福祉。如爾心違逆，不從斯命，見誘於人，服事崇拜他上帝，我明告爾，爾必滅亡。今濟約但，據有斯土，不得享遐齡。我今指天地以立證，我以生命死亡，純嘏咒詛置於爾前，爾簡生命，俾爾得生，爰及子孫。汝當愛爾上帝耶和華，聽從其言，恆供役事。耶和華賜爾得生命，享遐齡。昔耶和華誓爾祖亞伯拉罕，以撒雅各，以斯土賜爾，爾可安居焉。

第二十三章 摩西告以色列衆曰：我今日一百有二十歲矣，不能復治斯民。耶和華嘗有諭言，不許我濟約但。惟爾之上帝耶和華，爲爾先導，使約書亞導爾濟河，殲滅此異邦族姓。據有其地，循耶和華言。昔耶和華罰亞摩哩王西宏及噩，殲滅其國。今之降罰於約但西也，亦必如是，使爾罰之，悉循我命。強乃志，壯乃心，毋恐懼，毋畏蒞。爾之上帝耶和華佑爾，必不遺棄爾。摩西在以色列衆前，召約書亞，告之曰：強乃志，壯乃心。昔耶和華與列祖發誓，以斯土予民，爾必偕行，使彼得之。耶和華爲爾先導，左右爾，不遺棄爾，毋恐懼，毋畏蒞。○摩西書此律法，予諸祭司，及昇耶和華法匱之利未人，暨以色列族長老，告之曰：每七載，使人相釋之年，構廬節期，以色列族衆俱至，立於爾上帝耶和華前，在其特簡爲室之所，必誦此律法，使以色列衆聽之。當集衆民，男女幼穉，及旅於爾家者，俾其聽聞。寅畏爾上帝耶和華，守此律法。爾之子女，知識未開，聞此律法，及濟約但，以得斯土，亦畏爾上帝耶和華，畢生靡暨。

耶和華諭摩西曰：爾逝世之期伊邇，當召約書亞，偕立於會幕中，我必付託之。摩西約

書亞遵命，立於會幕。耶和華於會幕中，乘雲顯著，雲狀如柱，止於門上。謂摩西曰：爾必返本，斯民既詣斯土，必遺棄我，背我所立之約。狗已私欲，從異邦人之上帝。其時我必震怒，遺棄斯民，不復眷顧，使其并吞於人，多更災患。彼必曰：我不蒙上帝所佑，致遭此禍。夫斯民蹈於愆尤，從事他上帝，故不復鑒觀，以眷顧之。今作謳歌，誨以色列族，使其口誦我佑斯民，而斯民違我，以歌爲證。昔我與厥祖發誓，將以產乳與蜜之地，錫於斯民。既導之入，使彼食而果腹，身體肥胖。當斯時也，彼從他上帝，而服事之，以干我怒。背我盟約，我誓以斯土錫於斯民，未導入彼之時，已知其性情，必作不端。迨厥子孫遭難，遇害，不可勝數，必口誦斯歌，不致遺忘。斯歌亦可爲證。○當日，摩西作此歌，誨以色列族。命嫩之子約書亞曰：強乃志，壯乃心，蓋爾必導以色列族入耶和華所誓之地。彼必佑爾。○摩西以律法之言，錄之於書，既畢其事，則告昇耶和華法匱之利未人曰：以此律法之書，置於爾上帝耶和華法匱之旁，以爲證。蓋我知爾橫逆，強項不馴，我尙生存，與爾同在。爾猶且違逆耶和華，況至於我沒後乎。爾支派之長老，爰及族長，使其咸集，以言相告，俾爾聽聞，亦指天地爲證。我既沒後，爾必喪心，違我所傳之道，作惡於耶和華前。爾所行爲，于厥震怒，至於末期，必遭禍患，我可逆料其如是。時摩西誦歌，俾以色列族聽聞。

第三十三章 其畧曰：天其俯聞，我將有言，地其傾聽。我以口誦，我道滴瀝若雨，我言廉纖如露，猶霖霖以潤草，似淋漓而灌蔬。我揚耶和華名，爾尊上帝爲大。上帝與，乃造化

之主其工純全其道正直誠實無妄秉義無咎。斯代之人非上帝子忤逆乖僻德有不備自喪厥心。耶和華非爾父生成爾創造爾乎。噫無智之蚩氓豈如是以報恩耶。往古之日當憶勿忘歷代之年思念在心問之於父父必示爾。詰諸長老彼將告爾。至高者使四方之民得業俾亞當後裔散處則定異邦民之郊址循以色列族之核數。其人民爲耶和華所得雅各衆爲耶和華恒業在虛曠之野默號之所耶和華遇此民環護之訓誨之惜之如眸子如鷹之引雛而起翱翔於上展舒其翮負之於身戴之於翼耶和華自導斯民別無上帝偕在置於崇邱田畝所產使食之巖穴出蜜使哺之堅石出膏使沃之牛酥羊酪羔羊之膾牡山羊牡綿羊俱由巴山而至以給其用至嘉之麥粉使食葡萄之清汁使飲耶書崙體胖桀驚不馴肥而多脂上帝造之彼反違逆上帝拯之彼反藐視。彼崇他上帝于厥震怒彼事可惡之物櫻其忿懣。彼祭鬼神不崇上帝彼崇他上帝素所未識初從隣國而來卽其祖宗亦未嘗敬畏生成之上帝彼棄而不從造化之上帝彼忘而弗念耶和華見其子女作可惡之事憎之特甚曰我不復鑒觀以眷顧之必俟厥後當復如何。彼乃橫逆之族無誠信之子彼以非上帝匹我于我震怒彼崇事虛無使我忿懣故我將子異民使彼發奮子頑民使彼激勵。我之忿怒如火之燎燃於幽冥熱其全地偕土產以俱焚並山基而同燬。我降災非一盡發弧矢。年饑而民餒體熱而人廢絕於疫癘嚙於獸齒傷於毒蛇外亡以刃內害以驚丁男與處女赤子與白首淪胥以亡。我曰必使之散處四方而人忘其所自。然我慮敵驕肆佯不知我所

作爲反自伐其大能。謂非耶和華所行。斯民無謀猷。無聰明。願其有智而知此。思念厥終。如其上帝弗鬻之。如耶和華未棄之。則一可襲千。二可驅萬。敵之上帝不如我之上帝。任敵裁斷。其葡萄樹屬所多馬。由蛾摩拉埔而來。所結之實甚毒。纍然而垂者甚苦。其酒凝於蛇毒。蝮之死毒。其罪藏於我心。如封於府庫。仲冤在我。我必報之。斯時也。其足傾跌。禍及其身。所定速至。蓋耶和華必代其民而伸冤。爲其臣而同志。鑒觀於下。知民力已廢。或主或僕。靡有孑遺。時必曰。爾之上帝安在。爾所恃之上帝安在。彼享所祭之膏。彼飲所奠之酒。曷使起而援手。爲爾作逋逃之藪乎。爾當知我之爲我。外此別無上帝。殺戮者我。生全者我。攻擊者我。施醫者我。無能奪於我手。我指天而誓曰。我永生。我刃閃爍。我磨礪之。我秉公義。凡逆我者罰之。憾我者報之。我矢飲血。我刃食肉。其血卽見虜被殺之血。其肉卽勁敵渠魁之肉。異邦之衆。宜與斯土之民同樂。上帝之僕。其血見流。必洩厥恨。報諸仇敵。爲民贖罪。○摩西以此歌詞。誦於民聽。嫩之子約書亞在焉。誦畢。摩西告以色列族曰。我今日告爾之言。汝必藏諸衷曲。亦當諭諸子孫。從此律法。此非淺鮮。乃爾生命所關。因是。爾可於約但西所據之地。而享遐齡。○
當日。耶和華諭摩西曰。摩押地。耶利哥相向之所。有亞巴林山。尼破岡。汝可陟焉。瞻望迦南。乃我所錫於以色列族爲業之地。旣陟此山。汝必死於彼。而返其本。如爾兄亞倫沒於何耳山。而反其本然。昔在汎野。米利巴迦鐵之處。爾曹逆我。不於以色列族前尊我。故爾不得至我所錫以色列族之地。惟觀之而已。

事上帝之人。摩西其未沒時爲以色列族祝嘏曰：耶和華至自西乃，顯自西耳光，自巴蘭，偕萬聖而來，由其右手火出爲法。其眷愛斯民，庇佑厥聖，民坐其前，以領訓誨。摩西所賜之律法，爲雅各衆會之恆業。於耶書崙有王焉，以色列民之族長咸集就之。願流便恆存不沒，人數弗減。其論猶大則曰：猶大既籲呼，願耶和華垂聽，使歸故族，賜以能力而無不足，使其攻敵而爲輔翼。其論利未則曰：願敬虔者得爾烏陵土明。烏陵土明譯即輝光無玷昔在馬撒，爾嘗試之，在米利巴水，爾嘗爭之。被告父母曰：我未見之，不識兄弟。不顧子女，乃從爾命，而守爾約。彼以爾典章示雅各後裔，以爾律法誨以色列族。彼將炷香於爾前，燔祭於爾壇。願耶和華加厥貨財，其所爲者悅納之，擊敵之腰，使不復起。其論便雅憫則曰：彼爲耶和華所眷愛，當安居焉。至高者恆庇護之，彼必攝於二山之間。其論約瑟則曰：願耶和華錫嘏於其地，以天上之甘露，地下之名泉，日所產之珍奇，月所生之寶物，恆山之嘉品，古嶽之寶器。地與土產之寶俱錫於彼。昔約瑟遠兄弟而去，願居於棘中者降福於其首。其榮如牛之首生，其角如兕角，以將抵觸異邦。至於地極，所謂以法蓮之萬人，馬拿西之千人，卽此。其論西布倫則曰：西布倫出於外，以薩迦居於幕，俱可欣喜懽懽。既享海所出之豐盛，沙所藏之貨財，則延民陟山，在彼獻祭爲義。其論伽得則曰：恢廓伽得者，當頌其名。伽得伏如牝獅，斷傷肩首。伽得先獲其業，在彼爲牧，安居厥所，惟往於民前，代耶和華行義，爲以色列伸冤。其論但則曰：但若穉獅踴躍於巴山，其論納大利則曰：納大利享福有餘，蒙耶和華錫嘏，得海濱以南爲業。

其論亞設則曰：亞設有子獲福，爲兄弟悅納，將染足於油，其槌乃銅鐵所爲，畢生逸豫。^{二十六}耶書崙之上帝，無能比擬，赫奕於天，乘雲而降，以輔翼爾，永生之上帝爲爾逋逃之藪，扶持爾衆，手恆不疲，驅敵於爾前，使殲滅之。以色列族獨居而綏安，雅各後裔所居之處，天降甘露，土產穀與酒。以色列族有福祉，誰能頡頏？蒙耶和華拯救，彼可擬干，以範衛爾，亦可擬戈，使爾得勝，敵必詭媚於爾前，爾將履其崇邱。

第四章 摩西離摩押平原，耶利哥相向之所，陟尼破山，比士迦岡，耶和華以基列地，至於但境，使摩西目覩，亦以納大利，以法蓮，馬拿西之地，猶大遍境，至於外海，爰及南方，耶利哥谷之平原，卽棗城，出至瑣耳，俱示摩西，俾其觀瞻。耶和華諭之曰：昔我所誓亞伯拉罕，以撒，雅各，以地錫其後裔者，卽此，爾可目覩，惟不得濟。○如是，耶和華之僕摩西，沒於摩押，踐耶和華之言，葬於摩押之谷，伯比耳相向之所，越至於今，其墓無有能知者。摩西沒時，百有二十歲，其目力未損，其血氣未衰。以色列族緣摩西故，居於摩押平原而哭泣，歷至三旬，盈其日數。○夫摩西嘗按手於嫩之子約書亞，感以智神，使之充盈，故以色列族聽從，遵耶和華所諭摩西之命。嗣後，以色列族中，未有挺生先知若摩西者，爲耶和華晤對相識，蓋耶和華遣之至埃及，行異蹟奇事，罰法老及臣，暨其全地，顯其大有爲之手，助摩西行可畏之事，於以色列族前。

約書亞記

第一章 耶和華僕摩西既沒，耶和華諭摩西從者，嫩之子約書亞曰：我僕摩西逝世，爾今導民濟約但，至我所賜以色列族之地。昔我與摩西曾有是言，今必踐之。爾足所履之地，必以錫爾、自曠野及利巴嫩，至百辣大河，赫人遍地，爰及大海，日入之處，爲爾境界。昔我佑摩西，今亦佑爾，不汝退棄。俾爾畢生，無人能禦。強乃志壯乃心，昔我誓厥祖，欲以斯地賜斯民，汝必使民得之。惟爾強志壯心，守我僕摩西所諭之律法，不偏於左，不偏於右，則不論所往，俾爾納福。律例之書，當口誦不輟，晝夜思維，遵行所載，可得坦途，而蒙福祉。我豈不曰：強爾志壯爾心，切勿恐懼，不論所往，爾上帝耶和華佑爾。○約書亞諭民族長曰：汝巡營諭民，預備糗糧，歷三日必濟約但。耶和華所賜之地，據而有之。約書亞告流便，偁得二支派，與馬拿西支派之半，曰：耶和華之僕摩西所言當憶勿忘。其言曰：爾上帝耶和華以斯地錫爾，畀爾綏安。爾之妻孥牲畜，可留於約但東。摩西所畀之地，爾之勁旅，整其行伍，助爾同儕，而爲前鋒，以濟斯河，迨耶和華以綏安賜爾同儕，可得其地，與爾無異。後爾可歸耶和華僕摩西所賜約但東之地，據而有之。對曰：爾所諭者，我悉遵行。爾遣我所至之地，我必前往。昔我聽從摩西，今聽從爾，惟願爾之上帝耶和華佑爾，如佑摩西然。凡逆爾命，不遵爾所諭者，必死毋赦，宜強乃志壯乃心。第二章 嫩之子約書亞由失亭私遣二偵，曰：爾往哉，窺察斯土，及耶利歌。二偵遂往，入妓室而宿焉。妓名喇合，或告耶利歌王曰：今日薄暮，以色列族人至此，窺察我地。耶利

歌王遣人謂喇合曰有人至此窺察我地已入爾室爾攜之來喇合既匿二人則曰有人至我不知何自追暝閉邑門時二人已出不知何往速追可及蓋喇合引二人至屋上有胡麻梗臚陳於彼卽藏其中耶利歌人追至約但津旣出邑門旋閉未寢喇合升屋謂其人曰耶和華曾以此地錫爾我所素知斯土之人懼爾甚至喪膽爾出埃及時耶和華使紅海水涸約但東亞摩哩王西弘及疆爲爾殲滅我所風聞我聞之喪膽毫無銳氣不敢敵爾蓋爾上帝耶和華乃天上地下之上帝我今待爾以仁慈請爾指耶和華而誓亦以仁慈待我全家示我以真實之印誌我父母兄弟姊妹及凡所有爾必保其生存免於死亡二人曰我之所爲當秘勿宣則我以已命代爾迨耶和華以斯土予我我必待爾以仁慈真實無妄喇合居室附於邑垣故以索縋二人由牖而下謂之曰當遁於山自匿三日恐追者及爾待追者反然後前往二人曰爾旣用絳索以縋我必以此索仍繫於牖集爾父母兄弟戚屬至於斯室厥後我儕至斯土則爾使我所發之誓我必恪守如有一人出於門外而死則由自取我無辜焉惟與爾在家者有人擊之則罪歸我如以我所爲普告於衆則爾使我所發之誓我不恪守喇合曰可如爾言以行遂遣之去卽以絳索繫於牖二人往山居彼三日待追者反蓋追者求之於途不得二人下山濟河而歸以實告約書亞曰彼地之民恐懼喪膽故我知耶和華必以斯土付於我手

第^二章 約書亞夙興導以色列族自失亭過征至約但未濟而宿三日後族長巡營告

書約^二章

約書亞記第三章

民曰爾見祭司利未人昇爾上帝耶和華法匱則必過征從行其後離法匱約二百丈不可近前則可知當行之途蓋爾疇昔未行斯途約書亞告民曰爾當潔已明晨耶和華行異蹟於爾間告祭司曰爾昇法匱民前濟河祭司從命耶和華諭約書亞曰我使爾爲尊於以色列族前自今日始俾其知悉昔我佑摩西今必佑爾爾當命昇法匱之祭司至約但河立於水濱約書亞告以色列族曰爾來前聽爾上帝耶和華命欲使爾知永生上帝左右爾必於爾前驅逐迦南人赫人希未人比哩洗人革迦撒人亞摩哩人耶布士人宇宙主宰之法匱必先爾至約但河中宜簡以色列族各支派中十有二人待昇宇宙主耶和華法匱之祭司足履約但河水則水自溯行其流必斷濤若堆立○秋約但河水漲溢民離幕欲濟約但昇法匱之祭司行於其前至約但河足濡於水濱時溯流之水驟行泛起濤若堆立離撒利但旁之亞當邑甚遠下流之水至鹽海谷其流已斷故耶利哥相向之所民得過焉昇耶和華法匱之祭司在約但河中立於燥土待以色列族盡過約但若行陸地然

第四章民既悉濟耶和華諭約書亞曰宜簡各支派中十有二人使於約但河中祭司駐足之所取石十二攜之過河置於夕間欲宿之處約書亞於以色列族各支派中備十有二人召之曰當行於爾上帝耶和華法匱前至約但河中各以肩荷石循以色列支派之數此可爲徵於爾中越至後日倘爾子孫詰爾曰斯石何意必曰昔耶和華法匱濟約但時於其前河水絕流此石爲誌使以色列族永憶勿忘以色列族在約但河

中取石十二，循以色列族支派之數，攜石至宿所置之，遵耶和華所諭約書亞之命。約書亞又置石十二於約但河中，昇法匱之祭司足所履之處，迄今尙存。於是民速濟河，昇法匱之祭司立於約但河中，迨耶和華所諭約書亞之命。摩西所傳約書亞之言，盡遵行之，以畢其事。民既盡濟，昇耶和華法匱之祭司亦濟斯河，爲民目擊。流使伽得二支派及馬拿西支派之半，整其行伍，於同濟前濟河，從摩西所言。約四萬人預備以戰，濟河至耶利哥平原，循耶和華命。○當日，耶和華使約書亞爲尊於以色列族前，民盡寅畏。至於畢生，如畏摩西然。耶和華諭約書亞曰：「使昇法匱之祭司自約但河中出。」約書亞命祭司曰：「自河中出。」昇法匱之祭司既出自約但，足履陸地時，河水復至，盈溢於岸，與前無異。正月十日，民自約但河出，建營於耶利哥東之吉甲。約書亞以河中所取十二石立於斯地，告以色列族曰：「越至後世，爾之子孫倘詰爾曰：『立石何意？』爾當告之曰：『昔以色列族濟約但，如行陸地。』」蓋爾之上帝耶和華使河水涸於民前，待民悉濟，如使紅海水涸，待民悉濟然。於是天下億兆知耶和華之巨能，爾當畏爾上帝耶和華，歷世靡暨。

第五章 約但西亞摩哩列王及海濱迦南列王風聞其事，知耶和華於以色列族前，使水盡涸，待民悉濟，則喪其膽，毫無銳氣，懼以色列族。○耶和華命約書亞曰：「宜作石刀，使以色列族申用割禮。」約書亞作石刀，使以色列族行割禮於斷皮之山。夫約書亞使行割禮，亦有故焉。昔出埃及及諸丁男皆爲武士，行於途間，亡於曠野。凡在埃及者，已受

割禮既離埃及，生於曠野者，未受割禮。蓋以色列族遊於曠野，歷四十年，迨出埃及之武士殞沒，昔耶和華誓以產乳與蜜之地錫於斯衆，因其違命，故再發誓，不許得見斯土。其所生之子孫，途間未受割禮，故約書亞施行是禮焉。行割已畢，民居營壘，以待其痊。耶和華諭約書亞曰：昔埃及人凌辱爾曹，今我爲汝洒恥，故名地曰吉甲。至今其名尚存。○以色列族建營於吉甲，至十四日夕，守逾越節禮於耶利哥平原。翼日，以土所產之穀，製無酵餅，及已烘之穀而食。既食土所產之穀，次日嗎喏不降，以色列族不復得之，是年所食者，則迦南土產。○約書亞近耶利哥而瞻望，見一人拔刃對立。約書亞就之曰：爾爲我乎？爲敵乎？曰：不然，我爲耶和華軍長。故至此。約書亞俯伏拜曰：主諭僕何詞？耶和華軍長諭約書亞曰：解爾履，爾所立之處，乃聖地。約書亞遵命。

第六章

以色列族圍耶利哥，故耶利哥鍵閉其城，無人出入。耶和華諭約書亞曰：我以

耶利哥及王與勁旅，悉畀於爾。惟爾武士環攻其城，日恆一巡，周行其外。歷至六日，祭司七人，以角七行於法匱前，越至七日，巡城凡七，祭司吹角，其聲清越，爾聞之，使民號呼，城垣傾圯，民得直進。

嫩之子約書亞召祭司曰：當昇法匱，爾曹七人，以角七行於耶和華法匱前。諭民曰：當環其城，使凡預備以戰者，行於耶和華法匱前。約書亞既命諸民，祭司七人，以角七行於耶和華前，而吹其角，法匱從行於後。祭司吹角而行，預備以戰者先進，後軍繼至。約書亞曾諭民曰：勿號呼，勿言語，勿使聲聞，待我使爾號呼，則號呼。○耶和華之法匱巡

城環行一次，則反營壘宿焉。詰朝，約書亞夙興，祭司昇耶和華法匱，祭司七人，以角七行於法匱前吹角，預備以戰者先進，後軍繼至，祭司仍吹其角。至二日，巡城一次，後反營壘。如是者六日，越至七日，黎明夙興，循例巡城，凡七越至七次，祭司吹角，約書亞諭民曰：「今當號呼，蓋耶和華以斯城畀爾，必以邑城及其所有獻耶和華，而盡滅之。惟妓喇合曾匿我使，故彼與全家可存其生，所獻與所滅者勿取，恐爾亦爲盡滅。」使以色列族之營壘服詛，而累於禍。金銀銅鐵之器，必獻耶和華，貯其府庫。於是祭司吹角，民間之則號呼，其聲清越，城垣傾圯，民得前進，而取其城，盡滅所有，戮男女老幼，牛羊與驢。約書亞告二偵者曰：「入妓之室，取其人出，與凡所有，循爾所誓之言。」偵者入，取喇合及父母兄弟親戚，與凡所有，置之城外，居以色列族營壘。以色列族燬其城，惟金銀銅鐵諸器貯於耶和華府庫。約書亞因妓喇合曾匿所遣窺察耶利哥之使，故特救之，及其眷聚，使居以色列族中。至於今日。○於是約書亞誓曰：「凡建耶利哥，當服詛於耶和華前，築基時，必喪長子，置門時，必喪季子。」耶和華左右約書亞，聲名洋溢乎四方。

第十七章 以色列族犯所獻之物而取戾，蓋猶大支派西喇曾孫，颯底孫，迦米子亞干，取所獻之物，故耶和華怒以色列族。○約書亞自耶利哥遣人至伯特利東，近伯亞文之埃邑，而告之曰：「爾往窺察埃地，爰往窺之，返見約書亞曰：『往，毋庸衆，欲擊埃邑，二三千人斯可矣。』」埃人維寡，何勞衆往？於是民三千人往，爲埃人所敗而遁。埃人追之，自城門至示巴林，於下坡處，擊三十六人，故民喪膽，荏弱如水。約書亞裂衣俯伏，耶和華匱前。

彼及以色列族蒙灰於首。至於薄幕。約書亞曰。我主耶和華與曷導斯民濟約。但付於亞摩哩人手。使我危亡乎。不如我仍居約但東爲幸。主乎。以色列族敗北。我何言哉。迦南人與斯土居民聞之。必環而攻我。滅我名於地。然爾名維大。如何使人尊崇。耶和華諭約書亞曰。爾起曷俯伏於此。以色列族犯罪。背我命約。當獻之物爲其攘竊。匿於器中。而佯循我命。故以色列族服咒敗北。不得禦敵。如不以當獻之物出於爾中。我不復佑爾。盍起成聖斯民。使潔己身。以待明晨。將我命傳衆曰。以色列族與有獻我之物。藏於爾間。未出斯物。爾不能禦敵。詰朝。必使各支派至而掣籤。其中我取一支派。必使各族至。其中我取一族。必使各家至。其中我取一家。必使各人至。我取其入。既藏所獻之物。則必藝之。與凡所有。緣背我約。行不端於以色列族中。○約書亞夙興。使以色列各支派至。掣籤而取猶大。使猶大各族至。而取西喇。使西喇各家至。而取颯底。使其家各人至。而取猶大支派。西喇曾孫颯底孫迦米子亞干。約書亞告亞干曰。吾子宜尊耶和華。以色列之上帝。任過於其前。以所行告我。勿隱。亞干曰。我之所行。果犯罪耶和華。以色列之上帝。我見於貨財中。自示拿至之美衣。銀百兩。金片二十五兩。則貪而取之。今在幕中。藏於地。銀置於下。約書亞遣人趨幕。果在幕中。銀置於下。攜至約書亞及以色列族。置於耶和華前。約書亞暨以色列族。取西喇孫亞干。與金銀衣服。及子女。牛羊。驢幕。與凡所有。至亞割谷。約書亞曰。爾何貽禍於我。今日耶和華必禍爾。時。以色列族擊之以石。藝之以火。堆石爲岡。以掩其上。至今猶存。於是耶和華息其烈怒。人名其地亞

割谷。至於今日尙有此稱。

第八卷 耶和華諭約書亞曰。毋恐懼。毋畏蒞。率衆武士。往擊埃邑。我以其王與民。爰及邑郊。悉付與爾。昔爾待耶利哥與其王。今之待埃。與其王。亦必若是。惟其貨財牲畜。爲爾所得。當伏兵於邑後。約書亞與衆武士。往以攻埃。先簡勁旅三萬。星夜遣之。告曰。當伏於邑後。去勿甚遠。預備以戰。我與從人。近於邑前。彼出以攻。與昔無異。我必遁逃。彼將追我。遠離其邑。自謂以色列人遁逃如故。我遁時。汝離伏所。以取其邑。蓋爾上帝耶和華。必以邑付爾。既取邑。必焚之。循耶和華命。我所告爾者若是。約書亞既遣之。則往伏於伯特利東。埃邑西。是夜。約書亞宿於民中。詰朝夙興。核其民數。與諸長老。率衆攻埃。所從武士。近於邑前。建營埃北。有谷間於營邑。又簡五千人。使伏於邑西。伯特利東。民衆全營。陳於邑北。後軍在邑西。是夜。約書亞至谷中。埃王見之。則率衆速往。迎以色列族。尅期谷中與戰。不知邑後兵伏。約書亞與以色列族。佯爲敗北。逃奔於野。埃之邑衆。聚集以追。襲約書亞。遠離其邑。埃與伯特利。不留一人。俱襲以色列族。埃之邑門不閉。耶和華諭約書亞曰。以所執之戟指埃。我以斯邑付於爾手。約書亞循命。手舉時。兵離伏所。趨入邑中。取而焚之。埃人遙瞻其邑。烟燄冲天。亟欲逃遁。迷於所往。以色列族之先奔者。轉攻其敵。約書亞與以色列族。見伏兵取邑。其烟冲土。則反殺埃人。邑中之兵齊出。埃人被以色列族前後夾攻。爲所殺戮。靡有孑遺。生擒埃王。解至約書亞。埃之居民。追以色列族。至於田野。反爲以色列族殺戮。俱死以刃。淪胥以亡。後以色列族至

埃及盡滅所有是日。埃及民俱亡。男女一萬二千人。蓋約書亞執戟指埃。不垂其手。待埃民盡滅。惟邑之貨財牲畜。以色列族取之。循耶和華所諭約書亞之命。約書亞焚埃。使爲瓦礫。今日之事爲證。懸埃王於木。至於終日。日沒時。約書亞命取尸下木。投於邑門。壘石爲岡。至今尙存。○時在以八山。約書亞建祭壇。奉以色列族上帝耶華和循耶和華僕摩西命以色列族。亦循所載摩西之律法。以石築壇。毋雕鏤。毋用器造作。獻燔祭於其上。奉事耶和華。亦獻酬恩之祭。從摩西律法。錄於石碑。以色列人目擊之。以色列族長老族長。爰及刑官。立於法壇左右。卽昇耶和華法壇之祭司利未人前。宗族旅人俱在。其半對其哩心山。其半對以八山。循耶和華僕摩西所命。爲以色列族祝嘏。約書亞誦律法諸言。無論祝福咒詛。俱循所載。摩西所命者。約書亞於以色列衆會。與其妻孥賓旅前。悉誦不遺一詞。

第九章

約但西陵谷。及利巴嫩相嚮之所。濱大海四方。赫人。亞摩哩人。迦南人。比哩洗

人。希未人。耶布土人。諸王。風聞此事。則同心集攻約書亞。與以色列族。○基遍居民。聞

約書亞伐耶利哥。及埃及。乃設詭計。自裹餽糧。負敝囊於驢。其酒囊乃舊革裂而復彌縫

者。其所履者敝而復補。所衣者敝衣。所有之糧。乾而朽。至吉甲營。見約書亞以色列族。

曰。我儕自遠方來。請與立約。以色列族謂自基遍來之希未人。曰。恐爾居處離我不遠。

焉能與爾立約。曰。我儕願爲爾僕。約書亞曰。爾曹何人。奚自對曰。僕所自來。其地甚遠。

我儕聞爾上帝耶和華之名。知其所行於埃及。亦伐約但東。二亞摩哩王。卽希實本王。

西宏及都亞大綠之巴山王。故我長老與居民告我曰：爾裏餼糧，往見以色列族，願爲其僕，請與立約。我起程時，而裏餼糧，此餅尚熱，今乾而朽，革囊維新，俱盛以酒，今囊已裂，因路之遠，衣履悉敝。以色列族惟視其糧，不諮諏耶和華。約書亞與基遍人修好立約，以存其生。會長加以誓。約後三日，則知基遍人與以色列族鄰近。以色列族過征，越至三日，則詣其邑，卽基遍。基非拉庇綠基列耶林會長既指以色列族上帝耶和華而誓，故不擊之。會衆怨會長，會長告衆曰：我儕已指以色列族上帝耶和華而誓，故不可害斯人。既與盟約，必存其生，否則干上帝之怒。又曰：可存其生，使爲探樵者、汲水者、服事會衆，以踐前約。約書亞召基遍人曰：爾之居處鄰近於我，曷欺我？言來自遠方乎？是故爾曹服咒詛，俱必爲奴，探樵汲水，俾供我上帝室之用。對曰：有告我云：爾之上帝耶和華曾諭其僕摩西，使滅斯土之民，以地給爾，故我甚畏，以命難保，遂行是事。權在爾手，爾以爲善，則行之。於是約書亞救基遍人出以色列人手，不至殺戮，惟使探樵汲水，服事會衆，以備耶和華祭壇之用。在其所簡爲室之所，越至今日，尙爲是事。

第十三章 耶路撒冷王亞多尼西特聞約書亞取埃而盡滅之，如昔伐耶利哥及其王，今伐埃與其王然，亦聞基遍民與以色列族修好，而居其中，知基遍邑如王畿，較之於埃邑大人強，故王與民懼甚。耶路撒冷王亞多尼西特遣人至希伯崙王和威、耶末王庇蘭、拉吉王耶非亞、厄倫王底必，告之曰：爾曹咸至，助我擊基遍。蓋基遍人與約書亞以色列族修好。亞摩哩五王，卽耶路撒冷王希伯崙王、耶末王、拉吉王、厄倫王，集衆往基

遍地建營而搗戰。○基遍人遣使至吉甲營見約書亞曰速至助我勿緩蓋居山中之亞摩哩王集以攻我約書亞率武士勁旅自吉甲往迎耶和華諭約書亞曰勿懼我以此軍悉付於爾無一能禦爾者約書亞自吉甲終夜以行猝然侵敵耶和華使敵潰亂於以色列族前在基遍降以大災以色列族追之至伯和倫岡擊之在亞西加馬基大敵方逃遁下伯和倫岡入亞西加時耶和華自天降大雹擊敵傷寇而死較以色列族以刃殺者尤衆耶和華既使以色列族敗亞摩哩人約書亞卽於以色列族前禱耶和華曰日勿運行於基遍月必暫止於亞耶倫谷日不運行月亦暫止待以色列民報仇是事耶述紀亦載之日不運行於天中其不速下者竟日是時耶和華聽一人之祈自古迄今至於後世未有如是之一日蓋耶和華爲以色列族戰約書亞率以色列衆回吉甲營五王遁至馬基大匿於穴有告約書亞曰五王在馬基大匿於穴約書亞曰移大石塞穴使人守之衆當追敵勿遲擊其後軍勿使入邑蓋爾上帝耶和華付之於爾手約書亞與以色列族大敗其敵至於滅亡其餘入於邑垣有衆安然歸營至馬基大見約書亞無人敢訾以色列族約書亞曰啟穴攜五王出而見我衆循命攜耶路撒冷王希伯崙王耶末王拉吉王厄倫王俱出於穴旣出約書亞召以色列衆語軍長曰爾前置足於王頸遂前如言而行約書亞告之曰毋恐懼毋畏蒞強乃志壯乃心蓋耶和華將伐爾敵俱必如是約書亞擊五王殺而懸於木至於終日日人時約書亞命人下尸於木擲於所匿之穴塞以大石至今尙存○是日約書亞取馬基大刃擊其王盡滅

其民靡有孑遺。如昔伐耶和哥王。今伐馬基大王亦如是。自馬基大率以色列衆往攻立拿。耶和華以立拿與王及民付於以色列族。刃擊居民。靡有孑遺。如昔伐耶和哥王。今伐立拿王亦然。○約書亞自立拿率以色列衆往拉吉。建營攻之。耶和華以拉吉付於以色列族。二日取之。刃擊拉吉與居民。如昔伐立拿無異。時基色王和蘭來助拉吉。約書亞擊其王與民。靡有孑遺。○約書亞自拉吉率以色列衆往厄倫。建營攻之。卽日取厄倫。刃擊之。翦滅居民。如昔伐拉吉無異。約書亞率以色列衆自厄倫往攻希伯崙。取希伯崙。刃擊王及民與其鄉里。翦滅其衆。靡有孑遺。如昔伐厄倫無異。○約書亞率以色列衆返旆攻底必。遂取底必與其鄉里。擊王與民。翦滅其衆。靡有孑遺。如昔伐希伯崙立拿及其王。今伐底必與其王亦若是。○約書亞擊南方陵谷沿溪之民與其王。凡有血氣俱爲所滅。靡有孑遺。循耶和華命。自迦鐵巴尼亞至迦薩。垓山四境。爰及基遍。俱爲約書亞所擊。列王諸地悉爲約書亞一時所取。蓋其上帝耶和華助以色列族以戰。約書亞遂率以色列衆歸吉甲營。

夏朔王耶賓風聞此事。則遣人約馬頓王約八與伸崙押殺二王。暨山地之北。基尼烈南其間之平原陵谷。至多耳邊疆西隅。列王自東至西之迦南人。亞摩哩人。赫人。比哩洗人。居山之耶布土人。密士巴地。黑門山麓之希未人。列王遂出。率衆如海濱之沙。不可勝數。車馬之多亦難悉計。列王咸集。建營於米倫水。攻以色列族。耶和華諭約書亞曰。勿懼。詰朝此時。我將是衆付以色列族。死於爾前。爾當割其馬筋。焚其車。

輒約書亞率諸軍士，猝至米倫水攻敵。耶和華以敵付於以色列族，遂擊之，追至西頓大邑，亦至蜜利弗馬音及密士巴谷東隅，俱翦滅之。靡有子遺。約書亞伐之，循耶和華命，馬則割其筋，車則焚以火。反旆取夏朔邑，刃擊其王。昔夏朔爲列國之首，以色列族刃擊居民，翦滅其衆，凡有血氣者，靡有子遺。遂焚夏朔以火。約書亞取諸邑，與其王以刃擊之，翦滅其衆。靡有子遺。循耶和華僕摩西之命。邑建於岡者，以色列族不焚。惟夏朔邑約書亞焚之。諸邑貨財、牲畜，以色列族取之。刃擊諸人，翦滅其衆。靡有子遺。昔耶和華諭其僕摩西，摩西傳命約書亞，約書亞遵行，所命俱行，不遺其一。○約書亞取其地四方，陵谷平原，爰及南隅，與珂山地，及以色列山谷。自近西耳之夏朔至黑門山麓，利巴嫩谷之巴力伽得，約書亞久戰列王，擒而殺之。自希未人基遍民而外，與以色列族修好者，無一邑焉。俱戰而得之。蓋斯衆剛愎厥心，耶和華聽其然。聽其然句或曰使之然使與以色列族戰，而被翦滅，無少姑縱。循耶和華諭摩西之命。○是時，約書亞翦滅山中之亞納人，卽猶大山以色列山之希伯崙底必亞拿伯。約書亞盡滅其邑與衆。亞納人在以色列地無遺種。惟於迦薩迦特亞實突有之。於是約書亞循耶和華所諭摩西之命，取四方之地，賜以色列族爲業，循其支派班列而後息戰。

第十三章 約但東日出之所，自亞嫩溪至黑門山，其間之平原，以色列族擊列王而據其地。卽都希實本、亞摩哩王西宏，其所轄之地，自亞嫩溪濱之亞羅耳及洲中之邑。基列地之半，至亞捫族界之雅伯河，自基尼烈海東至鹽海之谷，近伯耶西末，又自南至比

士迦山麓都亞大綠及以得來之巴山王疆爲哩乏音族所存者其所轄黑門山撒迦巴山基述馬迦接壤之區基列地之半至希實本王西宏之界斯二王爲耶和華僕摩西與以色列族所擊摩西以其地與流便伽得二支派及馬拿西支派之半爲業○約但西自利巴嫩谷之巴力伽得至近西耳之夏勒山約書亞及以色列族擊列王取其地與以色列族諸支派循其班列爲業在陵谷平原溪濱曠野至於南方卽赫人亞摩哩人迦南人比哩洗人希未人耶布士人之地耶利哥王近伯特利之埃王耶路撒冷王希伯崙王耶末王拉吉王厄倫王基色王底必王基特王曷馬王亞臘王立拿王亞士蘭王馬基大王伯特利王大布亞王布弗王亞弗王拉沙倫王馬頓王夏朔王伸崙米倫王押殺王大納王米吉多王基特王加密之約念王多耳界之王吉甲列國王得撒王共三十一王也

約書亞壽高年邁耶和華諭之曰爾壽高年邁所未得之地尙多卽非利士人之境基述四方自埃及西曷至迦南地以革倫界之北治非利士人之伯有五卽迦薩亞實突以實迦倫迦特以革倫是又有一族稱亞英者自迦南之南方近西頓之米亞拉至亞弗及亞摩哩人之界基巴勒地遍利巴嫩之東自黑門山麓之巴力伽得至哈末之道山地居民自利巴嫩至蜜利弗馬音與諸西頓人我必驅逐於以色列族前惟爾掣籤分其地與以色列族爲業循我所命汝分斯土與九支派及馬拿西支派之半爲其嗣業馬拿西又有支派之半與流便伽得二支派曾得其業在約但東卽耶和

華僕摩西所予者，自亞嫩河濱之亞羅耳，及洲中之邑，與米底巴平原，至底本暨都希實本之亞摩哩王西宏諸邑，至亞捫族之界。又基列與基述馬迦接壤之區，黑門山及巴山至撒迦都亞大綠，及以得來巴山王疆之國爲哩，乏音族所存者，俱被擊於摩西而驅逐之。惟基述馬迦人，不見逐於以色列族，容其同處，以至於今。○摩西不賜土壤與利未族爲業，惟人獻燔祭於以色列族之上帝耶和華者，則歸之，循耶和華命。○摩西賜土壤與流便支派，循其世系，其界自亞嫩河濱之亞羅耳，及洲中之邑，與米底巴平原，希實本及平原之邑，底本，巴末，巴力，伯巴力，免耶夏撒，基底莫，米法押，基烈亭，實馬陵谷中之撒列殺轄，伯比耳，比士迦山麓，伯耶西末，平原諸邑，都希實本，亞摩哩王西宏之國，俱爲摩西所擊，更擊米田五伯，以未哩，金蘇耳，戶耳，哩巴，皆居西宏地，爲其所轄。以色列族大戮其衆，卜筮師庇耳子巴蘭，亦爲所殲。流便族之西界，卽約但河濱。以上所載流便族之業，與其邑鄉，循其世系。○摩西賜業與伽得支派，循其世系，其界自雅設與基列諸邑，亞捫族地之半，至喇巴相對之亞羅耳，自希實本，至拉末，密士巴，及庇多寧，更自馬哈念至底必界，在谷中之伯亞蘭，伯寧喇，數割，撒分，及希實本，王西宏地之半，沿約但河濱，至基列烈海隅，在約但東。以上所載伽得族之業，與其邑鄉，循其世系。○摩西賜業與馬拿西支派之半，循其世系，其界自馬哈念，巴山王疆之通國，與巴山境內睚耳，六十鄉里，又基列地之半，及巴山王疆境內之亞大綠，以得來二邑，俱歸馬拿西子馬吉裔之半，循其世系。以上所載之地，在約但東，摩押平原，耶利哥相

對之所摩西子民爲業。利未支派不以土壤爲業，惟人獻以色列族之上帝耶和華者，則歸利未人，循耶和華命。

第二十五章 在迦南地，祭司以利亞撒、嫩之子約書亞，暨以色列族長，子民爲業之地，臚列於左：掣籤分地，與九支派及支派之半，循耶和華諭摩西之命。蓋摩西曾在約但東分地，與二支派及支派之半，惟不以土壤與利未人爲業。約瑟子有二馬拿西，及以法蓮，各成支派，故不以土壤與利未人爲業。惟子邑郊，以藏貨財，爲牧牲畜。昔耶和華會命摩西，今以色列族遵命而行，以分其地。時猶大支派至吉甲，有基尼洗人耶孚尼子迦勒，告約書亞曰：「昔耶和華諭其僕摩西，論爾我之事，爾知之矣。其時我年四十，耶和華僕摩西自迦鐵巴尼亞遣我，窺察斯土，我誠心以復命。偕行者使民喪膽，惟我竭忠，遵從我上帝耶和華。當時摩西誓我曰：『爾既竭忠，遵從我上帝耶和華，爾足所履之地，爾可得之。』爰及子孫，永爲爾業。今我尚存，皆出耶和華所賜。自耶和華諭摩西，歷以色列族遨遊於野之時，四十五年，踐其前言。今我年已八十有五，我力強健，與摩西遣我之時無異。當時我出入戰鬪，氣盛力強，今亦如是。爾素聞亞納族居於是山，其邑垣高大，今求爾以耶和華所許之山賜我。如蒙耶和華祐我，則可逐之，踐其前言。約書亞爲耶孚尼子迦勒祝嘏，以希伯崙賜之爲業。緣基尼洗人耶孚尼子迦勒竭忠，遵從以色列族上帝耶和華，故得希伯崙爲業。至今尚存。昔希伯崙名基列亞巴，在亞納族中，亞巴尊大嗣後息戰。」

猶大支派循其世系，掣籤而得之地。其南界至以東邊隅，汎野南方。自鹽海之濱向南之澳，南至亞克拉濱岡，延至汎野，自此而南，至迦鐵巴尼亞，又至希斯崙，及亞撻環繞甲迦，自甲迦至押門，沿至埃及河，極於大海，爲其南境。其東界即鹽海，至約但河口，其北界自海澳，即約但河口，至伯曷拉，沿伯亞拉巴北，至流使後裔波罕之石。其界又至底必，自亞割谷北，至吉甲，亞都冥岡相對之所，在河南濱，延宴示麥泉，至宴羅結。其界通便欣嫩子之谷，在耶布士邑，即耶路撒冷南，又至便欣嫩谷之西山，即哩乏音谷北。由此山巔，至尼弗多亞泉，至以弗崙山邑，延至把拉，即基列耶林環繞把拉，向西至西耳山，延至耶林山旁，即基撒倫北，下至伯示麥及亭拿，又至以革倫北，至實倫把拉山，押業極於海。西界大海之濱，以上所載猶大族四周之界，循其世系，在猶大業中。約書亞以亞納父亞巴邑，即希伯崙，子耶孚尼子迦勒，循耶和華命，迦勒驅亞納三子，示篩、亞希慢、達買，自此而往，攻底必。昔底必名基列西弗，迦勒曰：「能擊基列西弗而取之者，必以我女押撒妻之。」迦勒弟基納有子珂得業，取其邑，故妻以女。女將於歸，請於夫曰：「容我求父子我田疇，遂下驢。」迦勒曰：「爾欲何求？」曰：「欲爾錫嘏。」昔以南隅之地予我，今贈我以泉，遂以上下泉予之。○猶大支派所得之地，循其支派，臚列於左。近以東地極南之邑，甲泄，以得雅姑耳基拿，底摩拿，亞大撻，基特，夏朔，易難，西弗，提臉，庇亞，祿，夏朔，哈撻，大加畧，希斯崙，即夏朔，亞曼，示馬，麼拉，大哈薩，伽大，黑實門，伯帕列，哈薩，書亞，別是巴，必若雅，把拉，以因，亞森，耳多臘，基失，曷馬，息臘，麥馬拿，撒撒拿，利巴，勿實。

忻亞因臨門共二十九邑與其鄉里在谷間有以實道鎖列亞實拿撒挪亞隱于寧大布亞以楠耶末亞土蘭瑣哥亞西加沙拉音亞底大陰其底喇其底魯田共十四邑與其鄉里洗南哈大沙麥大甲底蓮密士巴終帖拉吉不甲厄倫甲本拉幔吉勒其得落伯大公拿馬馬基大共十六邑與其鄉里立拿以帖亞山益弗大亞實拿尼悉枝拉亞革悉馬哩沙共九邑與其鄉里以革倫與邑鄉自以革倫至海近附亞實突與其鄉里亞實突與其邑鄉迦薩與其鄉里及埃及河延至大海在山中沙蜜雅的瑣哥大拿基烈薩拿卽底必亞拿伯以實提莫亞念珂山何倫其祿共十一邑與其鄉里亞喇土馬以山雅農伯大布亞亞非迦訓大基列亞巴卽希伯崙西阿耳共九邑與其鄉里馬雲加密西弗若大耶斯烈約田撒挪亞該隱其庇亞亭拿共十邑與其鄉里哈忽伯夙其突馬臘伯亞諾利提君共六邑與其鄉里基列巴力卽基列耶林喇巴共二邑與其鄉里在野伯亞拉巴麥丁西迦迦匿山鹽邑隱其底共六邑與其鄉里耶布士人卽耶路撒冷居民也猶大族不能驅之與之同居至於今日

第二十三章 約瑟子孫掣籤得地自約但河濱之耶利哥至耶利哥水東及伯特利山之野自伯特利至路斯沿亞其界至亞大錄西向押利底界至平原之伯和倫界及基色極於海此約瑟子馬拿西以法蓮所受之業○以法蓮族循其世系得地之東界卽亞大錄亞達及岡上之伯和倫北界之西至蜜米大東至大納示羅又至雅挪哈自雅挪哈至亞大錄拿臘延耶利哥及約但河西自大布亞至加拿溪極於海此以法蓮族循

其世系得業之界。上二邑與其鄉里。雖在馬拿西業中。尙屬以法蓮族。迦南人居基色。不爲以法蓮人所逐。仍處其中。入貢以服役。至於今日。

約瑟長子馬拿西掣籤得業。馬拿西初生馬吉。馬吉生基列。基列善戰。故得基列巴山地。馬拿西諸子亦得業。循其世系。卽亞庇以泄。希勒。亞士烈。示劍。希弗。示米。大諸族。是皆約瑟子馬拿西子孫。循其世系。○馬拿西玄孫馬吉曾孫基列孫希弗子。西羅非哈無子有女。名馬拉。挪亞。曷拉。密迦。得撒。僉就祭司以利亞撒及嫩之子約書亞暨牧伯前曰。耶和華諭摩西。在兄弟中。以業給我。故賜以業。循耶和華命。除約但東。基列巴山地外。馬拿西族得地十區爲業。馬拿西諸子得基列地爲業。馬拿西女之業亦在其中。○馬拿西之界自亞設至示劍前之蜜米大。北至隱大布亞。馬拿西族得大布亞地。惟界內之大布亞邑。歸以法蓮族。界至加拿溪南。上二邑雖在馬拿西地。俱歸以法蓮族。馬拿西界在溪北。極於海。溪南屬以法蓮。溪北屬馬拿西。海爲西界。北有亞設。東有以薩迦。爲界。在以薩迦及亞設業中。馬拿西得伯善。以伯蓮。多耳。與其鄉里。亦得隱多耳。大納。米吉多。三邑與其居民鄉里。馬拿西族不能逐。是邑居民。故迦南人仍居其地。以色列族剛強。徵貢於迦南人。不逐之盡。○約瑟子孫告約書亞曰。我蒙耶和華錫嘏。成爲大族。何給我一區之地爲業。約書亞曰。汝族旣大。以法蓮山狹小。可入林中。在比哩洗。哩乏音地。而砍其木。約瑟子孫曰。山地不我足用。居伯善與其鄉里。及耶斯烈谷之迦南人。皆有鐵車。約書亞謂約瑟子。以法蓮馬拿西曰。汝乃大族。亦有巨能。

得地一區。尙爲不足。山地與陵谷歸爾。可砍其林。迦南人雖強而有鐵車。爾必能驅之。
得業。約書亞告以色列族曰。爾祖之上帝耶和華。錫爾斯土。爾意寢怠。尙未能得。將俟
何時乎。宜簡各支派三人。我遣之。週行斯土。使繪其形。計其大小。以復於我。宜分地爲
七區。猶大族居南境。約瑟族居北境。其餘之地。必繪其形。分爲七區。以復於我。我爲爾
掣籤。在爾上帝耶和華前。利未族在爾中。無土壤爲業。因祭司得人所獻耶和華之物
爲業。伽得流便二支派。並馬拿西支派之半。在約但東。得耶和華僕摩西所賜之地。爲
業。所簡之人欲往。約書亞囑曰。汝週行其地。繪圖以復我。我在示羅。耶和華前。爲爾掣
籤。其人遂往。週行其地。繪之於冊。以其邑鄉。分爲七區。歸示羅營。見約書亞。約書亞在
示羅。耶和華前。爲民掣籤。循以色列族班列。○初掣籤。便雅憫支派。循其世系得地。其
境攝猶大族。約瑟族間。北界自約但。至耶利哥北。西達山間。至伯大文野。由此至路斯
南。卽伯特利。延亞大錄。亞達。至山之陽。近平原之伯和倫。其界環繞此山。由西及南。自
伯和倫。南之山。至基列巴力。卽基列耶林。猶大族之邑。此其西隅。其界之南。自基列耶
林。盡處。西至尼弗多亞泉。又至便欣嫩谷前之山麓。卽哩乏音谷北隅。下至便欣嫩之
谷。在耶布士邑南。延宴羅結。又北至宴示麥。及基利綠。亞都冥岡相對之所。至流便子
波罕之石。又北至亞拉巴。相對之所。後至亞拉巴。其界至伯曷拉北。出於鹽海之北。澳
在約但河口。此其南界。東界約但河。以上所載。便雅憫族之業。及其四境。循其世系。便

雅憫族之邑乃耶利哥伯曷拉基悉谷伯亞拉巴西馬臉伯特利亞文巴拉阿弗拉基法哈摩耐阿弗尼柳巴共十二邑與其鄉里基遍拉馬庇綠密士巴基非拉摩撒哩金耳別大喇拉西拉以勒弗耶布士卽耶路撒冷基庇亞基烈共十四邑與其鄉里以上所載使雅憫族之業循其世系

第廿一章次掣籤乃西面支派循其世系得業在猶大族業內卽別是巴是巴麼拉大哈薩書亞巴拉亞森耳多臘伯突曷馬息臘伯馬嘉不哈薩蘇撒伯利包得沙魯險共十三邑與其鄉里亞因哩門以帖亞山共四邑與其鄉里以上諸邑與四周之鄉里至巴拉比耳及南隅之拉末俱歸西面支派循其世系西面族之業在猶大族業中蓋猶大族所受者甚廣故西面族得業在其中○三掣籤乃西布倫族循其世系得業其界自撒立西至於海經馬喇拉及大巴設至約念河自撒立東向日出之所至吉祿大泊界延大庇喇及耶非亞自此而往至基大希伯東又至以大迦汎及尼亞之哩門米脫北至哈拿頓及益弗大利之谷又至迦大拿哈臘伸崙以大拉伯利恆共十二邑與其鄉里上所載諸邑與其鄉里悉歸西布倫族循其世系○四掣籤乃以薩迦族循其世系得業其界自耶斯列至基蘇律書念哈弗蓮示恨亞拿哈拉臘必基善亞別哩滅隱干寧隱哈大伯帕泄延大伯沙哈西馬伯示麥極於約但共十六邑與其鄉里以上所載諸邑與其鄉里俱歸以薩迦族循其世系○五掣籤乃亞設支派循其世系得業其界有黑甲哈哩庇田押殺亞拉米勒亞末米示押西至加密及示哈立納東至伯大公

及西布倫、延伯以墨及尼葉北之益弗、大利谷、極迦不左、又至希伯崙、哩合、哈門、加拿及西頓大邑、經拉馬、至推羅、固城、又至何薩、極於海、又自海濱至亞革悉、又至烏馬亞、弗哩合、共二十二邑、與其鄉里、上所載諸邑、與其鄉里、悉歸亞設族、循其世系。○六掣籤、乃納大利族、循其世系、得業、其界自希利弗及亞龍、至撒南寧、亞大米、尼吉押業、至拉金、及於約但、自此而西、至押納大泊、及戶割、南至西布倫、西至亞設、東至鄰約但之猶大、其邑垣乃西丁、西珥、哈抹、喇甲、基尼烈、亞大馬、拉馬、夏朔、基特、以得來、隱夏朔、以崙密大利、何憐、伯亞納、伯示麥、共十九邑、與其鄉里、上所載、與其鄉邑、俱歸納大利支派、循其世系。○七掣籤、乃但之支派、循其世系、得業、其界鎖喇以實道、耳示麥、沙拉濱、亞耶倫、葉拉以倫、亭拿大、以革倫、利提基、其庇頓、巴拉、耶合、便比拉、迦特、臨門、米耶君、喇公、與耶浮境、但族之界狹小、故攻利善而取之、擊以刃、據而居彼、藉祖之名、改利善曰但、上所載諸邑、與其鄉里、歸但族、循其世系。○以色列族分地爲業、循其境界、既畢其事、則於其中、賜業與嫩之子約書亞、以所求之邑、卽以法蓮山之亭納、西拉與之、循耶和華命、約書亞重建其邑而居焉。上所載、祭司以利亞撒、與嫩之子約書亞、及以色列支派最著者、掣籤分地爲業、於示羅會幕門外、耶和華前、於是分地已畢其事。

第二十章 耶和華諭約書亞曰、告以色列族云、昔我諭摩西、必有數邑爲逋逃之藪、今當立之、使無知而誤殺人者、可遁於彼、遇被殺者之戚屬欲報其仇、則以此邑爲逋逃之藪、逃至此邑者、必立邑門、自訴於長老前、長老接之、安置邑中、既誤擊同儕、素無仇

隙則被殺之戚屬追及長老不得以殺人者解與其手必居於邑中追見鞫於會衆以俟在位之祭司長終則殺人者可歸故邑故家○以色列族簡納大利山地加利利之基特以法蓮山地之示劍猶大山地之基列亞巴即希伯崙又簡約但外耶利哥東流便平原所屬在野之庇悉伽得支派所屬基列之喇末馬拿西支派所屬巴山之珂蘭凡以色列族與其賓旅誤殺人者未見鞫於會衆而被殺之戚屬欲報其仇則可遁於斯邑不致死亡

第廿二章利未族最著者就祭司以利亞撒與嫩之子約書亞及以色列支派最著者於迦南地示羅告之曰耶和華諭摩西以邑郊賜我及我牲畜以色列族由其業中以邑郊賜利未人循耶和華命初掣籤乃哥轄族得邑其中祭司亞倫之子孫既爲利未人則掣籤而得在猶大西面便雅憫三支派中十三邑哥轄族諸子掣籤而得在以法蓮及但二支派馬拿西支派之半者十邑革順子孫掣籤而得在以薩迦亞設納大利三支派又在巴山地馬拿西支派之半者十三邑米喇哩族在流便伽得西布倫三支派得十二邑以上所載諸邑與郊乃以色列族掣籤予利未人循耶和華所諭摩西之命○猶大西面二支派所予之邑臚列於左利未支派哥轄族亞倫子孫首掣籤而得邑乃猶大山地基列亞巴邑即希伯崙及其郊亞巴即亞納父也惟邑郊之田與其鄉里咸歸耶孚尼子迦勒爲業給祭司亞倫子孫者希伯崙與其郊爲誤殺人者逋逃之數又給立拿與其郊雅的和與其郊以實提摩與其郊何倫與其郊底必與其郊亞因

與其郊。若大與其郊。伯示麥與其郊。斯二支派所給者。共九邑。便雅憫支派給基遍與其郊。基巴與其郊。亞拿突與其郊。亞勒門與其郊。共四邑。於是祭司亞倫所得者。共十三邑與其郊。○利未支派哥轄諸子。亦掣籤而得地。在以法蓮支派中所得者。乃以法蓮山之示劍與其郊。爲誤殺人者逋逃之藪。亦得基色與其郊。及先與其郊。伯和倫與其郊。共四邑。在但支派中得利提基與其郊。其庇頓與其郊。亞雅倫與其郊。迦特臨門與其郊。共四邑。在馬拿西支派之半。得大納與其郊。迦特臨門與其郊。共二邑。哥轄族諸子所得者。共十邑。與其郊。馬拿西支派之半。給利未支派。革順族。巴山地之珂蘭與其郊。爲誤殺人者逋逃之藪。又給別提喇與其郊。共二邑。以薩迦支派給基順與其郊。大巴辣與其郊。耶末與其郊。隱于寧與其郊。共四邑。亞設支派給米沙勒與其郊。押頓與其郊。黑甲與其郊。哩合與其郊。共四邑。納大利支派給加利利之基特與其郊。爲誤殺人者逋逃之藪。又給哈末多耳與其郊。迦但與其郊。共三邑。革順族循其世系所得者。共十三邑與其郊。○西布倫支派給利未支派之米喇哩族。約念與其郊。迦大與其郊。丁拿與其郊。拿哈辣與其郊。共四邑。流便支派給庇悉與其郊。雅哈撒與其郊。基底莫與其郊。米法押與其郊。共四邑。伽得支派給基列地之喇末。爲誤殺人者逋逃之藪。又給馬哈念與其郊。希實本與其郊。牙設與其郊。共四邑。於是利未支派米喇哩族循其世系所得者。十二邑。以色列族業中。利未支派所得者。共四十八邑。與其郊。邑四周有郊。各邑皆然。以色列族得耶和華誓與其祖之地。據而居之。耶和華踐其所誓之言。

以諸敵付於以色列族無敵可禦而於四周錫以平康四十五昔所許以色列族諸福俱臨於上無一遺焉。

第廿二章 約書亞召流便伽得二支派馬拿西支派之半告之曰耶和華之僕摩西所諭及我所命爾已遵行爾之同儕歷久不遺守爾上帝耶和華誠命禮儀至於今日今爾上帝耶和華踐其前言俾爾同儕安居爾可歸幕在約但東耶和華僕摩西所給汝之業惟當謹恪遵行耶和華僕摩西所傳之誠命律例愛爾上帝耶和華恆從其道恆守其誠一心一意事之約書亞爰爲祝嘏而遣之去遂歸其幕昔摩西在巴山地賜業與馬拿西支派之半尙有支派之半約書亞賜業與之於同儕中在約但西約但東得業者約書亞遣之歸幕爰爲祝嘏曰汝得敵財豐裕牲畜金銀銅鐵衣服甚多可歸爾幕分貨財與兄弟○於是流便伽得二支派馬拿西支派之半離迦南之示羅別以色列族歸其所得之業在基列地循耶和華所諭摩西之命流便伽得二支派馬拿西支派之半至迦南地約但河濱遂築高壇以便觀望○以色列族風聞流便伽得二支派馬拿西支派之半在以色列族渡約但與迦南地相對之處業已築壇故集會衆至示羅欲與之戰預遣祭司以利亞撒子非尼哈至基列地見流便伽得二支派馬拿西支派之半又遣各支派牧伯十人乃以色列億兆中最著者咸至基列地見流便伽得二支派馬拿西支派之半告之曰耶和華會衆云爾今日何干犯以色列族之上帝不從耶和華更築壇違耶和華命昔在比耳我儕犯罪耶和華降災會衆至今罪未盡赦

其事豈微細哉。^太今日爾曹不從耶和華、違逆其命、恐明日耶和華怒以色列會衆。如爾所得之地、以爲不潔、則歸耶和華會幕所立之地、在我儕中得業亦可、但勿違耶和華及我、除我上帝耶和華壇外、勿更築壇。昔西喇孫亞干、豈非干犯所當獻之物、而降災於以色列會衆乎。其咎戾豈亞干獨亡乎。流便伽得二支派、馬拿西支派之半、對以色列億兆族長曰、諸上帝之上帝耶和華、諸上帝之上帝耶和華、知之。以色列族亦將知之。如我違逆干犯耶和華、願無祐我。我雖築壇、如不欲從耶和華、或欲獻燔祭禮物、酬恩之祭於其上、願耶和華責我。我之築壇、非無故也。恐爾後嗣謂我後嗣云、爾曹與以色列族之上帝何與。耶和華置約、但爲界於爾我間。爾曹流便伽得二支派、與耶和華無與。如是、爾後嗣將使我後嗣不畏耶和華。故我儕曰、不如築壇、非爲燔祭祀品。但在爾我間、及爾後代、我後代間爲證、使我役事耶和華、獻燔祭禮物、酬恩之祭於其前、則爾子孫不得謂我子孫云、汝與耶和華無與。故我曰、嗣後如有人、以此言委我、或我子孫、則我可語、試視我祖所作耶和華壇之式、非爲燔祭祀品、乃在爾我間爲證。我斷不可違耶和華、使不從其命、除我上帝耶和華幕前之壇外、勿更築壇、以獻燔祭、酬恩之祭。祭司非尼哈與牧伯及以色列億兆族長聞流便伽得馬拿西族之言、則悅。祭司以利亞撒子非尼哈告流便伽得馬拿西族曰、我今日知耶和華祐我、因爾不違耶和華。如此則援以色列族、免耶和華降災於我。○祭司以利亞撒子非尼哈與牧伯離基列別流便伽得族歸迦南、見以色列族而覆之以色列族聞言則悅、頌美上帝、遂不攻流

便伽得族以滅其地。^{三十一}流便伽得族名斯壇曰證。蓋曰：耶和華爲上帝在我之間，以是壇爲證也。

第二十三章 耶和華使以色列族脫於諸敵，安居斯土。歷日已久，約書亞壽高年邁，召以色列衆長老、牧伯、刑官、族長，告之曰：我壽高年邁，爾之上帝耶和華緣爾故而伐斯民，爾所目擊，蓋爾上帝耶和華助爾以戰，東自約但，西至大海，我所滅之國，與所遺之民，我掣籤分其地，與爾支派爲業。爾之上帝耶和華將驅斯民於爾前，使爾據其地，以踐前言。故當自守，遵摩西律例所錄諸言，不偏於左，不偏於右，勿與爾中之遺民往來，勿稱其上帝之名，毋指以誓，毋服事，毋崇拜，恆從爾上帝耶和華如爾所行自昔迄今。蓋較爾強大之民，耶和華逐之於爾前，無能禦爾。至於今日，是以爾中之人，一可驅千，蓋爾之上帝耶和華助爾以戰，踐其前言。故當謹恪愛爾之上帝耶和華。如爾反是，恆從爾中遺民，與之嫁娶往來，則當知爾上帝耶和華必不再驅斯民於爾前，斯民必陷爾於坎阱，爲爾目中之刺，肘下之棘，迫爾滅亡。在爾上帝耶和華所賜之腴壤，今日我將逝世，無異凡民，乃爾一心一意，知爾上帝耶和華所許之福，萬無一失，毋或少遺。爾上帝耶和華所許諸福，既臨於爾，爾反其道，則爾上帝耶和華亦必使諸禍降臨，迫爾滅亡。在爾上帝耶和華所賜之腴壤，如爾背爾上帝耶和華所命之約，服事崇拜他上帝，則耶和華必震怒爾，使爾速亡，於其所賜之腴壤。

第二十四章 約書亞集以色列各支派至示劍，召諸長老、牧伯、刑官、族長，咸至上帝前。

約書亞告民曰、以色列族之上帝耶和華云、亙古、爾祖亞伯拉罕及拿鶴之父他拉、居大河東、服事他上帝、我攜爾祖亞伯拉罕、自大河東、導入迦南、賜生子以撒、增其苗裔、我使以撒生雅各、以掃、以西耳山、錫以掃爲業、惟雅各與子孫往埃及、我遣摩西亞倫、更降災於埃及、後導爾出、爾祖旣出、則至海濱、埃及人牽車馬、追爾祖至於紅海、彼籲我時、我布黑雲於汝與埃及人間、使海水淹之、我於埃及所爲、乃爾目擊、爾居野旣久、我導爾至約但東、亞摩哩人地、彼與爾戰、我付之爾手、滅於爾前、據有其地、時、摩押王、西撥子巴勒、攻以色列族、召庇耳子巴蘭、使咒詛爾、我不許巴蘭咒詛、反使祝福、故爾得脫、爾渡約但、至耶利哥、耶利哥人與亞摩哩人、比哩洗人、迦南人、赫人、革加西人、希未人、耶布士人、攻爾、我付之爾手、我使大蜂驅亞摩哩二王於爾前、不藉爾刃、爾弓、爾未耘之田、我賜於爾、未建之邑、爾居其中、未植之葡萄、橄欖、爾食其菓、故當眞實無妄、畏耶和華而服事、昔在大河東與埃及國、爾祖所事之上帝、汝必去之、惟奉事耶和華、如事耶和華、爾視爲不善、今日簡所欲事者、或爾祖在大河東所事之上帝、或爾居斯土亞摩哩人之上帝、惟我與全家必事耶和華、民對曰、我斷不可違耶和華、事他上帝、蓋我上帝耶和華、導我祖與我出埃及、脫於賤役、行諸異蹟、俾我目擊、祐我於所行之途、拯我於所過之國、耶和華驅斯民於我前、亦驅斯土之亞摩哩人、故必事我上帝耶和華、約書亞曰、爾不能事耶和華者、以耶和華乃聖、斷不容以他上帝匹之、故不赦爾罪愆、如爾違耶和華、事他上帝、則祐爾之後、必反害爾、至於滅亡、民對曰、我必事耶和

華約書亞曰、爾簡耶和華而事之、爾自爲證。曰、我願自證。曰、汝中所有他人之上帝、今當去之、誠心相從以色列族上帝耶和華。民謂約書亞曰、我欲奉事我上帝耶和華而遵其命。是日、約書亞與民立約、設法度禮儀於示劍。○以是言錄於上帝律例冊、立大石於橡下、近耶和華聖室、告民曰、我儕以此石爲憑、耶和華所諭我者、斯石聞之、如爾違爾上帝、可以此石爲憑、約書亞遂散民、各歸其業。○茲後、耶和華僕、嫩之子約書亞、年百有十歲而死、葬於其業之隅、卽以法蓮山之亭納西拉、迦實岡北。約書亞在時、以色列族事耶和華、約書亞沒、諸長老尚在、以色列族仍服事耶和華、以斯長老曾知耶和華助以色列事故也。○昔以色列族攜約瑟骨出埃及、今葬於示劍、在雅各向示劍父哈抹族捐百金所購之地、爲約瑟後裔之業。亞倫子以利亞撒死、葬於以法蓮山、其子非尼哈所得之岡。

士師記

第^二章 約書亞既沒，以色列族問於耶和華曰：孰可先往，代我攻迦南人。耶和華曰：猶大族可往。我以是地付於其手。猶大族告同儕西面族曰：爾與我同往，至所得之地，攻迦南人。其後，我亦與汝偕詣爾所得之地。西面族從焉。猶大族乃往。耶和華以迦南人比哩洗人付於其手，在庇泄殺人一萬。卽於其處，遇亞多尼庇泄，攻之。迦南人比哩西人皆被殺戮。亞多尼庇泄遁，追而擒之，斷其手足之巨擘。亞多尼庇泄曰：昔我斷七十王手足之巨擘，使拾物於我几下。今上帝視我所行，報施於我。猶大族乃攜之至耶路撒冷死焉。○猶大族攻耶路撒冷，而取其地，擊之以刃，燬之以火，遂往南方，與居陵谷之迦南人戰。攻居希伯崙之迦南人，殺示篩。亞希慢達買昔希伯崙名基列亞巴。由此而往，攻底必人。昔底必名基列西弗。迦勒曰：能擊基列西弗而取之者，必以我女押撒妻之。迦勒弟基納有子阿得業，取其邑，故妻以女。女將于歸，請於夫曰：容我求父，予我田疇，遂下驢。迦勒曰：爾欲何求。曰：欲爾錫嘏。昔以南隅之地予我，今贈我以泉。遂以上下泉予之。○基尼族摩西外舅裔也，離棗樹之邑，偕猶大族適亞臘南之猶大野，與民同居。猶大族與同儕西面族偕往西法，殺迦南人，翦滅其邑。昔西法名曷馬。猶大取迦薩與其郊。亞實基倫與其郊，以革倫與其郊。猶大族爲耶和華所祐，遂據山地，其不能逐居谷之人者，以有鐵車故也。以希伯崙予迦勒，踐摩西前言。迦勒逐亞納三子。○耶布士人處於耶路撒冷，不爲便雅憫族所逐，故得與之偕居。至於今日。○約瑟族往攻

伯特利耶和華祐之。約瑟族遣人窺察伯特利。昔伯特利名路斯。偵者見人由邑出。謂之曰。是邑何由而入。請爾指示。我將矜恤爾。其人乃告以入邑之所。於是約瑟族擊其邑滅之。惟指示之人全家得釋。往赫人之地建邑。名之曰路斯。迄於今日。其名尚存。○伯善大納多耳。以伯連米吉多。及其鄉里之迦南人。仍居斯土。馬拿西族不加驅逐。以色列族強盛。徵貢於迦南人。不逐之盡。迦南人之處於基色者。與以法蓮族偕居。不爲所逐。迦南人之處於吉倫與拿哈鹿者。與西布倫族偕居。不爲所逐。惟徵其貢。迦南人處於亞何西頓。亞臘。亞革悉。黑巴亞非革。哩合之地。不爲亞設族所逐。與之同居。迦南人處於伯示麥。伯亞納之地。納大利族不加驅逐。與之同居。惟徵其貢。但之一族爲亞摩哩人所侮。逐之於山。不許下谷。亞摩哩人仍居希烈山。亞雅倫。沙押賓。旋受制於約瑟族。而納其貢。亞摩哩人界自亞克拉賓岡。由磐而土。

耶和華之使自吉甲至普金。曰。我導爾出埃及。入所誓爾祖之地。我嘗言與爾立約。不失其信。爾與斯土之民。不可立約。必摧其壇。汝不遵命。果何爲哉。故我有言。必不驅逐斯民。使彼爲肘下之棘。彼之上帝陷爾於坎阱。耶和華之使以斯言告以色列族。民大聲號泣。名其地曰普金。普金譯在彼獻祭耶和華。

約書亞既散民。以色列族各歸其業。據有斯土。當約書亞之存日。民奉事耶和華。及其沒也。諸長老尚在。民仍服事。以長老曾目擊耶和華爲以色列族備行異蹟故也。耶和華僕嫩之子約書亞。年百有十歲而死。葬於其業之隅。卽以法蓮山之亭納希烈。迦實。

岡北斯代之民咸返其本。至於後世不知耶和華亦不知其爲以色列族行諸異蹟故行惡於耶和華前事諸巴力導其祖出埃及之上帝耶和華反背之四周民之上帝則尊崇伏拜之以是干耶和華震怒蓋背耶和華事巴力亞大綠故耶和華怒以色列族付於四周之敵爲人所虜莫能扞禦無論所往耶和華降以禍災踐其疇昔發誓之言民乃悚懼耶和華挺生士師援民於敵手乃民不聽從狗欲從他上帝而伏拜之其祖在昔惟耶和華命是遵及至斯民違道甚速耶和華旣挺生士師則祐其極民出敵手至終其世蓋民罹暴虐號呼以籲故耶和華中心惻焉迨乎士師旣沒以色列族喪其心術較之前人尤甚從他上帝而伏拜之強項不馴弗改其非耶和華震怒曰昔我與以色列族之祖立約惟彼違逆不遵我命故其他族類約書亞在時未行殲滅者我必不驅逐以試以色列族果遵從我道繩其祖武否耶和華留是族不速驅除亦不以是族盡付約書亞手

第三章 迦南之戰以色列族中有未見其事者耶和華欲其練習武備亦欲試以色列族故遺數族於此其名臚列如左非利士人之五伯迦南人西頓人居利巴嫩山之希未人自巴力黑門至哈末道此數族者留之以試以色列族果聽從耶和華遣摩西諭厥祖之命否

以色列族偕迦南人赫人亞摩哩人比哩洗人希未人耶布士人同居取其女爲妻以女適其子亦服事其上帝以色列族行惡於耶和華前忘其上帝耶和華事諸巴力亞

大綠故耶和華怒以色列族付之於米所波大米王古山哩薩田爲其役事凡歷八年以色列族籲耶和華耶和華挺生迦勒弟基納之子阿得業援以色列族耶和華之神感之爲以色列族士師導之以戰耶和華以古山哩薩田付於其手使之獲勝自是以後其地悉平歷四十年基納子阿得業死以色列族又行惡於耶和華前故耶和華使摩押王厄倫強盛聚亞捫亞馬力二族攻以色列族據有棗城以色列族服事厄倫歷十有八年厥後呼籲耶和華耶和華挺生救主卽便雅憫族其喇子以忽彼用左手較爲便捷以色列族托以禮物使饋於摩押王厄倫以忽乃作劍其長徑尺繫於右股衣內以禮物賚摩押王厄倫厄倫體甚肥胖以忽進禮已畢則遣貢禮物者去自往吉甲至有雕刻形之處而反奏於王曰我有密事欲以上告王欲靜謐屏其侍從以忽乃前王獨坐於涼室以忽曰我奉上帝命有事告爾王起以忽以左手取劍於右股際刺王之腹并陷其柯刃爲脂所蒙不得出乃由後而出以忽閉室上櫬繞廊以去既去王臣至見門閉上櫬意謂王寢於涼室俟久懷疑室門不啟故取鑰而啟之見主已死偃仆於地濡滯間以忽已遁過雕刻之形避於西臘在以法蓮山吹角以色列族下山以忽導之曰爾從我後耶和華以爾敵摩押人付於爾手民從之在摩押相對之所據約但津不容一人得濟殺摩押壯士以萬計靡有子遺當時摩押人服於以色列族其地悉平歷八十年厥後亞拿子山甲以牛杖殺非利士人六百援以色列族

第四章

以忽既沒以色列族仍行惡於耶和華前耶和華付於都夏朔之迦南王耶賓

居外邦夏羅設之。西西喇爲其軍長。備有鐵車九百。虐遇以色列族。歷二十年。以色列族籲耶和華。當時拉比脫妻。先知婦底破喇。爲以色列族士師。居以法蓮山。拉馬伯特利間。底破喇之棗樹下。以色列族赴之。聽其折中。彼自納大利基特。召亞庇娜暗子巴勒至。謂之曰。以色列族上帝耶和華諭云。爾取納大利西布倫二族萬人。適大泊山。我必使耶賓軍長。西西喇率車與衆。至基順河。與爾相遇。以之付於爾手。巴勒曰。爾偕我往。則往。不偕我往。則不往。曰。我誠與爾偕往。然爾雖往。不獲顯榮。蓋耶和華將以西西喇付於婦女之手。底破喇起。偕巴勒往基特。巴勒集西布倫。納大利二族。至基特。率軍一萬。底破喇偕行。摩西戚屬何巴之後裔。基尼人希百。曾離基尼族。張幕於附基特之撒拿音平原。或以亞庇娜暗子巴勒適大泊山。告西西喇。西西喇集鐵車九百。與其軍旅。由外邦之夏羅設。至基順河。底破喇告巴勒曰。爾當起。耶和華已先爾而行。今日必以西西喇付於爾手。巴勒下大泊山。萬人隨之。耶和華助巴勒。使敗西西喇車騎及衆。悉潰亂焉。西西喇棄車。徒行而遁。巴勒追襲其後。至外邦之夏羅設。其諸軍旅殲滅。以刃靡有孑遺。當時夏朔王雅賓與基尼人希百家。仍修舊好。故西西喇徒步。及希百妻雅億之幕。雅億出迓。告之曰。我主毋畏。請止步履。以入我幕。旣入。雅億覆之以衾。西西喇曰。我渴。請飲我勺水。遂啟革囊。以乳飲之。仍以衾覆。又曰。汝立於幕門。如有詢爾者。有人於此否。爾必曰。無之。西西喇憊甚而寢。時希百妻雅億取幕釘與椎。徐步以前。以釘貫首。在其鬢際。釘之於地。以致之死。巴勒追至。雅億出迓曰。來。我以爾所求者示爾。

入幕見西西喇已死，釘貫於首，深入鬢際。如是，上帝助以色列族，敗迦南王耶賓。以色列族較昔愈強，戰迦南王耶賓而獲勝，至於殲滅乃已。

第四章 底破喇與亞庇娜暗子巴勒謳歌曰：以色列族之巨魁，率其衆旅，民樂從焉。故頌美耶和華，列王其俯聞，諸伯其傾聽。我必謳歌頌耶和華，讚以色列族之上帝。耶和華自西耳地出，由以東田來，斯時也，地震天漏，密雲零雨。於以色列族上帝耶和華前，山嶽震撼，西乃其顛。當亞拿子山甲及雅億時，人不敢由通衢，乃由曲徑。以色列中無長者，迫我底破喇生，爲以色列族之母。在昔斯民特簡素所未識之上帝，於是戰鬪及於門內。當此之時，以色列族四萬人中，欲求一干戈而不得。以色列族之牧，與樂從之民，我心愛之，而頌美耶和華。凡乘白驢，坐翫觥，行通衢者，咸應謳歌，其聲如人於引水之處，分其所得而歡呼。耶和華民復入邑門，故頌耶和華之義。以色列諸長之義，底破喇其興與，寤而謳歌。巴勒其起與，亞庇娜暗子其虜爾敵。維彼有能之士，所遺之衆宜至焉。我在英武之中，耶和華民應歸焉。以法蓮族乎，爾來自亞馬力山，其次則便雅憫族，雜於爾民中。牧伯由馬吉以至，元戎自西布倫而來。以薩迦長者，左右底破喇，以薩迦族從巴勒，徒行於谷，流便族深自圖維，居於溪濱。爾何處於藩間，豈欲聽牧羊者吹笛乎。流便族深自圖維，居於溪濱，基列處約但東，但族駕舟，亞設族駐海濱，仍居於澳。惟西布倫族冒死而不顧，納大利族適彼高岡。迦南列王咸至，戰於大納及米吉多水，貨財之屬，毫無所得。以天垂象，攻西西喇。基順之河，自昔著名，河中之水，盡漂其衆，彼

雖有能，我履其上。有能者，行甚迅速，馬蹄蹴於途間。米羅斯民不從有能者，以助耶和華。故耶和華之使者曰：必詛米羅斯，詈以厲詞。基尼人希百妻雅億，最爲寵幸，冠於諸女。婦女之居幕者，惟彼見寵。西西喇求水，彼給以乳，以酥予之，盛於長者之盂。左手執釘，右取巨椎，以釘其首，深入鬢際，擣而碎之。在其足前卷曲不起，既不起於足前，卷曲而死。西西喇之母倚牕而望，由櫺而呼，何其車轍之遲至，何其車聲之未聞。侍女之賢者慰之，西西喇母自言曰：豈非有虜而羣分所獲，各得一二女乎？西西喇得彩衣文繡，以飾其項乎？願耶和華諸敵如此危亡，願愛爾者愈顯其榮，如日方升。○嗣是以後，其地悉平，歷四十年。

第六章 以色列族復行惡於耶和華前。耶和華以之付於米田族手。凡歷七年。既爲米田族所敗，遂營山窟，居巖洞，扼其險要。以色列族耕稼既畢，米田亞馬力與東方之人咸來攻擊，建置營壘。凡土所產悉被斬艾。至於迦薩。以色列族食物無存，牛羊與驢亦盡。敵與駱駝、牲畜、帷幕如蝗衆多，不可勝數。既至，欲滅斯土。以色列族緣米田人故，匱乏特甚。呼籲耶和華。耶和華遣先知者告以色列族曰：以色列族之上帝耶和華云：我導爾出埃及，脫爾於賤役。援爾出埃及，及人與諸敵手，驅其民人，錫以土地。告爾曰：我爲爾之上帝耶和華。毋畏斯土亞摩哩人之上帝。惟汝不遵我命。耶和華之使至阿弗拉，坐亞庇以泄人約押橡下，適約押子其田撲麥於醪旁，不欲爲米田人所知。耶和華之使顯現曰：英武哉若人。耶和華祐爾。其田曰：我主與如耶和華祐我，奚至所遇若此。我

嘗聞我父之言。昔耶和華導我族出埃及。今其異蹟安在。斯時耶和華遺棄我儕。付我於米田人手。耶和華眷顧之曰。今遣爾往。爾必有能。將拯以色列族脫於米田人之手。爾其往哉。曰。我主與馬拿西族中我家貧乏。我父之家。我又至微。焉能拯以色列族乎。耶和華曰。我左右爾。爾將擊米田之衆。與擊匹夫無異。曰。如我蒙恩於爾前。請示以徵。則知爾誠諭我者也。請勿去。待我復至。陳禮物於爾前。曰。我必待爾。其田往。備山羊之羔。取麵六斗。作無酵餅。置肉於筐。盛湯於壺。至於橡下獻之。上帝之使者曰。取肉與餅。置於磐上。以湯斟之。乃如命以行。耶和華之使。以所執之杖。按肉與餅。火自磐出。肉與餅悉被焚。耶和華之使遂往。不復見。其田乃知誠耶和華之使。則曰。我主耶和華歟。我與耶和華使者晤對。將若何。耶和華曰。安爾心。毋畏。爾可不死。其田築壇。奉事耶和華。名之曰。耶和華沙林。耶和華沙林譯即耶和華錫我綏安斯壇在亞庇以泄人之阿弗拉。迄今尚存。迨夕。耶和華諭之曰。取爾父之憤。其外更備一牛。必盈七歲者。爾父所築巴力之壇。爾必摧之。并斫其旁之偶像。爾於磐上曾列燔柴。卽於斯處築壇。奉爾上帝耶和華。燔牛爲祭。斫偶爲柴。其田簡僕十人。遵耶和華命而行。但畏父家與邑衆。不敢畫作。故夤夜以行。邑衆夙興。見巴力之壇已傾。在旁之偶已斫。七歲之牛已獻於新築壇上。則相問曰。行此者誰。亟爲諮詢。乃知約押子其田所作。邑衆告約押曰。巴力之壇爲爾子傾圮。在旁偶像亦被所斫。當攜出殺之。約押對曰。汝欲爲巴力訟乎。抑爲之援手乎。如人欲爲之訟。則其人必見殺於今晨。如巴力爲上帝。旣傾其壇。則巴力可以自訟。於是人以耶路巴力

名其田曰。既傾巴力壇。由巴力自訟。○時米田亞馬力與東方之人咸集。濟河建營於耶斯烈谷。耶和華之神感其田。使吹角集衆。亞庇以泄族從焉。遣使者遍告於馬拿西族。使之相從。又遣人至亞設。西布倫。納大利。咸出以迎。其田求上帝曰。爾嘗有言。必假手於我。援以色列族。今我以綿羊毛一束。置於禾場。如露獨在羊毛。而四周之土仍燥。則知爾將藉手於我。拯以色列族。踐爾前言。詰朝。其田夙興。取羊毛而絞之。揉露盈盂。其田求上帝曰。毋震怒。我敢復進一辭而後已。請再試之。我欲羊毛無露。而四周之土有露。是夜。上帝如言而行。羊毛無露。而四周之土露無不徧。

耶路巴力卽其田。與其從者夙興。建營附哈律泉。米田營在摩哩山谷。卽哈律泉之北。耶和華諭其田曰。從爾者過衆。如我以米田人付於其手。恐以色列族必自誇。違逆乎我。謂已有能。是以得救。當告民云。如有畏蒞恐懼者。速歸基列。歸者二萬二千。留者一萬。耶和華諭其田曰。從者猶衆。導至水濱。我爲爾試之。可偕爾行者則與之偕。不可偕爾行者則不與之偕。爾當悉循我所示焉。遂導民至水濱。耶和華諭其田曰。凡以手取水而飲。如犬之以舌取水而飲者。必歸一處。凡跪而飲者。亦必區別。於是。以手取水而飲者。計三百人。其餘皆跪而飲。耶和華諭其田曰。我必使以手取水而飲之。三百人救爾。付米田人於爾手。可使餘民俱歸其所。三百人取餼糧與角。以色列族之餘民。其田使之歸於故幕。○米田營在谷。是夜。耶和華諭其田曰。爾可速下。適於敵營。我以之付於爾手。如爾畏蒞。不敢往攻。則攜爾僕部喇。先適彼營。聽衆所言。後卽遇敵。

可強乃志。其田與其僕部喇遂下。至營之極處。近於行伍。米田亞馬力與東方之人。偃臥於谷。如蝗衆多。其駝無數。如海濱之沙。其田既至。有人以夢告同儕曰。我夢麴麥圓餅一。旋轉入米田營。至於一幕。傾而覆之。同儕曰。此無他。乃以色列人約押子其田之刃。蓋上帝以米田軍付於其手。其田聞夢。及詳夢之言。則崇拜上帝。歸於以色列營。曰。起。耶和華曾以米田軍付於爾手。分三百人爲三隊。使各執角。亦攜空甕。藏火炬於其中。告之曰。當觀法於我。我至營外。所行之事。汝必則效。我與從者吹角。汝亦吹角。於營之四周。云。耶和華及其田之刃。時值夜半。守營者初易其班。其田與從者百人至營外。吹角破甕。三隊亦吹角破甕。左執炬。右執角。呼云。耶和華及其田之刃。各立其所。當敵營之四周。敵呼而遁。三百人吹角。耶和華使徧營之人。自相攻擊。敵衆奔至西哩勒之伯示大。又至亞伯米何拉界之大八。以色列族之納大利亞設。馬拿西支派俱集。追襲米田人。其田遣人遍告於以法蓮山。曰。汝來攻米田人。乘其未至。取伯巴喇及約但津。以法蓮族集其衆。取伯巴喇及約但津。擒米田二伯。阿立西邑。殺阿立在阿立磐。殺西邑在西邑。醢取其首級。攜至約但外。遞於其田。仍率其衆。襲米田人之後。

第二十三章 以法蓮人謂其田曰。爾初往攻米田人。曷不招我。何待我如是。遂切責之。其田曰。我之所爲。與爾所爲。焉能比較。亞庇以泄之。歛取葡萄。不及以法蓮之採遺實也。上帝以米田二伯。阿立西邑。付於爾手。我之所爲。烏能相及。以法蓮人聞言。怒息。其田與從者三百人。至約但濟河。雖困憊已甚。仍追其敵。請於數割人曰。我追米田二王。西巴。

撒門拿從者已憊，請給以餅。數割伯曰：「西巴。」撒門拿爾豈能擒之，乃使我以餅給爾軍乎。其田曰：「如耶和華以西巴。」撒門拿付於我手，則我必取野棘置於打穀之具，以擊爾體。由此而往，至便奴利，亦如是以請。便奴利人答之：「一如數割人。」其田謂之曰：「我凱旋時，必毀此臺。」東方人之軍旅死者十有二萬，其如一萬五千。從西巴。撒門拿在迦谷宴然無懼。其田由挪巴約庇哈東，從居幕者之道，往擊其營。西巴。撒門拿奔，其田追之。擒米田二王，而敗其軍。約押子其田獲勝，自夏臘岡而歸，執數割人少者，詢之，使書數割伯與其長老之名，凡七十七人，遂至數割。語其人曰：「昔爾斥我，謂西巴。撒門拿我不能擒，不肯以餅餉我困憊之軍。今西巴。撒門拿在此，遂取數割長老，以野棘置於打穀之具而責之，毀便奴利之臺，殺其邑人。」問西巴。撒門拿曰：「爾在大泊所殺者，其人果何若乎。」曰：「其威儀俱似王子，髣髴乎爾。」曰：「是我同母兄弟也。」我指耶和華以誓，如昔爾未喪其命，則我今日亦不殺爾。諭長子益帖曰：「爾起殺之。」其子尚幼，畏懼不敢拔刃。西巴。撒門拿曰：「爾年既壯，力亦相稱，何不自起擊我。」其田遂起，殺西巴。撒門拿，奪其駝項，懸金形如月弦。○以色列族謂其田曰：「爾既救我，脫於米田人手，則爾與子孫治理我儕。」其田曰：「我不治爾，子孫亦不治爾。」治爾者乃耶和華也。敵人乃以寶馬利後裔，故有金環。其田謂民曰：「我求爾衆，以所得之鼻環給我。」曰：「固我所願。」遂布衣於地，各以所得鼻環擲於其中。除米田王所佩之金形如月弦所垂之耳環，所衣之赤衣及駝項之金索而外，其田所得之金環重八百五十兩，用之作公服，置於已邑阿弗拉。以色列族狗欲崇

事公服，陷其田與其家於坎阱，職由斯故。自是以後，米田人服於以色列族，不再振興其田。在日斯土息戰，歷四十年。約押子耶路巴力卽其田，居於宅第，娶妻甚衆，生子七十，有妾在示劍生子名亞庇米力。約押子其田壽高而逝，葬於父約押墓。在亞庇以泄族之阿弗拉。○其田旣沒，以色列族狗欲從諸巴力，以巴力比耳爲其上帝。以色列族不復憶念，救彼脫於四方敵人之上帝耶和華。亦不厚待耶路巴力卽其田家，不酬其恩。

第二十三章 耶路巴力子亞庇米力往於示劍，見母之兄弟及母之族黨，請問於示劍之衆。耶路巴力之七十子轄爾與一人轄爾孰善，亦當念我與爾乃骨肉之親。母之兄弟以此言告於示劍之衆，僉曰：斯乃我兄弟也。遂心向亞庇米力。巴力庇立殿故有金，遂取七十子之，使用此以結納遊蕩之徒，爲其僕從。亞庇米力往阿弗拉入父家，取其兄弟七十人，殺於一石上，皆耶路巴力子也。所遺者惟季子約坦而已，因其自匿也。示劍人與米羅一族咸集，立亞庇米力爲王，在示劍汎之橡下。約坦聞之，立于其哩心山巔，厲聲呼曰：示劍人尙聽我言，則上帝亦垂聽爾言。昔諸樹欲膏一樹，立之爲王，謂橄欖曰：汝其轄我。曰：我果可以製油，供於上帝，利及人民，豈能棄此以轄樹乎？諸樹謂無花菓曰：汝其轄我。曰：吾味甚甘，我果甚嘉，豈能捨此以轄樹乎？諸樹謂葡萄曰：汝其轄我。曰：我果可以製酒，以悅上帝，以娛人民，豈能棄此以轄樹乎？諸樹謂棘曰：汝其轄我。棘曰：如爾誠欲膏我，立我爲王，當藉我蔭爲蔽，不然，願火自棘出，燬利巴嫩之栢香木。今爾

立亞庇米力爲王。如爾作爲眞實無妄。善待耶路巴力與其家衆。酬其夙恩。則可喜悅。蓋我父爲爾戰鬪。冒死不顧。援爾出米田人手。惟爾今日攻擊其家。取其子七十人。殺於石上。立其婢之子亞庇米力爲示劍王。豈非爲爾兄弟之私乎。如爾今日所爲。待耶路巴力與其家衆。眞實無妄。則願爾以亞庇米力爲悅。亦願亞庇米力以爾爲悅。不然。願火自亞庇米力出。燬示劍人。與米羅族。亦願火自示劍人。及米羅族出。燬亞庇米力。約坦畏其兄亞庇米力。故奔至庇耳居焉。○亞庇米力統轄以色列族者三年。後上帝以生釁之心。置於亞庇米力及示劍人之衷。於是示劍人欺亞庇米力。昔亞庇米力殺其兄弟七十人。悉屬耶路巴力之子。助其虐者。示劍人焉。故殘忍之罪均歸之。示劍人使人伏於山巔。以伺亞庇米力。凡行其途者。亦被刼。或以告亞庇米力。以別子伽勒與其同儕。至於示劍。示劍人恃其強。往於田間。斂取葡萄。釀之。入其上帝之殿。頌美飲食。而詛亞庇米力。以別子伽勒曰。亞庇米力爲誰。示劍之主爲誰。曷爲事之。其父豈非耶路巴力乎。其督豈非西不乎。莫若事示劍父哈抹之族爲善。願斯民歸我掌握。我必除亞庇米力。又告亞庇米力曰。當益爾軍而出。邑長西不聞以別子伽勒言。則怒。私遣人至亞庇米力曰。以別子伽勒與其同儕。至示劍。從憊邑衆。欲攻擊爾。爾與從者。何不夜起。伏於田間。詰朝日出之時。爾當風興。攻其城垣。彼與從者。出攻爾衆。則見機而作。亞庇米力與從者夜起。分兵四隊。伏於示劍四周。以別子伽勒出。立於邑門。亞庇米力與從者。自伏處並起。伽勒見衆。謂西不曰。有人自山巔而至。西不曰。爾見山影。誤以爲人。

卽勒復曰有人自岡而下又有一隊自滿尼寧橡而至西不曰爾昔言亞庇米力爲誰曷爲事之至於今日爾之前言何在此非爾所蔑視者乎今可出而與之戰卽勒率示劍人出與亞庇米力戰亞庇米力敗之卽勒從者多被殺戮奔至邑門亞庇米力居亞魯馬西不逐卽勒與其同儕不容之居示劍明日民將往於田或以告亞庇米力亞庇米力令從者分爲三隊伏於田間待民出邑則起而攻之亞庇米力率其隊馳驟以前立於邑門其餘二隊攻田間之民而殺焉亞庇米力攻邑竟日而取殺其居民傾其城垣布之以鹽守示劍臺者聞此則入巴力上帝之衛所有以示劍臺之人已集一處告亞庇米力亞庇米力與其從者防撒們山執斧斫樹枝柯以肩負荷諭從者曰見我所爲爾其速效從者各斫枝柯從亞庇米力置於衛所縱火焚之於是守示劍臺諸男女俱死計一千人亞庇米力往提拜士建營而取之邑中有臺鞏固特甚邑民男女奔入登臺而閉其門亞庇米力至臺前攻之近於臺門欲焚以火有婦取磨石之上層擲於亞庇米力首破其頭顱亞庇米力速招持兵之士謂之曰恐人云我爲婦所戮汝其拔刃刺我士遂刺之而死以色列族見亞庇米力已死各歸其所如是亞庇米力逆父殺兄弟七十人上帝視其罪而報施焉示劍人之惡上帝亦報之耶路巴力子約坦之詛臨其上

第二十三章 亞庇米力後以薩迦人多多孫部亞子陀拉挺生居以法蓮山之沙蜜救以色列族爲士師於以色列族歷二十三年死而葬於沙蜜其後基列人睚耳爲士師於以

以色列族歷二十二年。有子三十，乘小驢三十，治邑三十，俱在基列地，名曰睚耳鄉里。迄於今日，其名尚存。睚耳死葬於迦門。

以色列族再行惡於耶和華前，奉事巴力亞大綠及叙利亞人、西頓人、摩押人、亞捫人、非利士人之上帝，棄耶和華而不服事。耶和華震怒，付之於非利士人及亞捫人手，彼暴虐挾制居基列約但東。亞摩哩人地之以色列族歷十八年。亞捫族亦渡約但，攻猶大，便雅憫以法蓮族。以色列族悚懼，籲耶和華曰：「舍我上帝，服事巴力，我實有罪。」耶和華諭以色列族曰：「我豈非拯爾於埃及人、亞摩哩人、亞捫人、非利士人者乎？昔西頓人、亞馬力人、馬雲人虐爾，爾籲時，我援爾於其手。汝乃棄我，事他上帝，故不復救爾。爾所簡之上帝，爾可籲之，使彼拯爾於難。」以色列族曰：「我已犯罪，任爾譴責，惟祈今日得救爲幸。」遂去他上帝，事耶和華。耶和華見以色列族困苦，則中心愀然。當時，亞捫族集，建營於基列；以色列族集，建營於米斯巴。基列民及其長相議曰：「誰先戰亞捫族，必爲基列民之牧。」

第十三章 昔基列狎妓，生耶弗大，甚英武。基列妻亦生子，嫡子既長，逐耶弗大，謂之曰：「汝乃賤者之子，不可嗣業於父家。」耶弗大避兄弟，居於奪地，游蕩之徒歸之，爲其僕從。他日，亞捫族與以色列族戰。基列長老往奪地，招耶弗大曰：「汝來爲我軍長，以攻亞捫族。」耶弗大曰：「汝非憾我，逐我於父家乎？今遭患難，乃相就耶。」基列長老曰：「我今就爾，請爾偕行，以攻亞捫族，而爲基列人長。」耶弗大曰：「如爾導我旋歸，使攻亞捫族，而耶和華。」

以之付於我手，則爾其以我爲長乎？曰：爾我間，耶和華爲證。我從爾言。耶弗大與基列長老偕行，述此言於米斯巴。耶和華前，民遂立之爲軍長。耶弗大遣使者至亞捫族，告其王曰：我與爾何與？爾至斯土，攻我曷故？亞捫族之王告其使者曰：以色列族出埃及時，奪我土地，自亞嫩至雅伯及約旦。今以斯土反我，則兵可罷。耶弗大復遣厥使，告亞捫族之王曰：耶弗大云：摩押與亞捫族之地，以色列族未嘗奪之。初，以色列族出埃及，經紅海，過曠野，至迦鐵，遣使告以東王曰：盍容我過爾境，以東王不允，復遣使至摩押王，告以是言，亦不允。故以色列族居於迦鐵，遂巡曠野，環以東摩押境，至摩押東隅，建營於亞嫩外，不入其國。蓋摩押以亞嫩爲界。以色列族遣使告都希實本之亞摩哩王，西宏曰：盍容我過爾境，以歸我土。西宏不許，乃集衆民，建營雅哈斯，與以色列族戰。以色列族之上帝耶和華，以西宏及其人民付於以色列族手，使之攻擊，據有其地，得亞摩哩境，自亞嫩至雅伯，自曠野至約旦。但是則使民得亞摩哩人之地者，乃以色列族之上帝耶和華也。爾豈能得斯土乎？爾之上帝基抹錫爾之地，爾可得之。我之上帝耶和華錫我之地，我亦得之。昔摩押王西撥子巴勒，未嘗攻以色列族，與之戰鬪，爾豈愈於彼乎？以色列族嘗居希實本，與其鄉里，亞羅耳與其鄉里，沿亞嫩諸邑，歷三百年。當此之時，爾何不拯其邑乎？乃我未嘗獲罪於爾，爾反攻我，殊悖於理。夫鞫人之是非者，耶和華也。今在以色列族亞捫族間，願彼折中之亞捫族王不聽使者所言。於是耶和華之神感耶弗大，使巡基列馬拿西二地，又巡基列之米斯巴，自此而往，至亞捫族。耶弗

大許願於耶和華前曰。如誠以亞捫一族付於我手。則當我凱旋之時。凡出我門以迓者。我必以彼燔而獻於耶和華。遂抵亞捫族攻之。耶和華付於其手。自亞羅耳至米匿及葡萄平原。共擊二十邑。大戮其衆。於是亞捫族咸服。耶弗大止育一女。別無所出。既至米斯巴。反其故家。來迓者惟此女。執鼗舞蹈而出。耶弗大見之。則裂衣曰。嗚呼我女。汝加禍於我。遺累於我。我許願於耶和華前。不能食言。曰。吾父與爾在耶和華前。既許其願。則可踐爾所言。蓋亞捫族爲爾敵。耶和華賜爾雪其忿怒。又謂其父曰。請呈一辭。既終身不字。請假我二月。偕我同儕登山哀哭。曰。去。遂遣之。以二月爲期。與其同儕爲終身不字之故。陟山哀哭。既盈二月。女乃旋歸。父循其所許之願。使不字而終。嗣後以色列族女子。每年必爲基列人耶弗大女哀哭四日。遵爲常例。

以法蓮人咸集。往北。謂耶弗大曰。爾往攻亞捫族。不招我偕往。曷故。我必燬爾及爾家室。耶弗大曰。我與我民與亞捫族有讐。曾來招爾。爾不我救。我見無援。故冒死不顧。往攻其族。而耶和華以之付於我手。迄於今日。爾反來攻。是誠何與。以法蓮人嘗曰。基列人自以法蓮族遁逃於外。處以法蓮馬拿西族間。故耶弗大集基列人與以法蓮人戰。攻擊其衆。以法蓮相對之所。有約但津。基列人據之。以法蓮人遁逃欲濟。基列人問曰。汝爲以法蓮人否。有言否者。則曰。試言示破列。如音不相符。而言西破列者。則津旁執而殺之。時以法蓮族死者四萬二千人。基列人耶弗大爲士師於以色列族。歷六年而沒。葬於基列邑。○其後伯利恒人益撒爲士師於以色列族。歷至七年。有子

三十女三十女皆適人子皆娶媳益撒死葬於伯利恒其後西布倫人以倫爲士師於以色列族歷至十年死而葬於西布倫之亞雅倫其後比喇頓人希列子押頓爲士師於以色列族歷至八年有子四十孫三十俱乘小驢七十押頓既沒葬於以法蓮地亞馬力山之比喇頓

以色列族再行惡於耶和華前耶和華付之於非利士人手歷四十年但之支派鎖喇人名馬挪亞其妻不妊故無出耶和華之使顯現於馬挪亞妻曰汝素不妊而無生育今可懷妊生子爾當謹恪清酒醇醪毋飲不潔之物毋食爾既懷妊生子薙髮之刀不加之首彼自生時必離世故奉事上帝極以色列族於非利士人手婦至告夫曰上帝有僕就我其容可畏髣髴上帝之使我問其何自彼不以名告我乃告我曰汝將懷妊生子清酒醇醪毋飲不潔之物毋食蓋爾子必離世故奉事上帝以畢其生馬挪亞祈於耶和華曰我主與上帝之僕爾適所遣者容之復至將生之子若何相待請其教我上帝允所祈婦坐於田使者就之夫不在側婦趨告夫曰昔就我者今復顯現馬挪亞起隨婦詣其人曰昔與婦言者果爾與曰是也馬挪亞曰願有效驗如爾所言我待斯子當循何例其所行若何耶和華之使者曰我昔所告婦當謹恪凡葡萄樹所產及清酒醇醪無飲不潔之物毋食我所諭者婦必恪守馬挪亞曰爾請少留待備羊羔而後去蓋馬挪亞不知其爲耶和華之使也使者謂馬挪亞曰爾雖欸留不食爾餅如爾欲奉燔祭必獻於耶和華馬挪亞曰請告我以名爾言有應我則尊爾耶和

華之使者曰：我名神妙不測，何詢之有？馬挪亞取羊羔禮物，陳於磐上，以獻耶和華。使者所行神妙不測，馬挪亞與其妻並見壇上之火焰，燄土騰，耶和華使者乘之而昇。馬挪亞與妻見此，俯伏於地。耶和華使者不復顯現於二人前。馬挪亞既知誠爲耶和華使者，則語其妻曰：我儕觀上帝，必致死亡。其妻曰：如耶和華意欲殺我，則所獻之燔祭禮物，必不悅納，亦不示我以此事。告我以斯言。婦生子，命名參孫。少長，耶和華錫嘏焉。

耶和華之神隨時感之，在馬哈尼但，卽鎖喇以實道間。

第四章

參孫往亭訥，見非利士人之女，反告父母曰：我在亭訥，見非利士人女，願爲

我娶之。父母曰：爾同儕同族中，豈無女子？非利士人未受割禮，何娶其女乎？參孫告父

曰：我悅斯女，請爲我聘。蓋是時，以色列族爲非利士人所轄，參孫父母不知斯事。由於

耶和華使參孫與非利士人生其釁隙。參孫與父母偕往亭訥，至葡萄園，有穉獅哮吼

以迎參孫，爲耶和華之神所感，雖不執器，亦剖獅腹，如剖羔羊，不以所行告其父母。遂

往偕婦談言，意甚悅之。越數日，復至，欲娶斯女，轉由途側，以觀獅尸。見羣蜂與蜜在其

中，乃取之，且行且食。至父母所，亦予之食，不以取蜜之故告。父詣女所，參孫循少者之

例，肆筵設席。人見參孫，則簡同儕三十人，以與之偕。參孫曰：容我以隱語相試。如宴間

七日，果能詳釋，我必取布三十端，衣三十襲，以饋於爾。浸假不能，爾必饋我，亦如此數。

僉曰：可。盍題隱語，使我聞之。曰：自食者出食，自強者出甜。同儕歷三日，不能解其意。越

至七日，謂參孫妻曰：可飮爾夫，使詳隱語。不然，我必燬爾及父家室。爾來邀我，非欲得

我所有乎。參孫妻哭於參孫前曰：汝惟憾我，絕不戀愛，爾以隱語試我同族，而不告我。曰：我未告父母，豈告爾乎？妻哭於前，歷宴之七日，既屆其期，因妻相迫，乃以隱語告妻，妻以告同族。七日，日未入時，邑人告之曰：孰甜於蜜？孰強於獅？參孫曰：如不用我犢而耕，則我之隱語曷由知乎？參孫感於耶和華之神，遂往亞實基倫，殺三十人，褫其衣，以給詳隱語者。參孫怒甚，反於父家，其妻爲同儔所取。

第十五章 厥後，麥秋至，參孫以羔羊饋妻，曰：吾將入室，與妻相見。妻之父不許，曰：我意爾憾之，故適爾同儔，其妹尤美，可娶以代。參孫自言曰：我今薄待非利士人，由彼自取，我無過焉。遂往，執狐三百，以尾相繫，置火炬於二尾間，火炬既燃，驅入非利士人禾稼，凡禾稼露積，以及葡萄橄欖，悉被燬。非利士人問曰：行此者誰？有曰：亭訥人之婿。參孫行此，因亭訥人以其妻歸於同儔故也。非利士人遂焚亭訥人與其女。參孫曰：爾雖行此，我必再報斯仇而後已。遂擊非利士人尸相枕藉，後往以淡巖穴居焉。○非利士人往建營於猶大，遍於利希。猶大人曰：曷來相攻？曰：我來欲縛參孫，以其所行，加乎其身。猶大人三千，往以淡巖穴，謂參孫曰：豈不知我爲非利士人所轄，爾之行此何與？曰：彼薄待我，我已報之。猶大人曰：我至，欲縛爾，付於非利士人手。參孫曰：與我誓約，爾莫擊我。曰：我不殺爾，惟縛爾付於其手。遂取新索二縛之，由巖而下。既至利希，非利士人歡呼以迎。時，參孫感於耶和華之神，臂所繫索，如經火之麻，脫於其手。參孫見有新骨，乃驢之頰，取之，殺人以千計，曰：以驢頰骨封尸成壘，我藉此骨，殺人盈千。既竟其詞，則擲

頰骨名其地曰拉末利希渴甚。籲耶和華曰：爾既大拯爾僕，豈容渴死，使陷於未受割禮者之手乎？上帝於利希裂其一罇，水泉湧出，飲之，精神頓復。名其處曰：隱哈歌利泉。在利希至今尚存。非利士人轄民之時，參孫爲士師於以色列族中，歷二十年。

第十三章 參孫往迦薩，見妓就之。或告迦薩人曰：參孫至此，乃竟夕環守，更伏邑門，默無聲息，自謂待至黎明，我必殺之。參孫既寢，中夜而興，取邑門與二櫬及鍵，以肩負荷，至於山巔。山在希伯崙相向之所。瑣烈谷之女，名大利拉，見愛於參孫。非利士人之伯就之曰：爾其誘之，察其大力何由而得，我如何可以獲勝，能束縛之，困苦相加，則我儕各以金給爾一千有百。大利拉謂參孫曰：爾之大力何由而得，人欲束縛爾，困苦爾，當用何術？參孫曰：如取樹之條七，鮮而未枯者，繫於我身，我卽荏弱，無異常人。非利士伯攆樹條七，鮮而未枯者，予女，女以縛之。當斯時，敵伏於室，女呼曰：參孫，非利士人攻爾。參孫遂斷樹條，與斷經火之麻縷無異。人莫知其力由何而得。大利拉謂參孫曰：爾何戲我，相欺實甚。今誠告我，何術可以縛爾？曰：如以未用之新索縛我，則我荏弱，無異常人。大利拉取新索縛之，呼曰：參孫，非利士人攻爾。時室中敵人伏焉。參孫卽斷手上之索，若斷一縷。大利拉謂參孫曰：爾戲言以欺我，越至於今。當誠告我，何術可以縛爾？曰：以髮七綰，與緯同織，則可。女如言而製，以釘釵髮，呼曰：參孫，非利士人攻爾。參孫卽寢，挈織器之釘及緯而去。女曰：爾之中心，不與我相合，而尙言眷愛我乎？爾欺我者三，不以爾之大力，何由而得告我。女日加促迫，參孫精神困憊，幾隣於死，盡以心所藏告曰：

我自生迄今，嘗離世故，奉事上帝，薙髮之刀，不加於首，如薙我髮，我力自廢，則荏弱無異常人。大利拉見其吐露衷懷，則遣人請非利士人伯至，曰：「今彼以心所藏盡告於我，請爾復至。」非利士人之伯至，攜金於手，女使參孫寢於懷，招人薙其髮七綰，遂加困苦，其力果廢。女呼曰：「參孫，非利士人攻爾。」卽寤曰：「我必脫此如昔。」而不知耶和華已遺棄之矣。非利士人遂執而抉其目，解至迦薩，繫以銅索，使旋磨於獄。旣薙之後，其髮再長。非利士人伯曰：「我之上帝，以我敵參孫付於我手，故集其衆，大獻祭品，奉事其上帝，厥名大公，自取歡悅。」民見參孫，則譽其上帝，曰：「彼乃我敵，曾敗我國，戮我民，今爲我上帝付於我手。」中心欣喜時，則曰：「盍召參孫，以供我玩。」遂召參孫，出之於獄，置兩柱間，使作戲劇。參孫謂相己之童曰：「容捫室柱，我欲倚之。」室中男女充斥，非利士人羣伯亦在，至於室上，亦有男女約三千人，觀參孫戲劇。參孫籲耶和華曰：「祈耶和華上帝垂念我，賜我力，惟此一次，因非利士人喪我明，我必速報斯仇。」參孫執室之兩柱，一以左手，一以右手，曰：「願與非利士人偕亡。」盡施己力，室遂傾圮，羣伯與衆民悉被壓。參孫死之日，所殺者較生時所戮者尤多。兄弟與全家盡至，檢取其尸，葬於父馬挪亞之墓，在鎖喇以實道間。參孫爲士師於以色列族者，歷二十年。

第十三章 有以法蓮山人名米迦，告其母曰：「我聞爾失金一千有百，因而咒詛，其金在此，我取之矣。」母曰：「願耶和華錫嘏吾子。」子以金一千有百反其母。母曰：「我爲子已獻金於耶和華，以鑄偶像，及彫刻之形，故仍反於爾。」子復以金反母，母取金二百，以與金工。

使鑄偶像及彫刻之形，置於米迦室。米迦有上帝殿，遂作公服偶像，簡其一子，任爲祭司。當時以色列族無王，各任意而行。○有利未族之少者，居猶大伯利恆邑，欲擇地而居，故離其邑，行於途間。道由以法蓮山米迦室。米迦曰：汝奚自？曰：我利未族人，自猶大伯利恆邑至，欲擇地以處者。米迦曰：盍偕我居，任祭司之職，尊猶我父，歲給十金衣服食物，我盡饋爾。利未人入室，悅與之居。米迦視少者若子，留之於室，任爲祭司。曰：茲有利未人爲祭司，我知耶和華必祐我。

當時以色列族無王，但之支派在以色列中，業未盡得，故求地爲業。於故土鎖喇以實道間，簡族中英武者五人，使窺察土地。告之曰：爾往窺地。旣至以法蓮山米迦室，則留宿焉。在米迦室，遇利未族少者，識其方言，入室問曰：誰導爾至此？在此何爲？何所得乎？曰：米迦使我爲祭司，給我以金，待我若此。曰：請詢於上帝，我所行可得坦途否？祭司曰：汝可安然以行，願耶和華導爾於途。五人遂往，至拉億，見其邑民與西頓無異，安居逸樂，無人侵擾，財用富裕，地離西頓甚遠，不與他人通聞問。五人歸於鎖喇以實道，以告同儕。同儕曰：爾意若何？曰：我見斯地土壤甚腴，盍往攻而得之，勿怠勿緩。其居民安逸，土壤廣闊，物產俱備，此上帝付之於我也。但族六百，各執器械，自鎖喇以實道而往，建營於猶大之基列耶林，稱其地曰：馬哈尼但。迄於今日，在基列耶林西，其名尙存。由此而往，至以法蓮山，近米迦室。昔窺拉億之五人，告其同儕曰：在此室有公服偶像，鑄金彫刻之形，爾知之乎？今當自思，如何以行。五人入米迦室，問安利未族之少

者。但族六百人各執器械立於門外。祭司亦與焉。其時窺地之五人入取公服。偶像鑄金彫刻之形。祭司問曰。爾將何爲。曰。緘口勿語。與我偕往。爲我祭司。尊同我父。爲一家之祭司。與爲以色列族一支派之祭司。孰善。祭司悅其言。取公服偶像。彫刻之形。雜於民中而行。衆遂遄征。使幼穉牲畜貨財先行。離米迦室已遠。米迦集鄰友。追及但族。呼於其後。但族顧米迦曰。爾率斯衆將欲何爲。曰。我所作之上帝像。所任之祭司。爾攜之去。不遺一物。反問我何爲耶。但族曰。毋揚爾聲。恐暴戾之人擊爾。爾與眷聚羣喪其命。米迦見彼強於已。則歸。但族往。攜米迦所作之像。與其祭司。至於拉億。見民安居逸樂。擊之以刃。燬其邑垣。拉億在伯哩合谷。離西頓甚遠。不與他人通聞問。故無援者。但族復建城邑。而居於彼。昔邑名拉億。今循厥祖以色列子但之名。易名曰但。但族立偶像。而馬拿西孫革順子約拿單與其子孫。爲但支派之司祭。迨民被虜。迨民被虜。句民字或曰法區。之日。而後已。上帝之室。時在示羅。但族立米迦所作之偶像。

時以色列族無王。有利未人旅以法蓮山麓。娶妾於猶大。伯利恆邑。妾不悅其夫。離之歸於父家。居彼四月。夫起。攜其僕。備二驢。至妾所。以甘言慰藉。欲攜之歸。妾導見父。父悅。留之三日。飲食而宿。越至四日。夙興欲往。妾之父謂其壻曰。取餅少許。補爾心力。而後遄征。二人遂坐飲食。妾之父謂之曰。請仍宿此。以悅爾心。利未人起欲往。妾之父止之。而復宿焉。越至五日。夙興欲往。妾之父曰。請復補爾心力。遂俱留之。至日已昃。而偕食焉。利未人與妾及僕。起欲歸。妾之父謂之曰。今將薄暮。日已昃矣。請留宿。

此安爾心。明晨夙興，歸幕可也。利未人不允，乃攜其妾，挈其二驢，備駕而往。至耶布士相向之所，耶布士卽耶路撒冷。近耶布士時，日已暮矣。僕謂主曰：「請入耶布士人之邑而宿。」主曰：「此邑屬於外人，非屬以色列族者，不可入。至其庇亞可也。」又曰：「有其庇亞有拉馬於二者中，可簡其一而宿。」遂往前途。近便雅憫族之其庇亞時，日已入。至其庇亞欲宿，入邑坐於衢，無人晉接於室，而留其宿。既夕，有老者自田耕作而歸，彼生於以法蓮山，旅於其庇亞。邑中之民則盡屬便雅憫族。見旅人於衢，遂問曰：「爾往於何所？」來自何方？曰：「我旅以法蓮山麓，近往猶大伯利恆邑。今自彼復歸以法蓮山麓。耶和華之室，無人接我於家。我與妾及僕，有餅及酒，驢有芻蕘，無所缺乏。老者曰：『安爾心，爾所缺乏，我爲爾備。』毋宿於衢，遂攜入室，以芻蕘給驢，使人濯足，供其飲食。中心歡樂時，邑之匪類環室叩門，謂家主曰：『有丁男入爾室者，出之以遂我所欲。』家主出謂之曰：『斯人旣宿我舍，請兄弟毋行斯惡，勿妄作爲。』我有處女及客之妾，我俱出之。爾欲凌辱，任爾所爲，惟與斯人勿加狎侮。衆不聽，客強出其妾，衆與淫合，永夕戲侮，待及黎明始釋。黎明，妾至其夫所寓之室，仆於門外。東方遂明，其夫夙興，啟門而出，欲卽遄征。見妾仆於門外，手在門闕，謂之曰：『盍起偕往。』妾無所答，乃置尸於驢，啟行而歸。旣至其家，取刀剖妾肢，解其骨，分爲十二，遣使遍告於以色列族四境。見之者曰：『自以色列族出埃及以來，未見有若此者，自宜斟酌如何以處。』

第二十章 以色列會衆羣集，自但至別是巴，與基列地之民，皆至米斯巴，咸懷一心，立

於耶和華前。上帝民會，卽以色列支派及其族長咸至，核其軍旅，計四十萬。其事爲便雅憫族所聞。以色列族詢斯惡之原委，死妾之夫利未人對曰：我與妾至便雅憫之其庇亞，止宿於彼。迨夕，其庇亞人攻我，環繞於室，羣欲殺我，遂辱我妾，致之於死。以色列族中既有此惡俗穢行，故我剖妾之尸，遣使遍告於以色列族四境。惟爾有衆，在以色列族中斟酌，當如何以處。衆懷一心曰：我不歸故幕故家，惟掣鐻攻其庇亞。在以色列支派中，百取十，千取百，萬取千，使備餼糧，待我儕至，便雅憫之其庇亞，彼於以色列族中所作之穢行，我特報施焉。如此，以色列族咸懷一心，集攻斯邑，遣人遍告於便雅憫支派曰：爾中所行者何惡？今以其庇亞之匪類付於我手，俾我戮之，而除以色列族中之惡。便雅憫族不從同儕以色列之言，乃集各邑之衆，至其庇亞，欲與以色列族戰。便雅憫族軍旅計二萬六千人，其外有其庇亞簡練之卒，計七百。軍中有簡卒七百，惟用左手，較爲便捷，能繫石於繩，飛擊敵衆，不爽毫釐。除便雅憫而外，以色列族之持兵善戰者，計四十萬，俱至伯特利，問於上帝曰：我中誰可先攻便雅憫族？耶和華曰：猶大可先往。以色列族夙興，建營攻其庇亞。列陳於其庇亞前，欲與便雅憫族戰。便雅憫族自其庇亞出，戮以色列衆，計二萬二千人。以色列族哭於耶和華前，至於薄暮，問於耶和華曰：我當再往，攻我同儕便雅憫族與否？曰：可往攻之。以色列族強厥志，陳列行伍，仍於前日列陳之所，以攻便雅憫族。便雅憫自其庇亞出，以色列族軍旅復爲所戮，計一萬八千人。以色列族億兆，至於伯特利哭泣，坐於耶和華前禁食，待及薄暮，以燔祭酬

恩祭獻於耶和華。當時上帝之約置在彼亞倫孫以利亞撒子非尼哈立於其前。以色列族問於耶和華曰：「我儕復攻同儕便雅憫族，或往乎？或止乎？」耶和華曰：「往哉！明日我將以之付於爾手。」以色列族使伏兵環其庇亞。越至三日，以色列族往攻便雅憫族，仍於其庇亞前陳列行伍。便雅憫族出，攻擊以色列衆，遠離其邑，至通衢二。一詣伯特利，一詣田間之其庇亞，仍殺以色列族約三十人。自謂其族敗北如故，惟以色列族佯爲逃遁，欲誘之離邑。至於通衢時，以色列族離其所，列陳於巴力大馬，伏者盡出，自其庇亞平原而來。以色列族簡卒一萬，攻其庇亞。彼此鏖戰，然便雅憫族不知禍已近矣。是日，耶和華助以色列族，擊便雅憫族，殺其軍旅計二萬五千一百人。於是便雅憫族爲以色列族所敗。初，以色列族恃其庇亞之旁，預有伏兵，故暫避之。所伏之衆馳驟而出，整列行伍，攻其庇亞，擊之以刃。以色列族與伏兵，以邑中烟焰土騰爲約。以色列族初戰時，稍卻。便雅憫族自謂以色列族爲已所敗，亦猶前日，故殺以色列族約三十人。忽邑中烟焰驟起，其狀如柱。便雅憫族回顧，邑中火焰土騰。以色列族旋轅之時，便雅憫族見禍已逼，恐懼特甚。於以色列族前全軍敗績，望野而遁。以色列族追及之，四周之民各自邑出，夾而攻之，盡殺其衆。龔便雅憫族環其四周，在其庇亞相向，日出之處，蹂躪其民，甚爲易事。便雅憫族軍旅一萬八千人，悉殲於彼。其餘反旆奔野，至臨門磐，尙在通衢。見殺者五千人，追至其頓，又殺二千人。是日，便雅憫族之持兵善戰者死亡二萬五千人。六百人不由通衢遁逃於野，至臨門磐，居彼四月。以色列族又攻便雅憫，刃

擊邑衆，及凡所遇，與其牲畜，縱火燬其諸邑。

以色列族在米斯巴曾誓曰：我族之女，勿妻便雅憫族。民至伯特利，舉聲號哭於上帝前，迨及薄暮，曰：以色列族之上帝耶和華與焉。有此事，以色列族中之支派，今日幾絕其一。詰朝，民夙興，築壇獻燔祭，及酬恩祭。以色列族曾發誓，言凡不至米斯巴詣耶和華前者，必殺毋赦。故相問曰：以色列支派中，孰不至耶和華會。以色列族因其同儕便雅憫族，潛有悔心，曰：今日以色列族中之支派，幾絕其一。其所子遺，欲妻以女，若何而可。蓋我曾指耶和華而誓，不以我女嫁彼。又曰：以色列支派中，孰不至米斯巴詣耶和華前乎。核數其民，乃知基列之雅正，不至營壘，入於會中。會衆遣英武之士一萬二千，曰：往哉，勿擊基列之雅正，殺其衆民，戮其妻孥，諸丁男及與人同寢諸婦，當殲滅焉。在基列之雅正遇處子四百，未與人同寢者，攜至迦南地，示羅營。會衆遣人至臨門磐，告於便雅憫族，仍修和好。便雅憫族就其同儕，同儕在基列之雅正，所生全之女子，給之爲妻，尙爲不足。以色列族支派之一，幾爲耶和華所絕。民因便雅憫族有悔心，會之長老曰：便雅憫族之女既滅，則其遺民欲行婚娶奈何。又曰：便雅憫遺民，必有室家，免以色列族之支派，見絕其一。我儕以色列族曾發誓，言以女妻便雅憫人者，必見詛，故不可以女妻之。又曰：近示羅在利波拿南，伯特利北，自伯特利往示劍道之東，歲有節禮，奉事耶和華，故使便雅憫族曰：往哉，伏於葡萄園，見示羅之女出而舞蹈，則由園中出，各執其女，而歸便雅憫。其父兄就我以告，我必曰：請爾施恩於衆，昔戰

鬪之時。我不遺女爲其妻。今彼得女。非爾所與。故爾無辜。便雅憫族如言以行。循其人
數。執舞蹈之女爲妻。歸其故業。復建邑垣。而居其中。以色列人各歸故族故家。復其本
業。當時。在以色列族無王。各任意而行。

路得記

第一章 當士師治以色列族時，歲饑，猶大之伯利恒人，攜妻及二子，往摩押地居焉。其人名以利米力，妻名拿阿米，二子名馬倫基連，俱自猶大伯利恒之以法大往摩押而居。以利米力死，遺拿阿米與其二子。二子娶摩押女，一名阿巴，一名路得，居彼十年。後馬倫基連亦死，遺拿阿米無夫無子。在摩押聞耶和華垂顧其民，賜之以糧，則攜二媳，欲自摩押歸，婦離其所欲歸猶大，二媳從焉。拿阿米告二媳曰：爾待逝者，與我甚厚，願耶和華亦厚待爾曹，盍歸母家，再嫁之時，願耶和華賜爾安處。拿阿米吻之，二媳大聲號泣。曰：爾歸故國，我與爾偕。拿阿米曰：吾女盍歸，與我偕，亦何裨？我豈能再生子，爲爾夫乎？我女盍歸，我年已邁，不再適人，如我茲夜，尙望有夫，猶能誕育。爾豈可待其長，而不嫁他人乎？我女毋若是，我與爾較，更爲艱苦，蓋耶和華降以禍災。二媳復大聲號泣。阿巴吻其姑而別，路得恆從之。拿阿米曰：爾之妯娌已歸故國，奉其上帝，汝盍同歸。路得曰：勿使我離爾，不與爾偕，汝所往，我亦往，汝所居，我亦居，汝民亦爲我民，汝上帝亦爲我上帝，汝所沒之處，我亦死於彼，葬於彼，我惟至死，則可相離，我不若是。願耶和華降罰拿阿米，見路得已堅厥志，欲與之偕，則止而不勸。二人往伯利恒，既至，闔城聳動，曰：此非拿阿米乎？曰：毋稱我拿阿米，乃稱我馬喇。拿阿米譯即樂馬喇譯即苦蓋至能者，困苦我也。我富足而出，耶和華使我匱乏而歸，至能之耶和華，既責我害我，曷稱我拿阿米哉？拿阿米攜摩押女路得，自摩押歸伯利恒，時值薺麥始稔。

第三章 拿阿米之夫以利米力其家有戚屬名波士素富厚。○摩押女路得謂拿阿米曰容我適田或蒙人恩拾所遺穗。曰我女往哉遂往於田從穫者後而拾所遺不意至以利米力戚屬波士田波士自伯利恒至謂穫者曰願耶和華祐爾對曰願耶和華錫嘏於爾波士問穫者之長曰此誰氏女乎穫者之長曰此摩押女與拿阿米自摩押偕來者其請我相容從穫者後在禾束間以拾所遺自朝迄今在田茲暫處於廬波士謂路得曰我女請聽欲拾所遺勿往他田恆從我衆女觀人穫於何所卽從其後我命少者毋犯爾渴時則往至器所飲少者所汲婦俯伏於地曰我乃異邦人何蒙爾恩得爾垂顧波士曰自夫沒後爾善待姑離父母故土至所未識之國一切之事有人告我爾至此爲以色列族之上帝耶和華所覆翼願耶和華報施爾大賚爾曰願蒙主恩我雖不如爾衆婢爾嘗以善言慰藉波士曰食時爾來食餅濡所擘者於鹽婦坐於穫者之側波士予以烘穀婦食果腹而懷其餘起以拾遺波士命其少者曰容之在禾束中拾穗毋叱之爾手所握之禾少抽數莖故遺於地容拾毋叱路得在田拾遺至於薄暮後穫所拾得麴麥六斗入邑以所拾示姑亦以果腹所餘者出而進於姑姑問曰爾今日拾遺何處工作何方願顧汝者得福祉媳示厥姑曰今日我工作於波士田拿阿米曰彼施恩於存者亦不遺亡者願耶和華錫嘏焉又曰彼與我爲戚屬得贖我產者此其一也摩押婦路得曰彼使我恆從其少者迨及刈盡拿阿米曰我女與寧從其衆女勿往他田於是路得從波士衆女拾遺迨麴麥及小麥刈盡仍與姑居

拿阿米謂其媳曰。我女與我當爲爾求安處之所。使爾納福。昔爾從波士衆女。波士爲我戚屬。今日薄暮在場。簸揚麴麥。爾宜浴身。沃膏衣衣。往於麥場。彼飲食時。毋使其知爾在焉。迨彼偃臥。爾觀其處。後入啟其足。而臥其側。彼將告爾以所當行。曰。願遵爾命。遂往麥場。遵姑所言。波士飲食歡悅。臥於積麥之旁。婦乃竊至。啟其足。而臥其側。中夜波士反側。知有婦臥於旁。則懼。曰。爾爲誰。曰。爾婢路得。請以裾覆我。蓋爾戚屬。得贖我產。曰。吾女與。願耶和華錫嘏於爾。爾於少者。無論貧富。俱不相從。爾之待人較前愈厚。我女毋懼。舉邑皆知汝乃淑女。我必從爾所欲。我誠戚屬。得贖爾產。更有一人較我愈親。今夜宿此。迨至詰朝。如彼欲贖爾產。則可。不然。我指耶和華以誓。我必爲爾贖之。宿此待旦可也。遂臥於側。迨及昧爽。未能辨色之時。卽起。波士曰。毋以爾入場告人。又曰。以所衣之外衣承之。旣承。則量麴麥六斗。使負入邑。旣至。姑謂之曰。我女與。爾所爲若何。婦以實告。又曰。其人不許我徒手而來。歸見我姑。故給麴麥六斗。姑曰。我女坐此。以觀其事若何。蓋斯人於今日。事苟不成。必不中止。

波士赴邑門而坐。見所言之戚屬過焉。呼其名曰。來。請坐於此。卽坐。乃簡邑之長老十人。請之偕坐。語戚屬曰。由摩押而歸之拿阿米。欲鬻我同儕以利米力田。我意當告爾。使爾於邑人。長老前購之。所當贖者。惟爾一人。爾外惟我。如爾欲贖之。則贖。不然。明以相告。其人曰。我將贖焉。波士曰。爾欲購田。必購於拿阿米。亦必娶死者之遺婦。摩押女路得。育嗣而承業。以繼死者之名。戚屬曰。我不能贖。恐我之業。反有所害。爾贖

可也。昔在以色列族有常例。凡欲贖物易物者。必解其履。以予同儕。則在族中爲據。故戚屬謂波士曰。汝其購之。則解其履。波士告長老與衆曰。以利米力及基連馬倫之業。我今日購於拿阿米。汝衆爲證。更得馬倫妻摩押女路得爲妻。育嗣承業。繼死者之名。使其名不絕於同儕故土中。汝衆爲證。邑門長老與衆俱曰。我儕爲證。昔拉結利亞傳嗣於以色列族。願耶和華使適爾家之婦亦若是。亦願爾於以法大得其財貨。於伯利恆播其聲名。昔大馬從猶大生法勒士。以立其家。願耶和華使此婦生子。成立爾家。亦若是。波士娶路得。遂成伉儷。耶和華賜之懷妊生子。衆婦謂拿阿米曰。當頌美耶和華。今日不遺爾。使爾後裔得名於以色列族。爾媳愛爾。較七子尤善。今已生子。爾皓然白首。爲其供養。使爾精神強健。拿阿米取子。懷之猶母。隣婦命名曰。拿阿米得子矣。故稱其名阿伯。嗣後阿伯生耶西。耶西生大闢。法勒士之裔胄。臚列如左。法勒士生以士崙。以士崙生亞蘭。亞蘭生亞米拿達。亞米拿達生拿順。拿順生撒門。撒門生波士。波士生阿伯。阿伯生耶西。耶西生大闢。



18
7
1

LIBRARY

OF THE

Theological Seminary,
PRINCETON, N. J.

Case

SCC

Division

B

Shelf

8755

Section

4-B

Book

v. 1

No.

en. 1. 1